




❧ A ❧





184




QVÆSTIO-
NES SEX, TOTI-
DEM PRÆLECTIO-
NIBVS, IN SCHOLA
THEOLOGICA, OXONIÆ,
PRO FORMA, HABITIS,
DISCVSSAE, ET
DISCEPTAE.

ANNO. 1597.

IN QVIBVS, E SACRA SCRIP-
TVRA, ET PATRIBVS AN-
tiquissimis, quid statuendum
sit, definitur:

PER GEORGIVM ABBATEM
tunc Collegij Baliolensis
socium.

Johan. 9. 4. *Veni nox quum nemo potest operari.*
Gregor. Nazianz. Orat. 21. *Minimam ex eorum sin-*
numero, qui pro veritate decertant, & in homi-
nam offensionem incurrunt.




OXONIÆ,
Ex Officina JOSEPHI BARNESII Typo-
graphica. M. D. XCVIII.

QVAVES TIO
NES SEX, TOTI
DEM PRELECTIO
NIBVS, IN SCHOLA
THEOLOGICA, OXONIE,
PRO FORMA, HABITIS
DISCVSAB, ET
DISCEPTE

[Faint, illegible markings]



John. 2. 4. I will not drink wine of this sort.



By Official Joseph D. Barnhart, Typo-
grapher. M. D. XCVIII.



HONORATISSIMO VIRO,
D. THOMÆ SACKVILLO, BARONI
Buckhurstio, Auræ Periscelidis Equiti, Sere-
nissimæ Regiæ Majestati à Secretioribus
Consilijs, & Academia Oxoniensis
Cancellario Amplissimo. S.

*



VM apud meipsum sæpè se-
rioq; recolam, quāta, ego mi-
nimus certè, & postremus fa-
mulorum Dei, quibus, quan-
tilq; debeam, Ecclesiæ omnia,
Academia multa, tibi verò
Vir Illustrissime, (post Princi-
pem, parentesq;) ex omni hu-
mano genere, plurima; vehementer cupio, aliquam
jam tandem inire rationem, quā testatum faciam,
me gratā saltem recordatione hæc omnia comple-
cti; quando, parem pro tantis meritis reddendo gra-
tiam, solvendo satis esse nunquā possim. Occur-
rit verò nihil apud tenuitatem meam accommo-
datus, quo observantiam, affectumque palam
contestarer, quā Primitias istas studij, laborisque
mei, eorum potissimum conspectui commendare,

EPISTOLA

quibus ego me sentio cum primis obligatum; sicquē,
 unā velut operā, multiplicis officij commemoratio-
 nem, quantā maximā queam gratitudine, signifi-
 care. Nec in offensionem cujusquam non iniqui
 rerum æstimatoris, consilium istud meum incurre-
 re posse, cogito; dum quæ disjuncta videantur, Ec-
 clesia, Academia, Insignissimus Heros, ad unum,
 adeoque levidense munus conjungenda advocem;
 cum & Illa Filium, & Ista Patrem Teipsum agnos-
 cat; & utramque, Illam scilicet, tanquam Christi
 sponsam in terris exulantem, Istam, tanquam al-
 terum nostræ Angliæ oculi, tuo lumine quasi side-
 re nobiliore collustratum, in amore non modo, sed
 & in delicijs habeas. Nihil ideo sum veritus, tria,
 tam arctè convenientia, conspirantia tam intimè,
 in unum committere: Verum potius & ruborem,
 & timorem aliud incutit, ita pusillum nempè illud
 esse, quod Ternioni tam illustri dicandum, & con-
 secrandum venit. Tria enim tanta, taliaquē, meri-
 to, suoque jure id poterunt vindicare, quicquid de-
 mum ingenio sit acutissimum, limatissimum judicio,
 sermone politissimum, eruditione accuratum, indu-
 striā elaboratum maximè: Cujus generis nihil, in O-
 pusculo præsentī, vel spōdere novit Author, vel Le-
 ctor reperiet.

Quando tamen animadverto, quā rari sint, qui
 vel olim, vel erudito hoc seculo, isthæc de Menda-
 cio, de Baptismo Laicorum, de Præsentia in cultu
 Idololatriæ, de Fugā in Pestiferā ingruente tempe-
 state, (ut de reliquis nihil addam) fusiùs, solidiusque
 pertractārint; & perpendo itidem, quā celebrem,
 frequentemque, in humanā & communi vitā, ho-

rum

DEDICATORIA.

rum cognitio usum habeat; Ego, qui neutiquam ad inanem speculationem, aut contemplationem scientem magis, quàm scientiâ fruentem, quin ad temporum potius necessitatem, & fidelium commoditatem, mea omnia dirigenda existimavi; ut in apertum tandem Solis, hominumquê conspectum, Lectiones istæ, & superioris anni Lucubrationes emergant, prorsus penitusquê non abhorreo. Etenim, apud animum non despero meum, posse illud Dei miserentis auxilio, facillimè contingere, ut aliquorum utique vel rudiorum, vel infirmiorum bono, hæc legantur Miscellanea; & una, alteravé saltem miserima animula, nunc Antichristianis, Pontificiisque laqueis infelicitè irretita, in libertatē Christianam, manu-missa demum, vinculisquê soluta evolet. Aut si eousque nequaquam sum profecturus, non diffidam tamen, levia isthæc tanquam pugnae velitaris cœpta, valentioribus Jesu Christi Antesignanis Ducibus, stimulum, calcatquê admotura, ut pro præstanti suo robore, conspicua quædam, & ipsa luce digna, quandoque conscribant. Et Theologo exercitato non est difficile, in hoc genere aliquid edere; quando variæ, perplexæquê, quæ in orbis Oceano degentibus incumbunt, premuntquê, occupationes, justum fortassis, integrumquê scribere volumen non patiantur. Una verò quaestio, cum judicio disceptata, solutaquê ut oportet; unus est difficilioribus Scripturæ locis in communem hominum sermonem, praximquê incurrentibus, solidè explicatus, innumeros, qui quotidie occurrunt, scrupulos, ex imbecillis fluctuantium, & vacillantium animis solet evellere, & eximere. Illud ego præcipue

EPISTOLA

præcipue cum cupierim, (num assecutus sim, nescio:) & devios eo revocare modo, labantes confirmare, lapsos erigere, sit Christi sponsæ pro virili inservire, Ecclesiam in partem laborum meorum compellendam arbitrabar. Et quandoquidem in istis sudare, Academia multò maxime inter sit, Nostræ præsertim, (Cujus tam celebre ubique nomen est, cujus tanta laus, ob emissos, & continuo emitendos in vineam Domini, operarios pios, prudentes, eruditos, exquisitis undiquaque dotibus ex cultos & refertos) ingratus essem, si sanctissimam illius apud me memoriâ lubens non conservarem. Eoque magis, quò plura amoris gratiæque suæ, tum à Rectoribus Ipsius venerandis, observandis mihi plurimum, tum à reliquorum Ordinum charissimis mihi fratribus, copiose affatimque testimonia reportaverim.

Tibi verò vir Amplissime, apud nos nunquam laudate satis, quòd ista deferam, duo me potissimum commoverunt: alterum ex Academiae nostræ parte, alterum ex meâ. Siquidem cum in tuo Doctorum gymnasio, hæc, quæcunque tandem sint, congesta, pronunciata, divulgata fuerint; cui prius nuncupanda & consecranda sunt, quàm tibi, cujus summam & singularem versus nos omnes, ut alumnos, versus ipsam Academiam, ut dilectissimam tibi conjugem, humanitatem, facilitatem, honorificam industriam, nescio an commemoremus potius, vel admiremur magis? Beati sumus, qui misero isto seculo, & in ruinam jam nutante, Musarum Oxoniensium, sub Principe Serenissimâ, Phœnice orbis unicâ, non tam Patronum, quàm Patrem nacti sumus;

DEDICATORIA.

sumus; qui ut incredibili iudicio, eruditione multum eximia, nobis splendide praeluces, sic animo in nos fovendos, nostraque nimis frequenter controversa Jura, tuenda, tutandaque propensissimo, tantam apud singulos promereri gloriam, ut nemo uspiam felicior, nemo unquam amplius. Dato veniam Vir Præstantissime, si nostri omnium nomine, quas prudens quilibet habendas censeret cumulare, agam gratias: petamque humillimè, ut iisdem, quibus ambulas, Religionis, pietatis, amoris erga nos vestigiis perpetuò pergas.

Et meipsum dum cogitem, debitæ piæque gratitudinis, multiplex mihi seges oblata est; ut quaecunque possem ratione testatum faciam, mea omnia Tuæ inprimis Amplitudini, referenda verè, & tribuenda esse. Etenim, qui tam egregio me immeritum per plures annos complexus es favore; nuper autè non sedulà magis, quàm auspicatà operà, in pusillum hoc, ubi dego, musarum domiciliū, trāscripsisti, (tuum enim est, quicquid illud est) mihi plurimis nominibus, colendus, honorandus, celebrandus restas. Utinam in officij recordationem sacratissimam, & penum meo literario proferre possem, quod vel cuius gratum esset oculis, vel animo & desiderio responderet meo. Sperabam nihilominus præcellentem tuam Benignitatem (donec locupletius aliquid adduxerò) ista jam typis mandata non aspernaturam, quæ, calamo tantum rudiore descripta, versare, legereque, inter tanta Regni & Reip. negotia, dignata est uà pudem libentissimè. Recognosce tandem precor, & in tuum patrocinium, ut Authorem, sic Opusculum, sereno vultu accipe.

¶ ¶

Ego

EPISTOLA DEDICATORIA.

Ego me felicem præclarè duxero, si, quem primum dedit Deus partum, filiolum, & unicum, tua velit Amplitudo è fonte levare.

Summus Deus Te, & Tuos, omni cumulet beatitudine spirituali & cœlesti, & prolixam donans vitam, Te beatissimæ Principi Consiliarium fidum, Reip. columnam stabilem, Academiae Patronum amantissimum, mihi Mæcenatem honorificum, incolumem diutissimè custodiat. E Collegio universitatis. Maij. 16. 1598.

Honori Tuo deditissimus

GEORGIUS ABBA.

Hoc



Hoc opere continentur.

Præfatio ad Lectorem. Fol. 1.

Cap. I. De Mendacio. 23.

II. De Circumcisione, & Baptismo.
79.

III. De Astrologiâ. 109.

*IIII. De Præfentiâ in cultu Idolo-
latrico.* 139.


*V. De Fugâ in Persecutione, &
Peste.* 169.

VI. An Deus sit Author Peccati?
197.

¶¶ 2

CHRI.





Hoc opus continetur.

Præfatio ad Lectorem. Fol. 1.

Cap. I. De Mandatis. 23.

II. De Circumcisione & Baptismo. 79.

III. De Astrologia. 109.

III. De Præsentia in cultu Idolis. 139.

IV. De Fugâ in Persecutione, & latro. 169.

V. De Fugâ in Persecutione, & latro. 197.

VI. An Deus sit Author Peccatorum. 197.

197.

CHRISTO





CHRISTIANO LECTORI S.



Uum superiori anno, ex A-
cademiæ nostræ prudentissi-
mis institutis, & officij mei
ratione, aut Paulina mihi ali-
qua publicè legenda esset E-
pistola, aut habēde alię prę-
lectiones sex; utilius ego
multò et fructuosius judica-
vi, vel pauca copiose & dilucidè explicare, quàm
multa summatim tetigisse, aut rapidius festinātiusq;
transcurrisse. Quamvis etenim breviuscula illa ex-
planatio scripturarum, antiquioribus Ecclesię tem-
poribus satis familiaris fuerit, ut ex Scholijs Basi-
lij Magni in Psalmos Davidicos facillimum est vi-
dere; & ejus etiam usus, fructusque non mediocri
apud nos hodiè esse possit, dum universæ alicujus
Epistolæ scopus & materia, in arcum, methodo
tamen & divisione accuratā, compingatur; & ipsi
rerum uberiorum fontes linguā potius quàm digi-
to signentur, è quibus tanquam vivā cum scaturi-
gine emergentibus, & exhauriri queant aquę, qui-
bus omnis Dei hortus & irrigetur, & recreetur: ta-
men, cum procelloso nostro turbidq; seculo, con-
venire rectius existimavi, vacillantia hominū judi-
cia confirmare, & in rebus vel ad fidem vel ad mo-

res pertinentibus, controversis apud aliquos, definite & aperte aliquid pronunciare. Cui quidem sententiæ jam abhinc diu apud me receptæ, illud etiam pondus roburq; addidit, quod salutaribus Evangelij principiis, & elementis fidei ad populum explicandis, suggesta, pulpitaq; subservire soleant, cum concertationes & digladiationes, circa res divinas, exortas, Theologorum scholæ & Academię multo potius, suo quasi iure sibi vendicent. Seligebam igitur, partim impulsu meo, aliorum partim hortatu, quæstiones sex, (in quibus tanquam in curriculo me exercere) quas neq; meâ operâ indignas, nec ætati in quâ degimus ineptas & importunas autumavi. Verè etenim profiteri licet, in illis arenam offerri, in quâ lectionis & iudicii non dico mei, sed cuiuspiam Theologi periculum fiat, cum causa sit multiplex, & non paucis difficultatibus involuta: immo undiq; sit præjudicium, undiq; præcipitium. Et ut intempestiva non sit nostra disputatio, facit orbis undique defenda iniquitas & vitia, tam varia lateque nunc diffusa, ut nullus ferè terrarum locus sit, in quo medela, aut opinionibus & conscientijs, aut consuetudinibus hominum afferenda non sit. Et non minima malorum aut scrupulorum hodiernorum pars in istis quę nostro Sermone expediuntur, hæret, dum hinc mendaciorum frequens & infamis usus veraces perturbet; illinc de Baptismo conceptæ superstitiones conscientias affligant: alicubi ab Astrologorum decretis, velut ab Oraculis pendeatur; alibi quid in idolorum templis adeundis vel non adeundis agendum sit, nesciatur: hinc, num grassante vel persecu-

persecutione vel peste, fugiendum sit, aut operiendum, dubitetur; illic, quo pacto Deus in malis operetur, ut ne agat mala, ambigatur. Quæ quidem omnia ut diversa sunt, neque ulla serie inter se coheræntia; ita minus audienti aut legenti fastidium parient, cum è maxima varietate, minima soleat nausea suboriri: & rari, meo iudicio, futuri sint, quibus in unâ aut alterâ quæstione expendendâ, horulam impendisse dolebit. Et alicui fortassis accendetur animus, dum nostra audiat, in simili argumento progredi, aut ea fusiùs explicare, quæ angustius & contractius pertractandi, scholarum nostrarum consuetudo necessitatem imposuit. Pauca etenim sunt, quæ distinctè, & ut decet, unicâ, quovis die, expediri poterint horâ. Ubi tamen prout potui, & conatibus meis benedixit Jehova misericors pater, hæc omnia absolvissim, nihil amplius factitandum existimavi, quàm ut in reliquo & consueto studiorum meorum curriculo progrederer, istis penitus missis factis, quæ polito limatoque nostri seculi iudicio non responderent. Verùm cum importuna nonnullorum vota sæpiùs accederent, qui satis pertinaciter precibus contenderunt, ut sui instruendi & satisfaciendi gratiâ, mearum observationum exemplar, ad minus vellem porrigere, & communicando impertire, post longam deliberationem, è consilio etiam eorum, qui autoritate plurimum apud me pollere debent, consultius iudicavi, & petentibus & non petentibus morem gerere, in apertum hominum conspectum qualiacunque sint emittendo. Prout igitur anno novissimo, astantium auribus oblata pervenerunt, ita nunc o-

culis repræsentato, mutatis adjectivè vel nullis vel paucissimis, præterquàm eo unico, de Romanensium novo dogmate, cujus primo Capite jam mentio facta est. Et illud, quoniam cum argumento tam optimè quadret meo, non duxi omittendum, licèt ejus magna pars intra annum acta gesta que sit. Reliqua integra prodeunt, de quibus tamen omnibus ista præmittenda atque præmonienda censui.

Cap. I:

Apud hominum genus, nihil facilius, nihil crebrius reperitur, quàm fingendo & comminiscendo veritati contraires. Insinuat sese puerulo iam balbutienti, mendaciorum pater Dæmon, & semen noxium in tenero spargit animo, quod per omnem vitam cum reliquis peccati zizanijs coalescit. Et ubi data est occasio, inolita jam & à cunis inveterata, mentiendi in minutijs consuetudo, in fraudes, imposturas, dolos, technas ità tandem prorumpit, ut fides ferè penitus ex orbe exulet, & in foederibus, inducijs, pactis, promissis, nihil penè integrum sanctumque permaneat. Hic si vellent vatri homines delicta fateri sua, & ingenuè errata agnoscere, multò minor faceretur Theologo molestia; sed econtrà fit, ut non desine qui commenta fraudesque in nonnullis tueri acriter non erubescant, quin potius exemplis è divinà historià petitis suos lapsus commendare, aut excusare saltem satagant. Et mirum est quousque caro & sanguis in his sibi applaudant, dum nequitia & malitia apud animum destinata & decreta suum, speciosum velum possint obducere. Huic ego negotio vehementer cupio remedium asserre, (prout o-

lim

lim Augustinus, de Mendacio, & contra Mendacium doctissime differens) ut qui veritatem apud omnes inviolatam desidero & exopto. Quo longè odiosior visa est duorum nostratium Southwelli & Gerardi assertio, quippe quâ non modò mendacio, sed & periurio porta aperitur; cui viam dare, uti arbitror, extremæ & deploratæ impietatis est. Exurgent Gentes & Ethnici, in die iudicii, & Christianos talia sequentes & docentes condemnabunt. At, ne dum alios mendacii coarguam, ipse tam certum crimen confinxisse videar, (quod ego insigniter detestandum semper censui) non pigebit affirmare, rei gestæ veritatem è testimonio plurium fide dignissimorum testium apparere. Affuerunt etenim & adstiterunt Gerardo, adeoque rem omnem scriptis postea consignârunt, D. Richardus Barkleius, Eques Auratus, Custos summus tunc temporis Arcis Londinensis, vir piissimus & doctissimus, Gulielmus Wadus Regio Consilio Sanctiori ab Epistolis, Edovardus Cookus Attornatus (ut appellant) Generalis, Thomas Flemingus, Regius in negotijs forensibus Procurator, omnes fidei inviolatæ & multis nominibus apud Principem sapientissimam, & Senatum Anglicanum laudati & accepti. Vivunt isti omnes, & cuiquam interroganti testimonium reddere parati sunt. Sed & superstes est Gerardus, uti omnes credimus, è custodiâ, non ante ita multos menses, astu elapsus, cui pro se jam tandem respondendi potestas est, si ipsius verba vel in minimo apice scrupulove malè capiamus. Quæ ad Southwel-
lum autem spectant, in apertâ Curia acta sunt &

transacta. Credo tamen adversarios vi ipsa veritatis victos, rem non inficiaturos (utcunque divulgatio ipsis cordi fortassis non sit futura) cum aliqua, sobriè serioque cogitantibus, hujus dogmatis vestigia ante annos aliquot pressa, appareant, licet paucis nostrorum tunc temporis oblervata. Non gravabor verbo tangere, quod ante quinquennium non longè ab Oxonio contigit. Cum potestas extraordinaria illo tempore, sub Regio diplomate viris aliquibus doctissimis & spectatae integritatis facta fuisset, ut quotquot iuxta illos morantes templa adire recusarent, ad se advocarent, & super quibusdam articulis virtute juramenti præstandi, interrogarent, adductus est unus inter reliquos, qui juratus etiam ea confidentissime respondit, quæ maxima adstantium pars, indubitatè secus se habere, firmiter crediderunt. Ille tamen post seriam & locupletem monitionem, perrexerat dicere quod dixisset, neque aliam voluit cantilenam canere. Quod cum satis mirati essent omnes, obstinatum ejus pertinaciam damnantes tacitè, tandem unus, aut perspecta aut suspecta saltem fraude, ita inquit: Veremur sanè plurimum, ne dum ista affirmes, fraudulenter facias, tu autem aliud sermone spondes. Verum num jurabis, te isthæc quæ dixisti omnia sincerè dicere, & cum nulla reservatione? (Eo Reservationis nomine, quod illorum est, secretam tacitamque aut materiæ aut alicuius circumstantiæ celationem aut suppressionem innuebat.) Hæc cum semel iterumque inculcasset, renuebat planè alter, id ex jurejurando pronunciare, neque ullo voluit assentire modo. Ita

tà juvenis illius astutia nonnihil est detecta, & non mediocris injecta suspicio, aliquid latitare tale, quale in Southwello & Gerardo nuper magis eminuit. Cum ego isthac scriberem, præter illos è quorum sermone hæc omnia ad aures pervenerunt meas, virum ipsum ornatissimum & doctissimum, qui talia tunc temporis coram submonuerat, consulendum censui, ut quod compertæ veritatis esset, neq; aliud quidquam, scripto mandarem. Is autem non modò hæc omnia agnovit & recognovit, verum pro singulari suo veritatis expiscandæ & enucleatè eruendæ desiderio, & pro egregiâ in meipsum humanitate, aliud etiam communicavit; quod, ut è tenebris jam tandem eruatur, dignissimum judicavi. Consilij etenim ferè universi rationem complectitur, quo instructi Iesuitæ, & è Seminarijs emissi sacrifici, in Angliam redeunt. Nihil autem quicquam apud illos magis in arcanis haberi, ex eo manifestum est, quod chartis hæc tantum, non typis, commendentur: quod detegere nolint ipsi, cum in quæstionem venerint: quod nostrorum vix quisquam aut viderit, aut audierit, nisi eminùs & à longinquo stans. Quo authore consilia aut præcepta hæc prodierint, ex rei deprehensæ circumstantiis, non immeritò dubitari potest; ut etiam de tempore, perspicuum non est; & num unius sint congesta, & conclusa operâ, vel potius plurium. In fine petitiones quasdam comperio, quibus Papa Pius Quintus ante annos viginti septem, censuram immiscuisse suam diserte proditur. Postquam etenim petitioni ferè cullibet, aut *Annuit* aut *Abnuat* adjungitur, in fine ad verbum subjicitur: *Istæ petitiones*

in formâ superius scriptâ exhibitâ Sanctissimo Patri Pio Quinto, per illustrem Cardinalem D. Franc. Alciatum Vice-protectorem Anglorum, in absentia Cardinalis Mortoni, quas omnes & singulas approbavit vel improbavit dictus Sanctissimus Pater, ut annotatum est, festo Sancti Michaelis Archangeli, vivâ voce. Anno Domini 1571. In tractatu tamen superiori, ubi quæstiones ad Schisma, ad Tribunal Judicis, ad Missam, ad Baptismum &c. spectantes discutiuntur, non est simplex solutio, cum negatione aut affirmatione purâ, sed rationes decretorum, è Navarro, Thom. Aquinate, Bonaventura, Patre Roberto, & alijs subjiuntur: è quarum aliquibus conjecturam licet capere, post Annum 1571. et Pij Quinti tēpora, prodijisse. Quâvis etenim Martinus ab Azpilcueta Doctor Navarrus, Hispanicè & Lusitanicè Enchiridiō sive Manuale Confessariorū & Pœnitentiū, etiam Pauli Tertij tempore ediderit, non tamen Latine usque ad Annum 1573. quum primū Rome excusum est, præmissâ Epistolâ Dedicatoriâ ad Pontificem Max. Gregorium 13. Postea autem in Belgio, Antuerpiæ rursus typis mandatum est, Anno 1579. per Christophorum Plantinum; ubi ex Privilegijs, Epistolis & Censuris in fine & principio appositis, de certis priorum editionum temporibus, expresse edocetur. Cum autem Author operis tunc octogenarius, (quod de se profitetur) in Latina editione plura addiderit, immutaverit, limatiùs correxerit, verisimillimum judicetur, è Latino exemplari Authorem Responsionum & Conclusionū istarum omnia desumpsisse, quod tum demum fieri oportuit post Annū 1573.

Papalem

Papalem Cathedram obtinente Gregorio 13. Et citata è Navarro testimonia, quotquot ego contuli, cum latino Manuali capitibus numerisque omnino consentiunt. Utcunque tamen isthæc ad Pij Quinti fortassis non pertingant tempora; sub Gregorio 13. emissæ fuisse ex eo constat, quod antè annos duodecim ad illius manus hæc scripta pervenerint, cuius ex humanitate, mihi facta est legendi & transcribendi copia. Et tunc certè inter libros unius aut alterius Pontificij, in Romanam sedem devotissimi, & non indocti, in agro Southantoniensi deprehensa fuere, cum illic subito venisset exploratum, è Justiciarijs Regijs quoad pacem unus, doctis alijs probisque comitantibus. Et ab illo tempore retinuit apud se vir ornatissimus ibi tunc præfens, satis habens illorum placita sibi ipsi detexisse, donec intellecto, in nostram De Mendacio materiam hæc aptissime incidisse, suâ sponte mihi communicavit. Quod autem apud nostros sacrificiulos, Anglosque Transmarinos, hæc sanctissimæ sint authoritatis, neque à nostris conficta, sed ab illis accepta seriò; inde cuius non cæcutienti patet, quod per annos iam vixit ultimò elapsos, eorum omnes actiones, gestus, praxes cum istis convenire ad amissum reperiamus. Testes sunt tot fraudes, & evasiones perversæ, quas Examinis tempore, magistratibus ad id munus deputatis, huiusmodi homines roties obtruserunt. Quæ autem de Gerardo & Southwello retulimus, ita omni ex parte cum Thesis istis quadrat, ut non ex alio, quam isto hausta fuisse fonte, sit meridianâ luce clarius. Operæ precium igitur iudicavi post recentiorum

B

illorum

illorum duorum assertiones utcunque disquisitas, ulterius adhuc pergere, & abstrusas rationes, adeoque reconditas ventilare, quibus freti duo illi, reliquique socij talia ausi sint. In quibus, si ea solum, quæ ad Mendacium, Mendacijque genus summum Perjurium, attinent, explicuerim; neque (ut de Schismate, de Baptismo, de Missa aliisque multis, quæ habentur multa, omnino præteream) de reliquis, quæ simul cum ijs involvuntur, de Regimine, & auctoritate Reginae Serenissimæ & Invictissimæ, sed & Judicium illius; ut & Papæ etiam ea in re insolentia, verba fecerim: partim illud fuit, quod de Mendacio solo redarguendo, mihi scopus erat præfixus, & extra illos cancellos expatiari non oportebat; partim, quod justis voluminibus, illius postulari (de principe è solio deturbanda) arrogantia & jactantia Antichristiana, à nostratibus discussa demonstrataque fuerit. Quia tamen Christianus intelliget orbis, quæ sint illa, quæ murmure auriculari, suis sectatoribus insusurrant Anglo-Romanenses, proponam verbatim ea, quæ in præsentī negotio ex chartis deprehensis occurrunt, ut, quam misere turpiterque à genuinâ Evangelij doctrinâ, & receptâ apud omnes Christi martyres sententiâ, hi Antichristi testes deflexerint, quilibet hominum intelligat. In Quæstionibus ergo pertinentibus ad Tribunal Judicis, hæc est secunda: *Quomodo sit respondendum in Tribunali hereticorum? Responsio. Optime respondet is, qui non erubescit non solum ea, quæ sunt fidei, sed etiam ea, quæ sunt factis; quia in illis est exaltatio fidei, & in his gloria Dei qui igitur propter hanc suam confessionem occisus est,*
curiosum
verè

verè est martyr. Navar. cap. 11. num. 40. Subditur immediate: Iuramentum exactum à Iudice non competente, non obligat, nisi secundum intentionem iurantis. Nav. cap. 12. num. 8. quales sunt omnes nunc in Angliâ (incompetentes sc. iudices) in iurisdictione Ecclesiasticâ, quia currunt, & non mittuntur; Filij sine patre vel matre. Potest igitur Catholicus tractus coram hæretico, vel recusare iuramentum, (quod est prudentius) vel sophisticè iurare, & sophisticè respondere, singulis suis interrogationibus, nisi in quantum interrogatur de fide. Ibidem. Nam tyrannicè interrogatus de fide debet respondere. D. Thom. 2^a. 2^e. Q. 3. art. 2. Qui iurat aliquid illicitum facere, cum animo faciendi, bis peccat. Nav. c. 12. num. 12. Interrogatus ergo de catholicis indicandis, & iuratus, si prætextu sui iuramenti nominat aliquos, bis peccat; quin etiam, si absque eo indicat aliquos, peccat mortaliter, quia auxilium fert in mortali peccato. Idem. c. 11. num. 13. Quæstio nona hæc est: Quomodo licitum est equivocare vel nomina mutare? Responsio. Interrogati à summis Commissarijs Regijs, vel eorum apparitoribus, An sint sacerdotes, cum sint; vel alias, An sint Catholici; peccant mortaliter, si vel tacent, vel equivocant; quia ab his interrogantur in odium religionis, in quo casu quilibet tenetur confiteri fidem suam. Marc. 8. Qui me &c. Et Luc. 8. Qui me erubuerit &c. Apparitores appello non solum eos, qui illo officio funguntur, sed etiam quos paratos video, illos apprehendere ob odium religionis, quemadmodum ancille interrogantes D. Petrum, Luc. 22. An tales sint illi, qui sedent ad telonium in oppidis maritimis, dubito, qui non tam querunt pro-

moveri sectam heticam per suas apprehensiones
 Catholicorum, quam impleri suas crumenas: qui igitur
 illis interrogantibus de eorum statu vel religione,
 ex simplicitate cordis vel tacent, vel equivocant, non
 peccant, quia non tenentur confiteri, si ob aliud inter-
 rogentur, quam ob odium religionis. Pater Robertus.
 1.2.q.5.art.1.dub.2. vel ob odium religionis eos inter-
 rogare, non est magis probabile in illis, quam ob aliam
 causam, nimirum quod quarunt eorum pecunias. In-
 terrogati in via ab itinerantibus simul, aut in men-
 sa, a simul discumbentibus, vel de statu, vel de religi-
 one, possunt vel tacere, vel equivocare, quia ipsi ex cu-
 riositate interrogant, & confessio fidei est affirmati-
 vum preceptum, quod non obligat, nisi pro tempore & loco.
 Et hic nulla exit, vel utilitas proximi, vel honor Dei,
 aut saltim nullum detrimentum proximi, aut Dei, & sic non
 obligat preceptum. D. Tho. Predicto loco. Sequuntur
 aliae quaestiones tanquam Extravagentes, quae nunc e-
 iusdem sint temporis, aut eiusdem personae determi-
 nationes, cujus sunt superiores, non intelligo. Sus-
 picor tamen eiusdem non esse; quia nude propo-
 nuntur solutiones, sine aliqua confirmatione à Na-
 varro aut alijs. Istitis tamen in fine subjunguntur ea,
 de quibus Pontifex Pius 5. Annuvit, vel Abnuvit, (ut
 supra) suum, pronunciavit. Quaestionum tamen una
 est: An sacerdos possit, sicut vestes & habitum mutat, ita
 & comam nutrire, & mutare nomen, & si interrogaretur
 in portu, vel alibi aliquo nomine ab aliquibus, qui
 eum habent suspectum, an possit illud negare, scilicet, non
 esse suum nomen? simile est dubium de patria, pa-
 rentibus, amicis &c. Cum interrogatus fuerit extra iudi-
 cium in itinere. Responsio: Potest: nec videtur in hoc ca-
 su

In dubium: potest enim quis veritatem tacere, vel dissimulare, modo directè eam non neget. Et postea: An sacerdos interrogatus in viâ de locis, à quibus venerit, item de religione suâ, An faveat fidei Romanae necne, posset aliquo responso indirecto, effugere & deludere interrogationem, vel, an teneatur confiteri veritatem? Responsio. Potest aliquis deludere. Tum post multa, quatuor coniunctim sequuntur quaestiones: An liceat Catholico recusare iuramentum, à magistratibus haereticis ad damnum sui ipsius, & aliorum Catholicorum propositum? Responsio: Imò tenetur recusare, et subterfugere, quantum potest. Sed, An tenetur iuramentum huiusmodi recusare usque ad torturam? Responsio. Si ex iuramento huiusmodi damnum notabile fidei, aut religionis sequeretur, tortura potius subeunda esset. Tum: Quantum ijs revelare tenetur per iuramentum requisitus? Respondeo, quia iniuriâ extortum est iuramentum, & hi magistratus incompetentes sunt Iudices, nil revelare tenetur, quatenus absque mendacio & falsitate subterfugere potest. At, Si temerè & inconsideratè haereticis iuramentum dederit, se velle ad omnia interrogata sincerè respondere; illi verò interrogant postea, de multis, quae, si revelentur, tendunt in gravissimum Catholicorum dānum, & praediciū: Quid in hac causâ faciendum? Respondeo: peccavit ita iurando, & iuramentum non debet esse vinculum iniquitatis, & propterea non tenetur ita respondere, sicut superius dictum est. Post unam & alteram interrogationem, de Regina (post Bullam Pij Quinti editā) obediendā, vel non obediendā, sequitur ista quaestio: Orthodoxus Catholicus Ecclesia sacerdos, ab haereti-

cis comprehensus, ad tribunal Iudicii sistitur, qui ab eo iurandum exigit, quo astringitur ad respondendum bonâ & verâ fide, omnibus, quæ illi proponuntur, quæstionibus: interrogatur forte quoties Missam celebravit, quo in loco, & quibus presentibus &c. Hic si verè, & ut se res habet, responderit, non est dubium, quin, propter grave, quod inde orietur, scandalum, ipse & alij maximis afficientur damnis. Quæritur, an rebus ita stantibus, teneatur sacerdos, cum se, tum alios prodere? Respondeo: non tenetur quia non est legitimum iudicium. Neque iurantis intentio debet esse, nisi ad ea dicenda, quæ teneatur. Quod si esset, dicenda omnia, esset iniqua intentio, quæ non obligat, quia esset in præiudicium aliorum, qui damnum patientur. Non debet tamen mendacium dicere, sed id quod in aliquo sensu est verum, etiamsi non sit in sensu interrogantis, quia ad eius intentionem non tenetur respondere. Hac autem quæ dixi intelligo, si absit scandalum pusillus; id enim vitare debet, nec vlla danda occasio infirmis peccandi, præsertim in re fidei: potius ponenda vita, si necessarium fuerit ad illius salutem. Tum postea: Hoc tempus et occasio aptissima videtur, ad confitendum Deum coram hominibus, ne Christus ipsum erubescat confiteri coram Patre: sed non tenetur seipsum, neque alios prodere, non requisitus: sed requisitus de se, consilium esset dicere veritatem, & mori pro fide. Sæpius est: alios autem non potest revelare: sed quia iudex hæreticus vel schismaticus amittit omnem iurisdictionem, non tenetur. Interrogatus veritatem in iudicio, respondere debet, neque de se, neque de aliis, sed potest Amphibologitè vel Æquivocè respondendo,

spondendo, iniquitatem iudicis declarare. Hæc Latine habentur ad verbum omnia. Cessent amplius mirari, qui vel ad clavum, vel ad remum Reipublicæ Anglicanæ sedent, quid in causa sit, quamobrem tam fraudulenter & sophisticè & captiosè à Româ Rhemisquæ redeuntes, post onus juramenti sese soleant gerere, cum venenatum istud lac à primo in Seminaria introitu imbiberint, suxerintquæ. Non potest fons amarus emittere aquas dulces; ut nec ex tribulis uvæ, nec à sentibus ficus colliguntur. Utinam aliquando tandem Romanis philtis & incantationibus plecti Angli nostri sapere inciperent, & venena evomentes, priusquam in immedicabilem sui corruptelam transierint, intra patriæ suæ spatia, amœna, salutaria, cœlestibus exundantia fluentis, se continerent: aut, si vellēt eousquæ delirare, ut hostilibus vocati sibilis, in obsequium Pontificium, velint nolint omnes boni, jurare consentirent, in Angliam saltē sub specie ovili, cum lupi sint, redire nollent: aut, si sit redeundum, iniquitatem mendacio, perduellionem perjurio cumulare non procederent, sed extra impietatis prodigiosæ ripas se longissimè custodirent. Satis sit hucusquæ præter viā cucurrisse. Veritatis, ejusquæ simplicis & incōtaminatæ, Jehova Deus est. Vehemēter autē illum irritant, qui mendacijs & perjurijs, quocunque demum colore fucatis, conatus suos stabilire concupiscunt. Si bona sint, quæ aggreduuntur, bonis promoveant medijs. Si fides sit Christiana, quam disseminatam cupiunt, Christiano incedant passu. Rectissime enim Job. cap. 13. 7. *Nunquid Deus indiget vestro mendacio, ut pro illo loqua-*

loquamini dolos? vel, ut alij habent: An pro Deo forti loqui debet is iniquitatem, aut pro eo loqui debetis fraudem? Et de istis hæc tunc.

Cap. 1.

De Baptismo disputatio, integram sacramento authoritatem & dignitatem suam (ut quod divinum est mysterium) custodiendam suadet: sine meticulosâ tamen trepidâque superstitione, quæ multis diffidentijs & suspicionibus conscientias replet, distrahitque animos, ex præscripto Dei verbo non credentium. Quod si certa in Christum Dei que promissa, fides collocetur, quæ infantulorum salutem è pijs parentibus prognatorum creatoris misericordiæ è foedere sperandæ commendabit; evanescet protinus audaculorum hominum & muliercularum temeraria insolentia, profanas tam sacrato mysterio manus injicientium. Fabri fabrilis tractent: & in sanctiorem vocationis sacerdotalis selecti ordinem, quæ ad suum peculiare officium pertinent, dispensent. Si aliquando laici in primâ Ecclesiâ sacramentum dederint, operæ precium est advertere, num non illud permiserit antiquitas, vel largâ nimis & liberâ indulgentiâ, ut, cum Eucharistiam infantulis porrexerint; vel saltem non in quibusvis illud laicis tolerando, sed talibus, qui præ excellentiâ donorum spiritus sancti, verbum, panemque vitæ frangere, prædicando & explanando, digni haberentur. ubi tamen vel per istos, vel per alios è populo, signaculum seriò sobrieque impressum extiterit, non audeo repetendum esse pronuntiare: verum antiquæ & receptæ Ecclesiarum consuetudini multum tribuo, earumque ita varijs in locis, orbisque plagis disseminatarum sententiæ adhuc

adhuc acquiesco: animum tamen humillimè libentissimèquè mutaturus, si quisquam (cujuscunque demùm ille fortis sit) è sacris eloquijs, rectaquè ratione diversum edocuerit. Et multò maximas alias instituenti & informanti habebò gratias, ut Christi famulum veritatis studiosum decet. Reliqua de Baptismo, quæ moventur hodiè, dubia, in nostram de Tisippora disputationem non cadunt, ideoquè sicco pede, ut oportet, prætermitto.

Astrologorum placita convulsurus, curiosam artem & Chaldaicam, tam insignem veræ Astro-nomiæ labem maculamquè aspergentem, è Christianis Rebus publ. amorem cupio. Sapiendum est in omnibus: sed ad sobrietatem. Illud iuvenibus initio persuasum aveo, quod nimia tandem experientia, seniores ijs in studijs exercitatos docet, frustra scilicet in rebus tam inanibus, tempus, quod verè preciosum sapienti esse debet, teri. At majus hoc est, & quod illa vehementius fugienda esse docet, si ita inordinata, præposteraquè sit opera, quæ isthæc collocatur, ut non modò civili politicoquè bono adversetur, sed & pietati cœlestiquè sapientiæ repugnet. Creaturis etenim sine regulâ salutari, sine autoritate solidâ, ea tribuere, quæ sibi reservanda summa Maiestas existimavit, suaquè manu disponenda, est humane, & profanæ, & vanæ speculationis, non prudentiæ Christianæ. In syderum fabricâ, certisquè potentijs, quæ extra controversiam reperiuntur, divinum, fas est, ut admiremur digitum, creatoris ut mirificam contemplemur gloriam: sed miserum est & perplexum nimis, ut ea solliciti scrutemur, quæ nusquam sunt. Caveamus

Cap. 3.

C

igitur

igitur ab imposturis fraudibusq; eorū, qui sub quovis genere lucrum captant, & sub verbis speciosis simplices inescant, ex aliena credulitate sua comoda emūgentes. Cum Aruspibus, Ariolis, Chirromaticis, alijsq; ejus farraginis, evanuit ferè hoc nugivendulum hominum genus; & sperandum est, undiquaque fulgente Evangelij lumine in minorem numerum quotidie contractum iri.

Cap. 4.

In exemplo Naamanis, receptam apud omnes sanioris cerebri & mentis, sententiam confirmo, idololatricos omnes cultus & ritus, sinceram fidem profitenti averfandos esse. Neq; metus etenim, nec spes, neque ulla carnalis & mundana affectio, apud pectus animosum, sobriaque præditum constantia, ita valere debet, ut, vel cum consensu, vel cum consensus specie, turpissimæ liturgiæ, non modò nostrâ opinione, sed & scripturarum eloquijs damnatæ, intersimus. Si Jehova Deus sit, post ipsum eamus, sin Baal sit Dominus, eundem sequamur. Vanæ tamen sunt exceptiones Anglo-Romanensium, per quas, ex non concessis, communibus omnium sectarum argumentis, & frivolis petitionibus principij, ut appellant Dialectici, meretriculam Babyloniam depereuntibus persuasum cupiunt, liturgiæ Anglicanæ Ecclesiæ non communicandum. Ipsi etenim idololatricum apud nos comperiunt nihil, verum omnia, pietatē non fictā, confessionem peccatorū, gratiarū actionē, divinæ iræ deprecationē, institutionem rudiorum, corroboracionē infirmorum, ædificationem omnium redolentia, ita ut isthinc renuere vel tergiversari, sit vel pervicaciæ, vel ignorantia, vel præcipitis opinionis potius, quam conscien-

conscientiæ super petra aliquâ solidiore fundatæ. utinam tandem aliquando populares nostri, ab amatorijs Romanæ synagogæ poculis experge facti, & oculos aperirent jam diu oclusos, & cum ingenuâ grataque divinæ miserecordiæ agnitione, in luce Evangelij copiose diffusa ambularent. Dulcis esset gustantibus lex Dei supra mel, & ultra favum desideranda. Dum tamen, & nobis causam esse, cur à Babylone secedamus, & illis, quamobrem cum insigni & sincerâ gratulatione ad nos festinantiùs accederent, demonstrem; omnigenam præsentiam in templo idolorum, interdictam non censeo. Politica ubi solum obeuntur munia, & cum protestatione aut generali, aut tunc temporis, ubi in discrimen res venerit, speciali, ne scandalum errorve in alijs infirmioribus fiat, in crimen læsæ divinæ Majestatis non incurritur. Debitæ tamen circumstantiæ sanctissimè & prudētissimè retinendæ sunt, ut, dum corpori, & civili apud homines dignitati cōsulatur, animæ vel alienæ, vel nostræ periculum spontaneum non creetur. Qui minores loco sunt, superiorum vestigijs insistant libentissimè.

Fugam in persecutione, intra illos constringo cācellos, quos, puto, tanquam limites terminosque posuit & circumscripsit salvator Christus. Privato igitur homini discedendi licentiam, (ut olim Tertullianus) non eripio, neque etiam ministro gregis ubique, ut nec ei semper concedo. Personarum temporūque & locorum, quæ occurrunt, circumstantiæ, ut in alijs Theologorum, sed & medicorum, & Jurisperitorum negotijs, ita in præsentī causā, ipsam conclusionis substantiam immutare consueverūt. De fugā,

Cap. 5c

in peste non dispar est iudicium: tūc manendū esse pastori, pro alienis animabus rationem reddituro, cū divertendi discedendiq̃ue copia, privato, cui media suppeditavit Deus, facillimè annuatur.

Cap. 6.

Sexto capite calumniam Ecclesijs Reformatis injectam & intentatam efuendo amovere desidero. Gravis sanè est querela, Protestantium doctrinam, supremū illud augustissimūq̃ue Numē, sanctissimum, purissimum, inviolatum undiq̃ue, blasphemā peccati fovendi maculā aspergere. At levior est ista, & tolerabilior nostrā ex parte accusatio, quā virulentia malitiosā plus, quā solida veritatis in se complectitur. Nos è contra laude dignum, acutissimum nostrorum hāc in re iudicium existimamus, qui in ipsa controversiæ penetralia descenderunt, obscurissimas ejus difficultates rimati; neque tamen ab Ariadnæo scripturarum filo, in Labyrintho tam ambiguo perplexoq̃ue discedentes, neque omnium creatori, suam gloriam vel tantillum minuentes. Quin potiùs mirum in modum divinam & sapientiam & innocentiam prædicant, humanoq̃ue generi contemplandam commendant; dum omnibus impijssimorum actionibus & interesse & præesse doceant, itā tamen, ut cum obliquā reproborum malitiā nihil habeat cōmercij, neque asperginem ullam immunditiæ contrahat. Debuisset habere gratias Ecclesijs Reformatis Romana synagoga, quod magnā cum industriā, & sincero acumine, post offusas hāc in re à Scholasticis tenebras, tanquā è postliminio illud revocārint, quod itā apertè sacratè docent literę, et præ alijs patrum, Augustinus quā sapissimè, non
obscure

obscurè insinuavit. Sin grati saltem esse Jesuitæ recusarent, à calumniâ tamen linguas pennasque cohiberent, neq; apertos etiam inimicorum sermones, irâ perverterent & contorquerent, ut quidlibet è quolibet proferre & facere viderentur. Obscuritatis autem si quid fuerat in scriptis aliquorû Christi famulorum, brevi explicatione amovere aut aperire studui, ut apud omnes constaret, quàm sanctum illud sit & solidum, quod tuemur.

Hæc omnia fido cum animo, et Ecclesiæ Christi prodesse desiderante, pro meâ tenuitate exaravi. Si alicubi subrepserit error, qui humanam fragilitatem in tabernaculo hoc morantem comitari consuevit; ejus omne judicium spiritibus prophetarum, et Censuræ Ecclesiæ, præsertim Anglicanæ (cuius eximiè per quadraginta annos florentis, sub beatissimâ & invictissimâ Reginâ, me membrum pusillum esse, apprimè lætor) submitto & subjicio. Sin vel minimis salvatoris Christi famulis, extenui hæc opellâ, tantillum boni accreverit, me aliquâ ex parte officio meo functum existimabo. Et cum vires addiderit, otiumque suppeditaverit benignissimus cœlestis pater, enitar assiduè, ut cum acceptiore aliquo donario ad altare accedam. Animo interim benevolo hæc rudiore stilo conscripta, & non elaborato (fucus etenim à scholis Theologorû longissimè abesse debet) suscipe Christiane lector, & fruiere, Vale.

DE MENDACIO. CAP. I. 23

Genes. 27. 6. Rebecca alloquuta est Iacobum filiū suū dicendo: ecce audiui patrem tuum, loquentem cum Esauo fratre tuo, dicendo;

7. Affer mihi venationē, & para mihi cupedias quas comedā: pōst, benedicā tibi corā Iehova, priusquā moriar.

8. Nunc itaque fili mi, ausculta voci meæ: rei quam ego præcipio tibi. Et quæ sequuntur.

1. Rei propositio. 4. Mendacij Rebec-
cæ rationes: 5. Eversæ & solutæ: 7. Alio-
rum mendaciorum examinatio. 8. Menda-
ciorum divisio. 10. 11. pro Mendacijs obje-
ctiones & responsiones. 12. 13. Nova eva-
dendi via. 14. Ejus firmamenta. 15. 16. dis-
cussa. 17. quod ad priorem referri debeāt
originem. 18. 19. 20. 22. Eorundem refuta-
tio: 23. è Navarro. 24. 25. 26. 27. pro alijs
Mendacijs objectiones & solutiones.



ET ERNA Dei electio, & de-
cretum ante omnia secula, ut
in singulis filiorum Adæ, lo-
cum habuit & habebit, ita in
nullis illustrius & luculentius,
quàm in geminā Isaaci prole,
Esauo & Jacob. De quibus
multa sacrae pronuntiāunt li-

teræ, ut ad Romanos nono: *⁹ Jacob dilexi, Esauum* Rom. 9. 13.

^aMalac. 1. 2. 3. *verò odio habui.* Malachia primo: ^b*Nonne frater fuit Esau Iacobo: Esauum verò odio habui: idcò disposui montes eius desolationi, & possessionem eius draconibus deserti:* Sed nullibi expressius aut dilucidius, quàm, ubi prima ipsorū mentio facta est, ubi de concertantibus in utero infantulis, cū mater divinum consulisset oraculum, responsum tulit, ^cGenes. 25. 23. *Duas esse in ejus utero nationes, duos intra viscera dividi populos, quorum alter altero robustior futurus esset, & sic, ut major natu serviret minori.* Cujus rei veritas ex multorum seculorum experimentis edocta est; dum in ^dEdomitas Israëlitarū dominium nonnunquā exercerent, dum sterilior Esauitarū esset habitatio & injucundior, Israëlitis fertilior & locupletior: multò tamen maximè, dum istis spirituales divitiæ, per sanctissimum Dei cultū puramq; religionem abundè suppetere, illis verò contaminatæ magis, conspurcatæq; ceremoniæ, per impietatem, *id est*, & superstitionem quotidie increbrescerent.

2 Hæc ipsa cū suis futura temporibus, pia prudensq; satis foemina Rebecca, fidei oculis prospexisset & previdisset, feliciorem beatiorēque secuta partem, ut mundus solet, juniori filio, animum affectūque suum coepit apponere; quibus poterat conata modis, teneriorem corpore, molliorem mente, evehere & promovere. Et cū in ipsis, quæ ad illud facerent, instillandis & suggerendis, non minimam, uti verisimile est, collocasset operam, oleum sanè non perdidit, neque lusit inutiliter, sed idoneum satis filium, qui præcepta imbiberet sua,

^eGenes. 25. 29. *reperit.* Nam cū fratrem à venatu redeuntem,
Jacob

Iacob deprehendisset, rabiâ ferè, & caninâ periturum fame, ut non posset impastus esuriè ampliùs tolerare; ità callidè astutèque pactus est, ut esculentis, inò iusculentis, dignitatem inter fratres summam, primogenituram scilicet, commutaret. Sic fraterno quasi iugo collum Esauus subdidit, spontaneam propemodum amplexus servitutem. Ubi verò, licèt suo fortassis, materno tamen adhuc non satisfecisset animo, (certissimis etenim & non fallentibus indicijs, rem omnem cupit fœmina consummare) alia oblata est occasio, quam avidè satis mater arripuit. Isaacus modò præ senectute cæcutiens, ferinam degustare cupit, ut majori filio, quum eam adduceret, priusquam debitum Deo & naturæ, expirando, persolueret, paternam benedictionem impertiret. Quæ cum eò esset desiderabilior, quò acceptiore apud Deum loco, Isaacus fuisset, vir pius, Patriarcha, Abrahamæ soboles, familiæ princeps, in quâ fermè unicâ, Ecclesia, & sanctorum synagoga residèret; non omittendum duxit mulier, quin piâ, ut videbatur, fraude, ab Esauo in Jacobum transferendam curaret. Supposititium igitur immisit hominem, vestitum fraternis tegumentis, hirsutum, hispidumque arte factum, qui delicatiores afferendo cibos, furto veluti & insidijs, benedictionem præriperet. Neque expectationi eventus defuit, sed, quod animo concupivit, præmium, honorariumque tulit.

3 Narratio historię cuiuslibet è nobis ità nota est, ut in ipsâ explicandâ desudare non sit opus. Est mei potius instituti disquirere, num

ex normâ pietatis, officijque regulâ, Rebecca fecerit; quæ maritum suo sic consilio deluserit, & mendacio infidioso, sui voti compos facta fuerit: eoque indagare nomine, num in causâ aliquâ, sive sub probitatis & charitatis specie, sive sub religionis prætextu mentiri liceat. ubi danda mihi venia est, si nudam rerum veritatē persequar, & facta eorum, qui in causâ isthâc celebres extiterint, ad stateram simplicem divini verbi exigam, nec errorem elevare, aut extenuare concupiscam. Id quod eâ de causâ submonendum censeui, quandoquidem ex Antiquis non infimus, quin potius, meâ sententiâ, longè maximus ¹ Augustinus, sub figuris & mysterijs, futurum aliquid prænotantibus, quorundam mendacia aliquatenus excusare conetur. Qui quidem Troporum & Allegoriarum modus, est aliquantò Augustino familiarior; sed in Psalmis ² Davidicis explanandis præcipuè, ubi Salvatore Christo penè omnia in tropo referenda existimavit. Sed & in cæteris suis scriptis hanc consuetudinem liberalius & indulgentius amplectitur; licet eò usque non expatietur, quò usque Origenes, qui, cum omnia fere Allegoricis interpretanda credidit, ipsam literam destruere, sensumque simplicem historiæ enervare, & delumbare ausus est, eo certè conatu, qui tantum alioqui virum non decebat. Ad rem ipsam igitur ut veniamus.

4 Erant certè rationes prætextu speciosæ, quæ Rebeccam impellerent ad hanc paciscendam fraudem. Maternæ dilectionis viscera, non mediocriter incitabant: sed divina promissio speciatim & præcisè juniore facta, multò confidentiorem pote-

¹ Augustinus
contra Mendacium, ca. 10.

² Augustin. in
Psalmos fere
ubique.

raranimus addere. Quin & mariti in fratrem
 agnoscere, & naturalis propensio, quā in Esauum lon-
 gè factus est proclivior, terrere valuisset, ne aperte
 ageret. Orationem iussu, precesq; patriarchæ,
 ita Deo chari, divina benedictio prosequeretur:
 quantum etenim omnipotens Jehova famulorum
 suorum fidelibus desideriis solet tribuere? Et huma-
 no animo incredibile, planeque impossibile vide-
 batur, paternum ab Esauo avocare affectum, quo,
 delirante ferè impetu, & indulgente nimis, in ipsum
 ferebatur, ita ut ad dolum technasque confugere
 necesse haberet. Leoninæ exuvie vulpinâ pelle
 commutandæ fuerant. Sed & ab ore Isaaci bene-
 dictionem impertientis, vel isti, vel illi, si penderet
 momenti ponderisq; aliquid, ad veram felicitate-
 tem, capiendum id erat brevi, & aucupanda oc-
 casio, ne subitâ pater præreptus morte, infecto,
 discederet negotio. Decrepitus namque jam
 degebat, & moribundus senex. Funiculo tam
 multiplici, promissionis in Deo, necessitatis
 in conjuge, amoris in filio, innixa est Rebec-
 ca, eoque prudenter & confidenter satis crevit au-
 dacia.

5 Sed ut adversus Solis radios glacies, in tumultu-
 ante Borea crassus vapor, præ meridianâ luce
 nocturnus horror, coram ^h arca Dei Philisthæorum ^h 1. Sam. 4.
 Dagon, nequit consistere, ita animalis carnalisque
 hominis ratio, & quæ aspectu gloriosa est, cavil-
 lantis cerebri imaginatio, si divini verbi statera
 appendatur, inanis futilisq; invenitur. Iusta e-
 tenim sancta que habenda sunt, non, quæ corrupto
 obfuscatæque nostro perplacent iudicio, sed quæ

sana solidaque apud Dominum reperiuntur. Aliter enim ab externa apparitione homo, aliter ab interno appetitu discernit Deus. Cujus si velimus indagare sententiam, id primo, oportet, ut sit loco receptissimum, quod ad Romanos recensuit Paulus, ¹Roman. 3. 8. *Non faciendum esse malum, ut inde aliquid succedat boni.* Deus ita severo persequitur odio malitiam quamcunque, ut à ^k specie nequitiae omni, nos jusserit abstinere. ¹Puras præcepit gestare manus, immaculatum ^m cor. ⁿ*Quid luci cum tenebris est commercij?* quid sincero Deo cum sordibus peccatorum? ut à Babylone abeundum est, ita nil ejus immundum est tangendum. Hinc, quæ adversus præceptum Domini facta sunt, omnia, licet sub intentione bonâ, ut loquuntur scholastici, vel sub proposito boni, damnantur, & ut ^o ἐδολοθησκειαι, voluntarij cultus, de quibus pronuncietur, quis ista de manibus requisivit vestris, repudiantur. Tale fuerat id Gedeonis, qui ^pEphod fecerat, ut per ipsum Deus coleretur, sed, quoniâ præter Domini institutum hoc factum fuerat, in perniciem illius suæq; familiae cesserat, Tale, illud ^qSaulis, qui Amalecitarum pecora domum duxerat, ut holocausta sacrificiaq; Domino offerret: imprudenter tamen non minus, quam impiè, cum Jehovah potius voci auscultandum esset. Tale, illud ^rUzzæ, qui Arcam tetigit, sollicito satis animo, ne fortassis rueret, sed, quia audacter nimis, repentinâ interiit morte. Qui in ^sDane & Bethle aras fabricarunt, licet soli Deo sacrificarint, & cum sacrificijs lege præstitutis, inobedientiae tamē, scelerisq; tenebantur rei, quia expressum Dei mandatū, quod ad locū attineret, violarunt, qui ^tobsequium vult, non sacrificium.

Quod

Quod debetur Deo seruitium, intra limites cancellosque certos circumscribitur, ut nec ad ^a dextram, ^a Deut. 28. 14. nec ad sinistram declinandum sit. Si alicubi, tūm in pietate, id poetæ obtinet:

** Est modus in rebus: sunt certi deniq; fines,*

Quos ultra, citraq; nequit consistere rectum.

^a Horat. Sermon. I. Satyra

Quod in Oceano statutum dicit Iob, vel potius apud ⁱ.

ipsum Deus, ^a *Hucusq; venies, & ne procedito, & hic* ^a Iob. 38. 11.

opponet se litus, superbia fluctuum tuorum, id in nostro Jehovæ præstando officio sanctissimum esse debet: Hucusque fas est tendere, sed non ultra. Verecundiæ limites si transilieris, gnaviter fies impudens: pietatis finibus si excesseris, mirè fies improbus. Id igitur inconcussa stabilitate consistat oportet, faciendum esse nil mali, ne quidem, si spes sit & expectatio futuri majoris boni. ^a *Ea, quæ constant*

esse peccata, nullo bona causa obtentu, nullo quasi bono fine, nullâ velut bonâ intentione, facienda sunt. ^a Augustin. contra Mendacium. cap. 7.

Quod si illibatum & intemeratum non custodiamus, quæ omnigenæ nequitie ansa porrigitur? quàm lata ad scelus via sternitur, ut sub prætextu boni, homicidium, adulterium, perjurium, proditio in patriam, sacrilegiū perpetratur? Quis etenim metas transilientibus, quas Deus statuit, modum aut mensuram præfiniet? Cujuslibet improbi affectus, sola sibi futura est habena, solum retinaculum.

6 Secundo, extra omnem controversiam habendum est, interdicta esse Dei famulis mendacia, hocque simpliciter, & sine exceptione aliquâ. ^a *Ne* ^a Exod. 23. 1. 7.

efferto rumorē mendacij: Et postea: *A verbo mendacij procul abesto.* Sic: ^a *Ne mētimini, nec fallaciā utimini,* ^a Levit. 19. 11.

allus in proximū suum. Et David: ^b *Loquens mendacia* ^b Psal. 101. 7.

non stabiliatur coram oculis meis. Et Salomon: Deo
 odiosus est ^c *conflans mendacia testis falsus.* Sed &
^c Prov. 6. 19. Paulus: ^d *Deposito mendacio, loquimini veritatem*
^d Eph. 4. 25. *quisque proximo suo.* Et rursum: ^e *Nementimini,*
^e Colof. 3. 9. *alius adversus alium.* Denique, cum Deus pater
 sit veritatis, ^f mendacij autem primus author De-
 mon; divino videtur, ad tempus, servitio renunti-
 are, qui mentitur, & in Satanæ castra transfugere,
 ejusque cultui se mancipare. Et generalia ista sunt,
 ita ut non legatur, hic, aut illic, per indulgentiam,
 dispensationem quasi aliquam concedi. Quibus
 jactis fundamentis, mentiri malum esse; & nol-
 le, per mala, Deum, bona effici; humano reperitur
 lapsu delictoque Rebecca aberrasse, quæ filium pro-
 missis blanditiisque suis ad fraudem aggrediendam
 pellexerat. Rea sanè apud Deum tenetur mulier,
 facinoris non admittendi. Quod ne durum fortas-
 sis videatur, non solo eo unicoque commenti falsi-
 tatisque vitio polluta est, sed & infidelitatem, incre-
 dulamque mentem sapere deprehenditur. Jam e-
 tenim in duas velut distracta, discerptaque partes,
 dubia metis fertur, num pollicita vellet Deus præ-
 stare sua, de Jacobo præferendo. Si fidelem cre-
 didisset Dominum; & ejus beneplacitum expectas-
 set, & medijs non nisi pijs usa fuisset. Deus etenim,
 cum cuipiam se bene velle, præ se fert, & ea effice-
 re potest, soletque, quæ ad finem destinatum via
 sunt. Operienda erat igitur, cum patientiâ, divina
 voluntas: non festinanter & inconsideratè, uti ist-
 hic, præoccupandum & præveniendum creatoris
 institutum. Cavendum est igitur, ne illius exemplo
 ducti similia aggrediamur. Quæ etenim seipsa non
 poterat

poterat excusare, multò minùs nos tuebitur. Proponitur fugiendum nobis Rebeccæ mendacium, non imitandum. In Prophetis & Patriarchis, luminibusq; antiquorum temporum, non omnia, sed quæ decent, sunt amplectenda. Ut hirudo putrescenti inhæret sanguini, sic nãvis & lapsibus fidelium immorandum non est; nisi & Noaci ebrietatē, & Lothi incestum, & Davidis cum adulterio homicidium, & Salomonis idololatriam, & Ieremiæ impatientiam, & Petri cum perjurio abnegationē, sequenda & imitanda cogitemus. Legibus vivendum est, non exemplis: Divinis regulis, & normis, non humanis personis, innitendum est. Vel cum Platone errandum non est. Amicissima præ omnibus debet esse veritas. ubi benè est, vestigia premito: ubi malè, cautus averfare.

7 De reliquis Sanctorum mendacijs, simile ferendum est iudicium. Cum Abrahamus ^b Saram, ¹ Gen. 20.2. sororem suam esse dixerat, æquivocatio vocis, ne mentiretur, effecit, ut existimare licet. Sub sororis etenim appellationē, ut & etiam sub fratris nomine, consanguinei Hebræis designabantur; quo sensu, aliqui, Domini fratres, hoc est, Christi, dicti sunt, ^h ut copiosè disputat Hieronymus. Et apertum est è scripturâ, propinquâ fuisse ei cognatione ^{contra Helvidium.} conjunctam Saram, cum quodam modo sororem extitisse, ¹ rursus & secundò asseveraret. Quæ si vera sint, nihil in sermone ejus falsi compertum est, adeoq; non peccavit. Sin mentiendi animo Abimelecho imponere per fraudem cuperet, infirmitatem humanam, nimiamque res redolet timiditatem, neque poterit excusari. ¹ Obstetricēs Israël ^{Exod. 1.19.}

¹Exod. 1. 19.

²Augustin.
contra men-
dadium. ca. 15.

³Iosua. 2. 6. 9.

liticæ Ægyptiorum regem responso non vero circūvenerunt. Itā filij puerperarum Hebraicarum, in ipsa nativitatis horā non sunt interempti. ¹ *Hebrææ, inquit, non sunt, sicut mulieres Ægyptiæ: sunt enim vivide, quam nondum venit ad ipsas ulla obstetrix, iam pepererunt.* Idcirco (addit Moses) *benefecit Deus obstetricibus illis.* Ecce pij misericordisquē doli præmium, quē non remunerasset Deus, nisi approbasset. At occurrit doctissime Augustinus: Retributionē à Domino, obstetrices acceperunt, nō ² *quia mētita sunt, sed quia in homines Dei misericordes fuerunt.* Et de Rahab meretrice, eadē ³ *ferenda est censura, cui benē fuerat, quod exploratores Israēlitas texerit, divinæquē voci crediderit, de tradendā Josuæ Hierichunte, & terrā Canaan, non quod falsa pronuntiārit.* Misereri solet Deus erratis suorum, cū leviter deliquerint, & in rebus tamen momenti grandioris, sani solidiquē perstiterint. Sed hoc ex divinā contingit misericordiā, nō ex qualitate rei, quæ, cū *ἀνομία* sit, & *ἀδμία*; & *ἀναπρία* sit oportet. Ignovit igitur Deus Rahab, & in gratiam accepit, ex eo docturus, se inter nationes perditas, aliquibus misericordiā impertire, non, ut mentiendi libidine ferremur, animum daturus. At reverā quid est, quod in eā foeminā tunc amplectendum cogitarem, cū ad mediocrē Dei notitiam adhuc non pervenisset, sed elementis tantū cultus Dei, & vix ipsis, initiata esset. Nō erat mirū barbaræ, Canaanitidi; meretrici, in mendacium prorūpere: sed de homine Christiano quærimus, in Christo instituto, robustiore cibo pasto, edocto ut oportet, non de homine ad Ægyptū, aut Hierichū-

tem

tem, aut Babylonem pertinente. Et hanc igitur, et obstetrices missas faciamus, cum Augustino testātes; *⁹ Bonum in ijs Deus memorabiliter honoravit, malum autem clementer ignoravit.*

⁹ August. contra Mendacium cap. 17.

8 Sed quoniam in humanā vitā vsū hęc doctrina habet non mediocrē, (nihil etenim mendacio est facilius, nihil promptius, aut quod magis pręstō sit) cumq; non defuerint ætate omni, aut defint, qui mēdacia aliqua propugnārint, ut Priscilianistę, qui satis esse duxerunt, si corde quis verū retinuerit, cum labijs dolum proferat; & si peregrino, licet non proximo, mentitus fuerit; in interiora adhuc hujus controversię penetralia irrūpendum est, ut veritas sartatecta conservetur, adeoq; omnis falsitatis species amoveatur. Mēdacium ergo, omnes, *⁹ falsam esse significationem, cum voluntate fallendi, consentiunt.* Falsa esse debet significatio; & cum voluntate fallendi. Vnde, aliud reperitur mentiri, aliud mendacium dicere. Dicit etenim mēdacium, verax, cum fabulę, aut narrationi fictę ipse fidem adhibens, alijs etiam seriō recenlet: ubi nulla est decipiendi intentio. Fallendi est voluntas, quę mentiri facit: ex quā, cum insidiator, incautus verum loquitur, quod tamen falsum esse arbitrat, mentiri non immeritō dicatur, animi mali causā. Quoties igitur occurrunt ista, est mendacium. Sed Scholastici, varia esse docent horum genera: Est etenim mendacium, perniciosum, est jocosum, est officiosum. Perniciosum tūc definiūt, cum malā mente cuiuspiam conamur inferre detrimentum, & falso ad id sermone, tanquā instrumēto utimur. In calūnijs & convicijs, in detractiōe, discordians

⁹ August. contra Mendacium, cap. 2.

Cap. 12.

⁹ Lombard. Sent. Lib. 3. Dist. 38. Et sic per eo loco Scholastici omnes.

cordiam seminando, in perjurio exercendo, testimonioque ficto ferendo, istud, locum habet. Tale erat ¹ Zibæ commentum contra Miphiboseethum, ² Hamanis adversus Judæos, ³ populi & Seniorū contra Christum. Et in communi, ista non desunt, vitæ. Neque quisquam Theologorum diffiretur, ista apud Dominū intoleranda esse. De his, inquit, id est preceptum: ⁴ *Adversus proximum tuum, ne proferas testimonium falsum.* Et quæ supra, contra mendacia, afferuntur loca, hæc indubitanter percellunt.

9. Ex secundo genere sunt, quæ jocosa appellantur: e quorum numero, ea in primis secludenda censeo, quibus aliquantō remissiores, & indulgentiores sunt Theologi; talia scilicet, quæ sic pronunciantur, ut quivis intelligat, non serio, sed joco tantum dicta esse. *Ista, inquit Augustinus, per 7. proferendi modum, lusu quasi, & cum sale aliquo, apparent dicta, ideòque fallendi animum non habent.* Horum ego numero fabulas Æsopicas accenserem, quas, cuiusvis homini prudenti mediocriter, & intelligenti, primo oculi ictu satis apparet, de industriâ excogitari, ut doceant, non ut retibus illaqueent. Quibus eos, quos Apologos viri docti appellitant, adjiciendos existimo, quorum in sacris etiam literis usus est. Cujusmodi illud est ⁸ Jothami, qui exiisse refert arbores ad creandum regem, ubi olea, vitis, ficus, regiū respuerunt officium, admisit cynosbatus, & quæ sequuntur. Ubi, si ad nuda velimus verba, rem omnem exigere, quid subesse poterit veritatis? Sin & proferendi rationem, & loquentis propositum, & manifestam deniq; causam ipsam placebit perpendere, quæ non alio, quam ⁹ *id est, in 7. exposita est, modo, in integro res omnis futura*

¹ 1. Sam. 16. 3.

² Esther. 3. 8.

³ Matth. 26. 59

⁴ Exod. 20. 16.

⁷ August. de
Mendacio.
cap. 2.

⁸ Judic. 9. 8.

futura est. Apertæ Ironiæ sub isto cadūt genere, ut illa ^a Eliæ, Baalis Prophetas ludificantis. Nathanis illa parabola, quā ^b Davidem alloquitur, adeoque ille Christi tam variæ, ut ^c ubi agricolā seminātū exiisse testatur, semenq; quadrifariam cecidisse, huic attrextendæ sunt Catalogo: quæ, cum afferantur, ut docerent, demonstrarent, redarguerent, cōsolarentur, ceteraq; pietatis præstarent munia, neq; ullo alio proposito, non mentiendi, non circumveniendi, non fallendi voluntate, pro malis aut mendacijs habenda nō sunt. Et absit, ut blasphemio cuiusquam ore mendacia nominentur. Nudis etenim vocibus & simplicibus tribuēda nō est appellatio, sed sensui, & significato, & scopo apud mentem præfixo. Neq; tamē (ut ad rem redeamus) sub horum bonorum tegmine, jocosa excusamus mendacia, ea nempe leviculorum hominū commenta, quæ ineptē, aut scurriliter, aut ex usu solo, & consuetudine quādam mentiendi pronunciantur. Ut si quis suam prædicaturus fortitudinē, pugnas cū latronibus ignotis in viā, referat, aut huiusmodi alia, quibus enarrandis mirum in modum aliqui delectantur. Et horū sermonū consuetudo nō est bona. Licet etenim malitioso non effferantur proposito, ut cuiquā noceant, licet cum joco etiā, & subfannante ludibrio audiantur; quia tamen fallendi recenseantur animo, ut in credulitatē impellant: quia veritati adversantur, quā nihil Deo potest esse acceptius, quia ^d *perditurus est Deus loquentes mendacium*, etiā, omnes perdet, qui loquuntur mēdacium; ex usu Christianorum ista etiam sunt exterminanda.

10 Tertium genus, multò difficilius, ut quibusdā videtur, requirit iudicium; hoc est, officiosum: quo

significatum id volunt, cum amicitie, aut charitatis, aut utilitatis aliquod officium præstandum sit, idq; vel sibi, vel alij. quod nonnunquam sic contingit, ut nulli damnum inferendum sit, bonum tamē nonnullis exinde oriatur. Istud etiam & misericors nuncupetur, quoniam ex eo misericordia, aut vitæ, aut incolumitati suæ, vel alienæ exhibetur. Hujusmodi, cum in communi vitâ, sub infinitis soleant occurrere speciebus, proponam aliquot, diluciditatis gratiâ, in quibus tamen singulis concludendum est, ab eis omnibus fugiendum esse: aut cum Siracida

^o Siracid. 7. 13. *Nē velis mentiri, nullo mendacio, nam a seditas eius non est futura bono.* Rationem ex Johanne assignamus: omnis fidelis Deo conjunctus esse debet: sed

¹ 1. Ioh. 2. 21.

mendacium omne à Deo est disiunctissimum; nulum etenim mendacium ex veritate est. Et in Apocalypsi: ²

² Apoc. 21. 8.

Omnibus mendacibus portio assignata est, in stagno ardēte igne, & sulphure, quod est mors secunda.

³ Cap. 21. 27.

Et postea: ⁴ *Non intrabit in novam civitatem, quicquam, quod mendacia loquitur.* Sed instantias adhibemus: Pium erat obstetricum factum, de quo supra: ⁵ *pium satis illud Rahab, quo speculatores abscondit.* Utræque interrogatæ, si verum falsæ fuissent, certâ occisione interiissent. Quanto igitur facilius, fingendo, & comminiscendo aliquid, è periculo elabendum fuerat, quam certæ occumbendū morti? At res-

⁶ Augustin.
contra Men-
dadium. co. 17.

ponder: ⁷ Augustinus, quo nemo exactius, aut exquisitius ista explicavit. Si vitam pro Deo, & iustitiâ, & sanctitate, tēporalē amisisset; at aternā in cœli possedisset. Felix est cōmutatio, ubi vallis hæc miseriarū deseritur, & cœlestis perpetuaq; gloria acquiritur.

⁸ Luc. 14. 26.

Abnegandi sunt patres, fortune, patria, vita deniq; ipsa

ipsa derelinquenda est pro Christo. Si pro Christo, & pro veritatis defensione, & propagatione pietatis. Quibus equidem vestigijs, omnes sacri martyres institere, quorum plurimi levissimam abnegatione, aut declinatione, aut extenuatione, a morte evasissent, si mendacio vitam redimendam credidissent.

I. ¹ At qui in meo fortassis sanguine, satis sum ¹ Obicatio.

futurus prodigus, in alieno non item. Transfugit ad me frater Christianus, & ut a persequentis absconderem gladio, flagitat. Consanguinitas, Christiana sympathia, periculum imminens, misericordia, expectunt, ut tyranno supplicem hunc meum non proderem.

Quid si idcirco, me non vidisse, affirmare, ut sic querentem, & investigantem alio transmitterem. Ita fratrem ab interitu vindicabo, & malitiosum hominem a scelere retinebo, & coercebo; qui homicidij, quod non poterat perpetrare, non erit reus. ² Quam vide, ne, dum

aliud tuebere, te ipsum perdas. Urget charitas, ut primo te loco respiceres, tui curam ageres. Charitas etenim incipit a seipsa. Et, quae perfectissimam exigit obedientiam, lex, jubet, ³ proximam non alias, quam ut te ipsum diligere. cur igitur te destrues, ut alium extruas?

Imo, cur animam pessundas tuam, ut alienam carnem custodias? ⁴ Os etenim, quod meretur, occidit animam. Et per-

versissime ergo dicitur, ut alter corporaliter vivat, debere alterum spiritualiter mori. Ejus potius exemplum imitare, quae nominatim Augustinus, cujus in re ista

haec toties sermonem usurpo. ⁵ Erat, inquit, quidam Episcopus, Firmus nomine, firmior voluntate, qui, cum ab ip-

so quaereretur, ubi esset quidam, quae ipse a persecutoribus occultavit, apparitoribus Imperatorijs respon-

dit, se neque mentiri posse, nec hominem prodere. Et

ne

ad illud
ad hoc
ad illud

² Responsio.

³ Matth. 2.
39.

⁴ Sapient. 1. 17.
⁵ August. de
Mendacio,
cap. 6.

⁶ Cap. 13.

ne è duobus alterum faceret, tormenta multa per-
 pessus est. Quid hoc dici potest fortius, aut hone-
 stius? quid cum Christianâ constantiâ conjunctius?
 Hic patientiam, & amorem exerce tuum, non tre-
 pidè fingendo, aut veteratoriè mentiendo. ubi e-
 tenim falsa loquendo, metas honesti transcenderis,
 ecce patet ad delicta majora, porta: quid ni etenim,
 qui, ut diceres, impulit, ut jurares etiam, moveret?
 Si, ut falsa diceres, consensisti, ut & falsa jures, iti-
 dem facile consentias. Nam ut argutè Tullius, pro
 Roscio Comædo: *Quem, ut mētīatur, inducere pos-*
sum, ut peieret, exorare facile potero. Verè quidem,
 nam instat tyrannus, ut, quod dixeris, juramento
 confirmes. Si annuas, perjurus evadis: si renuas,
 te suspectum vehementer facis. Principijs ergo
 obsta, à mendacio penitus resiliendo.

Tullius Ora-
 tione pro Ros-
 cio Comædo.

12 Quò miseriora & deflenda magis, sunt illa
 tempora, in quæ incidimus; dum hodiè tanquam
 in arcanis Romanæ synagogæ habeatur illud, imò
 clandestinis in susurrationibus doceatur, fas esse,
 non modo homini simpliciter dicenti, sed & jura-
 to, in aliquibus negotijs, à veritate deflectere & de-
 viare. ut Africa, sic Italia, semper aliquid appor-
 tat novi, & monstri. Dico monstrum, quod à na-
 tivâ, & genuinâ Christianæ professionis sincerita-
 te, tam stupendum in modum degeneravit. Dico
 novū, quod prioribus est inauditū seculis, apud vi-
 ros Orthodoxos. Et meritò novitatis (si quid aliud
 apud illos) taxari poterit, quod emerfit nuperrimè,
 & in apricum vix prodivit, usquedum in herbâ de-
 litescens. Nemo etenim illorum tam profano &
 polluto, aut animo, aut ore repertus est, qui scri-
 bendo

bendo illud ausus est, in apertum Solis conspectum
 emittere, quod secreto tamen murmure prodide-
 runt, unctorum Pontificiorum unus & alter. Cum
 daturus tamen posthac sperandum sit, non incom-
 modū judicavi, ex factis dictisque submonere, quod
 futurum augurari licet; quandoquidem opportu-
 nitas ita tempestita, Mendaciorum species indagā-
 ti, impræsentiarum offeratur. A temporibus Gre-
 gorij decimi tertij Romani Pontificis, quæ Romæ
 Rhemisquæ eriguntur Anglicana Seminaria, nostra-
 res (cum e Britannia discederent) aut fraude ille-
 ctos, aut vanā spe irretitos, aut infamiā notatos,
 aut suo male cōrētos statu, apud illos in Sacrifico-
 rum cooptatos numerum, in Angliam ferē quotā-
 nis remittunt, ut sub specie docendi, instituendi,
 cōsolandi, absolvēdi, recōciliādi, aliaq; ut appellāt,
 religionis munia exercendi, incautos, insciosq; ho-
 mines, præsertim fœminas, & adolescentes, à verā
 in sanctissimam Principem obedientiā diverterent,
 & in Pontificium, aut si opus est, Hispanicum obse-
 quium allicerent & advocarent. Huic veneno re-
 medium, & Antidotum afferre, cum pro officij se-
 cundum Deum ratione cuperent, Illustissima Re-
 gina, Senatus, regniq; Ordines, severo interdi-
 cendum Edicto censuerunt, ut, qui Seminaria lo-
 caque vetita adeundo, patriæ non modo deserto-
 res, ut transfugæ, verum proditores, ut hostes con-
 jurati, facti fuissent, in transmarinis ad libitum cō-
 fidērent partibus, sed in ditionem Anglicanam pe-
 dem ne efferrent, nisi vellent, ut perduelles, & læ-
 sæ Majestatis rei, ultimum subire supplicium. Suā
 plurimū interesse Magistratus crediderunt, à grege
 vulpes,

Anno Eliza-
 bethæ 27. c. 2.

De Petr. 5. 4.

vulpes, ab ovili lupos abigere, & deterrere; cum pastoribus apud summū Deum & ^{Appropinquat} Christum, suæ fidei commissorum ratio tam accurata reddenda sit. Sed &, quò salutarī quācūque viā, perniciosīs istorum conatibus obviā iretur, sub capitis periculo prohibuerunt, ne quisquam huic pesti subrepenti auxilium afferret, aut suppetias ullo modo, pascendo, excipiendo, pecuniam impertiendo: imò, neq; tegeret aut celaret, sub carceris discrimine, multēque pecuniarię, prout Principi visum foret. Quo sagaci consilio, & justitię executione, postquā ipsorum nonnulli, quas satis meruerunt, luissent pœnas: qui secuti sunt, antecessoribus prudētiores facti, (ut semper est deterior posterior dies) salutiferū, uti censent, excogitarūt remedium, cuius seriem libet subdere, ut, cum quali hominum genere nobis sit negotium, & pręsens ætas & posteritas sciat.

13 Cū non itā pridem in Anglicana appulisset littora, Southwellus Sacerdos, nihil sibi fore tutius existimavit (ut ex effectu constat) quā omnes, quibus apud suæ factionis homines lateret, indagare vias. Occurrebat nulla facilior, aut expeditior, quā illorum, apud quos degebat, animis suggerēdo instillare; ut, si coram Magistratibus in quæstionem vocarentur, ibique peteretur, num Southwellum conspexissent, negarent se vidisse, etiam licet juramento prius præstito, se vera dicturos contestarentur, & præter vera, nihil. Hoc, (quod, ut veri est simillimum, pluribus persuasum extitit) in aperto iudicio, frequentique curiā, quædam fœmina falsa est; quæ ab uno Iudicum post adhibi-

CAPVT. I.

58

adhibitum iuramentum interrogata, num in domo Bellamęi Southwellus fuisset, respondit, se ab eodē Southwello, longiore sermone inductam fuisse; ut jurata affirmaret, se illum in iisdem edibus non cōspexisse: licet, reverà isthac illū vidisset multoties; quod tamen tanquā abditum, aut abstrusum aliquod, apud suum celaret animum. Hoc cū a grē crederent auditores; tam latam & mendacio, & perjurio viam muniri, à quopiam mortalium, pietatē vel specie tenus prę se ferente; cum ratione & officio nihil tandē cōiunctius esse putaverūt, quā ipsū talis dogmatis authorē consulere, ut pro se respōderet. Quod, cū palam, & apertē factū fuisset, non erubuit Southwellus, audacter confiteri, se talia docuisse. Et, ut suam sententiā testatam magis faceret, ulteriorem sui dogmatis defensionem suscepit, ex celebri illo Jeremię loco, *"Iurabis, vivit Dominus, in veritate, & in iudicio, & in iustitia."* Jerem. 4. 2. Unde conclusum voluit, datam fidem apud Iudices de Sacrificis detegendis, pro iuramēto habendam non esse; quasi tale examen, quęstioq; habita, nec iudicij, nec iustitię fuisset. Salubre meherclē cōsiliū, prę quo in Antiquis Martyribus, prudētiā non possumus non desiderare, qui tam solerti, acutoque commēto, se diris cruciatibus non subdixerūt. Verū, ne unius unica, & singularis sentētia isthęc videatur, ē quā generalius iudicium faciendum non est, secundum audite, cuius fortassis eò celebrius futurum est testimonium, quò altiore & illustriore Jesuitę titulo insigniatur.

14 Johannes Gerardus Jesuita, in Arcis Londinensis tūm habitus custodiā, ² cū per viros tūm ^{Malii. 3.} prudentiā, ^{1597.}

F

prudentiâ, tûm autoritate conspicuos, de South-
 welli placito edoceretur, rogatus est seriò, quid de il-
 lius dicto iudicij ferret. Neque poterat vir egregius
 dissimulare, se etiam in eâdem opinione constitutû.
 Et quò robur ac firmamentû suæ Thesi adderet, Sal-
 vatoris Christi exemplû adduxerat, qui consanguini-
 sis suis hortantibus, ut gloriolæ captandę gratiâ ad
 festum ascenderet, respondit, *Vos ascendite ad diem*
festum hunc, ego enim non ascendam: ubi, inquit, se-
 cretam animi intentionem apud se celavit: postea si-
 quidem, profectus est. Neque hîc Gerardus substiti-
 tit, sed secûdò mûdi Dominum aggressus est. Chri-
 stus, inquit, aliquando inficiatus est, *filium homi-*
nis iudicij diem cognovisse. Hîc secretum ille suum
 apud se celavit, neque alijs divulgavit, cûm tamen,
 quemadmodû filius fuerat hominis, & iudicij ho-
 ram probè intellexerit, & aliud quicquam ignorare
 non potuerit. Addidit insuper, quòd si cuiuspiam te-
 stimonium iuridicè requiratur, & in causis seculi, cu-
 iusmodi forenses esse solent, cum tali equivocatione
 responderi non debere: verûm in negocijs ad religi-
 onem, & Catholicos spectantibus, ut hâc Homonymiâ
 testis utatur, fas esse. Piè sanè de Jesu, sanctissi-
 mo Dei filio, pronunciavit Jesuita. Cæterûm
 cûm non sine stupore & horrore aliquo, ex ore
 tanti, Quantus videri voluit Gerardus, Theologi,
 hæc prolata, viri pij & prudentes audiissent, non ta-
 cuerunt coràm: Quinimò (cûm damnabilia, & blas-
 phema hæc primo aspectu visa sunt) enixè require-
 bant, movebant, obtestabantur, ut suam vellet sen-
 tentiam propriâ manu conscribere, suisque vellet
 verbis concipere, ne perperam fortassis, & non dex-
 tre

trè ab alijs descripta caperetur. Hic tamen tergiver-
sari cœperat non mediocriter, Jesuita, nec voluerat
ullo pacto mandare literis: non, quod minùs vera ex-
titissent, quæ dixisset, sed, quod nollet in propatulum
talìa divulgari. Urgent tamen adhuc Regij (nam
sic fuerant) Officiarij, ut sermoni suo, ab alijs tùm
præsentibus conscripto, vellet saltem subscribere, ut
constaret istiusmodi esse illius, socijque defensionē:
sed & isthuc recusavit. Elegantuli sanè homines, qui
exceptionibus, dicamné tam frivolis, imò evasioni-
bus tam fœdis & portentosis, veritati caliginem of-
fundere obnituntur: *Non vidi*, hoc est, non vidi, cum
proposito vobis enunciandi. *Filius hominis non no-
vit iudicij diem*, hoc est, non novit cū proposito, aut
intentione illis declarandi, aut patefaciendi.

15 Videte, fratres, si pervigili cautela, & prudē-
tia serpentina hodiè non sit opus, quandoquidem cū
tam versatili, lubricoque virorum genere agendum
sit. Quid etenim posthac sanctum, aut sincerum fiet?
Cui tandem, aut quā in causā, non erit omnium sus-
pecta fides? Aperta dehinc patefcet porta, quā pie-
tas & iustitia, & quæcunque ad humanam societa-
tem pertinent, è naturā rerum eliminantur penitus.
Illud etenim si fixum firmumque fuerit, violati pos-
se fidem, Magistratui sub iurijurādi sacramento da-
tam, quid ni multò magis in privatis commercijs?
Si in religionis causā, quā nulla est illustrior, quanto
tutius in quācunque negotiatione expediendā? Si
hæreticum itā hominem circumvenire liceat, tùm
& Ethnicum: tùm & Atheum: tùm certè inimicum:
profanum demùm quemlibet: & deinceps, ullo vitio
conspurcatū. Et brevi futurū est, ut pro arbitrio, lu-

croq; nostro, nemo sit futurus mortaliū, in quē nostrę
suspicionis faba nō cudetur. De cætero, induciæ, pa-
cta, conventus, fœderaq; omnia (ut quę personæ so-
lum larvæq; sint, ad fraudes pertexēdas fabricatæ) ad
Inferos amandentur. Honestissima etenim est respō-
sio, Juravi me culturū pacē, & tranquillitatem: Ve-
rū est; sed sub arcanā hāc cōditione, nisi hostē incau-
tū possem deprehendere: Nisi ex ruptā pace, majus
emolumentum affulgeret. Quid hoc aliud est, quā

^a Augustin. de
hæresibus ad
Quod vult
Deum.

^b Contra Mē-
dadium. ca. 3.

^c Psal. 15. 4.

^d Hebr. 6. 16.

^e Tullius offi-
ciorum. 1.

^a *Iura, periura, secretum prodere noli?*

Quid hoc aliud est, quā cum ^b Priscillanistis dam-
natis hæreticis conspirare? Præ istis, ut novitius, lo-
cutus est David, ^c *Qui iuratus est in damnum suum,*
non tamen mutat: ut neophytus, Paulus, ^d *Homines*
per eum iurant, qui sit maior, atque iisdem omnis con-
troversie finis, est iuramentum ad confirmationem ad-
hibitū. Fiet jā vir bonus, quē peccasse dixit ^e Tullius;
eo nomine, quōd, cū dierū triginta pactę essent indu-
cię, noctu populabatur agros; perinde quasi dierū, nō
noctūū, factę essent induciæ. Deniq; stantibus istis fi-
dei fundamētis, nō video, quis perjurus, fœdifragus,
versipellis, aut mendax homūcio, nō Catholicus, nō
Orthodoxus, non probus & honestus sit habendus.

16 At quid tandem est, quod affers Southwelle?
Religio juramenti integra, & inviolata custodienda
est in judicio & justitiā. Negas igitur Confessum Re-
giorum Judicum, de rebus capitalibus sententiā fe-
rentiū, si Sacrificuli Rei sint, judiciū & justitiā exer-
cere. Luculentē illud satis, jā ab hinc diū, confirmatū
dedit, ^f qui illud ex proposito ventilavit argumentū.
Et ubiq; ferē gentiū Clementissimę Principis, meri-
diano Sole clarior apparet moderatio, eouq; a cæde

^f Author libri
qui dictus est
Executio iu-
stitię, Anglicę
editus Anno.
1583.

fan-

sanguineq; abhorrētis, ut quā plurimos deprehēsos,
 convictos, dānatos, propositi etiam tenaces sui, solo
 multaverit exilio, vitā donaverit: & reliquis palino-
 diā canentibus, & misericordiā implorātibus, quoti-
 diē, ad patibulū, gratiā regalē, veniāq; cōcedat. verū-
 tamē, si foret ambiguū, nū benē, malevē meritos sup-
 plicio afficiat, adeoq; num æquē, vel iniquē jus dicat:
 an vatro cū mendacio, vel subdolo perjurio, Christi
 cōfessor, ē periculo se debeat expedire? Nū talibus e-
 labēdi modis, usi sunt facti Martyres, in pietatis cau-
 sa, etiā cū ad tribunalia, tyrannorū indubitatorū sta-
 rent? Apud ^s Nabuchodonosorum tres pueri, apud ^s Daniel. 3. 16.
^h Antiochū septē fratres, apud Principes Sacerdotū ^h 2. Mach. 7. 1.
ⁱ Apostoli flagris cēsi, apud Herodē ^k Jacobus & Pe- ⁱ Act. 5. 29. 40.
 trus, apud ^l Festū Paulus, ita apud præfectos ^m Igna- ^k Act. 12. 2.
 tius, ⁿ Polycarpus, ^o Laurentius, alijq; jam in cœlis ^l Act. 26. 2.
 fulgentes lampades, veritatē simplicē, confessionē a- ^m Euseb. Eccl.
 pertā, constantiā virilē, patientiā & cōfidentiā Chri- ^h Histor. 3. 30.
 stianā præferebant: non turpibus suffugijs, & diverti- ⁿ Lib. 4. 14.
 culis inhonestis, mētiendi, pejerandi, dicendi partē, ^o Prudentius
 supprimēdi reliqua, præsentis lucis usurā redimebāt. ^{in Periste-}
 Antiquitū indecorū Christiano nomini existimavit ^{phan.}
^p Eusebius, cū à Gētilibus ad idololatriam urgētibus, ^p Euseb. Hist.
 quidam, qui ad altare non appropinquaverat, neq; ^{Ecclesi. 8. 3.}
 quidquā impuri tetigerat, sacrificasse tamen affirma-
 retur, ille verò tacitus eorū tulit contumeliā, neq; re-
 negatā, se inde proripuit. Quid hic diceret Eusebius,
 si modò viveret? Sed beatissimi Salvatoris multò po-
 tius exemplū afferendū esset, (qui Pilati subsellijs ad-
 stās, injustitiam, & nō judiciū causatus non est, ut sic
 fucata diceret,) nisi hunc ipsum, in participationem
 fraudis, (horresco dicere) trahendū Gerardus cen-
 suisset.

¹Johan. 7. 8.

“fuiſſet. At quàm piè, quàm appoſitè? ²Ego ad fe-
 “ſtum non aſcendam; cùm aſcendere tamen in ani-
 “mo habuiſſet. Sed non aſcendam cum propoſito
 enunciandi vobis. ut in ſumum iſtud abit, ſi veli-
 mus Chriſtum ita loquentem capere: *Ego nondum*

Sic è Chryſo-
 ſtomo expo-
 nit Toletus in
 hunc locum.

Sic Ianſenius
 in concordia
 Evangelist.
 cap. 73.

aſcendam ad feſtum? Qui *Nondum* dicit, non ne-
 gat; ſed tempus protelando, non adhuc veniſſe ho-
 ram, venturam tamen poſtea, manifeſtum facit.

Et additum *Nondum* hoc, potuiſſet perſpicere, qui

Græcum conſuluiſſet fontem, ubi legitur: *ἔγω οὐκ ἔτι ἀναβαίνομαι εἰς τὸ ἑορτὴν ταύτην*, ubi οὐκ *Nondū* eſt. quod

ex ipſa vulgatâ editione potuiſſet ediſcere, ubi, cū
 in textu legitur, *Ego non aſcendam*, in margine pro
 variâ lectione ponitur *Nondum*. Et in fine ejus-
 dem verſus οὐκ *per N* *lum* ſimpliciter redditur.

ἡ ἡμέρῃς ὅτι οὐκ ἔτι πῶς ἐμπλήρωται, μεῖν tempus nondum im-

“pletum eſt. Sed & tale illud eſt, Novit Chriſtus

“omnia, ideoquè judicij horam: ſed non novit, ut ip-
 “ſis oſtenderet. Cùm expreſſè Salvator, *Non ſcit fi-*

lius, id eſt, quatenùs filius hominis, & ex carne cō-

poſitus, vel quatenùs creatura eſſet, non habitâ ad

cōjunctâ, & cōunitâ divinitatē relatione. Et humanâ

hanc naturam, ut Angelos, ut reliquos mortales,

ſimpliciter non noviſſe judicij, & reſurrectionis ho-

ram pronunciavit, (¹ *Sed de die illo, ac horâ, nemo*

²Marc. 13. 32. *ſcit, ne Angeli quidem, qui in cælo ſunt, nec ipſe*

ſcius, ſed pater) non ſolum, ut illis nō aperiret: quod

ſi de alijs hominibus, angelisquè in eadem periodo,

& gradatione adjectis, velimus intelligere, ridicu-

lum foret. Nemo ſcit, ne angeli, id eſt, ita ut ve-

lint alijs renunciare. Sed apud homines pios &

doctos, nominatè iſthæc, & nudè propoſuiſſe, ſatis

erat

erat confutasse. Si prodierit posthac quisquam, qui tueri velit ista, quique explicatè, & asseveranter (quod nondum Jesuita) sententiam suam prodet, locus dabitur exactius & scrupulosius ista discutendi. Interea unicum hanc in re Gregorij Nazianzeni testimonium subijcio, cui cum objicerent Eunomiani, filium Dei patre esse indigniorè, quia aliquid nesciret, dum dici ultimi horam ignoraverit, Respondit ^f *At enim qui potest ignorare quidquam in universitate rerum ipsa Sapientia? seculorum opifex? qui consummator & immutator, finē eorū quæ facta sunt? qui sic novit ea, quæ Dei sunt, quæ admodū spiritus hominis, quæcunque sunt in ipso? quid hanc cognitione perfectius? Qui accuratè novit ea, quæ horam illam præcedunt, quæque velut ipsam finis cūtem stringunt; horam ipsam ignorat? Id verò anigmati simile fuerit. Quemadmodum si quis accuratè se dicat scire, quæ ante murum sunt, murum ipsum non nosse, vel dici finē scire, principium noctis ignorare; in quibus alterius cognitio, necessario alterum quoque secum trahit. Hucusque disputans, discutientisque loquitur. Immediatè tamen difficultatem solvit: Num intelligere qui vis facile potest, quod novit ut Deus, ignorare se dicat, ut homo, si quis id, quod in oculos incurrit, ab eo, quod intelligitur, separet? Nam quod filij appellatio hic absolute, nulloque respectu ponitur, non adiecto, cuius filius intelligatur: id ipsum facit, ut cogitemus, ignorationem illam religiosius accipiendam esse, relata ad humanam, non divinam naturam. Hic si ulla videatur delitescere obscuritas, quæ lectori intelligenti nulla est, ænigmaticum sermonē explicatè tradit Elias Cretensis*

Gregor. Nazianzenus Orat. 5. de filio.

Elías Crete.
 si Episcopus
 cōmentario.
 in 5. Oratio-
 nem Gregor.
 Nazianz.

Episcopus, commentario suo in illum Gregorij locum; qui, cum cetera expedierit, solvit, inquit, Gregorius id, quod in dubium vocabatur. Quia enim Christus duplex erat, idcirco notā ei fuisse dicit horā illā, tanquā Deo: ignotā verò, tāquam homini. Quod posterius rursum declarans subiecit: si quis id, quod in oculos incurrit, ab eo, quod intelligitur, separet. Ea verba quid sibi velint, hoc quodā modo intelligemus. Servi forma, quā Dominus adsumpsit, secundū se quidē cōsiderata, ut creatū quiddā; & serva est, (nam hominis natura, Dei mancipiū est, qui eam condidit,) & futurorum cognitionem nullam habet; quāquam ex gratiā nonnunquā id consequatur. Verum ut propter hypostasin, siue personae identitatē, & indissolubilē unionem, vivificus audebat; ita & futurorum cognitione collocupletatus est. Nam quum unus sit Christus, non potest simul, & servus esse sūp̄p̄sius, & dominus scire pariter, & ignorare: quā quidem diū unus esse intelligitur, propter unionem hypostatīcam, quae & ineffabilis est, & indissolubilis. Si verò per exiles mentis cogitationes (nam ceteroquē res consieri nequit) adsumptum ab eo, qui adsumpsit, separaveris: tū scilicet & adsumptum mancipium erit, & ignorare dicitur. Atque eatenus nunc quoque dicitur, horā illā & diē Dominus ignorare, nimirum ut homo. Itaque adversus Antiquos, & obsoletos hereticos, Divinitati Salvatoris detrahentes, dicta fuerunt; cōtra novum hoc hominū genus, calumniam eidē Christo obtrudentium, tanquam sophisticam imposturā facienti, locum hodiē habent.

17 Verum, ut, quod res est, in apertā lucē proferam, vereor, ne ex illā radice hēc iam tandē pullularint,

lularint, quæ ante annos aliquantò plures alicubi
plâtata est. Superioribus etenim temporibus, post
Bullam Pij Quinti, contra Principē pijsimā Romæ
effulminatā, è scrinio sui pectoris, aut deprōpsit Pō-
tifex, aut eruditione & autoritate celebrior apud
illos Pōtificius aliquis, nescio sanē quis, cōclusiones
aliquot ad Angliā pertinētes, ut Eleusina tamē Sa-
cra, Cererisq; mysteria, nullo pacto divulgandas. Mi-
hi tamē fas sit proloqui, cum obediētiæ sacramēto
in Romanā sedē non distinear. " Si in tribunali He-
reticorum respondendum sit, iuramentum exactum
à Iudice non competente, quales nunc omnes sunt in
Anglia, in iurisdictione Ecclesiastica, non obligat,
nisi secundum intentionem iurantis. Qui trahetur i-
gitur, cum sit Catholicus, coram Hereticis, vel recu-
set iuramentum, quod est prudentius, vel sophisticè
iuret, & sophisticè respondeat singulis interrogatio-
nibus, si de fide nō sint: Interrogatus igitur de Catho-
licis indicandis, & iuratus, si prætectu sui iuramen-
ti, nominat, detegitq; aliquos, bis peccat. Sic: licitū est
Sacerdotibus aquirvocare, vel nomina mutare, apud
eos, qui sedent in portubus ad telonium, aut si in viā
interrogētur de religione suā, aut unde venerint, re-
sponso indirecto licebit effugere, vel deludere interro-
gationē. Et: si temere quis, & incōsideratē Hereticis
iuramentū dederit, se velle ad omnia interrogata sin-
cerè respondere, cum petuntur aliqua, quæ in praiudi-
cium fient Catholicorū, qui à peccavit iurando, iura-
mento non tenetur illis respondere. Et si Sacerdos
ad tribunal iudicis, iuratus petatur, quoties Mis-
sam celebravit, vel apud quos, &c. ut alijs peri-
culum creetur, non tenetur respondere, quia non

" Solutiones
ad dubia quæ-
dā de Anglia
proposita.
Vide præfati-
onem ad le-
gorem.

est legitimum iudicium, nec tyrantis intentio debet esse, nisi ad ea revelanda, quæ tutò potest. Respondeat tamen aliquo sensu verum, etiamsi non sit in intentione interrogantis. Si de se requiratur, consilium esset dicere veritatem, & mori pro fide, si opus est: alios autem non revelet: etenim non tenetur, quia iudex hereticus, vel schismaticus, amittit omnem iurisdictionem. Si verò in iudicio de veritate interrogetur, nec de se, nec de alijs respondere debet, sed Amphibologicè, vel equivocè affirmando, iniquitatem iudicis poterit declarare. Qui ista jam tandem novimus, vel à Petri successore nostratibus indulta, vel ab aliquo ejus partis Antesignano, secretè edocta, dehinc mirari amplius sustineamus. Quid aliud in Southwello, quid aliud in Gerardo, reliquisque ejus sortis poterimus expectare, cum à cœlesti quasi oraculo ista edidicerunt?

18 Hic ut dixit aliquando pro Roscio Tullius:

2 Tullius pro
Sext. Roscio
Amerino.

2 Quid primum querar, aut unde potissimum exordiar Auditores? Post Pontificis illas diras superbè jactitatas, neque iudices sunt in Anglià, præsertim si de Sacrificis agatur, nec tribunalia equitatis, nec, quæ ad clavum, Regina, sedeat. Immortales summo patri sunt habendæ gratiæ, quòd sinceros magistratus integrosque, & iudices incorruptos, si alicubi, in Europa; spectatissimam autem foeminam, Augustissimam Principem, si in orbe Christiano, aut unquam, aut uspiam, nostro regno donaverit. Fremuerunt certè Gentes, adversus unctam Domini, sed, qui sedet ab alto, ipsarum consilia ludibrio habuit. Quò acerbo felleoque magis animo contra nostræ Reip. Sionisque tranquillitatem conjuraverunt, quò venenatis magis linguis

7 Pal. 2. 1.

linguis Sanctissimam Dominam, ut ^a Davidem Shim-
 mei, perculerunt, eò altiore & illustriore dignitatis e-
 minentiâ, & istam & illam extulit, evexitque mundi
 Dominus, utramq; conspicuâ, & amicis & inimicis,
 tanquã in medio cœlo Solē proponēs. Beatū Albio-
 ni dedit Deus seculū, ut calamitati ejus inhiantibus,
 & oculi defecerint, & ora exaruerint: lectissimæ autē
 Principi, ^a *vitam prolixam, imperium securū, domum*
tutā, exercitus fortes, Senatum fidelem, populum pro-
bū, orbem quietum, & quæcūq; hominis aut Cæsa-
ris vota sunt: ut, cui Italus maledixerit, ei Domi-
 num uberem in modum benedixisse, satis superque
 contestatum fiat. Fruatur, precamur, tali ^b Debo-
 rā, in æternum, patria, matre in Israël: fruatur tali
 populo Regina beatissima, invitis quibuscūq;, exi-
 tium tam preciosæ animæ imprecantibus. Itā erunt
 apud nos, spectatæ probitatis iudices, & justitiæ tri-
 bunalia. Quin ut deliris istorum somnijs paulisper ge-
 ramus morē, Esto, Pōtifex hanc ipsam, subditosque
 suos, cēsūrā Ecclesiasticā legitimā perstrinxerit. An
 majores hoc fulmē habiturū vires est, quàm illud, de
 quo Christus, Excommunicationis nodos laqueosq;
 designās, ^c *Dic Ecclesia: Quod si Ecclesiam audire neg-*
lexerit, sit tibi velut quispiam Ethnicus, & quispiam
Publicanus. Sit igitur tanquā Ethnica: simus omnes
 ut Publicani. Placet etenim itā ludere, animi gratiā.
 An Ethnicis data fides, an Publicanis juramentum,
 Deo invocato, factū, mendacio & perjurio everte-
 tur? Agedū ^d Abrahame, eugē ^e Isaac, licentia vo-
 bis facta est, Abimelechum post solennem sacramē-
 ti religionem circumveniendi, quippè incircumci-
 sum. Nō Davidis magis manu, quàm voce capieris,

^a 2. Sam. 16. 5.^b Terrullan.
in Apologeti-
co, cap. 30.^b Iudic. 5. 7.^c Matth. 18. 17.^d Gen. 21. 23.^e Gen. 26. 31.

¹Sam. 30. 15. f. Egyptie famule, qui Deum contestanti fidem adhibebis. Jeconiah versus Babylonium fœdis fragus, jã prudens est, & *evadet*: quod negavit Dominus, ob promissum violatũ vehementer excandescens. Sed ²Matth. 23. 16. ut olim Pharisei juramenta distinguebant, *per altare nihil est: tantundem, si per templum: at si per aurum: per donarium*, tum revera peccatur, ita sanè in successoribus Pharisæicæ sectæ, distinctionem isthuc expectamus.

19 In negocijs ergo juris, & humani commercij, veritatem oportet proloqui; sed in causã religionis, aut Sacerdotum, & Catholicorũ, liberiores sumus. Putabã sanè in divinis negotijs, cautissimo, & mûdissimo fuisse ambulandũ pede. Veritatis Sol est Christus, & lampas radiantissima. Non ¹ad ipsum, nisi per se, id est, per veritatem, veniendum est. Sed ²*mendacium nullũ ex veritate est*. Annõn hoc est, Christi nomẽ apud Principes erubescere, cùm secessibus querendis, & diverticulis indagãdis, inhonestis Christiano nomini, confessio, si non rei, at materię connexorum, & conjunctissimorũ celatur? Aliàs nos Christus in personã suã edocuit; qui, utcunq; in nonnullis interrogatis mutus fuisset, quò se sponte vitam deposuisse cõtestaretur; cùm ¹adjurasset eũ tamen Sacerdotũ Princeps, ut directè responderet, apertè restatus est, ²*Ego sum*. qui in decẽ primis persecutionibus laniati sunt, & discerpti martyres; ad Ethnicorũ Tribunalia sistebantur; neq; tamẽ in religionis negotio, vel quoad substantiã, vel circũstãtias ingruentes, exceptiones dederunt, quibus freti, quæcunq; pro causæ ratione postulabãtur, falso pronunciarent. Detur unus celebriũ illorũ Christi testium, tot linguis per

tot secula decantatorum, qui sine labe tunc à pijs as-
 perſa, ſine inuſtâ ignominia, tale aliquid perpetrârit.
 Detur aliquis ſanctiſſimorû primæ Eccleſiæ lumina-
 rium, qui tale aliquid ſcripſerit, docuerit, defenderit,
 immurmurauerit. Nihil illi magis execrandû, apud
 Dominû ſenſerunt, quàm in ijs, quæ ad propriam ſui
 gloriâ ſpectant, vel minimâ mundanæ falſitatis ſpe-
 cië, aut docere, aut præſtare. Nec immerito, cū ^{1. Timoth. 1.} me-
 dacia, & perſuria, in ijs, ab apoſtolo enumerêtur, quæ ^{10.}
 fanę doctrinæ ſunt eõtraria. Et, ^{Malach. 3. 5.} *teſtis velox futurus*
eſt Dominus, aduerſus falſo iurâtes. Cū caviſſet De-
 us de ſemine ^{Deut. 10. 16.} Canaanitico radicitus extirpando, &
 ad ſuâ illud gloriâ immediate ſpectaſſet, ut, quod mæ-
 daſſet, cuſtodiretur; iurati ſeniores ^{1. Ioſ. 24. 22.} Gibeonitis pe-
 percere. Cū juramētū illud, in alienâ perſonâ multo
 prius præſtitū violâſſet Saulus, ^{2. Sam. 21. 1.} triênali fame delictū
 caſtigadū cëlebat Jehova. qui univerſę Iſraëlis terrę,
 idque Davidis tēpore, poſt præteritos plures annos,
 acerbâ famē immiſerat: quàm inſigniter id in Saule
 deteſtatus eſt: etiâſi divinæ voluntatis obſequium in
 perſonâ ſuâ, adeoq; contra juramentū temerarium
 ab aliis datū, obtenderet. Quid in genere de his cogi-
 tet, apud Zachariâ loquitur: ^{Zach. 8. 17.} *Alter malum alterius*
ne cogitetis cum animo veſtro, & iuramentum falſum
ne ametis; nam omnia hæc ſunt, quæ odi, dicit Jehova.
 Indefinitè loquitur, & in univerſo. Juramentum fal-
 ſum ne ametis: Et hæc ſunt, quæ odi.

20 Sed aperto, directoq; mendacio, juramento
 contraire nolumus. Aut noſtra, aut aliena vira eſt,
 quæ in diſcrimen conjicitur, cui cū abundè cautum
 cupimus, ſophiſticè reſpōdebimus, aut aſtu delude-
 mus, neq; quidquā, niſi equivocè, & Amphibologicè
 pro-

proferemus, reservatâ nobis secretâ animi intentione. Vita sanè dulcis est, sed qui nō odit *pro Christo vitâ, nō erit eius discipulus*. Quid isthic Augustinus?

^{* Luc. 14. 26.} ^{* Augustin. in Psal. 5.} *Ne quis arbitretur, perfectum & spirituales hominem, pro istâ temporali vitâ, in cuius morte non occiditur anima, siue sua, siue alterius, debere mentiri. At eximie vos estis spirituales, qui assueto, & mirè delectabili Christianorum nomine contenti non estis, nisi & Jesuitarum titulus, ut Jesu conjunctionum, tanquam cumulus accedat. Vitæ igitur periculum à justo non avocaret. Sed ne solus hac in causâ eât Augustinus, se conjungit Gregorius, Romanus aliquando Pontifex, qui, ut senior est hodiernis Papis, ita etiam multò sanior. Sic autem loquitur: ^{* Gregor. Moral. Lib. 18. 4.} *Quia scriptum est, Os quod mentitur, occidit animam: & perdes omnes, qui loquuntur mendacium; hoc quoque mendacii genus perfecti viri summopere fugiunt, ut nec vita cuiuslibet per eorum fallaciam defendatur: ne sua anima noceant, dum prestare vitam carni nituntur aliena. Videte, quàm latè-patenti utatur voce per eorum fallaciam; sic sophisticis etiam delusionibus occurrens. Subdit reverà: Quanquàm hoc ipsius peccati genus facillimè credimus relaxari. At num peccatum est Gregori, & anima nocet, & occidit animam, & perdes mendaces Deus, & perfecti viri summopere fugiunt, & tamen facilè relaxatur? Hoc oportet ut sit, à Deo miserante, qui poenitentibus, maximorum delictorum veniam concedit, non ex naturâ aut qualitate criminis. Ut de causâ igitur impellente dicere supersedeamus, videamus modum. Cupijsem è scripturis, indubitata fidei iudiciis, in re tantâ confirma-**

cōfirmationem aliquam: (ut *Æquivocè* respondeatur, & *delusoriè*, & *Sophisticè*) quin potius ad Navarrum, Martinum ab Azpilcuetā nos transmittunt; qui celebrioribus sepositis, aut Patrum, aut Conciliorū testimonijs (ut de Sacris taceam literis) magnum illum, beatumque Franciscum nobis refert, putā, tanquam Christum alterum, ^{7 qui ro.} *gatus, quā perrexisset quidam homicida, qui iuxta eū transferat, manus per manicas immittens, respondit, non transisse illac, intelligens, non transisse per illas manicas.* ^{7 Navarrus Enchiridii ca. 12. 8.} Dextrè quidem, ac pulcherrimè, & ut Franciscum decuit. Homicidam divino, humanoque damnandum iurè, ille tuendū censuit; sic & ejus exemplo, lupos animas hominum devoratu- ros, insidiosè celandos, boni viri arbitrantur, hodiè. At num juratus, ut verè omnia, & totam proloquatur veritatem; & quæ sitis speciatim, punctimque, de singulis circumstantijs, de loco, de tempore, de modo, de numero, de personis certis, sic poterit effugere? Miror sanè Jesum Christum, quū Apostolis, quid futurum esset, significaret, nō ista docuisse. ^{7 Matt. 10. 18.} *Ad præfides, & reges ducemini meā causā, ut hoc sit eis, & Gentibus testimonium.* Hīc, ad Ethnicos, ideòque, quasi ad non-judices: meā causā, in negotijs igitur religionis: in testimonium illis, ideòque, ut mors patiēda foret. Cur hīc oblitus non addiderat: Sed æquivocandi, deludendi, sophisticè jurandi, do vobis potestatem. Si addidisset isthæc, res integra fuisset. Verū Artium illi potius, quā Christum imitandum crediderunt, ^{7 Theodoret. Histor. Eccles. 1. 14.} qui apud Constantinum Imperatorem, jura- mento tali delusorio aliquando usus est: sed divina

postmodum sese exerente vindicta, & perjurij, hæreticæque uno momento blasphemiarum poenas luit acerbissimas. De illo sic Socrates: Cum apud Constantinum Arrius Niceno Concilio subscriberet,

^a Soerat. Hist. Eccles. I. 25.

^a Imperator hoc admiratus, illum etiam ad iurandum adigit. Ille simulat, & fallaciter istud quoque prestatit. Fucata vero ratio, quæ ad fraudem in subscribendo usus sit, sicut ipse auditor, eiusmodi fuit. Arrius suam ipsius opinionem in charta,

quam habebat, conscribit; eam sub alâ gestat. Iurat se verè, & ex animo sentire, quemadmodum scripserat.

Quamcum nostris hæc conveniunt? Qui in hæresi illius neutiquam, verum in fraude, & impostura, tam laudati ubique patris, & filij, & hæredes, & successores sunt dignissimi. Stupendum non est, si tremendum, & verendum, è justitiæ flagello, consequantur nonnunquam exitum, quum grandissimo, quæ comprehenduntur, libro apud

^b Zachar. 5. 4.

^b Zachariam, Væ, & maledictiones prædicantur in domum falso jurantis intraturæ, & in mediâ remansuræ, & eam consumpturæ, cum lignis & lapidibus ejusdem. In corporibus, domibusque hujuscemodi hominum, hæc verissima quam sæpissimè comperimus. Bearet multo potius æternus pater, si sanctius illud suum animo reponderent;

^c Levit. 19. 12.

^c Non iurabis per nomen meum falso, nec pollues nomen Domini Dei tui.

^d Hujusmodi fidei articulos, utinam jam tandem Romani dediscerent Patres. Male audiunt apud omnes, hæc in factis exempla, hæc in dictis Axiomata. Fides data Hæreticis, servanda non est. ^e Caesar obsignavit, Christianus orbis resignavit

^e Campianus Ratione. 4.

navit

navit maior Cesare : Durum sanè illud fuit ^e Francisco Seniori Gallorum Regi : quum Sionis Cardinalis Helvetijs persuaserat , fidem Francisco datam de suppetijs ferendis , fallendam esse & relinquendam : factum tamen fuit turpiter . Cum in Gallia inter Carolum nonum , & Condæum sociosque , pacis ictum esset foedus , exclamant quotidie in concionibus Jesuitæ , ^f *pacem non debere fieri cum Hæreticis* : *Factam haudquaquam debere servari* : *rempiam esse atque salutarem , imparis hominibus manus violentas asferri* : Christianum populum adversus Hæreticos istos armari debere . Ad hoc, Concilij Constantiensis decretum asserunt , & exempla Levitarum fratres occidentium . Videte , num istorum , aliorumque in Jesuitis , similium , vindictam exegerit cœlestis pater , cum tanquam Ecclesiæ , & Reip. perniciem , è Gallia nuper illos , & Pontificiorum manu , detruserit . Ceterum quàm tristi illud vultu aspexit Zelator Deus , quod commisit aliquândo ^g Ladislaus Hungariæ , & Poloniæ REX ^h profanè & imprudenter , instigante Pontifice Eugenio Quarto , eiusque Cardinale & Legato Juliano ? Hic etenim quando foedus cum Amurathe Secundo , Turcâ , percussum , ex proposito rupisset , inauspicatâ illâ Varnensi , pugna dicamnè an clade ? cum exercitu & perjurij suatore Cardinale miserrimè interiit . Foedi consilij , & indigni Christiano nomine , turpissimus exitus . Hæc si crebrò facta forent , cum perpetuo dedecore religioni nostræ inurendo , Mahumetani & Turcæ , perjuri nemiū ipsi & foedifragi , interrogare poterint in pactis obfirmandis , per quemnâ Deum posthac juraturi sumus ,

Memoires du Bellay. li. 1.

Commentarii Relig. & Reip. in Gal. lib. 2.

Lonicerus li. 1. Turcic. Histor. P. Callimachus de pugna varnensi.

^aProcopius
de bello Got-
horum Lib. 2.
^bLucius li. 30.

^aTullius
lib. 3. offic.

^aPlutarchus
in Antonio.

^aAppianus
lib. 5. de bello
civil.

^aEuripides
in Phœniss.

mus, ut ad ^b Francos aliquando Romani: vel ut ii-
dem potius ad Carthaginenses, per quos Deos
foedus icturi essent, cum respondit ipse ^a Asdrubal,
Legatus Punicus, *Per eosdem, qui tam infesti sunt
fœdera violantibus.* Devicto tum Hannibale, peri-
urij sui amaras solvissent pœnas. Utinam Roma-
nenses nostri, Christi nomen aut profitentes, aut si-
mulantes, antiquos Romanos, Deum verum non
agnoscentes, in promissorum, & juramentorum
sanctitate æmulerentur; apud quos nihil quidquam
fuerat solennius, quàm metu omni seposito, ut ^a Re-
gulus, spe contemptâ, ut Sextus Pompeius, fidem
datam conservare. Celebre illud est eiusdem Pom-
peij, quod, quum è Triumviris duo, ^a Octavius Cæ-
sar, & Antonius, juramento illius fisci, apud ipsum in
navigio convivarentur, rogârit illum Menas Pirata,
aut, ut appellat ^m Appianus, Menedorus, num dis-
cissis funibus anchoralibus, utrumque abduceret,
sicque ipsum, dominum, possessoremque unicum
Romani Imperij faceret: Is paulisper meditatus,
iniussu meo, Mena, inquit, id tibi faciendum fuit.
Nunc presenti rerum statu contenti simus. Id peie-
rare enim non est meum. Quàm honestè iste Ethni-
cus? Quando, si ⁿ jus violandum sit, regni gratiâ
violandum esset, ille potius memor fidei, Id peiera-
re, dixit, non est meum. Nostri autem, cum regnū,
& cœleste, & æternum, periurio sit amittendum,
non acquirendum, perdendum, non lucrandum, id
peierare volunt esse suum.

22 At in sensu suo, & secretâ intentione men-
tis, loquuntur vera. Non ivit hâc, i. non per mani-
cas. Non vidi, i. cum proposito declarandi vobis:

Quis

Quis vnquàm hominum, aut mendax, aut periurus appellabitur, si sana, solidaque ista sint? Quid hîc, quæso, Psalter David dicturus est? *Quis^o ascendet in montem Domini?* *Qui non iuravit in dolo, proximo suo.* Istud certè, in dolo est jurare: & nomen proximi, ad^p omnem, quocum agimus, ad Samarium, ad Judæum, ad quemcunque nostrâ operâ indigentem, se extendet. *Falsum non feres testimonium aduersus proximum,* i. contra nullum. Non erat Babylonius, Mosaiçâ stante lege, Jeconia Regi viciniâ, aut habitatione, proximus: cum tamen inter eos contractû esset fœdus, & ex Jeconia parte ruptum; quid hîc Dominus? *an prosperabitur? an eripiet se, qui facit ista? qui irritum fecit fœdus, etiamnè eripiet se?* Et postea: *Quum spernat execrationem, irritum faciendo fœdus: quia ecce iunxit manum suâ, & omnia ista facit, non eripiet se.* Idcirco, sic ait Dominus Iehova, *ne vivam ego; nisi execrationem meam, quam spernit, & fœdus meum, quod irritum facit; hoc reponam in caput ipsius.* En, ut iuramentum Deus appellat suum; fœdus iridem suum; quia illius nomine contractum. Memorabile illud est, quod super eum Ezechielis locum habet Hieronymus: *Qui dissolvit pactum, nunquid effugiet? Ex quo discimus, etiam inter hostes servandam fidem, & non considerandum, cui, sed per quem iuraveris. Multò enim fidelior inventus est ille, qui propter nomen Domini tibi credidit, & deceptus est, te, qui per occasionem divinæ maiestatis hosti tuo, imò iam amico molitus es insidias.* Sic ille: Non considerandum est, cui, sed per quē iuraveris. Imò falleris Hieronyme: Apud excommunicatum, apud non iudicem, si sacramento astrictus

loquar, considerabo non per quē, sed cui juraverim: Etiam si revera ille, cui jam teneor respondere, non sit reipsa, sed delira mea opinione, a Sanctorum communione seclusus, aut segregatus: & verissimē, loco suo, iudex sit iustissimus: sub Deo, principeque, magistratus nominatus: contra fures, homicidas, proditores & perduelles, gladium non frustra gerens. Annon hoc est, audaci fronte & perfrecta, sacrosanctum Dei nomen in vanum sumere, quem, quā de causā, adhibeo testē, si decretū sit apud me fraudulenter agere? ē Tartareo illo puteo hæc Demonologia, nō Theologia derivata est, & ē Christiano exterminata orbe, ad spiritus infernales, retrō amandāda est. Gregoriū Nazianzenū nemo sobrius celeberrimū negabit Theologū, eā siquidē appellatione, illū venerāda Antiquitatis canicies dignata est,

*Gregor. Naz.
Dialogo ad
eos, qui iura-
mentis fre-
quenter utun-
tur,

*Euripides in
Hippolyto co-
ronato.

*Tullius sic in-
terpretatur
Officior. 3.

*Bernard. de
interiori do-
mo. cap. 51.

Eius igitur audire Theologiā: *Solent pleriq; dicere.*

* Η γλῶττ' ὁμώμοχ', ἢ δὲ φρεν' ἀνώμοτος,

* Iuravi lingua, mentem iniuratam gero.

Quidvis potius argutē potest excusari, quā iusiurandum. Nemo prorsus fucum sibi fieri patiatur. Nā iuramentum hoc est; & quantum qua somali accidit ex ipsā fraude? Quā sincere Gregorius? Quidvis potius argutē potest excusari, quā iusiurandum. Isti tamen nec argutē, neq; piē excusabunt. Adiiciam unicum Bernardi testimonium, quo nullum est illustrius. Quācunque arte verborum quis iuret, Deus, qui conscientia testis est, ita hoc accipit, sicut ille, cui hoc iuratur, intelligit. Qui verō dupliciter iurat, dupliciter reus sit, quia & nomen Domini in vanum assumit, & proximum dolo capit. Sic Ecclesiæ patres: sic olim Christiani. Quid Evangelico dico illustra-

tos

tos lumine? Sic homines animales, quibus sacra-
rum literarum ne auditum nomen est. Proponit M.
Tullius ex Accio illud: ^b *fregistinē fidem? Neque* ^{Tullius Offic.}
dedi, neque do infideli cuiquam. At quid tum dein- ^{Lib. 3.}
do Tullius? *Est iusiurandum affirmatio religiosa.*
Quod autem affirmatē quasi Deo teste promiseris, id
tenendum est. Et postea: *Si hinc sibi sumunt nul-*
lam esse fidem, quae infideli data est; videant, ne qua-
ratur latebra periurio. Si vixisses nunc M. Tulli,
vix credendas periurio latebras quæri, & videres,
& doleres. Quàm miseri nostri sunt Papismum
amplectentes, adolescentes, foeminae, seniores, cre-
duli, imperiti rerum, incauti, in fraudem illecti, qui-
bus tales jam tandem magistri contigerunt, qui plus
omnibus sapere, id est desipere, & a viâ deflectere,
in partibus transmarinis didicerunt.

23 Non immeritò sibi nomen arripiunt Sophi-
starum, (id^c etenim eorum proprium est, qui Sophi-
sticè respondent.) Ut enim jam olim Sophistæ ^{Ex regula}
^{conjugatorū.}
^d dicebantur, qui ^{Aristotel. de} *σόφοι* non fuerunt, sed inflato ^{Elenchis So-}
tantum cum titulo & ventoso, gloriosi quidam, ^{phisticis. Iso-}
qui à rectâ Philosophorum sectâ distabant longis- ^{crates Oratio-}
simè, vehementer apud illos redarguti, contemp- ^{ne contra So-}
ti, ludibrio habiti, ità isti, in rebus seriis &
ad Deum spectantibus, fraudulentè & sophisti-
cè, iurati, respondentes, ex albo verorum Chri-
stianorum, tanquàm mendaces & periuriorum
disseminatores sunt expungendi. Quibus unicum
illud est, & miserum certè in his angustiis refugi-
um, incompetentes esse in Angliâ magistratus, Re-
ginam, & Senatum, esse nō-Judices. Aliàs etenim ex
principiis fundamentisque Casistæ & Canonistæ

e Navarrus
Enchirid. cap.
12. 13.

Cap. 12. 8.

fui gravissimè delinquunt, cuius non pigebit verba recensere. De illo disputans mandato Mosàico Non sumes nomen Domini, Dei tui in vanum, cuiusmodi homines illud præceptum violare soleant, ostendit: ^e Decimo quarto loco, qui Sophisticè & dolo se aliquid iurat, aliter intelligens, quam ille, cui iurat, intelligit, nullà intercedente causà, aut iustà ratione utendi tali duplicitate, non solum peccat mortaliter, ut dictum est, verum etiam postea non adimplens illud, secundum sanum, & communem intellectum illius, cui præstitit iuramentum. Quoniam quando iurans utitur dolo, alter verò minimè, iuramentum adimpleri debet, secundum sanam, & communè intentionem illius, cui iuratum est. Quæ sit causà intercedens, aut iusta (secundum Navarrum) ratio utendi tali duplicitate, ex illà ejus regulà, ediscatur, quæ, quandoquidè ex præcedente præcepto generali nobiscum magis facit, ut citetur, digna est: ^f Non peccat, qui iurat id, quod est verum secundum mentem suam, non autem secundum intentionem illius, cui iurat, cum esset iussus iurare à iudice competente, servato ordine iuris, vel se offerendo spontè ad iurandum. Hæc regula est: addit tamen per explicationem: Diximus à iudice competente &c. Quoniam si iudex iuramentum exigens, talis non fuerit; vel esto, quod sit competens, interrogat tamen contra iuris ordinem; vel est alius homo privatus, qui per metum, aut importunitatem, iuramentum extorquet; tunc iurare poterit id, quod secundum suam mentem est verum, falsum autem secundum mentem alterius, cui exhibet iuramentum. Hæc profanè satis: sed ex istis principijs, scelestæ nostratum Sacrificorum responsiones, & defensiones

fiones conuincuntur esse, nisi illud constiterit, Principem, præfidesque suos, omni authoritate, & jurisdictione excidisse; id quod nullis eorum ampullis, cavillis, calumnijs, unquam dabitur effectum; sed Papalem eâ in re arrogantiam, & Antichristianam insolentiam boni omnes perpetuò explodent: id, quod meritò faciendum esse, jam ab hinc diù docuit ^s Marfilius Patavinus, nuper autem ex Anglis viri doctissimi, & de Ecclesiâ plurimùm meriti, ^h Johannes Juellus, suo tempore Episcopus Sarisburiensis, Thomas Bilsonus, modernus ⁱ Episcopus Wintoniensis, & Johânes ^k Rainoldus, Decanus Lincolnien- sis, quos, qui volet, Anglicè insigni cum fructu legat. Aliæ si obtrudantur exceptiones, multò magis sunt ridiculæ. Siquidē & ipsi juramento extra controversiam aliquândo onerantur: &, quod ad formâ juris at- tinet, ex legū Anglicarum ordine, nō præciso magis, quàm antiquo, prudētissimè, & cautissimè transigū- tur omnia. Et Sacerdotalis functio, quâ obtendūt, in transgressione legū, aut divinarū, aut politicarum, à Principum castigatione non tutatur; cū, ^l *omnis ani- ma potestatibus supereminentibus subiecta sit*, oport- teat. Unde egregie Chrysostomus: ^m *Ista imperantur omnibus, & Sacerdotibus, & Monachis, nō solum secu- laribus: id quod in exordio declarat, cū dicit omnis ani- ma potestatibus supereminentibus subdita sit; etiamsi Apostolus sis, si Evangelista, si Propheta, siue quisquis tandem fueris. Neq; enim pietatē subvertit ista sub- iectio.* Et super istos equè, atq; super alios, magistra- tus gladiū gestat, non frustra. Id quod noverunt pij o- lim Principes; ut ⁿ Salomō, cū Abiathar, è munere ^o Sacerdotali deturbaret, & Zadocum eâ dignitate in-

^s Marfilius pa-
tavinus in
Defensore pa-
cis.

^h In respons.
ad Bullam se-
ditiosam.

ⁱ In libro con-
tra Pontificios
edito.

^k In colloquio
cum Ioh.
Harto.

^l Roman. 13. 1.

^m Chrysost.
Homil. 23. in
Epistolam
ad Romanos.

ⁿ 1. Reg. 2. 26.
35.

° 1. Reg. 2. 23.
20.

° Cantic. 2. 15.

° 2. Reg. 10. 25.

signiter; ut ° Josiah qui sacerdotes idololatrias occisione occidit. Imò Jehu apprimè memor, & regie potestati imperatū esse, cum alijs, ° *Capite vulpes, vulpe culas, quæ perdunt vites*, Baalis ° sacerdotes ad unū interfecit. Quæ cum ita se habeant, quàm temerè, isti pericula & animabus, & corporibus accersunt suis? Quantā faciunt iniuriā divino nomini, fraudulenter contestando? quantam Regie Majestati, scelus scelere, proditionem periurio cumulando? quantam iudicibus, quousq; poterint, circumveniendo & deludendo? quantam populo Christiano, ea apertè præstando, secretè docendo, quæ cum mendacijs, & versutijs in summo genere sunt coniunctissima? *Abominatio sunt Domino labia mendacia.* Pa-
ter cœlestis tandem eorum oculos aperito. Jam ad alia redeo mendaciorum genera.

° Psal. 12. 22.

° Math. 25. 34.
41.

24 Sed quàm parvum est, unam tantum immutasse vocem: pro Non, etiam, pro etiam, non, cum vita hominis, imaginis Dei, Christiani, amici, tuenda sit, quæ peribit aliàs? At novimus vel in minimis à justitiâ exorbitari. Unica iudicis vox, Non, aut Etiam, innocentis sanguini, vel parcit, vel effundendo consentit. Unica Christi vox, ° *Ite vel Venite*, aut ad cœlestia animam evehit gaudia, aut in gehennam protrudit. Neque aliena conservanda est vita, cum dispendio, aut iacturâ animæ tuæ. Nam quid in alijs peccatis faciendum esset? Ut, velit debeatque quisquam mori, nisi patriam proditione tradideris, nisi peieraveris, nisi furtum feceris: num in ista prorumpendum est? Phyllis aliqua, aut Amaryllis ita te, tuamque ambit pudicitiam, ut nisi cesseris, laqueum collo sit iniectura
aut

aut seipsam mari immersura. Num illius, tuo vitio, amentiam redimes? Non redemisset pudicus ille Joseph, si & princeps fuisset, quæ pellegerat, & sua domina. Et tibi, & illi pro sis, modò possis: sin nequeas utriq; tuam salvato animam: tuam mundato conscientiam. Verùm annon minus tolerabo, perpetiarq; malum, ne accidat gravius? Id me docuit Patriarcha Lothus, " qui suas Sodomæis filias, " Genes. 39. 8. potiùs proposuit vitandas, quàm permetteret, ut viris, & hospitibus stuprum inferrent. Rectè sanè; sic Lothus fecerat; sed num piè fecerat? Annon ille malè, ut bonum succederet? Nihilo ergò magis id in illo iusto imitandum est, quàm vel quòd² ebrietate in mōte, vel incestu in speluncâ, se contaminarit. Tu ab omni fuge turpi, ut à serpente; & reliquum per mitte Deo.

25 De ægris, quæ obijciuntur, parís sunt rationis. Qui egrotat, cupit aliquid cognoscere, cujus notitia, morbum, animiq; affectum exasperabit magis. Aut cū ægrotanti credulitas, & imaginatio multum pro fit; medicorū est, sermone bládo lactare, eaq; quæ secus habent, ingeminare. At ista medicorū nō sunt, sed hominum mentientium. Quo modo pius sperabit medicus, affuturum suæ operæ Deum; si malis, & illegitimis utatur mediis? Commentis irritatur, & provocatur, vitæ necisq; Dominus; non placatur. Quæ artis suæ sunt, exercenda sunt; & invocandus Deus, ut conatui velit adesse, & affulgere. Imaginationi, factis veris, occurrendum est, non sermone ficto. Rectè fecerat, qui credenti, per humorem melancholicum, sibi caputi defuisse, pileum plumbeum iniecit, ut onere pressus tandem per-

sentiſceret : ſin fabulas ingerendo , phantaſiam a-
 vertere cogitaſſet , ludibrium fortaſſis Deo, homi-
 niq; factus ipſe fuiſſet. Neq; tamē medico negamus
 tacendi , aut celandi facultatem , ſi quid obſeſſe ve-
 lit, cū proferatur. Et hoc ipſum Theologo etiam
 permittimus , ut pro re natā , (ne acerbis fortaſſis
 legis Moſaïcæ minis , languentem obruat conſci-
 entiam) doctrinam hanc aut illam, ad tempus, oc-
 cultet : ſed ne mentiēdo occultet, caveat : ſic ete-
 nim officiij limites tranſilivit ſui. Non enim ut ſin-
 gat, fabricetvē aliquid miniſter gregis , id Apoſtoli
 facit, qui ⁊ Judæis factus eſt Judæus , Græcis Græ-
 cus, infirmis infirmus, in rō omnibus factus eſt om-
 nia, quā talis erat Paulus, ut loquitur Auguſtinus,
 ⁊ *Compaſſione miſericordia, nō ſimulatione fallacia,*
 Et, *non mentientis aſtu, ſed compatiētiſ affectu.*
 26 Illud Jehu , non habet excuſationem ſuam,
 ⁊ 1. Reg. 10. 18. ⁊ qui ſe Baali ſacrificaturum verbo ſpoſpondit , ut
 Baalis Sacerdotes interficeret. Quōd idolis ſerviē-
 tes ſuſtulerit, pium erat : quōd per fraudem, & ido-
 lolatriæ ſimulationem ſuſtulerit, non itā. Illud lau-
 des ⁊ 30. ⁊ habet in ſcripturā ſuas , iſtud vitio non caret.
 Neque ejus calcanda ſemper ſunt veſtigia , ut ho-
 minis ſancti; quippe qui ambitione impuſſus , de
 Achabi familia vindictam ſumpſit, nō Deo ſimpli-
 citer, & corde integro placiturus : ⁊ ad idololatri-
 am ſiquidem, ipſe etiam recidit. Fuerunt tamen,
 primævā Eccleſiā , qui illius ſecuti exemplum, ſu-
 am ad tempus celārunt fidem; & in ſecreta Hære-
 tiorum colloquia ſe inſinuārunt, ut Hæreticos oc-
 cultos caperent, ipſosq; vel magiſtratibus, vel
 paſtoribus Eccleſiæ proderent. De iſtis pronūtiat
 doctiſſimus

doctissimus pater: ^dperniciosus, aut, ut mitius lo-
 quar, periculosus isti mentiuntur, ut Hæreticos ca-
 piant, quam illi, ut Catholicos lateant. Et, tolera-
 bilius in suis foveis delitescerent vulpes, quam prop-
 ter illas capiendas in blasphemia foveam caderent
 venatores. Qui enim sic alios captant, & suam in-
 ter eam fidem inficiantur, meminisse deberent: ^eQui
 negat me coram hominibus, & ego ipsum sum
 negaturus coram patre meo, qui est in coelis. Vi-
 deant nostri seculi homines, si qui hoc animo, in
 cætus Hæreticorum, & malorum, se immittant.
 E cloacâ, & Camarinâ impietatis se revocare,
 Christianum est, & à Babylone recedere; sed
 de industriâ, & volenter se ingerere, est profa-
 num.

^d August. con-
 tra mendaci-
 um. cap. 3.

^e Matt. 10. 33.

27 Stratagemata belli, si sine vocis, sermonis-
 quæ abusu fiant, sanâ cum conscientia poterunt ex-
 erceri, ubicunque bellum justum est. Ita ^fAitas ^gIosua 8. 3.
 Josua ceperat: sic alios per insidias sanctissimi Im-
 peratores devicerunt. Si etenim hostes liceat oc-
 cidere, & modis omnibus non interdictis, licebit
 occidere. ^hDolus an virtus, quis in hoste requirit? ⁱVirgilius Æ-
 neid. 2.
 Sin pacem spondeas, cum bellum pares secretò,
 fraudulenter facis; præsertim si aperto sermone,
 certam pacem præ te feras. Quò prudentius Sena-
 tus noster venerandus fecerat, qui, licet Hispano pa-
 cem offerenti specie tenus, ^haurem accommoda-
 ret, non credidit tamen nimium fraudulento cõ-
 filio. Ille tamen satis turpiter, qui tunc omni vi,
 Angliam invadere destinaverat. Sed de istis
 satis. Ità mendacia in nullo hominum excusan-
 da censemus; non officiosa; non jocosa; non

^h In colloquio
 cum Parmensi
 Duce, Anno,
 1588.

78 DE MENDACIO. CAP. I.

AA. 5.1.

perniciosa; non in Medico; non in Theologo; non in Rebecca; non in Rahab; non in obstetricibus; nedum in ¹ Anania & Saphyra, qui spiritui Sancto mentiti, tremendas luerunt sui sceleris poenas: sed loquendam veritatem, omnibus, & ubique, nec pro æternâ alterius salute, malis utendum medijs: quia sic voluit veritatis Deus, cui cum filio, & spiritu, sit gloria in æternum.



DE



DE CIRCUMCISIONE PER TSIPPORAM. CAPVT II.

Exod. 4. 24. Evenit autem in illo itinere, in diversorio quodā, ut occurreret Mosi Iehova, velut querens morte afficere eum.

25. Sed accipiens Tsippora cultrū acutum, amputavit præputiū filij sui, & admovit pedibus illius; nam inquit illa, sponsus sanguinū es mihi.

26. Sic destitit Iehova ab illo: dixerat autem tunc sponsum sanguinum, propter circumcisiones.

1. Infantulum circumcīdit foemina. 3. Circumcisionem excipit Baptismus apud Christianos. 4. Num ad salutem absolutē sit necessarius Baptismus. 8. An per laicum, vel foeminam dari debeat. 12. Et num ita datus, per ministrū Evangelij sit repetendus.



Circumcisionis Sacramentum cuique masculo, apud Israēlitas, fuisse imprimendum, ita disertē apud^a Mosē proditur;^a Gen. 17. 9. ut dubitandi, num è divinā fuerit voluntate, necnē, nullus cuiquā sobrio relinquatur locus. Ceremoniam retinuit Abrahamæ propago, hoc est, Jacob & filij; neque aliā

^a Gen. 34. 14. magis fraude, ^b Simeon & Levi, Sichemitas in sua pellexerant retia, quàm auferendum esse præputiũ, suis sociis, & confœderatis, proclamando. Et populus Israëliticus, extra omnem controversiam, servitute Aegyptiacâ jam pressus, & oppressus, in eo carnis signaculo admovendo, Maiorum vestigia persecutus est. Mosi igitur sua caro, &, quam in corpore gestabat, notula, testimonio, vel argumento esse poterat, suos, quos genuerat, filios, eo pacto, in fœderis consortiũ esse admittendos; sic deo consecrandos; ne ^c Zelotypus Dominus, & acris in iudicio, sibi, suisque admodum succenseret. Et ^d *horrendum est, in manus Dei viventis incidere.* Obiecit tamen remoram pietati, & obsequio Mosaico, uxoris dilectio; quæ, cum è semine ^e Madianitico oriunda esset, nec ex sanctorum prognata prosapiâ; suæ potiùs morem gerendum voluntati, patriæque suæ consuetudinibus, insistendum censuit; & circumcisionis sigillum, aut ut vile, sordidumque est aspernata, aut ut crudele, & sanguinarium quiddam, in infantuli sui tenelli carne, est detestata. Imporru- nis igitur, ut probabile est, apud maritum agens precibus, eousque aut blandiendo, aut molestiam facessendo, obtinuit, ut adversus expressum, & speciale Dei mandatum circumcidere neglexerit. Ma- lo sanè Mosi exemplo: qui et suam indulgentiam, ^f *Adami facilitati, versus suam Evam adiungendo,* reliquis foeminis incitamento, calcarique esse poterat; ut vel lachrymis, vel blanditijs, vel malis consilijs, viros suos ita flecterent, & pellicerent, ut ipsarum votis, pietatem in Deum, probitatem in homines posthaberent. Quod & Jobi etiam uxor, ag-
gredi

^c Exod. 20. 5.

^d Hebr. 10. 31.

^e Exo. 2. 16. 21.

^f Gen. 3. 6.

gredi ausa est: ¹ *Benedic Deo, & morere*; sed repul- ² Iob. 29.
sam egregiam tulit. ³ Salomonis autem coniuges, ⁴ 1. Reg. 11. 4.
& tentârunt, & penitus pervicerunt. Itâ, quæ data
est homini in initio ⁵ auxiliatrix, foemina, dubium ⁶ Gen. 2. 18.
auxilij genus facta est; dum ad bona non modò non
impellat, verùm & nonnunquàm avocet.

2 Qui solet suis, tam turpiter cedentibus, irasci,
Deus; neglectum Sacramentum, itâ Mosi vitio
vertit, ut, cum peregrè proficisceretur, & in diver-
sorium quoddam, nocturnam illic acturus quietem,
se reciperet; occurrerit infestus, subitâque illatâ vi,
ad mortem ferè detruserit; non innocuum filiolum,
ut quidam volunt; (quid etenim infelix meruisset
puer, cuius crimine Sacramentum dilatum nò est)
sed Mosen, quem ferociter, atrociterque, meritò ta-
men, percusserat. Cùm languescens jam maritus, &
moribundus decumberet; imminente malo edocta
Tippora, festinabunda accurrit; & arrepto (non
saxo acutiore, aut petrâ acutissimâ, ut vertit Hie-
ronymus, æquivocatione inductus vocis, cum per
saxum, & saxum, vel petra, & acutus culter significa-
tur, ut ⁷ Tremelius observavit, sed) cultro, tùm do- ⁸ In Exo. 4. 25.
mestico, tùm pastoralis instrumento, præputium pu-
erulo amputavit, & ad pedes projiciens, sui facti
impatiens, exclamavit: *Sponsus sanguinum es mihi;*
maritus sanguinarius; cuius sanguis, non nisi infan-
tuli sanguine, est redimendus. Jehova tamen hanc
feram obedientiam, foemineâ factam manu, itâ
bono, placidoque accepit animo, ut ferire desisteret.
Sedata est ira Domini, quâ prius est accensus; &
muliebri officio intercedente, virile peccatum ab-
rumpitur.

3 Mulieris huius facinus; & antiquis temporibus, & præfenti nostro feculo, materiam disputandi suppeditavit. Siquidem cum in locum Circumcisionis, noster accesserit Baptismus, eademque utriusque Sacramenti, Israëliti, & nostri ratio sit; idem scopus etiam, & finis amborum; ad fidelium liberos, sacris initiandos; ad distinguendos, à reliquo orbis grege; ad internam mundationem, & affectuum amputationem, contestandam: cumque & huius, & illius contemptus, simili luendus sit vindi-

¹ Genes. 17. 14.
Iohan. 3. 5.

ctâ; ut, qui characterem non acceperit, ex albo populi Dei, sit expungendus; si necessitas invincibilis, & irrefragabilis ingruat, ut loquuntur Scholastici, ut non possit accersi sacerdos, qui lavacro regenerationis, infantulum abluat; quid ni licebit obstetriculæ, aut mulierculæ alicui, salutaribus aquis, nuper natum lustrare; adjectis, quæ Baptismi sunt propria, verbis; Baptizo te in nomine Patris, & filij, & Spiritus Sancti; ut novus hic Christianus, isto expiatus modo, & Originalis labis foeditate liberatus, si è vivis excesserit, in coelos accipiatur? Si Tisporæ Circumcisio, iram Domini averterit; & avertet Baptismus, per foeminam datus. Quod si mulieri fas sit, aquam injicere; quanto magis laico, qui tum

² Ephes. 5. 23. ^m caput est foeminæ, ut Ecclesiæ Christus, tum ad Salvatoris effigiem, & sacerdotis personam, accedit propius, munerique istiusmodi persolvendo, idoneus magis reperitur. Et hæc certè apud Pontificios, tam altas radices egit opinio, ut & foeminæ, se se Sacramento administrando, immiscere audeant; & Theologi ipsorum, antiquiores, & moderni, scriptis tueri non vereantur. Nobis autem

² Lombard. li.
4. Distinct. 6.
^o Bellarmin.
de Baptismo,
cap. 7.

con-

contraria, multò magis arridet sententia.

4 In cujus quidem controversiæ medullam, ut penetremus; eamq; ad vivum usque resecemus; quid inter nos & ipsos, in Baptismi negotio, conveniat & intersit, operæ precium est, advertamus. Lotionem igitur istam, & tinctionem Sacramentalem, vehementi desiderio amplectendam esse, & ulnis avidissimis excipiendam testamur; neque aspernandam esse; aut præ negligentia contemnendam, sub periculo æternæ damnationis. Quotusquisque enim est, Christianorum hominum, qui sic audeat ineptire, ut sanctissimum Salvatorem, rem vilificiendam tam ^p solenniter præcipere, & in ^q suo ipsius corpore, consecrare voluisse, autumaverit? ^p Matth. 28. 19. ^q Cap. 3. 13. Excindetur à populo, imò è libro vitæ, delebitur nomē ejus, qui ita flocci, tanti precij mysterium, æstimabit. Hucusq; convenimus. Sed Baptismi receptionē, ita ^{amōs} & absolutè esse necessariā, ut qui aquis expiatoriis non sit ablutus; de facto, si expiraverit, & eo ipso, à cœlesti excludatur gaudio, negamus constantissimè. Ubi etenim, aut anima fidelis fuerit, aut firma Christi apprehensio, in homine adulto; aut ubi nuper nato, accesserit parentum fides; eam animā credimus, ex vi fœderis inter Deum, populumq; suum percussam, in cœlestia tabernacula suscipiendam esse, etiamsi fluvio salutari privetur; cum non ex hominis vitio, sed ex merâ, solâque divinâ voluntate, cui quis potest resistere; id contingat. Licet etenim illud magni faciat; externo tamen symbolo, ita non se astringit aut alligat Deus, ut non possit, aut nolit, sine sigillo isto quospiam salvos reddere. Eadem erat Circumcisionis ratio apud Israëlitas, atq; Baptismi

K

apud

1 Genl. 17. 10 apud Christianos. 1 Foeminis tamen nullis, præpu-
 tium est abscissum: & quis dubitat, Deborah, Han-
 nam, pias reliquas, cœlestia tetigisse domicilia? Id
 2 Iosua. 5. 5. in maribus quandoque potuit fieri, quod in mulie-
 ribus quotidie. 1 Cum per annos quadraginta, Is-
 raëliticus populus, in eremo degeret, intermissa est
 Circumcisio, quousque in Canaan jam tandem per-
 veniretur. Et existimandum est, multos ipsorū pro-
 ficiscētes in viā interiisse. Qui si gloriā cœlesti, eo pa-
 cto excidissent, (alia etenim inobedientiæ crimina,
 præsentē non tangunt materiā) duriusculē videatur
 cum ijs egisse, Pater ille spirituū, qui ipsos, dum Cir-
 cumcisionē non reciperent, perpetuā sibi, quotidie,
 accersere vindictā passus est, neq; verbo saltē, adhi-
 bendū esse remediū, summonuit. Misericors Deus,
 3 Exod. 19. 5. in suum populū, 1 quē dilexit unicē; quēq; ex orbe
 2 Gen. 17. 12. universo selegisset, tam immanis esse noluit. 1 Octa-
 vo die, secandū fuerat, omni masculo præputiū. At
 2 Sam. 12. 18 x Davidis ille puer, in adulterio natus, die septimo
 expiravit; priusquā tēpus suscipiendi fœderis, ad-
 venisset. Qui post mortē infantuli, se consolatus est,
 David, multo magis flere, & in lachrymas erūpere,
 necesse habuisset; si non modò Solis conspectui, sed
 & visioni Dei, lubreptus fuisset; quantò magis, si in
 gehennā protrusus, in perpetuis tormentis ingemu-
 1 Augustin. &
 Lombard. ut
 infrā. 1 isset: quod ex immani 1 aliquorū, de Baptismo sentē-
 tiā, colligere non est incongruū. Aliās proculdubio,
 2 Exod. 20. 6. qui surrexit tranquillus, edoctus est David, aliās in-
 stitutus: qui ē lege didicisset, Dominū 2 misericordiā
 ostensurū, in mille simā usque generationē, colentiū eū.
 Si in millesimā, in primā. Aliās etiā, nos edocti su-
 1 Act. 2. 39. mus: Non enim 2 vobis modò, sed & liberis vestris,
 facta

ET BAPTISMO. CAP. II. 85

facta est promissio, & ijs qui à longè sunt. Et, ^b Si ra- ^b Rom. 11. 16.
dix sancta est, etiā rami. Et cum alter parentū, infi-
delis sit, propter fidē tamen, alterius credentis, ^c libe- ^c 1. Cor. 7. 14,
ri sancti sunt. Si sancti, & deo accepti.

5 Potuissent ista, apud animum suum, reponere
Pontificij, aliaq; etiam præcisè de Baptismo dicta,
non levioris momētis; ut quod Christus dixerit, ^d Qui ^d Marc. 16. 16.
crediderit & baptizatus fuerit, servabitur; ita ad
mysterij perceptionem, omni modo adhortans, &
accingens; sed non addiderit, Qui verò non bapti-
zabitur, condemnabitur; sed, qui non crediderit, con-
demnabitur: ita solam fidem, ex simplici necessita-
te, salutis sublevare & conferre demonstrās. Itidem,
quod Johannis ille locus, ^e Amen, amen, dico tibi, ni- ^e Iohan. 3. 5.
siquis genitus fuerit, ex aqua & spiritu, non potest
introire, in regnum Dei, testante Papistarum anti-
quorum, Coryphæo, magistro Sententiarum, ^f de ^f Lombard. li.
illis intelligendus est, qui possunt & contemnunt bap- ⁴ Sentent.
tizari: vel de internā regeneratione. Eoque etiam ^{Dist. 4.}
loco non per solum aquæ Baptismum, fieri regene-
rationem, proficitur, sed & per poenitentiam:
(ac si ipsa satis conducere:) & per sanguinem. Et id
non modò tuetur Lombardus, sed, & ^g Aquinas, & ^h Thom. Aqu.
omnes ipsorum asseclæ, Baptismum sanguinis, (^{part. 3. q. 66.}
triplicem etenim ^h faciunt, Fluminis, Fluminis, & ^{Artic. 12.}
Sanguinis, Fluminis per aquam, Fluminis per Spi- ^h Th. Aqu. part.
ritum Sanctum, & Sanguinis per Martyriū) imme- ^{3. q. 66. Art. 11.}
diatam cœlo, viam aperire. Etiam si fluminis nō ac-
cesserit ablutio; satisfaciet tamē, si quis Martyriū pro
Christo, passus fuerit, ut ad dextram Salvatoris
admoveatur. Et hoc ipsum Augustinus, durus
alioqui infantum pater, affirmat: ⁱ Quicumque etiam ⁱ August. de ci-
vitate Dei. 13. 7.

*non percepto regenerationis lavacro, pro Christi confessione moriuntur, tantum eis valet ad dimittenda peccata, quantum si abluerentur sacro fonte Baptismatis. Quid quod idem Augustinus, in ista quaestione, quod ad adultos spectat, tam procul, ab eo abest, ut non baptisato, salutem simpliciter neget, ut, si & Fluminis, & Sanguinis, desit purgatio, non defore tamen aliquibus, vitam æternā arbitretur. In ^k Quaestionibus super Leviticum: Deficiente Sacramento, invisibilis sæpè sanctificat gratia; neque tamen est contemnendum Sacramentum. Sed apertius & luculentius, de Baptismo contra Donatistas, ^l Etiam atque etiam, considerans, invenio, non tantum passionem pro nomine Christi, id quod ex Baptismo deerat, posse supplere; sed etiam fidem, conversionemque cordis, si forte ad celebrandum mysterium Baptismi, in angustiis temporū, succurri non potest. Et in latrone, cum Christo crucifixo, exemplum perhibet. Cui licet ipse multoties, videatur adversari, quod ad infantes attinet, nimis rigido & austero dato iudicio; ^m Eos ipsos non baptisatos, gehennalibus torqueri poenis, (cui etiam opinioni, ⁿ Magister Sententiarū, calculum apponit suum) molliendum tamen, durius Augustini iudicium, Pontificij censuerunt, & Lombardo, in Margine, Parisienses Theologi ascripserunt, *Hic Magister non tenetur*: dum non æternis, cruciari ipsos flammis, sed coelestibus amoveri gaudijs, arbitrentur: neque ^o poenā sensus, sed poenā dāni plecti. Eaque de causā, inauditum apud sacras literas, ^p infantum Limbū, è suo cerebro cōdiderunt, in quo juxta Purgatoriū posito, infantuli seponantur, non cruciatibus torti, sed beatorum gaudiorum, & visionis*

^k Quaestion.
84. super Le-
viticum.

^l Lib. 5. de
Baptismo cō-
tra Donati-
stas.

^m Epist. 18. ad
Hieronymū.
ⁿ Lombard.
lib. 4. Di-
stinct. 1.

^o Aquin. Sec.
2. qu. 79. art. 4.
^p Supplem.
Aquin. in p. 3. q.
69. art. 6.

visionis Dei expertes. Ita dum à verâ pietatis viâ, homines distrahantur, in sententias, inter se diversas miserè discerpuntur.

6 Quòd si adhuc penitiùs velimus introspicere; aut apertè, aut ex consequenti, veneranda omnis ferè, Antiquitatis canicies pro nobis consistit. Equidè non laudo, Constantini Magni factû; citabo tamen.

⁹ Illustris ille Imperator, & pro Jesu Christo Antesignanus, ad extremos vitæ dies, sui Baptismum distulit, in fluvio Jordane, ubi ⁱ Christus, à Johanne tinctus est, lavari desiderans. Si salutè non posse recipi, sine isto sigillo, sibi in mentè induxisset, quotidianum animæ suæ discrimen, tã pius, prudensque Princeps, non subiisset; dū morte repentinâ, aut in bello, aut in lecto, aut alio quovis modo, potuisset occumbere. ⁱ Jovianus Imperator, sanus satis, & incolumis, cum cubitum iret, in lectulo, manè, mortuus est re-
 pertus. Quid si istud Constantino, quod pio viro Joviano, accidisset? Quod contingere cuiquam potest, cuivis potest. ⁱ Valentinianus Imperator, cum ad-
 versus Sarmatas Quadosque fremeret, Illiricū vastantes; ita vocè distendit suam, ut mortuus intercideret; cum adhuc, salutaribus non esset expiatus aquis. In numero tamen Christianorum Imperatorum, hunc ipsum, ob pietatis officia, & indicia antecedentia, referre solemus. Imò quod amplius est, sanctissimus Ambrosius, ⁱ de ipsius obitu funebrem habens orationem, non dubitat, quin præ Baptismi desiderio, quo tenebatur, salvus fieret; Deo pij Imperatoris voluntatem accipiente. *Si affectus egritudine distulisset, tamen non penitus à tuâ misericordiâ, esset alienus, Domine, qui celeritate temporis esset,*

⁹ Euseb. de
 vita Constantini lib. 4. 63.
 ⁱ Mar. 3. 6. 16.

ⁱ Sozomè. 6. 6.

ⁱ Hieronym. Epist. 19. Tomo nono. Ammianus Marcellinus li. 30.

ⁱ Ambros. de obitu Valentiniani.

* Socrat. Hi-
stor. Eccles.
lib. 5. 21.

* Leo Papa
ut infra.

* Tertullian.
de Baptismo.

* Leonis Papæ
Epist. 62. in
Conciliis ge-
neralibus.

* Oforius de
rebus gestis
Emanuelis.
lib. 3.

non voluntate fraudatus. Et ut ista de senioribus, sic de infantulis, quæ sequuntur. * Thessalicæ Ecclesiæ, referente Socrate, in anno, semel tantum, id erat, festo Paschatis, baptizabant. *Ob quam causam omnes, ut ipse loquitur, paucis admodum exceptis, absq. Baptismo, moriebantur.* * Romana, uti videtur, Ecclesia, antiquitus in Paschate, & Pentecoste. Idipsum de Africanâ, testatur * Tertullianus. Et quamlibet ingruente necessitate mortis, cuiquam petenti, alias non denegarent, (ita etenim Leo Papa: * *Baptizandi duo tantum tempora, id est Pascha, & Pentecostes, servabantur. Sed sic ad has duas festivitates, connexas sibi met, atque cognatas, incolumium, & in pacis securitate degentium, libera vota differimus; ut in mortis periculo, in obsidionis discrimine, in persecutionis angustiis, in timore naufragij, nullo tempore, hoc vere salutis remediũ, cuiquam, denegemus*) quotta tamen pars infantum, subito mortis jaculo, intercepta, sine Sacramento adhibito, expiravit. Quod de ijs recentioribus dicendum est, de quibus * Oforius, Pontificiorum non minimus, de rebus gestis Emanuelis Lusitani mentionem facit. Christianos, enim ait, nuper repertos esse, in Cranganore Indiæ, qui à Thomâ usque Apostolo, propagatam suam fidem, ad nostra usque tempora, retinuerunt. Horũ, ille aliquot enumerat cerimonias; inter reliquas vero, de Baptismo, sic: *Infantes nullo modo, ante quadragesimum diem, nisi periculum aliquod impendere ipsorum vitæ, perspectum fuerit, sacris aquis expiantur.* Imprudenter sanè, hæ omnes Ecclesiæ, (& in ijs antiquior Romana) imò insigniter impiè: si impossibile sit, quenquam mortalium, celestem vitam ingredi,

ingredi, sacro fonte non intinctum; cum inopinata morte, perierint certè, infanti sàpè numero. Multò tutius, Ecclesiæ Europææ Reformatæ, quæ Dominico quovis die, sacratâ undam porrigunt; ne vel infirmis dare scandalum, vel de Baptismo, negligentius & vilius sentire, videantur. Qui plura velit cernere, in præsentî quæstione, ^{* Bernard.} Bernardum consulat, ^{Epistola 77.} qui Epistolâ septimâ & septuagesimâ, egregiè disputat, hominem non baptizatum, posse ad salutem æternâ pervenire; si non contemnat Sacramentum, sed morte præoccupatus, careat.

7 Tantâ sanè nube testium, circumvallati sumus; Scripturarum, Ecclesiarum, Patrum, Scholasticorum, quibus freti, de puerulis sine vitâ nascentibus, aut sine Sacramento abreptis, in æterna gaudia, per Dei misericordiam recipiendis, non diffidimus; si parentes in Christum credant. Sed ut in multis alijs, ita in re isthâc, error nimis inveteratus, Pontificios ita invasit, & possedit totos, ut nolint fidem adhibere. Ideoque ut miserorum parentum conscientias affligunt, & discruciant; dum & cœlo animas, & Christianâ, quam appellant, sepulturâ, in templo scilicet, aut cæmiterio, corpora secludant; sic abutendi sacramento, alijs ansam præbent, cum ad media illegitima, & illicita, fugere permittant, aut potius doceant. Hinc & laici, & quod multò est absurdus, mulierculæ & foeminæ, ac si non sacerdotes essent, sed sacerdotissæ, baptizare præsumût; se puerulo moribundo, Christianum opus, & charitate plenum, impertire cogitantes. Zelo sanè fervido, at ^d eo qui caret scientiâ. Potentissima est superstitio multum inolita; & ad nefas nonnunquam impellit.

^d Rom. 10.2.

impellit. utinam in florentissimâ nostrâ Angliâ, ita populus ubique, sermone veritatis vivo institueretur, ut ab actibus huiusmodi, temperaret semper manus. Sed verendum est, ne ut olim, sub crassiore ignorantia, sic & hodiè alicubi, hoc contingat; ut si inter pariendum, periculum ingruat, ne moriatur infans; aut obstetrix, aut alia circumstans foemina, immittat aquam. Quâ in re, tanta antehac crevit audacia, ut si infantulus, tanquam

* Gen. 38. 28.

* Zarah ille Tamaris, ex utero materno solam manum extrusisset; vel manum baptizarent; dum adhuc, num masculus esset infans, aut foemina, non intelligerent. Idque quò tutius fieret, solebant tale nomē indere, quod utriusq; sexus commune esset; ut apud nostrates, Franciscus, et Frâcisca, Philippus, & Philippa, quæ Anglicè idē sonāt. Non est difficile, viris Theologis, prudētibus & oculatis, ex matronis senioribus, & sanioribus, ista inter sermocinādum extorquere, & seipsos ita in præsenti negotio erudire.

8 Facinus sanè istud est temerariū, & præsumptuosum, vel in laico, vel in foeminâ. Neq; uxor Mo-
sis, nostra Tisippora, tale factum tanquàm legitimū, tuetur. Cujus licet exemplum, à doctis & indoctis, ad hoc citari soleat, ad rem istam tamen propugnandam, satis præsidiij in se non habet. Siquidem si Tisippora, id ipsum facere aggrederetur, quod, num fas sit, vel nefas, disputari queat, & meritò; num & alij, sic deinceps? Cum quod^f ex fide non est, præsertim in tanto mysterio, peccatum sit. Sanctorum exempla, in omnibus imitari, periculosum est. Davidem in omnibus non æmulamur; nedum foeminam marito

* Rom. 14. 23.

sic deinceps? Cum quod^f ex fide non est, præsertim in tanto mysterio, peccatum sit. Sanctorum exempla, in omnibus imitari, periculosum est. Davidem in omnibus non æmulamur; nedum foeminam marito

* Exod. 4. 25.

tam incommodam, ut^g obstrependo, & exclamādo
tur-

turbaret, quemadmodum rectè ^h Calvinus, (quocū-
 que ⁱ Bellarminus oblatret modo:) & tam importu-
 nam, ut ad patrem remittere coactus sit maritus, ne
 in officio impediret, (ut ^k probabiliter colligitur)
 observamus, ac cum honore suspicimus; & eousque,
 ut omnia illius vestigia persequamur. Si objiciatur,
 ut solet, discessisse Deum, sedatâ irâ, & misso facto
 Mose, cum uxorcula filiolum circūcideret, ideoque il-
 lud facinus, suo iudicio comprobasse, quid ni de eo
 etiâ ambigatur? Imperatū etenim aliquando est Ob-
 stetricibus, ut ^l Israëlitarū masculos, in puerperiis
 occiderent, Noluerūt imperatis auscultare, sed mē-
 dacio Pharaonē circūvenerunt. Benedixit ergo De-
 us, obstetricibus deinceps: sed num quia mētite sūt?
 Num quis earū exēplo, mentiri ediscet, & malū libēs
 faciet, ut succedat bonū? facit perperam qui sic facit,
 ut priori quēstione demonstravi. ^m *Non quia mentite*
sunt, benedixit Deus, ut inquit Augustinus, sed quia
in homines Dei, misericordes fuerunt. Itā manū, po-
 terat Deus suā, subducere Mosis; non quod circūcide-
 ret foemina, sed quia tandē, uterq; suo malo, divino
 ministerio, utcunque, parēre didicissent. At si cē-
 dere velimus, (quod sub iudice jam est) non pec-
 cāsse Tisipporam, in Sacramento imprimēdo; unde
 laico aut mulieri, ex illius exemplo baptizare per-
 mittetur? Est etenim alia Circumcisionis ratio; a-
 lia Baptismi; in administrandi modo. Annotavit
ⁿ Calvinus, & rectè, in antiquo omni foedere, &
 veteri Testamento, non esse expressum cuius
 manu, ^o *παιδοποιή* daretur: num sacerdotis, aut
 patristamiliās, aut viri, aut foeminæ. • Jube-
 tur Abrahamus Ismaēli, & familiæ suæ, præ-
 putium

^h Calvin. instit.
4.15.22.

ⁱ Bellarmin.
Tomo.2. De
Baptismo. c. 7.
^k Exod. 18. 2. 9

^l Exod. 1. 16.

^m Augustin.
contra men-
daciū c. 15.

ⁿ Calvin. Instit.
lib. 4. 15.

^o Gen. 17. 10.

Hebr. 7. 10.

Iosua. 5. 2.

Luc. 2. 21.

præputium amputare. Si urgere velit quisquam, Abrahamo, ut Domino domus, & Regis & Sacerdotis, & Prophetæ munera incubuisse; & fuisse adhuc in p^l lumbis ejus Levi, cui postea sacerdotium commissum est; ideoque sub Sacrifici nomine, signaculum illud indidisse, respondetur facile, meram eam esse conjecturam; cum ab illo, tanquam à rege aut laico, æquè poterat id negotium administrari. Ipse ¹ Jehosua princeps, Israëlitas in Gilgale, circumcidisse dicitur. Num per populum, vel Levitas, id transegerit opus, diserta non fit mentio. ² Circumcisus est Christus; sed cujus manu, non apparet. Ità nusquam constat è sacris literis, id cuiquam certæ personæ, fuisse injectum, neque ex Josepho toto perlecto, nec Philone Judæo, de Circumcisione, id poteram animadvertere.

9 Sed ad verbi Concionatores, baptizandi curam spectare, & non ad alios, ipse Christus testis est. Apostolis dixit, ¹ *profecti docete omnes gentes, baptizantes eos in nomen patris, & filij, & Spiritus Sancti*: ut, quibus baptizandi, iis etiam prædicandi, incumbat officium. Ità apud ¹ Marc. 16. 15. ²⁶ Marcum, cum annunciationis verbi, meminisset prius; de baptizando, alia statim subjungit. Per Johannem Baptistam, præconem poenitentiae, cepit primordium hæc ablutio; & per Apostolos Christi, & ministros Evangelij deinceps propagata est. Neque quenquam, huic operi apposuisse manus in Scripturâ legimus, nisi prius per Sanctum Spiritum, in numerum Præconum, & Concinatorum verbi, cooptatus esset. Talis

lis etenim fuerat; Philippus Diaconus, in quo celebrem exceptionem, contra doctrinam hanc, se reperisse, Bellarminus arbitratur. ^a Nihil etenim potest esse manifestius, quàm quòd Evangelij prædicandi, munus acceperit, & præstiterit; priusquam baptizaverit. Cum igitur, qui ex populo sint, concionandi provinciam, non debeant arripere, ne cum ^a Pseudoprophetis, cum non mitantur, exire, & currere videantur; cumque foeminae, ab ^a Apostolo, disertè sit inhibitum, ne docere palàm audeat; dispar longè est ratio Baptismi apud nos, quàm præputium auferendi, apud Tippioram Moïsis. Prohibendum igitur est, ne vel sub superstitionis specie; aut charitatis obsequio; aut intentionis piæ, salubrisque prætextu; consueque Dominum, quisquam tentare audeat, ut divino sacramento, tam mystico, tam Sancto, sacrilegas injiciat manus suas, cum non oporteat. Qui præter mandatum Domini, alienum ignem ^a thuribulo indiderunt, Abihu, & Nadab; quamlibet ad suffitum, ipsi Deo faciendum; igne à præsentia Domini, egrediente, consumpti, disparuerunt. Negligebant sacerdotes, & ^a Levitæ, Arcam Domini, humeris gestare suis, cum ipsam, David domum reduceret; eoque proculdubio Jehovam offenderunt; sed cum Vzzah, Arcæ è rheda prolapsuræ, admoveret dextram, ictu oculi, sic percussus est, ut mortuus expiravit. ^b Vetuisset expressè Deus, ne rem ullam sanctam, attingerent Levitæ, aut contrectarent, (hoc est, aliter quàm præscriptum fuerat,) ne morerentur. Non erat sanctior apud Israëlitas,

^a Act. 8. 35.^a Jerem. 14. 14.
Roman. 10. 15.^a 1. Cor. 14. 34.
1. Tim. 2. 11.^a Levitic. 10. 1.^a 2. Sam. 6. 3.^b Numer. 4. 15.

2. Chron.
26.16.

raëlitas, ea ipsa Arca foederis, quam Baptis-
mus apud Christianos; institutio Salvatoris; re-
generationis fons; redemptionis sigillum. Cui i-
gitur id officium, è divinis literis, non est concre-
ditum; is ne attingito. ^c Vzziah, cum Rex esset,
sibi plura, quam par esset, licere arbitratus, in-
gressus est templum, & Domino suffitum, super
altare, adolere paravit. At secutus est Azariah,
Sacerdotum Princeps, & cum eo, octaginta Sa-
cerdotes Jehovæ, viri robusti; qui se intermitten-
do, obstiterunt, ne altare attingeret. Et cum il-
lic, utrinque tumultuatum esset; ipso Domino
plectente, exorta est Regi, in fronte lepra, ut non
modò è templo, sed ex omni cuiusquam contu-
bernio, ad diem usque suæ mortis exturbaretur.
Sic distincta, esse voluit Deus, Sacerdotum, alio-
rumque privatorum munia, neque rebus consecra-
tis, profanos quosvis, se arroganter nimis, & auda-
cter immiscere.

10 De mysterijs novi foederis, eadem est, & simi-
lis ratio; quæ per quemvis è plebe infimâ, contami-
nari Author noluit. Quod in alio, Eucharistiæ, sa-
cramento, manifestum satis est; quippè quod è ge-
nerali consensu Ecclesiæ; sacerdotis solius manu,
ministrandum est. De altero: Quibus, claves,
regni coelorum, conservandas Deus tradidit, ijs eti-
am, Baptismi dispensationem concedidit. Sed non
claves dedit laicis; non porrexit foeminis. ^d In-
nocentius tertius Papa, cum foeminam quandam,
sefe actibus Sacerdotalibus, ingerere cognovisset,
à traditione clavium, ratione ductâ, severè in-
terdixit. *Nova quedam, nostris auribus sunt in-*

Decretal. li.
5. Titulo, 38.

timata

*simata, quod Abbatisa, Moniales proprias bene-
 dicunt; ipsarum quoque confessiones, in crimini-
 bus audiunt; & legentes Evangelium, presumunt
 publice predicare. Cum igitur id absonum sit, pa-
 riter & absurdum; mandamus, quatenus, ne id
 de cetero fiat, curetis firmiter inhibere. Quia li-
 cet beatissima virgo, dignior, & excellentior fue-
 rit, Apostolis universis, non tamen illi, sed istis,
 Dominus, claves regni caelorum, commisit. Tan-
 tam sane habent Sacramenta, cum istis affinita-
 tem; ut ab ijs, meo iudicio, simili oporteat ab-
 stinere modo, ex simili ratione. Ex muliercula-
 rum parte, considerarunt istac probe, & abu-
 sum amovendum censuerunt, (ut apparet) Pa-
 tres in Concilio Carthaginensi quarto congre-
 gati, qui Canone sanxerunt, ¹ *Mulier quamvis* ² *Concil. Car-*
docta, & sancta, viros in conventu, docere non ³ *thagin. 4. Ca-*
presumat. At simpliciter, & sine limitatione, ⁴ *none 99.*
⁵ *Mulier baptizare non presumat.* In quo Canone ⁶ *Can. 100.*
 citando, aperta ⁷ *Lombardi*, & ⁸ *Gratiani* fraus,
 digna est quae castigetur; qui ex suo addiderunt,
cerebro, Mulier baptizare non presumat, nisi co-
gente necessitate, quae verba nisi cogente neces-
sitate, in Concilij Edicto non reperiuntur, teste ip-
so Bellarmino. Maledicta est Glossa, quae cor- ⁹ *Bellarmin.*
rumpit textum. De duobus istis, ut & de Magi- ¹⁰ *de Baptismo.*
 stro Scholasticae Historiae, Petro Comestore, re- ¹¹ *cap 7.*
 fertur ¹² *fabula*; fuisse germanos, & uterinos fratres,
 ex eadem foemina, adulterio conceptos. Num
 verè, parum refert: ego potius contrarium sentio,
 propter seculi temporumq; diversitatem, in quibus
 vixerunt: at dubitare non est opus, quin ut ¹³ *Simeon,* ¹⁴ *Gen. 49. 5.**

& Lèvi, sic & duo isti, fratres fuerint in malitiâ, qui sua, antiquis Patrum Orthodoxorum scriptis, asserere non sunt veriti. Noluerunt foeminis, baptizandi libertatem penitus auferri.

^m Tertul. de Baptismo.

ⁿ De velandis virginibus.

^o Beatus Rhe-
nan. commen-
ter. in hunc
locum.

^p Bellarm. loco
suprà citato.

^q Epiphan. l. 1.
Hæresi. 24.

^r Lib. 3. Hæresi
79.

^s Bellarm. de
Baptismo c. 7.

¶ I. Tertullianus in suo, quem de Baptismo edit, tractatu, ^m laico, necessitatis tempore, ut vulgò appellatur, aquis lustrare sacris permittit; nullo tamen modo, mulierem sinit baptizare. Id quod alibi etiam habet, ⁿ *Non permittitur mulieri in Ecclesiâ loqui, sed nec docere nec tingere, nec offerre, nec ullius varilis muneris, nedum sacerdotalis officij, sortem sibi vendicare.* ubi tingere, baptizare significat, testibus ^o Pontificijs. Huic accedit Epiphanius, qui Marcioni tanquam hæreticum quiddam objicit: ^p *permittit etiam mulieribus, ut dent baptisma;* Et ^q alibi, ipsi Virgini Mariæ, non licuisse baptizare asserit; tum etenim ipsa, Christum, inquit, aquis aspersisset, neque ut, Joannes Baptista faceret, passa fuisset. Quæ omnia, ^r Bellarminus, intelligenda asserit, (nisi urgeret necessitas:) at absolutè, & sine exceptione, loquuntur Tertullianus, & Epiphanius; & simplicem non esse, Baptismi necessitatem, ad salutem, satis superius demonstratum est. Sicquæ frivolæ illius & proposteræ, sunt exceptiones. Ità interdictum fuisse in Baptismo, ministerium foeminarum, apud antiquam Ecclesiam manifestum est. De eo autem, qui per laicos fiebat, ut dicam, quod sentio: Cupierunt antiqui Patres, ut ad salutarem fontem, omnes accederent, idquæ eò (uti verisimile est) ingeminârunt magis, quò & persecutionis fervor, & Gëtiliû, Christianismum detidentis & subsannantium, copia, &
authoritas,

authoritas accessuros magis deterreret. Ad id igitur efficiendū, conniventia quādā tolerarunt laicos, mysterijs infantulos initiare. Et cum semel in persecutionis fervore, ea increbuisse opinio, succedentibus temporibus latius propagata est. Unde etiam Hieronymus, junior tamē uti arbitror, & fervidior, contra Luciferianos, *Baptizare frequenter, sine cessitas cogit, scimus etiam laicis licere.* Valuisset consuetudo, eamq; aut Hieronymus, aut alij aliquot antiquorum, accuratē ad stateram, aut trutinam non exegerunt, aut perpenderunt; sed cum alijs, à majoribus, receptis, amplexi sunt, sine disquisitione, aut discussione; ut¹ alicubi, de Purgatorio, opinionem, Augustinus, ab antiquioribus derivatam, accipit; licet² alibi, non sine dubitatione, & hæsitatione fluctuante. Et ut istud potius credam, ³ illud facit Augustini, ubi aliquantō penitus rem discutiens, Baptismum per manum viri laici, à peccato non audet exivere, ut infra demonstrabitur. Aut, ut Moles aliquando, præ duritiâ cordium, Israëlitas passus est, ⁴ divortij, repudiijvè libellum, in causis levioribus dare, sic præ infirmitate hominum, aut duritiâ aliquorum, laicos, mysterijs imbuerè passi sunt. Quod pro certo existimo, in causâ fuisse, cur in regno olim nostro, qui abolitâ superstitione, preces nostras, & Liturgiam, in certam formam librumque redegerunt, Privati Baptismi, mentionem subintulerunt; non quòd Baptismum datum per laicos, potissimum autem per foeminas, legitimum esse, arbitrati fuissent, sed ne primis Evangelij revocandi auspicijs, indoctam, & insciam multitudinem, à verâ pietatē deterrent; illud ingerendo

¹ Hieron. contra Luciferianos.

² August. de verbis apostoli. li. Serm. 32.

³ De octo questionibus Dilectii.

⁴ De civit. Dei. 21. 16. 24.

⁵ Enchirid. ad Laurentium. 68. 69.

⁶ De tempore Sermone. 233

⁷ Lib. 2. contra epistolam Parmeniani.

rêdo, quod imbibite per multos annos opinioni, expresse adeò, adversaretur. Quâ in re, fidem mihi faciunt multa, in nostrâ Ecclesiâ, ab illo tempore facta, quibus, homini prudenti appareat, Rectores venerandos, eam voluisse opinionem, paulatim, & pedetentim, ab hominum animis, amotam, & evulsam. Sed toleratio, & permissio, fas & justum esse, quod ad tempus toleratur, nō cōcludit.² Verum qui Liturgiæ nostræ circumstantias, accuratissimè examinavit, ostendit ex verbis ipsis, nihil posse colligi, de Baptismo foeminarum intellecto; & Baptismum privatum, nihil aliud significare arbitratur, quàm qui in domo privatâ, non in templo publicè, administratur, qui per solum scilicet sacerdotem accersitum detur, non per laicum aut foeminam. Sed ista jam tandem missa faciamus, cum primò, an mera sit sacri fontis necessitas, ad salutem acquirendâ, & secundò, num rectè, secusvè faciant, & laici, & mulieres baptizantes, disputaverimus. Sed ex istis, alia suppullulat dubitatio, non minori digna examinatione.

12 In Ecclesiâ nostrâ, pro concessio, uti arbitror, doctiores omnes, & Theologi, nuic habent, profanas, & sacrilegas, illos omnes, huic Sacramento, admoveere manus, qui, cum clavium potestatem, non habuerint conceditam, id audeant attrectare. Verum detur, id quod opus est, apud rudem plebeculam, & supersticiosos dari; quod nefario nimis ausu, aut iste, aut illa, infantulum baptizârît; quid ministro Evangelii in re isthâc faciendum est? Si supervixerit puerulus, num pro iam initiato recensendus est? aut regerenda est aqua, & mysterium iterandum?

² Ioan. Whitgiftus. Archieps Cantuariensis. contra T. G. Tract. 9. cap. 3.

iterandū? Salebroſa verè quæſtio, & quæ ſuas diffi-
cultates inſignes habet. Nam perſona miniſtrātis, ad
rem ipſā Sacramēti, videtur facere, cū paſtoribus
Eccleſiæ, uſq; ſolis eam provinciā impoſuerit Domi-
n⁹. Hincq; nō^a defuerūt, qui ſcēminę manu datā talē
ablutionē, nihil magis ad Baptiſmū facere, aſſeverā-
rūt, quā ordinariā aliā aliquā, & quōtidianā lavatio-
nē. Verūtamenē qui laborioſius cōſiderarūt, & perpetu-
ū, eā in re, Chriſtianorū antiquiorū, cōſēſū expēde-
rūt; miniſtrātis perſonā, nō de Eſſe Sacramēti, ſed de
benē Eſſe iudicarūt. Baptiſmi formam, ut loquuntur
Scholę, injectionē aquę, in nomine Trinitatis, exiſti-
marūt. Piē igitur fit, ſi miniſter tēgat ſolus; at fit etiā,
ſi tēgat alius. Quā in re, eandē perſonę Sacerdotis, ra-
tionē eſſe cenſent, in Baptiſmo; quę eſt cōſenſus pa-
rentū, in matrimonio cōtrahendo. Piē facit, qui parē-
ti auſcultat ſuo; adeoq; impiē, qui parētis pij, conſen-
ſum negligit, & repudiat; ſed ſi filius, ita impiē, con-
traxerit matrimoniū, pro cōiugio rato habendū eſt,
quando reliquę matrimoniū circumſtantię, cōpletę
fuerint. Malē igitur factū eſt, ſi laicus; pejūſ factū, ſi
ſcēmina, rem ſacroſanctam hanc attigerit. Sed fa-
ctum eſt; et quod factū eſt, infectum eſſe non poteſt.
Habet locum in re iſthac, illud Juris Axioma, *Mul-
ta fieri non debent, quę tamen facta valent*. Aſper-
ſit ergo lympham, & in nomine patris, & filij, & ſpi-
ritus ſancti benedixit, qui non debuit. Sufficere cer-
rē, ad admiſſionē in numerū fidelium, opinamur hu-
cuſque; nec ingeminādā eſſe aquā. Chriſti cauſa, cu-
ius eſt quod datur, & non hominis, eſt efficax hęc ad-
miſſio. Et dū in ovis oſtiū, intromittatur anima, pa-
rū refert per quē, nū per furē, aut ipſū custodē ianuę,
M intromit-

T. Cart-
wright in de-
ſenſione Ad-
monitionis
ad parliamen-
tum Anglię.

intromittatur. Dedit modò nomen Christo, & pro milite est accensus. Si quis id, quod non oportuit, usurpaverit, id agenti, & non patienti, vertendum est vitio. Parùm scimus, num ad Tisipporā, sui nati Circūcisio, ex instituto divino, possit spectare; sed cum vel per fas, vel nefas, præputium abstulisset, non ali-um accessisse, qui rursus circumcideret, invenimus. Sicut, non secundò^b circumcisum fuisse, qui à Samaritanis ad Judæos transiisset, dicit Augustinus, de Baptismo Hæreticorū disputans. Est una Circūcisio, sicut ^c*unus Dominus, una fides, unum Baptisma*.

^a August. contra Cresconiū Grammaticū.

lib. 4.

^e Ephes. 4. 5.

^d Sozomen.

lib. 2. 16.

13 Celeberrima est historia apud ^d Sozomenū, de Alexandro, Alexandriæ Episcopo, & Athanasio, qui postea dictus est Magnus. Cum Episcopus ille, convivas, qui pranderent secum, in littore deambulans, expectaret, puerulorum vidit cætum, in arenā colludentiū; quos ex gestibus ipsorum, divini cultus, ceremonias aliquot, repræsentare perspexerat, à lōgè stans. Et quādiū nihil, vel petulanter satis, vel audacter nimis, conspexisset transigi, delectatione aliquā capiebatur. Sed cum ad altiora, videret pergere, accersit è Clero aliquos, nō procul degentes, quibus etiam juvenculorū, ostendit lusus. Sed cum tandem isti, pueros advocassent; ex ipsorum confessione, hoc edidicerunt, Athanasium scilicet, jam puerum, Episcopi personam, inter jocandum, induentem, adolescentes alios, mysterijs Christianis nō imbutos, baptizasse. Et cum formā actionis, & rei circumstantias, accuratè disquisissent, pro Ecclesiæ ritu, transacta ordine esse omnia, intellexerunt. Testante Sozomēno, Alexander iste, tam Sāctus vir, & prudens, Baptismum Athanasij pro rato habuit, nec iterandum credi-

credidit; sed in Catalogum fidelium, omnes libentissimè ascripsit, qui ab ipso puero, tinctionem accepissent. Quæ istis contradicerent, & ex professo oppugnant, rationes sanas & solidas, exindè non reperio. In Augustino pervolvendo, celebria duo observavi loca, ad negotium præsens, non mediocriter facientia. Est alter ^e Libro secundo cōtra Epistolam ^e August. lib. 2. contra Epistolam Parmeniani. *Et si laicus, Baptismum pereun-
ti dederit, necessitate compulsus, quod cum ipse acciperet, dā-
dum esse addidit, nescio an piè quisquam dixerit, re-
petendum esse. Nulla etenim cogente necessitate, si fi-
at, alieni muneris usurpatio est; si autem necessitas ur-
geat, aut nullum, aut veniale delictum est. Sed et si nul-
lā necessitate usurpetur, & à quolibet cuilibet detur,
quod datum fuerit, non potest dici non datum, quam-
vis rectè dici possit illicitè datum.* Modestè Augustinus, uti semper, & cautè, *nescio an piè quisquam
dixerit repetendum esse*, sed cum postea, dari Baptis-
mum asseveraverit; neque potest Sacerdos, quic-
quam dare amplius; & Sacerdotis Baptismus, rege-
rendus non sit; idem est, ac si assereret, repeten-
dum non esse. Sed & obiter, operæ precium est ad-
vertere, se, Baptismum licitum, illicitè posse dari,
affirmare; & laicalem aspersionem, licèt necessitate
factam, à delicto, licèt veniali, & leviori, non audere
omniò & absolutè, excusare. Quod id est, quod su-
prà, ex Augustino, innuebam.

At secundum Augustini testimonium, est amplissimum: ^e *Si quis fortè, me, in eo Concilio con-
stitutum, ubi talium rerum questio versaretur, non
precedentibus talibus, quorum sententias sequi mal-
lem, urgeret, ut dicerem, quid ipse sentirem; si como-*

^e August. lib. 7.
de Baptismo
contra Donatistas.

do affectus essem, quo eram, cum ista dictarem, nequaquam dubitarem, habere eos Baptismum, qui ubicunque, & à quibuscunque, illud, verbis Evangelicis consecratum, sine suâ simulatione, & cū aliquâ fide accepisset, quanquam eis ad salutem spiritualem, non prodesset, si charitate caruissent, quâ Catholica, insererentur Ecclesie. Si enim habeâ, inquit, fidem, ut montes transferâ, charitatem autem non habeâ, nihil sum. Sicut iam prateritis Maiorum statutis, nō dubito, etiam illos habere Baptismum, qui quamvis fallaciter id accipiunt, in Ecclesia tamen accipiunt, vel ubi putatur esse Ecclesia, ab ijs, in quorum societate id accipitur, de quibus dicitur, Ex nobis exierunt. Pergit adhuc: Vbi autem, neque societas ulla esset, ita credentium, neq, ille, qui ibi acciperet, ita crederet, sed totum ludicre, & mimicæ, & ioculariter ageretur, utrum approbatus esset Baptismus, qui sic daretur, divinum indicium, per alicuius revelationis oraculum, concordia oratione, & impensis supplici devotione gemitibus, implorandum esse censeret. Hucusque Augustinus. In quibus profitetur se non audere, id pro Baptismo repudiare, quod à quovis, sine fide, cuius sine fide, idque ludicre tantum, & mimicæ, & ioculariter tribueretur. Sed expresse affirmat, eos, ex illius sententiâ, Baptismum habere, qui ubicunque illud, & à quibuscunque, verbis Evangelicis consecratum, acceperunt. Ex illius igitur opinione sobriissimâ; nec post foeminam, nec post quemlibet, ablutio mystica seriò data, & verbis debitis, est redintegrandâ.

Gratian. par.
te 3. de Cōse-
cratione. Di-
cunt. 4. 22.

15 Succedunt minoris ordinis, succēturiarii milites, similia suffragia perhibentes, præsertim è Gratiano. Isidorus primò: *Romanus Pontifex non hominē, iudicat,*

dicat, qui baptizat, sed spiritū dei subministrare gratiā Baptismi, licet Paganus sit, qui baptizat. Secundō, Nicholaus Papa, ad consulta Bulgarorū respondens: ^h *quodā Iudæo, ne scitis, utrum Christiano, an Pagano, multos in patriā vestrā, baptizatos asseritis; & quid inde sit agendum, consulitis. Hi profectō, si in nomine sanctæ Trinitatis, vel tantum in nomine Christi baptizati sunt, quia non illorū, sed eius est, rebaptizari non debent.* Et Gratianus ipse. ¹ *Ecce quandoque ab Hereticis, Baptisma, cum suā virtute accipitur, cuius tam necessaria administratio est, ut nec etiam à Paganis datum, possit reterari.* Quorū ego recenseo testimonia, non quod ex eorum iudicio, dijudicandā esse litem arbitrer: (tanti etenim ipsos non facio) sed ut & antiquorum, & recentiorum, & Pontificiorū consensum, in re isthac, patefaciam. Cui etiam, & calculum, nostra adjicit suum, Ecclesia; quæ cum, facilitate largā (itā etenim appellare licet, si ad laicorum & foeminarum Baptismum extendatur, quod negari, supra docui) propter cordis duritiam, aut plebis ignorantiam, privatam tinctionem, ad tempus tolerasset, tolerasset inquā, (puto sanè, paulisper tantum) quoad populus copiosius instrueretur; hanc tandem feri sententiam. ^h *Ne dubitet quisquā, quin infantulus eo modo baptizatus, & legitime, & sufficienter baptizetur, neque debeat in templo rebaptizari.* Hæc eorū erat sanctorum virorū determinatio, qui (ut humana passa est infirmitas, & ferebant illa tempora) superstitioni Papisticæ amovendæ, & divini cultus officijs propagandis, infundarunt; & quorum aliquot, suo sanguine veritatem Christi postea consignarunt.

^h Ibi.¹ Gratian.
part. 2. causa.
1. Quest. 1. 59.^h Liturgia Ecclesie Anglicanæ in privato Baptismo.

16 Nostra etiam tempora, quantum ego novi, ab eorum determinatione non discesserunt, sed tanquam depositum apud nos, & traditum, custodiunt. Adjectio etenim elementi, & invocatio spiritus sancti ea est, quam potissimum respiciunt, & non persona dantis: hoc autem, quoad Baptismi substantiam. Quam in re, uti ego existimo, sic se habet negotium, ut in generatione carnali: in regeneratione scilicet, ut in generatione. Baptizari etenim, est quasi in Ecclesiam generari. Et ut nil, sapius quam semel generatur, ita decenter institutum fuit, ut nemo sapius, quam semel baptizaretur. At ut in productione infantuli, & emissionem in lucem, obstetriculæ opera, censetur necessaria, cuius manu, & consilio, ex utero materno, incolumis, infantulus extrahatur, sic minister Evangelii, ad manum oportet, & præsto sit, quum ex labe originali, per aquam sanctificatam extrahitur, qui Adami corruptelis involvitur & irretitur. Evangelii minister, obstetricis locum, in renovatione, & regeneratione sacramentali supplet. Veruntamen ut nonnunquam, id re ipsa contingit, quod fictè, & simulatè obstetrices Israeliticæ, Pharaoni renunciârunt; foeminas nempe aliquot, sic robustas esse, ut, priusquam accesserit obstetrix, pepererint: aut cum præsto non fuerat, quæ debebat interesse, matrona alia vices supplet, & vicariam præstat operam: neque tamen non natum quisquam dixerit, qui jam in lucem prodierit; & pro stolido haberetur, qui infantulo, in uterum maternum, revertendum diceret, quia defuit quæ adesset: Sic si in Ecclesiam generatus quisquam fuerit, per lavachrum regenerationis, licet ejus id non sit factum, cuius debuit.

¹Exod. 1. 19.

debuisset, manu, imò licèt peccaverit, et Deo displicuerit, qui manus per præsumptionē et ignorantiā iniecit; nō redintegrādū tamē esse factū, et pietas, et ratio, et cōsensus Ecclesiæ, à quo temerè recedēdū nō est, vehementer suadent. Et hoc nisi concedatur, incōmoda infinita, per universā fideiū cōgregationē, exorientur. Si etenim nō sit quisquā, Christianis imbutus mysteriis, nisi qui per Sacerdotem, omni viā legitimū, & exceptione maiorem, baptizaretur, quora hominum pars, piorum & fidelium, Christianismi signaculo indigerent? aut quis sciret pro certo, se aquis lustralibus, ut debuisset, fuisse expiatum? Sacerdotis etenim personam, induere potest, qui sacros nunquam est adeptus ordines. Sacros etiam ordines is potest recipere, qui nec ipse baptizatus, unquam extiterat. Sed & qui baptizatur, & qui ad gradum ministerij promoveretur, ab Episcopo poterit consecrari, & ad Presbyteratum admitti, qui nec ipse legitimus fuerat Episcopus, nec imponendi manus, potestati habuerat. Et hæc, huiusmodique, & posse, & solere, contingere dubia, prudentia, et ratio, et experientia, contestantur; ut nominatim, in rescripto^m Nicholai Papæ ad consulta Bulgarorum; Et Canonici non frivole, aut ex suppositione, sed occasione datā, hæc ipsa discutunt; ut quæstionibus reverā & bonā fide exorientibus occurratur.

^m Nicolaus
Papa è Grati-
ano ut suprā.

17 Sic habetis doctissimi Academici, meam de facto hoc Tisipporē, longam licèt, apertam tamen sententiam; in quā explanādā, ut & in aliis omnibus, quæ in his prælectionibus, aut dixerim, aut deinceps dicturus sim, si iudicium meum ab alieno dis-

senferit, det veniam, aliter sentiens. Si cuiquam etenim, vel minimo servorum Dei, revelaverit aliter, è sacris literis, spiritus sanctus, non perversè renitar, sed gratulabundus, in illius, etiam pedibus ibo sententiam. Errare etenim possū, Hereticus esse nolo. Quòd autē senferim, esse Baptismum per laicum, aut foeminā, datum, facit perpetua Ecclesie consensus, veritati divinorum eloquiorū, quantū ego reperio, non repugnans. Et illius sum animi, cuius, est, doctissimus^a Hieronymus Zanchius, in eā questione, Num temporalem Iurisdictionē, & principatum, Episcopi & Archiepiscopi Ecclesie retinere debeant: multum nempe cōsensui doctorū & piorū, tribuendum esse, neque à receptā ab antiquioribus temporibus sententiā recedendum esse, nisi ubi sacrae literae, aut disertè, aut apertā, & necessariā collectione, contraria doceant. Interea tamen ista sunt, quae hodiernā oratione accepistis; externo Sacramēto, non sic astringi & alligari Dei gratiam, ut sine ipso salvari, aliquando nolit. Ideoq; & diffidenter quoad Deū, & audacter quoad se, foeminas laicosq; facere, qui baptizare aggrediuntur. Tertio tamen cum sigillum sit impressum, vel ab istis; non esse iterandum. Det Deus, ut in veritate perpetuò ambulemus, ut ad gloriam coelestem tandem perducamur, cum Christo regnaturi, cui cum patre & Spiritu, sit laus, & gloria, in æternum.

^a In observationibus super cap. 25. cōfessionis suae.

Obser-

OBSERVATIO IN PARAGRA-
phum. 9. capitis precedentis.

• **M**artinus Bucerus, vir accurate eruditionis, & pietatis singularis, dum distinctas enumerat Species, functionum Ecclesiasticarum; nonnullos dicit, in primævâ & purioris Ecclesiâ, ex laicis, fuisse admissos, ad sacrarum Scripturarum interpretationem, quâ etiam aliquando, in præsentia Episcoporum, perfuncti sunt. ^p Origenem nominat & alios: tales scilicet, in quibus singulares Spiritus Sancti, dotes elucebant; ut manifestum esset, Ecclesiæ rectoribus, ipsorum operam, non mediocriter, populo, in mysterijs fidei ediscendis, profuturam. Cui si quis adjiciat, quod habet in Confessione suâ, vir verè doctissimus ^q Hieronymus Zanchius, indefinitè loquens, *Credimus etiam per illos, administrandum esse sacram Baptismum: per quos etiam Evangelium prædicatur: & ex eo, talem inferat conclusionem; licere ergò laicis Baptismum dare, etiam ex principiis nostris, & testimonio Christi, ^r profecti do-* ^r Math. 28. 19; *sete omnes gentes, baptizantes eos in nomen patris, & filij, & Spiritus sancti; cum ex praxi purioris Ecclesiæ, qui sacros non retigissent ordines, Evangelium annuntiarent: Respondemus, aliam habendam esse rationem, eorum, qui simpliciter laici sunt, & ex plebe promiscuè sumpti; qualibus potestas, in Ecclesiâ Pontificiâ tribuitur, aquam Baptismalem aspergendi; & contra quos ista potissimum à nobis dirigitur controversia: Aliam autem eorum, qui sunt instar ministrorum*

N

Evan-

• Bucerus in
epistolam ad
Ephesios, c. 4.

^p Eusebij Ec-
cles. historia.
lib. 6. 20. ut ci-
tat Bucerus.

^q Hieron. Za-
chius confess.
cap. 15. 8.

^r Math. 28. 19;

^r Bucerus ubi
suprà.

^r Tertull. &
Hieron. ut
suprà.

Evangelij; quique non modò præ suâ, in sacris rebus
eruditione, vulgus hominum longè excellunt, sed
& speciali, aperto, & communi decreto, Episcopi &
aliorum, qui congregationi præsunt, ad illud officie-
um, Scripturæ publicè interpretandæ, vocantur.
Tales autem, & non alios, aperta Buceri verba no-
tant: *Alterum iam munus est, doctrina dispensan-
da interpretatio; id est, verborum & sententiarum, sim-
plicior explicatio. Hoc ministerium Episcopi obibant,
& Presbyteri: nonnunquam tamen, ex ordine Diacono-
rum, atque Subdiaconorum. Aliquando etiam ex
laicis, ad hanc adhibebant functionem, quos depre-
hendissent, per spiritum sanctum, ad eam utiliter o-
beundam, factos idoneos. Sic Origenes etiam laicus, ad
hoc munus ascitus fuit, in Ecclesiâ Casarea Palaesti-
na, per Alexandrum Episcopum Hierosolomitamum,
& per Theoctistum, eiusdem Casariensis Ecclesiæ E-
piscopum, & quæ sequuntur. Istos ego non audeo, ad
ordinariorum, & vulgarium laicorum, condiciones
revocare, cum ad Presbyteros tam propè accedant.
Tales autem hodiè, præ multitudine ministrorum,
in templo Dei inservientium, vix reperiuntur. An-
non tamen de istiusmodi laicis, sermo ^r Tertulliani
& Hieronymi, laicis aliquando baptizare permit-
tentium, intelligendus sit, & non de alijs; doctorum
sic iudicium.*



DE ASTROLOGIA. CAPVT 3.

Judic. 5. 20. E cœlis pugnârunt: sydera ipsa, è suis aggeribus, pugnaverunt contra Sisaram.

2. 5. Astrologi multorum cognitionem, sibi vendicant: 3. 4. Astronomiæ dignitas. 7. Nativitatum vanitas: 10, & Electionû, 12, & Quæditorum. 14. 15. contra Astrologiam multa. 16. 17. Quæ pro eâ afferuntur, solvuntur.



Astigare solet sapius, Ecclesiam suam, æternus Deus, à Præceptis, studiisque sacris deviantem. Flagellis, virgisque suis, pro calcaribus, quæ ad bonum incitent, frænisque etiam, quæ à peccato retrahant, uti consuevit. Quod, ut crebrum est, apud Deum, omni seculo; stante lege; vigente Evangelio; ita post Mosis, & Josuæ obitum, regentibus in Israëlè Judicibus, veritatem plus quam communem obtinuit. Cuius rei exempla non pauca, cum facillimum sit percurrere, in eo potius uno, mea instabit oratio, de quo, Judicum ¹ quarto dicitur; perrexisse scilicet Israëlitas, perperam pravèque facere; ideoque Jehovah dedisse, vel vendidisse magis, ipsos, in manus Jabin, Regis Canaan, cujus militiæ præfectus, erat Sisara; potentiaque eous-

¹Judic. 4. 1.

quæ tremenda, ut præter cætera belli instruta, nongentos haberet currus ferratos. Hic, cum per annos viginti, Dei populo, omni modo fuisset formidabilis, incursando, rapiendo, undiquaque vexando; commota sunt Deo viscera, ut misericordiam ostenderet, & ut, (satis poenarum exactum cogitans) benigniore oculo, ipsos respueretur. Insigni igitur clade, Canaanitas percussit; currus ferreos dissipavit; exercitum cecidit; ducem Sisaram in fugam vertit; qui turpi modo, & illius ex parte, dedecoroso, foemineâ manu interijt. Ità erat admirabilis in suis; formidabilis in hostibus, Jehova. Deborah & Barak, quorum auspicijs, proximo post Deum loco, ista parata est victoria; ne per ingratitudinem, tanti beneficij, immemores ducerentur; sicque indigni, qui reciperent; Hymno, Psalmovè, ex proposito, edito, datorem victoriæ, Dominum collaudârunt; & in perpetuam rei memoriam, Canticum illud suum, posteritati commendârunt. Cujus serie, sicut multas rei gestæ circumstantias, descripserunt; ità è coelis, contra Sisaram, exercitumque suum, pugnatum fuisse; ipsaque sidera, ex aggeribus suis, adversus eos dimicasse, contestantur. Quo sermone, quid significatum habeamus, non inutile est disquirere.

20 Astrologi Judicarij, ità etenim frequentivo-
cabulo, libet appellare, quos Chaldaeos anti-
qui; Mathesim callentes, novi nuncupant, in-
finitam ferè, & illimitatam sideribus, planetis-
que, potentiam tribuunt; ut, quorum virtute,
secretâ

secretâque influentiâ, quæ geruntur fermè omnia in terris, disponantur, & dirigantur. Hinc prædici arbitrantur, futura grandia, seditiones, pestes, bella, inundationes aquarum, Regnorum, & Monarchiarû, erectiones, transpositiones, dissolutiones: ex ipsorum instigatione, & impulsione abditâ, in pugnas protrudi homines, adeoque, inter præliandum, his læta, illis infauusta contingere. E coeli schemate iudicium faciunt, quibus, quisque nuper natus, moribus futurus sit; quâ conditione sit victurus; tenui, an beatâ; num placidis Musarum studijs, aut ferocioribus belli munijs, animum sit adiuncturus. Quousque vitæ stamen, producendum sit: num florenti ætate, sit moriendum, an decrepitâ; & num spiritus, violento interitu, aut naturali obitu, sit emittendus. Hæc ipsa, penes sidera esse; ut alijs docere cupiunt medijs, sic & sanctissimis sacræ Scripturæ testimonijs, sua dogmata suffulcire non verentur. E Genesi. ^b *fiant luminaria, in Firmamento cæli, & sint in signa, & tempora, & dies, & annos. Et, ^c Solem, & Lunam, & Sidera, creauit Dominus, ^b Genes. 1. 14. ^c Deut. 4. 19. *Deus tuus, in ministerium cunctis gentibus, quæ sub cælo sunt.* Et ^d Magi, ad Christum adorandum venerunt, ^d Matth. 2. 1. è stellâ edocti. Nullo tamen testimonio, disertius edito, quàm isto; ubi pleno ore, Prophetissa conclamat, contra hostes, cœlos & stellas, pugnam exercuisse; ac si diceretur, maligno aspectu, ipsos Planetas, Sisaram fuisse intuitos; & non modò ei, infortunium prædixisse, sed & effecisse. Et sanè ^e Franciscus Valeſius, eum ^e Francisc. Valeſius de sacrâ philosophiâ cap. 31. *Astrologiæ uniuersæ, rationem cribrare, & ventilare;**

in animo habuisset; in suo, quem de sacrâ Philosophiâ, libro conscripsit, hunc potissimum contextum seligendum censuit; (in quo, rei totius, faceret periculum) tanquàm specie tenus, apertissimè pro ipsis facientem. Cujus sanè vestigia, ut à longè stans, observare non recuso; ita nolo premere, sed aliquantò copiosius, meam sententiam explicare.

¹ Psal. 19. 1.

3 Luculentus igitur, proculdubio est Astrorum usus, tùm ad Dei gloriam prædicandam, tùm ad cōmunem nostram vitam. ¹ *Cæli enarrant gloriam Dei; & opera manuum eius, annunciat Firmamentum.* Diem, superiora corpora, discriminant, & noctem; Æstatē, & Hyemem; Ver, & Autumnum. Operatio- num Lunæ, certa sunt experimenta; in suâ illam Oppositione, (cū pleno, per Solis aduersos radios, imbuatur lumine) humidioribus magis domi- nari; medullam in ossibus; in cranio cerebrum, extenuare, & rarefacere; pure, sanieque ampliore, & exuberantiore, vulnera inficere; plantis, & satis, humore, pro alimento indigentibus, copiosius nu- trimentum præbere: in æstum pleniorē, fluxum scilicet, & refluxum, accessum, recessumque insig- niorē, & magis notabilem, Oceani undas commo- vere. Solis radij, virore terrā, vigore animantia, ex- hilarant: æstivam producunt siccitatem; aërem im- mutant; humanaque corpora, humoribus afficiunt; è quibus etiam animus, magis morosus fit; naturali tamen, & apertâ ratione: quando propter commer- cium, & conjunctionem tam intimam, anima, & ca- ro, se mutuò delectentur; istius lætitia, illi gaudium adferat; tristitia, dolorem. Ista tamen, alia extrinse- cūs acquisita, in humano corpore, possint efficere.

In-

Indubitatum est apud Medicos, Epilepticos, aut Morbo Comitali affectos, Lunâ plenâ, aut inchoante, citius cadere. Compertum est nimio, (uti ipsis videtur,) suo malo, apud valetudinarios; quod Caniculâ apparente, urentes febres, morbiq̃ue acutissimi grassentur. Quid quod pestis, si omninò invaluerit, tum potissimum, sæviat, atque furat? Quid quod tum canes, in rabiem crebrius impellantur? Omnem igitur virtutem, syderibus negare, est aperto sensui, & rationi refragari; quibus repugnat, nemo sobrius. Etiam si id liceat, in præsentī submonere; doceri ista non posse ~~sed ex illis~~, & Demonstratione, à priori datâ, ut probat Melancthon, & Astrologorum ingenui maxime, consentiunt; sed ab effectibus, & observatis, quæ quotidie occurrunt, & in quibus, Dei honor, non mediocriter elucescit.

4 Si velimus pergere; de Oppositionibus & Conjunctionibus Planetarum, verissima est scientia. De Eclipsibus, & defecto Orbium lumine, nec injucunda est cognitio, nec inutilis; & indubitata, de istis, traduntur regulæ. Neque quidquam potest esse certius, quàm quæ de motu cœli habentur; & ijs omnibus, quæ prædictiones sunt, circa propriam ipsius materiam. Ipse Firmamenti conspectus, quàm pius, de Deo meditationes, & contemplationes suggerit? Qui præ infinitâ suâ sapientiâ & potentiâ, tot lampadas, eo ordine, gradu, decore, collocatas, constituere voluerat. Quibus, ut apud Ethnicos, Gentiles, pro similitudine imaginum, nomina confinxerunt, Coronæ, Aræ, & similia, ita non improbat Deus, sed nostræ, sub similibus, Hebraicè, appellati-
onibus, considerationi proponit; ut ex quibus, Crea-

Philip. Melancthon. 2. parte. Obiect. & Respons. cap. de viribus Stellarum. Collectore Pezelio.

h Job. 9. 9.

י ש

א כס

ב יסח

m Job. 26. 13.

n Job. 38. 31.

o Amos. 5.

p Act. 7. 22.

q Daniel. 1. 4.

toris majestatem, estimare valeamus. Hinc apud Jobum: ^h *Qui facit* ^l *Arcturum*, & ^k *Oriona*, & ^l *Pleiadar*, & *interiora Austri*. Et: ^m *Spiritu suo, caelos ornavit, formavit manus eius, serpentem oblongum*. Et: ⁿ *An constringes delicias Pleiadum, aut lora Orionis dissolves? Educe sine remotiora signa, quodq; tempore suo? aut Arcturum cum filiis suis, duces?* Ita apud Hamosum: ^o *Opificem Pleiadum, & Orionis; qui & mutat in matutinum, densissimam umbram, & diem nocte obtenebrat*. In quibus omnibus, primò manifestum est, Deum, tanquam aliquid gloriæ suæ ducere, quod ista, & hoc ordine, creaverit: Secundò, quod signa isthæc, & Asterismos, à nobis sciri voluerit, & observari; quò fecundius, ejus magnitudinem admiremur: & Tertiò, in exortu nonnullorum siderum; suaviora nobis impertiri, quàm aliàs: ut, in ortu Pleiadum, quæ nobis Vergiliæ dictæ sunt, quæque Vere exoriuntur, & usque ad Autumnum durant; quarum, cum mentionem faceret, suavitatem, quam orbi inferiori afferunt, delicias Pleiadum, nuncupavit. Qui ista dicimus; Astrorum cognitionis, omnem usum non tollimus; imò absit, ut tollere conaremur; sed Astronomiæ præcepta isthæc, accipimus; colimus; observamus; in honore habemus; ipsamq; scientiam, dignam esse, quæ cum ceteris, veris Mathematicis, honoretur artibus, pronunciamus. Neque dubitamus, quin ut ^p Moses aliquando, testante Stephano Protomartyre, in omni Ægyptiorum eruditione, fuerat institutus, (ubi, non minima pars, præter Arithmeticam, & Musicam, & Geometriam, & Hieroglyphica, erat Astronomia,) & ut ^q Daniel in doctrinâ Chaldæorum, fuerat educatus; sic & adolescentes

centes nostri, & hominum Christianorum liberi, ad Philosophiæ, Cosmographiæ, Medicinæ, Navigationis usum, & ad sacrarum literarum, alicubi intellectum, in istis honestè doceantur, & informentur, modò semper illis in memoriam revocetur, Conditorum Deum cogitare; illi omnia ascribere; eum solum adorare; & stultitiis, ludicrisquæ alijs, ultra sobrietatem, sese non contaminare. Est modus in rebus.

5 Verum eousquæ, in nonnullis, humana processit curiositas, ut intra istos limites, se nequeant continere; sicquæ ei, quæ in se est egregia, Astronomiæ, labes, maculasquæ asperferunt: juxta illud, literati, ut sua ferebant tempora, Sarisburiensis, De nugis Curialium. ¹ Est Astronomia, ² Sarisburiensis de nugis Curialium lib. 2. 17. nobilis, & gloriosa scientia, si clientelam suam, intra moderationis metas, cohibeat, quam si licentiori vanitate, excedat, non tam Philosophiæ species, quam impietatis decipula est. Isti qui sic abutuntur, ex eorum numero sunt, qui ³ vanitati ⁴ Ionah. 2. 8. bus attendunt, & invigilant, ut est apud Jonam: aut ⁵ qui curiosas exercent artes, ut illi, qui libros ⁶ Aa. 19. 19, suos combusserunt: qui omnem scrutantur motum, & actionem, ex sideribus: qui mores animi inde exquirunt; qui fatali quasi; creaturarum necessitate, res dirigi arbitrantur: qui coelum serenum, nubilumquæ, ante annum, & annos, quovis die futurum prædicunt: qui omnium rerum scientiam venditant; ut ⁷ Chaldæi, Magi, ⁸ Daniel. 2. 7, Astrologiquæ illi, qui Somniorum conjectores, & interpretes, haberi voluerunt. Et mirum sanè est, quousquæ affectus, & desideria, hominum non malorum,

malorum, sed proborum & ingenuorum, præsertim verò juniorum (senioribus etenim expertis, ista sordescunt & vilescunt magis) ad talia exardescant; dū non animo pravo, sed curiositate otiosa ducti, & inordinatā sciendi cupidine, quæ titillat, allecti, in his, operam non tam ponant, quam ludant. Quibus id, tanquam laboris merces, nonnunquam contingit, ut non alijs, magis quam sibi, præ credulitate nimia, imponant. Quod mirandum non est, cū, qui summi, in hoc genere, impostores sunt, non alios, magis quam seipsos, imaginationibus suis, circumveniant; eo sanè miserandi, utcunque aliās, non fovendi. Horum quidem optimi, id est, modestissimi, & temperantissimi, audacter non pronūciant. Non possunt rationibus, aut argumentis concludentibus, nostra patefieri proposita; sed exemplis, & comper-
 tis. Inclinat Astra, non necessitant. Sapiens domi-
 nabitur Astris. Astrologorum decreta, non sunt

^{3. Esdræ. 4. 41} Prætoria. * *Magna certè est veritas, & fortissima.* Fidem illi, suis thesibus, & dictatis subtrahendo; vel certitudinē minuendo & extenuando, caliginem, tenebrasque, alienis oculis, excutiunt. Hoc istorum modo, cœlis inhiare, & futura desiderare, neque cū ratione, neque etiam cum pietate, est conjunctum.

6 Dei nomine, propheta Jeremias loquitur:

^{Jerem. 10. 2.} *Incedere in viam gentium istarum, ne discitote, & à signis cœlorum ne consternemini; nam statuta populorum, sunt vanitas.* Annon Chaldaica, Babylo-

^{1. Melancthon}
 Tomo 4. De-
 clamat. 370.
 de iudiciis na-
 tivit. è Peze-
 lo, ut suprā.

niaque figmenta isthæc, cū taxet Jehova; veræ illa pietati, detrahere demonstrat? Et licet occurrat ei loco ^{1. Philippus Melancthon,} (qui cū siderum spectator esset, vanitate tamen aliorum com-
 muni,

muni, superfedit) non prohibere Prophetam, eorum signorum observationē; sed metum: non quod » non sint metuenda, sed quod non pijs metuenda, » quibus nil continget, nisi ex divinâ providentiâ, & » quod patientiâ levius fit, juxta illud, ^a *Ne timeat* ^b Math. 10. 28. *vobis, ab ijs qui occidunt corpus;* non quia, hoc non » sit meticulosum, sed quia rependet Deus: Sic, ne » metuite à signis cœli; non quia nihil sint, sed quia in » ijs, præservabit Dominus: Tamen, ut pace tanti viri dixerim, signa cœli, nostro sensu, non observanda esse, ostendit Propheta, cum illic dixerat, *Incedere in viam gentium istarum, ne discitote.* Quarum gentium, nisi Orientalium? Chaldaicarum, & Babyloniarum? Quæ statuta sunt vanitas, nisi quæ de Astorum, & Signorū cœli abusu, tradebantur? Ethnicam igitur, id est, nimiam, & idololatricam, & superstitiosam, cœlestium speculationem, interdicat Dominus. Sed quo pacto, apud Isaïam, deludit, & irridet Deus illa Chaldaica, & consequenter, eorū dē usum improbat? Ad ipsam Babylonē, verba sunt: ^a *Stet iam, cum incantationibus tuis, & cum multitudine, præstigiaram tuarum, in quibus laborasti à pueritiâ tuâ, si forte possis proficere: si forte præbebis te fortem. Defatisceris multitudine, consiliorum tuorum. Stet iam Astrologi, qui contemplantur stellas; qui notas faciunt in menses, prædictiones suas; & servent te ab ijs, quæ superventura sunt tibi.* Quam amara, est hæc irrisio? Quam directè, prædictores istos feriens? Apud Daniele, ^b Astrologi cum Magis, & ^c Daniel. 2. 27. 28. Divinatoribus, & Chaldæis, è diametro quasi, Prophetæ, & Dei spiritui, opponuntur. Generale Christi est præceptum: ^c *Ne solliciti estote, de crastino:* ubi ^d Math. 6. 34. cum

cùm cibum, vestitumque nominet, comprehendit omnia, ad humanam vitam conducentia. Sed scopus exhortationis, is est, ut de futuris, anxie non perquiramus, quod agunt vehementer, qui Astrologicas prædictiones, in quàm multis consulunt. Cavendum ergò est, ne audacter, in secreta Dei irrueamus; idque nobis, sine scripturæ voce, sine regulâ, aut ratione arripiamus, quod futuri prævisor, & ordinator Deus, abditum esse voluit. Inspirationes Prophetarum, à Domino, ad res præsignificandas, excitatorum, extenuamus, & leviores facimus, si ex Astris, magna, multa, omnia, prævideri possint.

7 Sed ut, suprà, quid ex coelis colligi possit, docuimus, (quibus illud addimus, quòd virtutes fortassis, habent plures, & multas, sed quis scit, num has, & has? Et in isto, vel in illo? Et hodiè, vel heri?) Sic, ut è fixo quasi loco, Astrologorum placita, oppugnemus; sermonemque nostrum, certis limitibus circumscribamus; quid in ijs improbamus, & damnamus, ostendendum est. Tria sunt, quorum indicium, è Schemate cœlesti, se posse colligere, inspectores isti siderum, præ se ferunt. Nativitates, quas *γεννησεις* appellant; Delectus, sive Electiones; & Interrogationes, seu Quæsitæ. In Nativitatibus, futuros mores, & fortunæ, in vitâ, morteq; conditionem, præfari spondent: In Electionibus, quis dies, huic negotio, ut itineri capeffendo, prælio conferendo, fundamento domicilij, aut civitatis, jaciendo, commodus sit, aut incommodus: In Quæsitis, quis occiderit hominem, quis ablata furto subriperit, ceteraque similia, se docere posse, jactitant. Hæc tria damnamus, ut non minùs Philosophiæ, & rectæ rationi, quàm Divino

vino cultui, adversa. Et ut de γενεθλιαλογια, primo dicatur loco; cur in rebus natis, actiones, quæ sunt voluntariæ, & voluntas ipsa, quæ quovis momento est mutabilis, à figurâ cœli penderent? Vnde, super istam, quæ absolute spiritualis est, tam longè distita, disjunctaque corpora, vim exercebunt: Neque omnino, in puncto temporis, (quod oportet fieri) immutato corpore? E dicta principum, multa jubentia, aut verantia; auxilium opem ferehrium; impense, & facultates, quæ in rebus magnis sunt necessarie; instrumenta, & media operadi, magni sunt, ad quidvis, ponderis; & hæc tam extra nos, quam extra cœlos, sita sunt. Educatio, in utramque partem, momentū habet: sic & societas, cui jungimur, quarum ^{utram.} ^{Prov. 4. 11.} ^{c. 1. 15.} utramvis, piā esse, & sanctam præcepit Dominus; sed frustra, si ex Schemate superiorum corporum, sint metienda singula. Verum, quantam isti Deo faciunt injuriam, qui cum ita speciatim, se, nostra omnia, dirigere dixerit, ut nec passer in terram cadat, nec crinis, capillusve unus decidat, sine certâ ejus providentiâ; Astroꝝ motui, ista tamē tribuent, quæ licet ipsius sint creature, talē tamē, tātāq; vini, in rebus ad se immediate spectantibus, ijs illū impertivisse, unde cōstat? ^{Luc. 12. 6. 7.} *Ut rivi aquarū, sic animus Regis, est in manu Iehovæ, quocūq; vult, inclinatur eū.* Sed quātā blasphemie occasione, hominibus impijs tribuunt? qui si adulterio, homicidio, proditione, omnigenâ impuritate, sese conspurcārint, in cœlos, & ipsum deū, rē omnē rejicient: ac si eorū operatione, & coactione, in vitia impellerentur; neq; abstinere à malo potuissent. Nā præter Originale labē, cujus vitiositas, Adamo propagāti, referēda esset; instigatio quædā, & incitatio, ab Astris proveniret.

8 Quæ ex his sequuntur, absurda alia, sunt infinita : quorum aliquot, non verebor recensere; ut qui dicam, non minùs apud homines Philosophos, quàm Theologos. Et primò, quo pacto poterit Constellatio, in Nativitate fulgens, effectus per totam vitam, operari? Quid in causâ futurum est, quòd annus, & dies quilibet, suas non diriget actiones, æquè atque ea una, in ortu fulgens? Secundò, quo pacto vim suam, exercebunt coelestia corpora? an ut causæ; vel ut signa; vel ut aliud quidquam? At quid tandem, est illud aliud? Cur non nominatur? Signa si dixerint; at quid, precor, in causâ propriè erit, cujus, ista sunt signa? Et id etiã proferatur. Si hæc, ipsæ causæ sint, at quo modo operantur? Per tactum? aut emissionem virtutis suæ? At quo pacto aer, qui medius est, ita immutatur, ut ad solum istum feratur, nec ad alium hominem? Cedò certam aliquam experientiam: deprome aliquid, cum ratione, & Philosophiâ, vel specie tenus conjunctum. Sed nulla ratio; nullus syllogismus; nullum argumentum. Tantummodò, nostris credendum est principijs. Tertiò, cujus diei, Horoscopus intuendus est? nùm ejus, qui fuerat Conceptionis? aut illius, qui est Nativitatis? In Conceptione, cum paterno, maternoque, conjuncto semine, primordia geniti coalescunt; & abditæ, ab eo usque momento, foveantur virtutes; quæ simul cum paternâ, maternaque similitudine, & hæreditarijs etiã morbis innatis, in Nativitatis horâ, non immutantur; nec immutari valent. A Conceptione ergò, (si alicunde) suffragatur ratio, sumendum esse judicium: idque fatetur^s Haly, insign-

inſignis Aſtologus: efficaciam ſcilicet, ſari diſcer-
nendi, eſſe in horâ conceptus: ſed quia hæc igno-
retur, ad horam Nativitatis, Aſtologos confuſiſſe.
Detrahunt ſuis Principijs, qui Nativitatē, pro Con-
ceptione capiunt; cujus Conceptionis, ex oriendi
horâ, impoſſibile eſt, ut ratio teneatur; dum ſepti-
meſtres, octimeſtres, novimeſtres, imò decem men-
ſium, aliqui ſint partus, ut loquūtur Medici; nec poſt
certam periodum completam, determinari poteſt
Conceptionis hora, ex naſcendi termino; præſertim,
cū parturientis robur, aut imbecillitas, ſic & obſte-
triciſ peritia, aut imperitia, aliq; quā plurima, partū
accelerare, aut retardare cognoſcantur. Quarto, in-
credibile eſt, ut exacta cœli Revolutio, capiatur,
propter feſtinā ſuam, in movendo celeritatē, quæ
quibulvis momentis, & minutis temporū alteratio-
nē patitur, ex ipſorum regulis, & irrefragabili verita-
te. Velenim Aſtrolabium, exquiſitè non erit perfe-
ctum; aut Mathematicus, eo uſurus, paratus non e-
rit; aut nubes, ſtellas Solemve intercipient; aut
foeminæ intra conclave, Aſtologo deſoris ſtanti,
partum ſtatim non ſignificabunt: Cujus ſolius rati-
onis ſi quis nervos, accuratè velit conſiderare, ſi
obſtaret nihil aliud, exclamare tamen poterat,
Vanitas vanitatum; & omnia vanitas. Liceret Eccleſ. i. 2.
iſta perſequi ulterius, ex Contradictorijs illorum
Principijs; in quibus, cū non nihil parentibus tri-
buant; dominantī ſideri, plurima; quo pacto, omniū,
uno tempore naſcentium, unum erit judicium? ut ſi
Mercurius omnes fures faciat, num parētes omnes
generantes, ſimiles erunt? Sed ne tædio ſim; ad viro-
rū doctiſſimorū cenſuram, volentes remitto. In qui-

¹Origen. Homilia. 7. in Iosuaam.

bus¹ Origenes, super Iosuaam sic: *Qui de Astorum cursibus, vitas hominum, & gesta perquirunt; qui volatus avium, & cetera huiusmodi, quæ in seculo prius observabantur, inquirunt; de Hiericho, anathema inferunt, in Ecclesiam; & polluant castra Domini, & vincti faciunt populum Dei.* Alludit ad anathema Achani. Hic præter severam, de istis censuram, advertite, quod cum stulto augurio, & volatu avium, disciplinam hanc conjungat. Basil. Hexameri. Homil. 1. ¹Homil. 1. filius magnus, qui initio² Hexæmeri, Astrologiam, vanitatem occupatissimam, & negotiosissimam appellavit; postea ex ipsis naturæ, & rationis, visceribus; & ex Theologiæ, Christianæque fidei præceptis, demonstrat, argumentis, eorum non dissimilibus, quæ jampridem recitavi; impossibile esse, ut de Nativitate cuiusquam, Astrologorum quisquam, veram ferat sententiam. Ambrosius, in suo Hexæmero, horum, in Nativitatibus cōiiciendis, vanitatem, describit, examinat, cōfutat, irridendam proponit. Qui velit, consulat. Ego digito fontes designo.

²Ambros. Hexæmeri lib. 4. cap. 4.

³Augustin. de doctrina Christiana lib. 2. c. 24. & de Genesi ad litteram 2. 17. 35.

⁴Gen. 25. 26.

9 At sicco, non possum pede, præterire, quid habeat in præsentī negotio, iudiciosissimus³ Augustinus; qui ex Geminorum partu, Mathematicorum, de Genesibus, pronuntiationes evertit. Ex Geminis etenim, uterque, cum uno, eodemque profeminentur tempore; minimumque, inter eorum Nativitates, intercedat spacijs; dissimilibus fiunt corporibus, vultibus, animis, moribus, nec in ullis studiis, aut vite cōditione cōsentiunt. In Esauo, & Jacob instituta perhibet; quorum ortus, ita cōiunctus fuerat, ut ex utero, prodeuntē Esauum, calce tenuerit Jacob; ita ut ipsorum Constellationes, si voluisset omnino intueri,

tueri, debuisset Mathematicus, ad eundem Horoscopum & eandem Lunam. Qui tamen unquam, fuerant dissimiliores? Hic infans hirsutissimus, & plus quam virilis; ille mollis & foemineus: hic moribus rigidis, & inobsequiosis; ille placidis, & pacatis: ille servitio, magnam peracturus vitæ partem; hic dominio: ille pastor; hic venator; & quod maximum fuerat, ille Deo dilectus; hic odiosus. Quis unquam hominū, ex eodem utero prodeuntes, è cōtrarijs magis studijs, consutos vidit? Nec dispar est ratio, quoad gradus multos, in Geminis alijs aut Trigeminis. Quid obtrudet, in re tali, Astrologorum chorus? Nigidius Figulus, insignis Mathematicus, uti refert ^p Augustinus, cum simili premeretur argumento, se, è salebris, seipsum, probè potuisse expedire, cogitabat. Celeritati Revolutionum, isthæc imputavit omnia; quæ cum tanta esset, & tam velox, ut ictu quasi oculi, diversū in cœlo, Schema proponeret, diversas infantibus qualitates poterat impertire. Licet igitur multocius, puer puerum, ex utero sequatur; cum tamen, non possit non modicum, intervenire intervallum; diversum erit, Geminorum fatū. Cum Revolutionum velocitatē, vellet describere, figulinam cepit rotam, quam, citissimè cum fecisset circūvolvi; pennā in manum sumptā, atramēto repletā, quam velocissimè poterat, circūgyratā rotā, atramento, semel, atq; iterum notavit. Quæ utraq; licet, uno tanquam Nunc, & momēto, infingeretur; cum staret tamē rota, distabāt à se mutuò, longè pūcta. Hinc; si in tārulo, inquit, corpore, motus celeritas, ictu oculi, diversitatē tātā faciat; quātā pariet, intervallū, quod, inter partū Geminorū, cœlestia corpora habuere. Ratione istius

^p August. lib. 5.
de civitate
Dei, cap. 3.

similitudinis, Nigidius ille, Nigidius Figulus appellatus est. Verum Augustinus, rectè perpenso argumento; suo, Nigidium jugulat gladio, acutissimè colligens, quòd si tanta sphaerarum, & Revolutionum, sit celeritas; impossibile est homini, Astrorum inspectori, certam coelorum faciem, à quâ petendum est iudicium, distinguere; ideoque rationes istas Figuli, æquè esse fragiles, atque figulina vasa. Nihil sanè doctius, nihil acutius, nihil verius, excogitari potest.

10 Ita Genethliacos missos facimus, & ad Elationes tandem accedimus; quæ secundo, à nobis, damnantur loco. In istis, scrutanda docent tempora, & opportunitates, in quibus aggredienda ea sunt, quæ tanquam precij alicujus, appetimus. Tali horâ aut die, faustus futurus est aspectus: civitatis, aut domicilij, fundamēta jacienda sunt: conjugium ineundum est: capeffendū iter: auspiciatō prælium conferendū. Quid hoc aliud est, quā deo, immediatā suam gubernationem præripere, (quā singulis actibus, & cogitationis præest) & creaturis assignare? Miror sanè, quòd Mosi opportunitatem istam, ex Aegypto exeundi, è sideribus, non ostenderit; præsertim Mosi, in ijs artibus, aut similibus versato. Miror quòd Salomoni, felicem horam, fundamenti Templi ponendi; aut Nehemiæ, muros Hierosolomis fabricandi & extruendi, non commōstrarit. At quàm frivola isthæc? Quid hoc aliud est, quàm dies, & menses, & tempora, superstitiosè observare? Origenes in Exodum: *1 Dies, inquit, observare, & menses, & tempora, signa requirere, stellarum cursibus adherere, Aegyptius est languor: id est, malus. Aegyptios, ista decere dicit,*

1 Origenes
in Exodum
Homilia 7.

cit, non Christianos. Philippus * Melancthon, Me- * Melancth. in
nonen in * Deuteronomio, appellari, vetarique di- lib. 2. Phisic.
cit, qui superstitiosè, certos dies eligunt, aut vitant, * Deuter. 18. 10.
Et frequens, hujus vocis, sensus * talis est, in sacris * 2. Chrō. 33. 6.
litteris, apertè contra Electores istos faciens. Insu- Deut. 18. 14.
per; quàm puerile hoc est, quàm negotijs humanis * Abrah. 5. 12.
aduersum, eique repugnans vocationi, in quâ, quē- Levit. 19. 26.
que Deus constituit; ut vano tantum timore, ducti
homines, aut spe inani plecti, diem de die, otio-
sè & intempestivè, parati aliàs, proferant & prote-
lent? *Qui observat ventum, non seminabit*, inquit * Eccles. 11. 4.
Salomon; *& qui respicit ad densas nubes, non me-*
tet. Et Paulus: * *Observatis dies, & menses, & tem-* * Galat. 4. 10.
pora, & annos. Vereor de vobis. * Augustinus Electi- * August. de
ones istas, salè perstringit, & doctrinæ Astrologo- civitate del
rum, de Nativitatibus, repugnare ostēdit: sic: *O stul-* lib. 5. 7.
titiam singularē, eligitur dies, in quo ducenda sit uxor.
Credo, propterea quia potest, in diem non bonum, nisi
eligatur, incurri, & infelicitè duci. Vbi est ergo,
quod nascenti, iam sidera decreverunt? An potest
homo, quod ei iam constitutum est, diei electione mu-
tare? Et sic pergit, apertâ evincens ratione, quòd si
magni casus, ex cœli constitutione, in Nativitate,
fataliter præstuantur; non esse penes hominem,
Electione suâ, immutare. En quàm sibi subruunt isti,
sua fundamenta?

II Johannes * Picus de Mirandulâ, vir nobilissi- * Picus miran-
mus, & elegantissimus, libros plures conscripsit, (uti dula contra
omnes novimus) ex proposito, Astrologorum pla- Astrologos.
cita, convulsuros. De ijs, * Hieronymus Savanarola, * Hieron. Sa-
Italus superiori seculo, doctissimus, sic testatur: *Qui vanarola de
Pici Mirandulani, libros de Astrologiâ legerit*, Triumpho
crucis. lib. 4. 3.

& intellexerit; neque Astrologiam irriserit, dignus ipse est, qui ab omnibus irrideatur. Sed Picus ille, nobilissimus, & eruditissimus, ut acerrimam perhibet censuram, de doctrinâ istâ omni; ut exempli causa:

^a Picus lib. 1.

^b Philosophos antiquerū seculorum, contempsisse potius, quam confutasse Astrologiā, (quod explicatius habet

^c Savanarola, ubi supra.

Savanarola, sic, ^e Aristoteles & Plato, omnē tractātes Philosophiam, Astrologiā ne tetigerunt; neq. mentionē eius fecerunt. Quam sanē non omisissent, si secretum fuisset naturæ: jura de Electionibus lepidè, prudenter

^d Picus lib.

4 7.

tamen loquitur. ^d Quomodo Iupiter, si in nonâ cæli regione aspiciat, fœlix iter faceret? Num afflat hominē, aut equi ascensum, aut viam? Si hominē, tum etiā si non profici scatur. Iovia equi ascensio, quomodo cælum pluviam purgabit, aut viā furibus? Quid si pluriū dierū iter sit? Num novus quotidie Iupiter? Quo pacto, istis solidè occurrī possit, mea non percipit ratio. Sic de

alijs suscipiendis, proferre liberet. Christiano igitur homini, ut ista stolidiora fugienda sunt, sic curandum est potissimum; ut pia, & honesta, & re ipsa sibi salutaria, aggrediatur: tum precibus invocandus est Deus summus, ut velit opem, auxiliumque ferre, afflatuque suo benedicere. Si tempora nubila, pluvieque occurrant tempestates, abstinendum in multis negotijs, suadet ratio, & sensus communis; sed ab isto, illo vè Planetā pendere, aspectuque siderum; & miserum est, & superstitiosum, & stultum, cum ominosis illis Ethnæcorum, ad Inferos amandandum.

12 De Quæsitis, loco tertio, similiter censendum est. Si voluerit te deus castigare, eoque violētis prædonum manus; aut furtivos subtrahentis digitos; aut aegritudinem, aut infortunium, (ut solemus appellare)

lare) immiserit; cur ad mala fugis media, ut vel personam suffurantis, aut morbi exitum, aut liberationis tempus cognoscas. Deus est, qui percutit; ad hunc recurre, solatium quæsiturus. Foedum est, & indignum Christiano.

Flectere si nequeam Superos, Acheronta movebo. Virgil. Aeneid. 7.

¹ Saulis illud factum, altiore peccatorum gradu po-
nimus, quo Pythonissam consuluit, de prælij exitu,
adversus Philistæos. Sic & ² Ahazie illud, cum eger

ex lapsu, è fenestrâ, ad Beelzebub deū Ekron, cōsul-
tū misit, de sanitate suâ. At responsum Dei, eandem
hodiè & in istis, rationem habet, quam eo tempore:

Annon Deus est in Israël? Idē est, ac si diceret: Quæ-
cunque contingunt adversa, à Deo contingunt:

Nulla igitur refugij, aut incolumitatis media, inve-
stiganda sunt, quæ non ipse præscripserit. Et in istis

Quæsitæ, seu interrogationes istæ, annumerari pos-
sunt, quæ Deus, nullo modo præscripsit; imò celata

voluit. In Rebus publicis, quot hinc damna fluxerint,
non facile est numerare: cum suggestiones imposito-
rum, de periculis insequentibus, nonnullos homi-
nes, meticulosos, & timidiore, perpetuâ vexari fe-
cerit sollicitudine, ne revera contingant: sicque

per metum suum, de Deo diffidentes, sibi mala acce-
lerant, iuxta illud: *Quod formidat impius, id eve-*

niet ei. Dum etenim, apud se, desperabundus subsidat
iste impius, nec mala ingruentia præoccupet, occa-
sionem sibi perniciæ accersit; idque nulla re magis,

quàm inimicos, & proditores excitando, qui vitâ au-
ferant: qui id, eò potius conantur, quandoquidē inte-
ritum, imminere ipsi, quem vellent occidere, ex præ-
dictionibus, arbitrentur. Hocque multis Principibus,

¹ L. Sam. 28. 3.

² 2. Reg. 1. 2.

¹ Prov. 10. 24.

ⁱ Suetonius in
Domitiano.
14.

¹ Sozomen. li.
6.35.

¹ Anno. 13. Eli-
zabethæ. ca. 2.

necem attulit; in quibus nominatissimus, meretur esse, pavidus ⁱ Domitianus. Sed & quandoque efficitur, ut, cum ex Astrologorum Tripode, Tyrannis aliquid, de successoribus suis, significatum fuerit, innocentes statim homines, sub suspitione occidant, ut quondam Valens, Romanus Imperator; cui cum Astrologi (id enim ex philosophorum nomine, innuunt ^k Sozomeni verba) aliqua prænu-
ciassent, ¹ de hærede sibi successuro; tum multis nobilibus innocuis, tum sibi ipsis, exitium procurarunt. Unde rectè meminit idem Author, prædictiones ejusmodi, quas efferre solent hi artifices, à Romanis, interdictas fuisse legibus, etiam tum, cum Gentilem superstitionem professi, ad Christianam adhuc fidem, non accessissent.

13 Et in causis aliquibus, lege ¹ etiam, apud nos vetatur, talis inquisitio: præsertim verò in negotiis, ad summum Magistratum, Regnum, & Rép. spectantibus. Piè sanè, & prudenter, & meritò. Nec incommodum fuisset, si in his vulgaribus Interrogatis, de furto, & jacturà prohiberetur, cum hîc, nugivendulum hoc hominum genus, ridiculâ tantum imposturâ, homines capiat; reos, notis insignioribus, describendo, quæ vix ullibi reperiri possint. Ut: sustulit vir, obliquis oculis, obstipò capite, dentibus prominentioribus, & perperam dispositis, divaricatis cruribus, distortis pedibus, alijsquæ, quæ homini non ineptienti, stomachum movere possint. Neque tamen adhuc, sollicita, & curiosa mortalium dementia, omninò, iis fidem derogavit. Sed prævalebit tandem prudentia, experientia, & suum malum, ut ulterius non consu-
lant;

lant; aut si ista non valebunt, prævalebunt pietas, uti sperandum est, cui ista adversantur; idque ex eorum testimonio, qui plus multò, quàm eruditiorum hominum magna pars, tribuunt Astrologiæ. Nam ut contentus sim Melancthonis iudicio, de Electionibus, suprâ citato, audite Christoferum Pezelium, qui in Locos Communes Melancthonis scripta, uti ego coniicio, digessit; aut in Obiectiones saltem, & Responsiones: Quos utrosque potius nomino, quia honorificè satis, hanc Artem, non nimis se extendentem, prædicarunt. Sed^m Pezelius hæc tria, de quibus dixi, ἐπιλογαίς, id est Delectus; γενεθλιαλογικῶν, Nativitarum interpretationem; & ἐρωτήσεις, Interrogationes seu Quæsitæ, ut Chaldaeorum vanitates damnat; & dicit: *isthac esse superstitionum, aut impiorum commenta, quæ præter rationem, in Astrologiam sunt inducta; & quæ merito impietatis, & vanitatis, dānat Christiana religio.* Severum certe Astronomi, De Astrologiâ iudicium, Et de his tribus hætenus.

^mPezelius in
obiection. &
Respons. ex o-
peribus Melan-
cthonis. lib. 2.
de stellis.

14. Quartum quiddam est, in quo ingenij sui, industriæque vires, vulgò magis, & apertè exercent: malo sanè minori, sed fraude non dissimili; dum aëris immutationes; serenas, nubilasque tempestates; siccitatem; pluviam; nives; aquarum inundationes; famem; pestem; prognosticis suis, prædicāt. Quorum omnem rationem, (præsertim verò, quod ad cœli faciem spectat) tollendam, aut abominandam non censeo. Apud Matthæum etenim, citat Christus, & non improbat, Populi Judaici observationes: *Quando serum est diei, dicitis, serenitas erit; rubet enim cælum: Et manè, hodie erit tem-*

^mMatth. 16. 2.

pestas; rubeat enim cælum triste. Ita habent nautæ, & agricolæ prædictiones suas, usu collectas; de quibus tamen, verissimè affirmamus, ex Meteoris potius, quàm cœlestibus inclinationibus illas pendere. Sed & ab aqueis, & terrestribus censuram faciunt; ut apud ^{Lucan. lib. 5.} Lucanum, est videre, qui nautam inducit, Cæsari, qui solus in Italiam, navigare cupiebat, præfantiem, ex avium gestu, & similibus, quanta procella jam continuò fremeret. Ex his, & ex aspectu Solis, & lunæ, unius dici, aut duorum fortassis, probabilia Prognostica, haberi possunt: sed cum ante mensem, annum, lustum, pronunciare velint; in scopulos infamię, se immittunt, suosq; libellos ridendos propinant; id quod sæpè contingit, cum lepidioris ingenij aliquis, ipsorum plures, omninò inter se pugnantes, & dissidentes è diametro, conferre velit. In quibus, illud etiam non indignum est animadversione, quòd maximas rerum immutationes, non prævideant; sed in insignissimis eventibus, tanquam muti pisces silēt; ut in morbis extraordinarijs, aut diluvijs, non rarò contingit. Levinus ^{Levinus P. Lemnius,} in suo, de Astrorum usu libello, proficitur sudoriferam illam Cardiacam, quæ Anno 1529 inter tot hominum millia, grassata est; sed & inundationem, super omnem ferè Galliam Belgicam, quater ab Anno 1530, ad 1552. factam, à nullo Astrologorum, fuisse prænunciatam. Nonnunquam tamen, ut ea loqui videantur, quæ speciem aliquam præ se ferant, astutià callidior, ea proponunt, ut ex sideribus cognita, quæ quivis è plebe homulus, si sensum velit intendere, non poterit non cognoscere. Ut cum messis turbata fuerit, futuram famem: Id quod hodie, nimis verum est, si Divinæ Majestati, nobis

nobis ob peccata succensenti, aliter videretur: ubi cū superiorum, frumentum annorum, consumptum sit, & præcedentes æstates, Autumnūq; pluvijs vehemē-
tioribus obruti fuere, metuendā fuisse famē, panisq; penuriā, difficile non erat, ita pridē asseverare. Potest tamen, incogitabilis misericordiæ Pater, & hanc eti-
am levare necessitatē, pro beneplacito suo: quod ut faciat, obsecramus. Sed quid isthæc ad sidera? Eodē
planè modo, Monarcharum actiones speculantur, in publico, tanquā in Theatro, propositas: sed & secretis
ora Principū consilia, venantur, & rimantur, è quibus, inimicitias, aut bella exarsura, eloquantur. Egregiam
certè laudē. E cœlorū tamen motibus, se motus istos, in terrā, exugere protestatur, cū in ijs, nihil tale insit.
Occasiones etenim hominū, quas arripiant, & levi-
tas animorum, proximo post Divinam voluntatem loco, ista excitant; non leves Planetarum inclinatio-
nes, de quibus illi tam stupenda efferunt, ut Seneca non falsius quàm verius, *Videbis quinq; sidera diver-
sas agentia vias, & in contrarium, præcipiti mundo
nitentia. Ex horum levissimis motibus, fortuna popu-
lorum dependent, & maxima, ac minima proinde for-
mantur, prout æquum, iniquum vè sidus incessit.* Gra-
vissimus Seneca, Ironiā mordace & amarā, decreta
Mathesim profitentium, sic perstringit.

Seneca in
consolatione
ad Marciam,
18.

15 Nisi nimio vos tædio afficerem, infinita sanè
è Theologis, Philosophis, Historicis, Legumlatori-
bus, Politicis, possem adducere, quæ communi
consensu, fidem, & existimationem istis detrahunt;
quibus, vel eorū aliquot, tantum nominādis, cōtētus
ero, alij cuipiā, in largū prosequēda, relicturus. Ut sci-
remus igitur, non è Sole, aut sideribus, terræ fertili-

tatem

Q

¹ Genes. 1. 11.
34.

¹ Philo Iudæ-
us de mundi
opificio.

¹ Chrysost.
Homil. 5. in
Genesim.

¹ Tullius lib.
2. de Divinati-
one.

¹ Tullius ubi
suprà.

¹ Seneca de
morte Clau-
dii Cæsaris.

¹ Gellius lib.
14. l.

¹ Seneca de
morte Clau-
dii Cæsaris.

¹ Gellius lib.
14. l.

¹ Tacitus Hi-
storiz. lib. 1.

ratem dependere, in ¹ Genesi edocemur, germinâsse terram, antequam sol, & luna fabricarentur; quibus tamen, ad id ministerium, dehinc Deus utitur. Hoc ¹ Philonis est Judæi: Non omisit tamen, etiam ¹ Chrysostomus, *Ne nimium*, inquit, *sideribus tribueremus; ante solis, stellarumq. creationem, tellus semina protulit.* Quam inutile sit, rerum futurarum, scientiam captare, docet ¹ Tullius: *Non est utilis futurorum scientia, nam quæ vita esset Priamo, si miseras suas futuras præscisset?* Diu tamen, feliciter vixit Priamus. Iterum Tullius, ¹ *Omnes suæ, qui Cannis ceciderunt, uno Astro fuerunt?* Et ibi tertio: Pompeio, Crasso, Cæsari multa à Chaldeis, dicta sunt: neminem eorum, nisi in senectute, nisi domi, nisi cum claritate, esse moriturum. E contra observat ¹ Seneca, Claudio Imperatori, quotannis, astrologos prædixisse mortem, & falsò, cum adhuc superviveret. Egregia est ¹ Phavorini disputatio, apud Gellium; & digna, quæ tota legatur: Hic, cum luculentis argumentis Mathesim oppugnasset, concludit, inutile esse, futura præscire, sic: *Aut adversa, inquit, eventura sunt, aut prospera: Si dicunt prospera, & fallunt, miser fies, frustra expectando: si adversa dicunt, & mentiuntur, miser fies, frustra timendo: Si vera respondent, eaque non prospera sunt, iam inde, ex animo miser fies, antequam e fato fies: si felicia promittunt, eaque eventura sunt, tum planè duo erunt incommoda: & expectatio, re spei suspensum fatigabit, & futurum gaudij fructum spes tibi iam defloraverit.* Sequitur etiam ¹ Taciti, gravissimi Historici judicium: *Mathematici, genus hominum, potentibus infidum, sperantibus fallax; quod in nostrâ civitate, & verabitur semper, & retinebitur.*

finibitur. Eodem ^b teste, factum est sub Tiberio, decretum de istis Mathematicis, & magis, Italiâ pellendis; eorumque unus saxo dejectus est. ^c Suetonius etiam, in Tiberio, fatetur id decretum; sed Astrologis deprecantibus, & artem se relicturos profitentibus, dicit Imperatorem, veniam dedisse. ^d Iustini-
ani, extant leges, adversus istos, & ^e Ulpianus, eos Romæ, aqua, & igni interdictos dicit, eorumque bona publicata. Neque legimus, ullum Imperatorum Romanorum, aperte tolerasse, unico, excepto Juliano Apostatâ, qui perhibente ^f Sozomeno, Astrologiâ, & Nativitates, exerceri sub se passus est, & nonnunquam procuravit. Et quis fuerit Julianus, probè cognoscimus. Quidquod ^g Juvenalis, Chaldaeos ut ridiculos homines, tacitè perstringit. Julius Firmicus, qui magnum se Magistrum Mathematicos profitetur; largumque eâ de re, ante multa secula, conscripsit librum; maximique nominis Astrologus habetur; præ legum metu, (uti ego existimo) Imperatorum fata, non posse è sideribus, ali-
o modo tali, concipi profitetur. At reliqui ejus farinae, omnes, in Principum Navitatibus coniectandis, potissimum operam locare solent, quippe ex quibus, plurimum pecuniæ sint emuncturi, & lucraturi. Audite ^h ejus verba: *Aruspices turbabant exta, de industriâ, cum de Imperatoribus consulerentur. Sic solius Imperatoris fatum, è stellis non potest conijci, quia is terram regens, à solo Deo regitur.* Claudet ista ⁱ Picus Mirandulanus, *Si in cælo plures sphaerae sint, quàm octo, fallitur Ptolomæus, è quo plurima sumunt; & tota vetus Astrologia: si non plures, falluntur novi, qui ut de pluribus iudicium faciunt.*

^b Lib. 2. Annalium.

^c Sueton. in Tiberio. 36.

^d Codice. De Maleficiis & Mathematicis. L. Nemo Aruspice. lib. etfi.

^e Ulpianus lib. 7. de officio Proconsulis.

^f Sozomen. lib. 6. 2. Eccl. Hist.

^g Juvenal. Satyra 6.

^h Julius Firmicus lib. 2.

ⁱ Picus contra Astrologos lib. 8. 2.

Lib. 1. & lib. 2. 7

Lib. 11. 1

Secundo idem Picus: Ptolemæus, qui in *Genethliacis*, est optimus malorum, locum septimum in schemate, consulto, hoc est, Astrologo tribuit, qui hodie in *Quæstionibus*, rei quæ sita datur. Et tertio: Astrologia experientia non constat, cui, supra omnia innititur, cum experientia, sit sapientia expertorum; sed eadem Constellationes, & Revolutiones nunquam bis revertuntur, ne dum sapius, ut oportuit, sic certa inde regule, colligenda essent. Ista festinus prætereo, sed hora labitur; & ad prudentes, & intelligentes loquor.

Genesi. 14.

Deut. 4. 19.

Matth. 2. 1.

16 Nunc superest, ut pauca, quæ ex adverso afferuntur, tollantur e medio. Ea, aut Scripturæ sunt, aut experientiæ. E sacris literis, citant id Genesios: *Sint luminaria in cælo, in signa, & tempora, & dies & annos.* Hinc, signa esse futurorum, conantur ostendere. At nil hoc aliud est, in signa, & tempora, quam in signa temporum; quod revera sunt; dum diem & noctem, & æstatem & hyemem, & ver & autumnum; sic, ferendi, metendique opportunitates, distinguant. Quo nomine, quia tempora significant, Gnomoni in Horologio, transitiones horarum edocenti, comparantur. Et illud afferunt Deuteronomij: *Sunt in ministerium gentibus*: hoc est, per calorem & lumen. Sed venerunt Magi ex Oriente, ut Christum quererent; insignes Astrologi. Et gratulamur venisse Magos, ut primitias Gentium. At laudant ista, Magorum disciplinas. Sicciné? Venerunt ad Christum meretrices: neque magis ille, meretricias, quam Magicas, revera neutras, approbavit artes. Sed quare venerunt Magi, præ cæteris? Ut homines eruditi, apud populum valentes, & præstantes, & Evangelio propagando, cum domum redi-

redijissent, aptissimi. At quare per stellam ducti sunt? Dicamné ut ^a Origenes? Ut ^o Balaami Pro-
 phetia, de Christo, per stellam significato, im-
 pleretur. Imò potius, ut relictâ antiquâ suâ, A-
 strorum disciplinâ, in novum hunc Salvatorem,
 Astrorum Dominum, per stellam novam, patefa-
 ctum, inspectarent. Et singularis fuit hæc stella,
 nihil cum illis Magorum, commune habens; ut quæ
 non in Firmamento, apparuerat, sed in aëre potius:
 Qui etenim aliâs, super domum stare, distinctè dis-
 cerneretur? Meæ lectioni, nihil occurrit aliud;
 præterquam de Sisarâ illud, unde deprompta est,
 initio orationis meæ, hujus controversiæ discuti-
 endæ occasio: *è cœlis pugnârunt; & sidera ex ag-
 geribus pugnauerunt.* Quo quidem interpretando,
 candidè profiteor, me à ^p Francisco Valesio, opini-
 one discedere, qui ex stellis, significatos putat An-
 gelos; qui in Ordinibus suis Hierarchicis scilicet, (se-
 cundum illam nempè ^q Dionysij adulterini Hierar-
 chiam) pugnauerunt. Nec ut ipsi assentiam, ma-
 gis ex eo, moveor, quod ex Apocalypsi citat, Dra-
 conem videlicet, ex cœlo tertiam partem ⁺ stel-
 larum, caudâ excussisse, id est, ut inquit Valesius,
 tertiam partem Angelorum. Hoc etenim æquè
 est obscurum, & suâ indiget confirmatione. Sed
 pugnâsse è cœlis interpretor, *res cœlestes, hoc est
 de super demissas, pluvias, ventos, grandines, pro-
 cellas;* ità sidera, *quâ harum rerum, in attractione
 suâ, sunt instrumenta;* ex aggeribus, id est, *superio-
 ribus regionibus aëris, translatâ locutione, à militibus
 ex editiore loco pignantibus.* Et ut ità exponam,
 multa me movent: Analogia scripturarum; recta

ratio, & usus Dei; qui sic hostes perdit, ut apud Davidem, ¹ *depluet super improbos, prunas, ignem & sulphur, ventusque procellosissimus, portio capitulorum.* Sic: M. Aurelij ² disjecit hostes, post preces legionis Christianorum. Sed & hunc in modum, exponunt scriptores, superiorum seculorum, ³ Lyra, Glossa ordinaria, Petrus Cantor, Petrus Comestor Magister Historiæ Scholasticæ, Dionysius Carthusianus, Hugo de Viennâ, & quos pluris facio, quàm illos omnes, ⁴ Tremelius & Junius; qui ipsi verbis prius à me citatis, historiam exponunt. Quibus ut majorem etiam, adhibeam fidem, facit ⁵ Josephus, qui hanc narrâs rem ipsam, Saram, & milites, procellâ fuisse obrutos, confirmavit. Nihil ergo ista, ad Astrologorum fidera, quæ quo modo Israëlitas, à Cananæis pugnantibus, distinguerent, & internocerent?

¹ Tremel. & Junius in An. notat. In ludic. 5. 20.
² Joseph. Antiquit. lib. 5. 6.

³ Tullius lib. 1. de Divinatione.
⁴ Curtius lib. 10.
⁵ Sueton. in Augusto Cap. 94.

17 Quod proximo obstat loco, est experimentorum collectio, in quibus viri isti, sunt quàm foecundi. ¹ Nascente Alexandro, Magi iherosolymici cecinerunt, suo imperio, exitium impendêre. ² Calanus Alexandro, in Babylone, mortem futuram prædixit. At Nigidius Figulus, ³ teste Suetonio, considerato cœli schemate, sub quo ortus est Octavius Augustus; ei orbis imperium, portendi pronuntiavit. Et certè, si quis aurem velit accommodare, hodiè suorum Compertorum, & Probatorum multitudinem, aures obtundent. Sed respondemus breviter. Primò, paucis horum, adhibemus fidem. Diffidentia & incredulitas, ut facit Atheos; sic credulitas facit stultos. Secundò, fortè fortunâ, aliquandò vera proferunt, ut qui de Sônijs conjectationes faciunt: aliquandò, aliunde, quâ

à sideribus edocti; ut credendum est, illud Nigidij Figuli, ad Christi adventum, alluisse; qui Augusti tempore, venturus fuerat, spiritualiter orbi imperaturus. Et istud, ex Prophetarum eloquijs depromptum, ad Romanos usque, per rumores, disseminari poterat. Loquuntur alij, in rebus Politicis, cum secretiora Principum, aut privatorum, consilia expiscati fuerint. Tertiò, non à sideribus, sed à Dæmone, suggeruntur, quæ vera proclamant, ut egregie^c Augustinus: *Non immeritò creditur, cum Astrologi mirabiliter, multa veræ respondent, occulto instinctu fieri, spirituum non bonorum, quorum cura est, has falsas, & noxias opiniones, de Astralibus fatis, inferere humanis mentibus, atque firmare, non Horoscopi notati, & inspecti aliquid arte, quæ nulla est.* Idipsum est, ^d viri docti, nostro seculo, judicium de Ascleptarione Mathematico, tùm Domitiano Imperatori, tùm sibi, violentam mortem, mirè, verè tamen prædicente: hoc Dæmonis astuti fuisse opus. Nemo in istis, Cardano fuerat audacior: verum illi^e *hereditaria fuit cum Dæmonibus consuetudo, ut loquitur Nicolaus Remigius, & alicubi id habet etiam Julius Scaliger.* Et Diabolus sanè, alijs, permittente Deo, eam præscientiam impertit, sine sideribus, ut Germano servo, qui ut refert^f Josephus, Agrippæ, tunc temporis, in miseriâ extremâ constituto, regnum prænunciavit, & felicem vitam; sed mortem intra quinque dies, cum bubonem rursus, quem tunc viderat, conspexisset. Qui huic, veritatis prædicendæ, materiam suppeditavit, sine Astris; sed ex Augurio; ex instinctu suo, movet Astrologos nonnunquam; id est, Dæmon. Et de his

^c August. de civitate Dei lib. 5. 7.

^d Antimachia- vellus lib. 3. 8.

^e Remigius Dæmonolatriæ lib. 1. 14.

^f Joseph. Antiquitatum 18. 8.

hactenus. Cum igitur è Scripturis sacris, vanitatem;
 & impietatem Chaldaicam redarguerim; ex ratio-
 nis etiam, & Philosophiæ fundamentis, Mathesim
 hanc everterim, ex Historicorum, Legumlatorum,
 Politicorum sententiâ, Astrologiam damnandam
 esse, docuerim; Christiani homines, ab istâ, ut à va-
 nitate impiâ, fugiamus: ut artem curiosam amovea-
 mus; & ne audiat nomen ejus, in vicis nostris. In
 Deum potius, oculos convertamus, qui suâ sponte,
 bona, plagasque dat; & oremus, ut avertat, belli, fa-
 misque formidanda mala, sui nominis gratiâ, sui que
 Christi causâ, cui cum Patre, & Spiritu Sancto,
 sit decus & gloria, nunc, & in secula seculorum.
 Amen.



DE



DE PRÆSENTIA IN CULTU
IDOLOLATRICO. CAP. IIII.

2 Reg. 5. 17. Dixit Naaman saltē detur, queso
servo tuo, duorū mulorū onus, ē terrā: nō enim
est facturus ampliūs, servus tuus, holocaustā, aut
sacrificium, Dijs alienis, sed Iehovæ.

18. Hāc in re, condonet Iehova, servo tuo: quū in-
greditur dominus meus, ædes Rimmōnis, ut in-
curret se ibi, (nā is nititur manum eā) si incurva-
vero me, in æde Rīmonis, Hoc incurvare meū
in æde Rimmōnis, condonet queso Iehova servo
tuo, in hāc re.

2. 3. Naamanis scrupulus. 4. Abstinendum
à liturgiā, contrariæ religionis. 5. Howletti
Rationes Recusandi, examinatae. 10. fraus
hominum, in religione simulanda. 13. Non
simpliciter prohibetur, Idololatrīco cultui
adstare. 14. De Naamanis facto, vulgares sē-
tentia. 15. Quæstionis status, & resolutio.



Non incommode Ecclesiam,
sicut hodiē est, aut post Chri-
stum natum fuit, Firmamēto,
sideribus undequaque vestito,
comparare liceat; quū sonus
doctrinæ Apostolicæ, & Evan-
gelicæ, per omnes orbis pla-
gas ad Orientem & Occidentem, ad Meridiem &

R

Septen-

Septentrionem, ut in sphaerâ octavâ, stellâ, sit diffusus. Ante Christum tamen, carne indutum; quæ erat fidelium congregatio, alicui orbi, sphaeræve inferiori, putâ Solis, aut Lunæ, conferri poterat: ubi in corpore immenso, & ferè infinito, una tantum stella, una lampas emicat, cum reliquæ ejusdem cœli partes, ita sint translucidæ, & transparentes, ut lumen non repercutiant; adeoque sine lumine, & quodam modo, in tenebris, aut caligine, versari affirmantur. Talis fuerat, Ecclesiæ ratio, per multa Secula, quæ in unico Israële, ut in unâ stellâ, elucens, per reliquas Gentium, & Ethnicorum nationes, non tantum delitescere, sed & penitus disparere, visa est. Quibus tamen temporibus, ut suam, Deus, potentiam, nullis finibus contentam, nullis limitibus constrictam, & circumscriptam ostenderet, sed pro suo beneplacito, expatiantem; & ut ex Gentilium, quibusdam Primitiis, vocationem Gentium, futuram innueret; certos aliquot selegit, certisque temporibus; qui in despectis nationibus, testimonium nomini ipsius ferrent; Jobum in terrâ Huz; Jethronem, in Madianitis; in Cananæis, Rahab, & quem potissimum, nostra designatura est oratio, Naamanem in Syris.

2 Quem cum Pater æternus, è speciali suâ misericordiâ, fidelium Catalogo, inscribere, electorum numero, adjungere voluisset; leprâ prius, inficiendum curavit: ancilla Israëliticâ donavit; quæ Prophetam Elizæum, ut tali morbo, in Dei nomine curando, idoneum commendaret: ut in Israëlem proficisceretur, impulit; ut Prophetæ tandem aliquando, auscultaret, effecit; quibus medijs, ab imperigine, lepræque suâ, immunis, mundusque evasit. In istis, dum

dum præpollentem virtutem, Domini exercituum, famuliq̃ue sui Elizæi, sanctitatem experiretur; mirum est, quàm insigni desiderio, exardesceret, Jehovah Israelitarum Deum, colendi, & agnoscendi. *Ecce*, inquit, *iā novi, nullum esse Deum, in totā terrā, nisi in Israël.* Inpiam, & fidelem confessionem erumpit. Atque iterum, tanquam fructum fidei, subiungit suæ; *Non est facturū amplius, servus tuus, holocaustum aut sacrificium, Dijs alienis, sed Iehovæ.* Veruntamen, ut in novitijs, recenterq̃ue conversis ad Dei cognitionem, assuevit fieri; supersticiosam, habet cogitationem, de pulvere Israëlítico, terrāq̃, vel Prophetæ pedibus, conculcatā; ac si ipsi quædam inesset specialis sanctitas; aræq̃ue, ex eādē conficiendæ, magis faveret Dominus. ^a Pomponius

Mela, cuiusdam Insulæ meminit, quam à serpentum, & colubrorum copiā, Colubrariam appellat: hæc cum scateat multo, & malefico genere serpentum, ideoq̃ue sit inhabitabilis; si quis humum Ebusitanam adducat; pulverem nempe ex aliā congestum insulā, eumq̃ue circumfundat; tutus erit, qui versatur intus; serpentibus, aspectum huius pulveris, fugientibus. Non dissimilem, noster Naaman, credidit inesse virtutem, humo terræ, quam appellamus Sanctæ; dum vel profana omnia, posse abigere existimaret, vel, sacrā vi, imbuere. Ita humi, adhuc repit, neophytus iste; non ut aquila, in altum elatus; sed infirmus scientiā, aliquantō plus, quàm oportuit, incumbit terræ.

^a Pomp. Mela;
lib. 2.

3 At secundum fuerat, quod animo, non arripit suo; quin mentem potius, tanquam aculeo pupugit; quod, in patriam reversus, Idololatri-

co cultui, Rimmonique adorationi, interesse, opus haberet; cum in Regio comitatu, templum ad- eundum esset; ibique, pro more suo, Naamanis dex- træ, inniteretur Princeps. Cum anxius esset, & sollicitus, quid in re isthac, faceret, Divinam implo- rat misericordiam, Prophetamque, ut est credibi- le, excitat, ut pro eo, preces fundat; ne crimini a- pud Deum, id factum vertatur. Cui, cum res- pondeat Propheta, *Abi cum pace*; neque ullam adjiciat increpationem; quin potius, aut laudare, aut tolerare videatur; dignus sanè locus est, (me judice; neque solo me, sed Theologis alijs multis) qui discutiatur; ut, quid in causâ non dissimili faci- endum sit, quantum indagari poterit, cognosca- tur. Illud igitur, primò constat; è judicio Naa- manis, Liturgiæ Idololatricæ, ut vulgus superstiti- o- rum hominum solet, interesse, pro nefando, & illicito habendum esse. Is etenim, cui, de præsentia suâ, scrupulus injectus est; cum ad Civile tantum, & Politicum, præstandum munus, adestet; Ido- lumque ipsum corde averfaretur; (ut qui prius, pol- licitus fuerat, se nulli alij Deo, quàm Jehovæ, sa- crificaturum) sine dubio, incurvationem, & ado- rationem, damnasset; & participationem, licet si- mulatam, improbasset. Et cum Divino instituto, verâque religione, convenit optimè, quadratque, hæc opinio. ^b *Ore etenim, confitendum est, ad salu- tem.* Qui verò, consue, a confitendo abest, ut præ- sentia suâ, impurum honoret cultum; quid aliud ^a *Rom. 10. 10.* agit, quàm re ipsâ, abnegat? ^c *Qui verò me abne- gaverit, coram hominibus; abnegabo, inquit Chri- stus, & ego illum, coram Patre meo, qui est in cæ- lis.*

lis. Qui non est mecum, contra me est. ^d Domi-¹ Matth. 4.10.
 num, Deum tuum, adorabis, ei que soli servies, Et,
^e Exite è Babylone popule mi, ne participes sitis pec-^c Apoc. 18.4.
 catorum eius; & ex plagis eius accipiat. Denique,
 Primæva Ecclesia, eos in Lapsorum, potissimum
 numero, habēdos censuit, qui incensum, simulachris
 adolere, aut ipsorum ceremonijs, sua corpora, con-
 jungere consensissent. Quorum temporū iudicium,
 corroborat, Pauli ea sententia, qui, cum ^f Idolothytis, ^f 1. Cor. 8.10.
 abstinere voluerit, comedendis, quale quæso iudici-
 um, de adoratione haberet?

4 Et communia, sunt ista argumenta, Religio-
 num, Sectarum, Hærese^{or} omnium. Nam cum
² unus tantum, sit Deus, una fides, unum baptisma; ² Ephel 4.5.
 cum ad cœlum semita, ut arcta est, & angusta; sic,
 simplex etiam, & unica; cum pietas, & Dei cul-
 tus, tanquam in indivisibili, constituatur; ne-
 que multiplex distractio, placere potest; com-
 municatio, cum orationibus, & sacramentis a-
 lienis, generali omnium consensu, meritò repudi-
 atur. Post ^h unam, & alteram admonitionem, Hæ-^h Tit 3.10.
 reticum hominem reijce, vel evita. Si ¹ acceperit ² 1. Joh. 10.
 quis, ad vos, & doctrinam hanc, non adfert; ne re-
 cipite eum domum; nec Ave, ei dicite. Et ^k Habes, ^k Apoc. 2.15.
 qui tenent doctrinam Nicolaitarum, quod odi. Cele-
 bre illud est ¹ Johannis Evangelistæ, apud Euse-¹ Euseb. Eccl.
 bium, qui quantocyus, à Cerintho se subduxit; ut ² Hystor. 3.22.
 & ^m discipuli ejus, Polycarpī, ad Marcionem. Si ^m Lib. 4.13.
 tanto, uterque, Hæreticum, odio persecutus
 est, ut sub eodem versari tecto, aut sermone fa-
 miliari, imò pacato, versus illum uti, recusave-
 rit; puto, cane pejus, & angue odisset cum tali

hominum facce precando, & Deum invocando, sociari. Num cum Orthodoxis Novatianis; cū Arrianis Catholicis; cū manicheis, aut Pelagianis, Pius Augustinus, quòd ad Divina attinet, participarunt? Unde, Excommunicationis censura, in Ecclesiā, adversus Hæreticos obtinuit, nisi quòd, à cætibus fidelium eos amovendos, Christiana suaderet religio, qui non eadem, cum Orthodoxis, de Deo, aut pietate, sentirent, & sua adulterina pertinaciter tuerentur. ^a Paulus ille Samosatenus, ab omni quæ sub cœlo erat, Ecclesiā, est excommunicatus. ^o Theodoretus, Antiochi cujusdam meminit, qui Jovianum (hic aliquando, Arrianus fuisset Episcopus; conversus est tamen postea ad rectam in Christo fidem:) sibi manus imponere, nullo modo patitur, sed e contra, manum execratur illam, quæ blasphemam Eucharistiam tetigisset. Non desunt hâc in re, exempla multa, è venerandâ Antiquitatis historiâ, deprompta; sed & nostra tempora copiosa sunt. Anabaptistarum conventicula, quis nostrū, non detestatur? Qui è Familiâ Amoris, prius fuerant in Angliâ, (quorum aliquot ego novi) & qui postea Barthoistæ, à Principe suæ sectæ, meruerunt appellari, nihil minùs quàm damnabile habuerunt, Ecclesiæ Anglicanæ se adjungere.

5 Sed quoniam, inter Pontificios, & Protestantes, maxima hâc de re, intercessit controversia; quid quique egerint, aut senserint, paucis discutiendum existimo. Non est novum in hoc Regno, sed à Pij usque Quinti temporibus, Anno 1569. Bullam excommunicatoriam adversus Serenissimam Eius Majestatem, emittentis, assuetum; ut qui, Romani,

jurati

^a Euseb. Hist.
lib. 7. 23.

^o Theodor.
Hist. Eccl. lib.
4. 14.

jurati sint, in verba Magistri, nostris interesse sacris, scelus, & piaculum habeant. Cum Principi, celebrique Ordinum Conventui, placuisset, ut lege speciali caveretur, quod adire recusantes, siue pecuniâ multarentur, siue carcere plecterentur; juxta illud Christi, ^p *Cogite eos ingredi*; & illud, ubi, op- ^p Luc. 14. 23.
timè ^q Augustinus docet, Principibus ex officio in- ^q August. Re-
cumbere, quamvis non ad fidem, ad fidei tamen tractat. 2. 5. Et
media, id est, Verbi auditionem; & Sacramentorū ad Vincet. tū.
perceptionem impellere; exortus est è Nostrati- Epistola 48.
bus unus, qui Papistarum renuentium, causam sus-
cipere professus est; & ut ^r Campianus pugil ille, ^r Edmundi
& athleta Romanæ synagogæ, in re non absimili Campiani de-
fecerat, proponit rationes (quas novenario, non de- cem rationes.
nario, ut Campianus ille, complectitur numero)
quamobrem congregationibus nostris, sese immis-
cere non liceret. Istas, Howlettus quidam etiam
Anglus,) ita etenim aut vero, aut fictitio se appel-
lat nomine) cum conspexisset, quam primum Du-
aci (illud etenim præfigitur; cum domi potius fa-
ctum sit) in lucem emittendas curavit; præmissâ-
que Epistolâ ad Reginam Angliæ Sanctissimam; su-
orum patrociniū tantæ Principi commendavit.
Author tamen, quod monendum est, illud pro cō-
cesso, in principio arripit, Pontificiam Religionem
esse maximè Orthodoxam, nostramque Hæreti-
cam; & ei fundamento superstruit omnia. Pruden-
ter sanè, quòd ex tali Petitione Principij, ut loquū-
tur Dialectici, auspicatus est orationem suam. Ità
etenim sine sanguine, & sudore, parta erit victoria:
cum opera multò maxima, in eo collocanda esset,
ut meretriciam esse nostram, vel schismaticam, Ec-
clesiam

clesiam demonstraret. Id quod nullâ ipsorû industriâ effectum iri poterit. Tâmen, cum ipsius rationes præ se ferant aliquid, & tam ad nostrâ, quàm ad suâ causâ faciant ferè omnes; non pigebit illas brevissimè recitare, ut cujus sint precij, ponderisque, contra nos, intelligatur.

6 Primò igitur, fana Protestantium, tangenda non sunt, ob periculum infectionis. Quo etenim pacto norimus, quin cum eousque, in malorum puteum, nos sponte descenderimus, ut perversorum Synagogam velimus visitare; in sensum reprobum, pergat nos tradere Dominus, & gratiam subducendo, permittere, ut ruamus in æternum. Si non audisset serpentem Eva, neque ipsa, nec Adamus periisset. Improbaram actionum, etiam media fugienda sunt. Te ipsum occidere cum interdicitur, ne quid facias, quod propensum est, & proclive ad mortem, vetatur. Quantò magis cavendum est, ne tali viâ ambules, qualis, ad perpetuam animæ tuæ perniciem ducit. Rectè istud, Howlette, & appositè: (ut quæ sequuntur multa, si contaminatos esse Anglorum cætus, & Deo odiosos confirmasses:) *Nam qui tangit picē, inquinabitur eā.* Et qui in luto habitat, verendum est, ne cænosius prodeat. Ex consuetudine videndi ea, quæ offensionem in initio pepererunt, frigescere solet, & languescere Christiana constantia. Secundò, abstinendum censet, ne scandalum detur, & offendiculum conscientijs aliorum ponatur. Et

¹ Math. 18. 6. *qui unum istorum parvulorû scandalizaveris, præstat ei, ut mola asinaria, collo appendatur, & in mare proiciatur.*

¹ 1. Reg. 12. 28. 30. *Jeroboamus, cum aureos proposuisset*

fuiſſet vitulos, quot millia animarum, in laqueos ap-
 pertæ Idololatrię perpulerat? Sed & rectè hoc How-
 lette ſenſu tuo: cum

Above maiori, diſcat arare minor.

Et exemplis potiùs (ea noſtra eſt imbecillitas) viva-
 mus, quàm legibus.

-----*Componitur Orbis*

** Regis ad exemplum.*

Nobilium veſtigijs, ignobiles, doctorum, indocti, pa-
 trum filii, dominorum ſervi, robuſtiorum infirmi ſo-
 lent inſiſtere: et cum plures peccare cœperint, ex-
 cuſabit multitudo: malum vitio non vertetur. Ter-
 tiò, religionis ſignum eſt, myſteriis fidei communi-
 care; quod qui fecerit apud Deos alienos, ſuam ab-
 negaſſe profeſſionem, meritò iudicabitur. Nec in
 iſto certè inſicias imus; cum Eccleſiam frequen-
 tare, pietatis ſit teſſera; neque Circumciſio, Ju-
 dæi magis ſignum fuerat, aut 7 Frontem, ſigna
 culo crucis notare, Chriſtiani in primævâ Eccleſiâ,
 quàm huic, vel illi hominum cætui, ſe adiungere,
 eſt cum iſtis, quibus ſociamur, eandem religio-
 nem profiteri. Et hucusquæ convenimus am-
 bo, ſi in genere, de Hæreticis ſynagogis adeundis,
 diſputetur.

7 Quarto loco ponit, Schiſma eſſe, & ruptu-
 ram Catholicæ unitatis: cum in duo diverſa diſtra-
 hi, unitatis non ſit, ſed diſiſionis. Vbi ſi econ-
 trà obijciatur, quòd ſi tanti damni, & incommo-
 di fuiſſet, Tridentinum Cōcilium, aperto Cano-
 ne interdixiſſet: Reſponder, incluſivè, & ex con-
 ſequenti, Tridentinos damnaſſe Patres, cum Lu-
 theranos, & Calviniſtas, Hæreticos pronūciarint;

S

&

* Claudian. in
 Panegy. de. 4.
 Conſulat. Ho-
 norii.

7 Athanaſius
 de incarnatione
 ne verbi. Baſil:
 in Pſal. 23.
 Chryſoſt. Pſ.
 109. Hier.
 Epiſt. Lib. 1. 8.
 ad Demetria-
 dem.

& ex dogmatibus Orthodoxorum omnium, Hereticis communicandum non sit. Hic de schismate consentimus, si modò incorrupta, Romana steterisset Ecclesia: Una etenim cum sit veritas, ei uni adhaerendum est; neq; luci² convenit cum tenebris, aut Christo cum Beliale, aut templo Dei cum Idolis.

* 2. Cor. 6. 14.

* Howlet. Rat.

4. Epistola consolatoria cuiusdam Pontificij Anglicæ edita, ad Reverendos Sacerdotes, & alios incarceratos. cap. 12.

De Concilio tamen, aliquantùm dubito. Nam cum, testibus Pontificijs, Magnates aliquot, Nobilesque Anglicani, per legatos, in eâ quæstione, Concilium interpellarint, præ memoriæ lapsu, aut oblivione patres non omiserunt. Quin potius credo, per conniventiam quandam, tacitos præterisse, prospicientes quàm incommodum futurum esset, tot, tantisque suarum, partium, aut carceris, aut exilij molestiam facessere. Et nesciebant, an aliquis venturus esset Pontifex, qui jacturâ suæ partis, deliberatè perpensâ, ad damnum resarciendum, Liturgiam Anglicanam, posset approbare, & confirmare. Id quod à Papâ Gregorio 13. Reginae oblatum fuisse (modò titulus supremæ Gubernationis, Romanæ sedi redderetur,) pervagato hominum, & magnorum sermone, jacturatum aliquando significat Howlettus. Num verè, illud, an falso, nescio: at solet ex indulgentiâ suâ, Sanctissimus Pater, quæ videntur duriora, nonnunquam concedere, quò facilius, secreta sui cordis desideria, amplissimè consequatur. In quo genere istud est, quod^b Campianus, & Perlonius in Angliam recurrentes Dispensationem, Romæ obtinuerunt, ut ad periculum præsens declinandum, ipsi, alijque ipsis obsequiosi, majestatem Regiam colerent, & honorarent ad tempus, donec Bulla Pij Quinti in executionem duceretur. Quintum est quod adiecit, verendum

* Thomas Bilsonus, in præfatione ad Regiam, in libro contra Pontificios edito. Liber dictus Executio Justitiæ, ubi facultas citatur concessa per Papam April. 14. 1580. Rob. Perlonio & Edm. Campiano.

dum esse, ne interpretetur Deus, adstantem, simulvé ,,
 genua flectentem, participare, & consentire. Et híc ,,
 nos etiam, in Idololatricis, timide agendum esse cen-
 semus; cum corporis gestus observet, & cordis an-
 gulos, qui purissimis est oculis, timetur Deus; cui ni-
 hil potest esse abditum, aut absconditum; illeque non
 iudicet, ut homines. Qui ^c Achaní commilitones, ^c Iosua. 7. 16
 interficiendos destinavit, cum illius peccato, non es-
 sent primariò contaminati; sed quia apud ipsum si-
 mul versantem, repertum est Anathema, subito, &
 nobis succensere potest, & vehementer excandescere. ^d Galat. 6. 7.
 Ne igitur decipiamur, ^d Deus etenim nò irridetur.
 Aperta est sexta ratio, quòd dissimulationis est, acce-
 dere; quod non est ita Christianum. Apertos namq; ,,
 esse decet, & simplices, Jesu nostri discipulos; nec a-
 liud, in lingua promptum, aliud in pectore clausum
 habere: istud prætextu, re ipsa illud velle. Quin veni-
 ant bonâ fide, qui infirmi sunt, ut doceantur: ut Ec-
 clesiæ fidelium adjungantur, & in fumum istud abit,
 quod urgetur.

8 Argumenti septimi loco, id occurrit, quod so-
 lum contra nos stare videtur, & in quo, aliquid mo-
 menti esset, modò verum esset: Liturgiam scilicet ,,
 nostram, publicamque orandi formam, esse maculis ,,
 temeratam, & conspurcatam, imò impiam esse; ita ,,
 ut ipsi consentire, pessimè peccare sit. Neque eam, ,,
 inquit, calumniam id amovere potest, quòd totus fe-
 rè liber, è Prophetis, & Psalmis desumptus sit; quòd ,,
 Evangelia, ex Evangelijs; Epistolæ, ex Episto-
 lis seligantur, cum scripturas, ^c Dæmon etiam citat-
 rit, sed malè intellectas, & applicatas perperam. Sed, ^c Matth. 4. 6.
 quatuor de causis, Liturgia Anglicana, contaminata
 est: ,,

“ est : Primò, quia corrupta est, translatio Scriptura-
 “ rum : Secundò, quia per Ministros totum opus pe-
 “ ragitur, non per Sacerdotes, & Sacrificos. Tertiò,
 “ quia multa liber habet, contra Papam; ut cum in
 “ Hymno in fine, à Papâ, Turcâque, defendi petitur.
 “ Quartò, quia tantum non habet boni, quâ tum oport-
 “ tuit. Ista quidem omnia, doctissimè nostrates, Juel-
 lus, Fulcus, alij refutârunt, præsertim Wiburnus, qui
 libro ex proposito edito; Epistolæ præfixæ, & Ra-
 tionum omnium, vel apices persecutus est; & glo-
 riosam jactantiam incongruis consequentijs con-
 sarcinatam, sic coarguit; ut non opus sit plus adji-
 cere; præsertim cum Howletti, pura & nuda sit
 affirmatio, sine adjunctis solidis probationibus.
 Cum eo tamen, in hoc conspiramus; quòd si Ido-
 lolatricus, impiusvè, noster versus Deum cultus
 fuisset, ab eo planè discedendum esset. Cum malis
 etenim, in malis communicare, excusabile non est.

¹Heb. 10.31. Et ¹*Horrendum est, in manus Dei viventis incidere.*
 “ Octavū est, quòd Schismaticis copulati, omnia per-
 “ dunt beneficia, religionis suæ; ut Eucharistiæ, & Mis-
 “ sæ; sex Sacramentorum aliorum; clavium Ecclesiæ;
 “ præmij bonorum operum; communionis Sanctorū.
 Ista non discutimus, quippe quæ incerta sunt, & in-
 confessa, sed eousque assentimus, ut extra verā Ec-
 clesiam, salutem non esse, asseveremus: & qui scorto
 se applicuerit, à verā Christi sponsâ excidit, neque
 ullis per eam datis beneficijs fruitur. Nonum est,
 “ quòd omnes omnium religionum, sese, à diversis re-
 “ ligionibus seperant: quod quoniam suprâ dixi, ulte-
 “ riore non eget explicatione. Et si obtrudatur, inquit,
 “ Imus quidem, sed ad templum materiale, non spiri-
 tuale,

tuale, quod est cordis. Responder, At cum externâ protectione, multa mala, concomitantur alia. Ista demum sunt firmamenta novem, quibus nixus ille, Romanum Pontificem admirantes, à conventibus Anglicanis avocarer.

9 Quis autem, aspectu est ita hebeti, vel cerebro obtuso, ut in nostrâ, hæc converti posse partem, non videat, paucissimis exceptis? Commune illud Rhetores appellant Exordium, quod tam in adversariorum, quam nostrâ, flecti causam potest. Sic, Communia sunt isthæc Argumenta. ^a Nostri autem Romanam Synagogam, aperte esse Idololatricam, confirmando, quia honorem Deo, Christoque debitum, imaginibus, aque lustrali, pani Eucharistico, multisque creaturis tribuat; justissimâ de causâ, divortium ab eâ faciendum esse, & secedendum, demonstrent. Nobis verò illi, ne specie quidem, Idololatriam objiciunt. Superstitionibus ergò illorum, nos subducimus, neque licere interesse proclamamus. Unica etenim cum Religio, possit esse vera, utrinque claudicandû non est: non in duas opiniones discedendum. ^b *Si Iehova sit Deus, sequimini ipsum; si Baal sit Deus, ite post eum.* Non animû, mentêque solam requirit Deus, sed & ^c robur, quod est corporis, & ipsum corpus; multò maximè verò ^d linguam. ^e Si accedat ad ipsum ista, abscedat illa, in coelo spiritus, in gehennâ caro constituetur. Duæ autem cum sint sorores, animus & corpus, idem subibunt, aut gaudij, aut doloris iudicium. Reprehendit aliquando quendam, Origenes in personâ suâ: ^f *Quid mihi prodest, si genua corporis mei, ad orationē veniens, flectā Deo, & genua cordis mei, flectam Diabolo?*

^a Chemnicus
in Exam. xrid.
Conc. Iuellus
in Apolog.
Ioan. Rainold,
de Idololatriâ.

^b 1. Reg. 18. 21.

^c Luc. 10. 27.

^d Rom. 10. 10.

^f Origen. Homil. 2. in lib. Iudicum.

152 DE PRÆSENTIA IN CVLTV

nobis verò è cōverso licet dicere, quid mihi prodest,
 si genua cordis Deo flecto, & genua corporis Dia-
 bolo? Utrumque malū est, & Hypocriticum. ^m *Vti-*
^{• Apoc. 3. 15.} *nā aut calidus esses, aut frigidus, inquit Christus, La-*
odiceno Angelo: Cū verò tepidus sis, neque vel fri-
gidus, vel calidus, fiet, ut evomam te, ex ore meo. Du-
ra sententia, adversus dissimulatores istos. Cave-
ant ergò, qui Idolorum cultui præsentes adstant,
cū impius sit ille cultus, & irreligiosus; nam
^{• Lact. divin. instic. lib. 2. 19.} *rectè Lactantius: " Non est dubium, quin religio*
nulla sit, ubicunque est simulachrum: Caveant, qui
Missam adeunt, quò hominibus morem gerant;
cū non minùs illa sit, adversus Deum impia,
Christique passioni, & sacrificio derogatoria, quàm
apud homines, theatra, histrionica, & ridicu-
^{• Sleidan. lib. 21. commentar.} *la, ut probè describit Sleidanus, ° fumigationes,*
geniculationes, aliosque gestus proponendo; &
quòd modò distendantur, modò reducantur bra-
chia; & huiusmodi infinita. Balaamiticos hos
ritus fugiendos esse, Reformatores Ecclesiarum
trans-marinarum, crediderunt; sicque nostri, Ma-
rianis temporibus, Pastores, & Episcopi magnus-
que indoctorum grex; quorum aliquot, nativæ suæ
patriæ, amicisque valedixere, in exilium profecti;
alii dignitatibus, fortunisque suis renunciarunt; tertij
verò, igneam probationem tolerarunt; ne conscien-
tia suæ, vim inferrent, aut fratribus scandalum pa-
rerent, aut Dei servitium, humanis foeditatibus per-
miscere viderentur.

10 Hi cū fecerint, quod oportuit, & religio-
 nis suæ sanctitatem, sanguinis effusione consign-
 rint, non poterant non omnium seculorum Hypo-
 critis,

critis, aut meretriciosis hominibus, ignaviam, timoremque suum exprobrare; qui, ut presenti consulerent vitæ, aut quod minus est, divitijs, & existimationi temporali; in lupanaria superstitionum, se ingesserunt, & renitente aliquando animo, vel blanditijs aliquorum pellicientibus, vel legū rigiditati cesserunt. Tales semper, Orthodoxi nigriore signarunt notā, & ad quidvis duci posse existimaverunt. ¹ Helcesaitæ, ² Euseb. Histor. Eccles. 6.31. Hæretici nominantur, & taxantur, qui fidem dissimulare, & in corde tegere docuerunt, extra quidlibet proferre. De Priscillianistis, quod habet ¹ Augustinus, ² August. contra Mendacium ad Consentium, hoc referri potest: isti etenim asseverant, in corde retinendum esse, quod verū est; ore autem, ad alienos, proferre falsa, peccatum nullum esse; Et hoc esse scriptum, ¹ Qui loquitur veritatem, in corde suo; tanquam hoc, satis sit ad iustitiam, etiamsi loquatur quisquam, in ore mendacium, quando non proximus, sed alienus hoc audit. Si in cætero sermone, sic dissimulare liceat; & in religione, & fide abneganda: quod si & hanc negare fas sit, & cuiusvis sectæ, hæresisque conventicula frequentare. Istos autem Priscillianistas, Hæreticos Augustinus pronuntiavit. Eis adiungimus, aut si possit fieri, peiori habemus numero, qui usurpare solent illud, de quo dixi ¹ supra. ² Iura, periura, secretum pandere noli.

Videant Campianus, Personius, & alii nostrates, transfugæ postea Romani & Rhemenfes; si, cum sæpius, in ista Academia, in supremum Regiæ Maiestatis Dominium, & Jurisdictionem, in causis Ecclesiasticis, tam quam in civilibus, solenniter iuravissent; post discessum suum, in transmarinis,

¹ Euseb. Histor. Eccles. 6.31.

¹ August. contra Mendacium ad Consentium

¹ Psal. 15.2.

¹ Cap. 1.

² Augustinus de Hæresibus ad Quodvult Deum.

illud Ethnici non usurpaverint, si non voce, & sermone, at re ipsa:

¹Tullius lib. 3.
Offic. Ex Euripid. ut supra.
cap. 1.

¹ *Iuravi lingua, mentem, iniuratam gero.*

Si alicubi, confidenter, constanter, fideliter, sine fraude, fūco, aut dolo malo agendum sit, tūc certē in Divinis, iisque, quæ ad immediatam animarum salutem spectant.

²Euseb. de vita Constant.
3. 64.

II Mirum tamen est, quanta fraus in religione simulanda, per omnia secula invaluerit. Constantini tempore, ut refert ²Eusebius, Hæretici se Catholicos simularent, cum tempore premerentur, & cætib. Catholicorum, se immiscuerunt. Ne Imperatoris iram provocaret, quantā visus est ³Arrius, agere poenitentiam? quas fictas effudit lachrymas? quale symbolum fidei suæ cudit? quod tamen, utrinque exponi poterat: quas ille scribendo, & rogando, insupersit vires, ut in communionē Episcopi sanctissimi Alexandri reciperetur? idquē, postridiē faciendum fuerat, cum interea, ex Divino iudicio, creparet medius. Sed quas ille preces, putamus, quæ adire sacrificia recusasset? Similis erat magistri, discipulus,

⁴Theodoret. Hist. Eccles.
2. 24.

⁴Leontius Arrianus Episcopus, qui, cum Christi æqualitatem, cum Patre suo, negare apertē non auderet, ne legibus deprehensus, plecteretur; affirmare autē & confiteri nollit; Arrianā suam sententiā, diu celavit, non canorē efferendo, quod debuerat, *Gloria patri, & filio, & spiritui sancto*: Sed aliud fortassis, eius loco submurmurādo. Perstringit ⁵Evagrius Iustinū Imperatorē, quod ipse, Orthodoxis faveret; uxor verō ejus Hæreticis; fortassis, inquit Evagrius, deditā uterque operā, ut utrique placerent generi. Odiosum sanē istud, in privatā personā; in Rege odiosius;

⁵Evag. Hist. Eccles. 4. 10.

sius; cui omnia, bonâ fide agenda sunt; potissimum
verò in Religionis negotijs. Quò foedior erat, ² Juli-
ani Apostatae impostura; qui, ut Christianos mili-
tes, Idolis suis, reverentiam quandam exhibere fa-
ceret, pecuniam suâ manu divisurus, juxta aram
fessitat, cui simulachra adstabant; edicens, ut, qui-
cunq; nummos cuperet accipere, thura super altari,
prius adoleret, incensumq; offerret. Cujus rei myste-
rium, sensumq; abditum, cum milites ignorarent, so-
lûq; Imperatori præstandum esse officiû crederent,
fecerunt quàm libentissimè. Sed postea, cum insidias
intellexissent, reversi, pecuniam projecerunt, neq; eâ
lege possidere voluerunt; ut manifestè ostenderent,
quàm perfectò odio, Idolomaniam detestarentur.
Dignus sanè is, qui gehennalibus mâciparetur flam-
mis; & digni illi, qui in perpetuam rei memoriam,
famâ celebrarentur; qui nec per insidias, simulachra
colere tolerarent. Quibus ut adjungatur, is meretur,
qui apud ¹ Theodoretum, omnia dura tormenta
subit, & miserè excarnificatur; potius quàm vel
obolum, Idololatrice templo extruendo, aut reædi-
ficando donaret.

¹ Zozom. lib.
5. 16.
Gregor. Nazi-
anz. in Iulianû
Oration. 27.

² Theodor.
Hist. lib. 3. 6.

12 Infinita possem, in re isthac, utrorumq; , &
recusantium, & amplectentium, proferre exem-
pla: istis tamen supersedens, non possum tacere,
ingeniosos semper fuisse homines, & nunc esse,
in ijs tegendis, faciendis tamen, quibus sua ad-
versaretur Religio; ut fierent tamen, suaderet com-
moditas. ¹ Plutarchus, Ismeniam quendam The-
banum memorat, qui, cum urbis suæ nomine, ad
Artaxerxem Persarum Regem, Legatus mitteretur;
adorare, more Persarum, Græcis tamen invisissimum,
T
jussus;

¹ Plutarchus
in Artaxerxe

illud Ethnici non usurpaverint, si non voce, & sermone, at re ipsa:

¹ Tullius lib. 3.
Offic. Ex Euripid. ut supra.
cap. I.

¹ *Iuravi lingua, mentem, iniuratum gero.*

Si alicubi, confidenter, constanter, fideliter, sine fraude, furo, aut dolo malo agendum sit, tunc certe in Divinis, iisque, quæ ad immediatam animarum salutem spectant.

² Euseb. de vita Constant.
3. 64.

³ Soerat Eccl. Histo. I. 19. Somen. 2. 26.

II Mirum tamen est, quanta fraus in religione simulanda, per omnia secula invaluerit. Constantini tempore, ut refert ² Eusebius, Hæretici se Catholicos simularent, cum tempore premerentur, & cætib. Catholicorum, se immiscuerunt. Ne Imperatoris iram provocaret, quantâ visus est ³ Arrius, agere poenitentiam? quas fictas effudit lachrymas? quale symbolum fidei suæ cudit? quod tamen, utrinque exponi poterat: quas ille scribendo, & rogando, insuperfit vires, ut in communionem Episcopi sanctissimi Alexandri reciperetur? idque, postridiè faciendum fuerat, cum interea, ex Divino iudicio, creparet medius. Sed quas ille preces, putamus, quæ adire sacrificia recusasset? Similis erat magistri, discipulus,

⁴ Theodoret. Hist. Eccles. 2. 24.

⁵ Evag. Hist. Eccles. 4. 10.

⁴ Leontius Arrianus Episcopus, qui, cum Christi æqualitatem, cum Patre suo, negare aperte non auderet, ne legibus deprehensus, plecteretur, affirmare autem & confiteri nollet, Arrianam suam sententiâ, diu celavit, non canore efferendo, quod debuerat, *Gloria patri, & filio, & spiritui sancto*: Sed aliud fortassis, eius loco submurmurâdo. Perstringit ⁵ Evagrius Iustinum Imperatorem, quod ipse, Orthodoxis faveret, uxor verò ejus Hæreticis; fortassis, inquit Evagrius, deditâ uterque operâ, ut utrique placerent generi. Odiosum sanè istud, in privatâ personâ; in Rege odiosius;

sius; cui omnia, bonâ fide agenda sunt; potissimum
verò in Religionis negotijs. Quò foedior erat, ^a Juli- ^a Zozom. lib.
ani Apostatae impostura; qui, ut Christianos mili- ^{s. 16.}
tes, Idolis suis, reverentiam quandam exhibere fa- ^{Gregor. Nazi-}
ceret, pecuniam suâ manu divisurus, juxta aram ^{anz. in Iulianu}
sessitat, cui simulachra adstabant; edicens, ut, qui- ^{Oration. 1.}
cunq; nummos cuperet accipere, thura super altari,
prius adoleret, incensumq; offerret. Cujus rei myste-
rium, sensumq; abditum, cum milites ignorarent, so-
lûq; Imperatori præstandum esse officiû crederent,
fecerunt quàm libentissimè. Sed postea, cum insidias
intellexissent, reversi, pecuniam projecerunt, neq; eâ
lege possidere voluerunt; ut manifestè ostenderent,
quàm perfectò odio, Idolomaniam detestarentur.
Dignus sanè is, qui gehennalibus mâciparetur flâ-
mis; & digni illi, qui in perpetuam rei memoriam,
famâ celebrarentur; qui nec per insidias, simulachra
colere tolerarent. Quibus ut adjungatur, is meretur,
qui apud ^a Theodoretum, omnia dura tormenta ^{Theodor.}
subit, & miserè excarnificatur; potius quàm vel ^{Hist. lib. 3. 6.}
obolum, Idololatrîco templo extruendo, aut reædi-
ficando donaret.

12 Infinita possem, in re isthâc, utrorumq; &
recusantium, & amplectentium, proferre exem-
pla: istis tamen supersedens, non possum tacere,
ingeniosos semper fuisse homines, & nunc esse,
in ijs tegendis, faciendis tamen, quibus sua ad-
versaretur Religio; ut fierent tamen, suaderet com-
moditas. ^b Plutarchus, Ismeniam quendam The-
banum memorat, qui, cum urbis suæ nomine, ad ^b Plutarchus
Artaxerxem Persarum Regem, Legatus mitteretur; ^{in Artaxerxe;}
adorare, more Persarum, Græcis tamen invisissîmo,
jussus;

Procopius
de bello Per-
fico, lib. I.

jussus; ut & suis, sub prætextu, Regi verò etiam, specie satisfaceret, annulum è digito dimisit; inclinansque se, eum sustulit; sicque speciem adorantis præbuit. Non inferiori, quin sublimiori potius, illud gradu collocandum est, quod habet Procopius, hunc in modum: Cum aliquandò, magno prælio conflicturi essent Hunni, & Persæ; Persarumque sub Perozâ Duce, ita periclitaretur exercitus, ut extremum excidium metuendum esset, transigere noluit hostis, aut incolumes dimittere, nisi Peroza ipsum Hunnorum Regem adoraret. Hic cum religionis gratiâ, nullo pacto consentire vellet Peroza, Magi consulunt, ut Sole oriente, qui tum erat Persarum Deus, versus Hunnum tenderet, & acsi Regem veneraretur, Solem more Persico adoraret. Quod & factum est. Verendum est, ne profana nostra ætas, à talibus exemplis non abhoruerit; cum, aut qui se Religiosos dici volunt, Missas adierint, aut qui Catholicos, falso tamen se nominant, nostris intersint precibus fraudulento modo; tuto tamen, ut ipsi cogitant. Cujusmodi is est: acsi quis auribus cera obthuratis templum ingrederetur, ut audire nihil possit; vel loco positus disjuncto, per unam, aut alteram horam, cum assidentibus, sermones confereret, nec lectis, aut edoctis attenderet: aut si domina sub mundo muliebri, ancillam suæ personæ non dissimilem vestiret, & ornaret, veloque, quod nostris foeminis usitatum est, vultum obtegeret, ut sic legibus sub fuco occurratur: vel si hymnorum tempore, & Psalmorum, per Paulinam ædem iter quis capefferet, Londini; adhibitis duobus, pluribusve famulis, qui juramento

insidioso

insidioso contestentur, se in templo dominum suum
vidisse, precū tempore. Odiosa ista est apud Deum
dissimulatio, qui nō fictā, callidāque ratione coli vult,
sed apertā, & simplici. Aut ipsi totus adhaere, aut
totus abscedito. Sed omni cave modo, ne intus ali-
ud, aliud foris, ex proposito, & de industria retineas.
Tantum etenim ab eo abes, ut præmium, & merce-
dem ejus a Deo auferas, ut invisus potius ipsi red-
dere. Nam si id Achillis apud Homerum, alicubi
locum obtineat:

^d Homer. Ili.
ad. L.

Ἐχθρὸς γὰρ μοι καὶ νῦν ἔμμεν Αἰδῶ πόλιν
Ὅς ἔτερόν μιν καὶ θεὸν ἐνὶ φρεσὶν, ἀλλὰ δὲ βάζει.

Inimicus enim ille mihi, aequē ac Inferorum portae:

Qui aliud quidē occultat in mētibus, aliud verò dicit,
tum apud Deū certē, & in negocijs Religionis ma-
ximē. Nec igitur palā, nec secreto Idololatrīco cul-
tui, vel cum consensu, vel cum cōsensu specie, præs-
ens adesto. Dico rursus, nec cum consensu, nec cū
consensus specie, præsens adesto.

13 Vbi tamen, (ut ad nostri Naamanis causam,
aliquandō accedā propius, gradatim licet, & pede-
tentim, ut in re difficili) dum affirmem adstandum
non esse, cum consensus vel specie, præsentiā omne
qualemcunque, interdictā non existimo. Siquidē ut
de violentā coactione nihil dicam, ubi quis robore
compulsus, aut cōpedibus astrictus, interesse urgea-
tur, (vim patiens, ut in corporeo adulterio ^d Lucretia,
ubi duo fuerant, unus tamē adulter,) rationes multę
occurrunt alię, secundum quas, adstare, & intueri
permittitur. Si peregrē proficiscēs, per liberās Ger-
manię, aut Polonię civitates, transiturus essem;
& ut meipsum in circumstantijs particularibus eru-
direm,

^d Livius Hi-
stor. lib. 1.

direm, per fenestras, aut cācellos facelli alicujus, ubi
 Missa privata celebratur, otiosus Ipectator starem,
 quid fieret observans; & ut Sacrificio molestiam non
 exhiberem, sic nullum reverentiæ, vel per genu-
 flexionem, vel capitis detectionem, signum ederē,
 non dubito, quin tutā hoc possem facere conscien-
 tiā. Neque etenim consentiens accedit, aut animus,
 aut actus meus Sacrificio. Itā, si ex occasione, repre-
 hensus venirē; in quā re, hominū sanctissimorū fa-
 cta, imitanda habemus. Cū¹ Jeroboamus aureis
 vitulis altaria erexisset, incensumque obrulisset (quā
 in re, se insignis Idololatriæ reum constituit) accur-
 rebat Propheta sacrificanti, & ex præcepto Dei ac-
 currebat; sed ut iram Divinam, in Regem, & in Arā
 severē interminaretur, non ut superstitionis impieta-
 ti se commisceret. Elias Propheta, cū Dei maje-
 statem, debitamque gloriam, a sacrilego Baalis ho-
 nore, distinctam cuperet, in cōspectu² multitudinis,
 Baalis sacerdotibus, se arbitrum quasi stitit, inspiciē-
 do, alloquendo, observando, irridendo. Quis loco po-
 terat esse conjunctior, licet animo esset disjunctissi-
 mus, cū ipsorum circa altare saltationē, aut trans-
 censionē potius, cū exclamationes sonoras egre-
 giē, cū sui sectionem, & cū cultris dilacerationē
 præsens aspiceret. Eliæ tamen pietas, zelus, cades
 versus Baalitas, scopus, sermo, finis ad quem collima-
 vit, a vel minimā impietatis labeculā, aut profanatio-
 nis suspicione eximent. Superstitionis nihilo erat
 magis incusandus, quā Magiæ Moyses, cū incan-
 tatores Pharaonis, suas exercere præstigias, præ-
 sens animadverteret. Sed & istis adiungendus est
 Paulus Apostolus, qui³ Athenis, superstitionis
 intuitu

1. Reg. 13. 7.

1. Reg. 18. 25.

1. Act. 17. 16. 23.

intueri non recusaverat. Apud Danielelem verò aliquid est, quod ad causam nostram accedit proximè, licet in omnibus circūstantiis non consentiat. ¹ Cōgregavit Rex Nabuchodonosor, præfectos, Legatos, Præsides, urbium, & Provinciarum suarum, ut coram aureo simulachro adoraturi, prostrati procūberent. Non manserunt domi suæ, tres pueri, Shadrach, Meshach, & Abednego: venire non repugnârunt, in locum Idololatricum, & ubi actus Idololatri præstandi essent: sed Regis placitū expectaturi, cum reliquis conveniunt. Ubi verò corpora incurvanda essent sua, & in faciem procidendum fuisset; ecce, reliquis deiectis, hi soli stant, & mori potius elegerunt, quàm vel minimâ corporis inclinatione, Idolum honorare. Quis præsentiam istorum, linguâ malâ, & petulanti, vituperabit, aut insectabitur, & non inflatis potius, ut aiunt, buccis, ipsorum constantiam, fortitudinem, magnanimitatem prædicabit, & verè admirabitur?

¹ Daniel. 3. 2.

14. Ista igitur apertè docent, Naamanem in eo simpliciter nō peccasse, quod Rimmonis limina calcavit, aut simulachrum aspexerit, (ut de eo, tanquam facto disputemus, quod futurum Naaman credidit,) nisi aliquid adiungeretur aliud. Si animo accessisset Hypocritico, aut obsequio ullo superstizioso, reverentiam Idolo exhibuisset, excusari tum non poterat. ² Profiteretur tamen apud Helizæum, se alienum non culturum Deum, sed Jehovah tantum. Malâ igitur mente, nihil factum est. Is solus scrupulus animo inhæret, num, ut Civile, Politicū, Obsequiosum præstaret officiū, non Religiosum, adesse liceret. Ex Civili munere, sive Aulico,

² 2 Reg. 5. 17.

1. Reg. 5. 1.

à Regis latere discedendum ei non fuerat, ut qui fortassis, summus ei esset Cubicularius, æquè atque Militiæ¹ Præfectus. Cum ad superstitionum exercendum cultum, Rex templum ingrederetur, incubuit Naamani, illiusque est innixus manui, siue imbecillitatis causâ, quatenus senex esset; siue majestatis, quatenus Rex. Hic cum commodè, non posset Princeps adoraturus Rimmonem, ejus manui, manum suam iniicere, nisi genua floctendo, etiam Naaman se incurvaret, veritus est Naaman, ne illa ipsius incurvatio, quæ Regi facta est, pro adoratione simulachri haberetur. Et ista cogitatio, mordere cōscientiam & pun gere videtur. Prophetæ responsio ambigua est, & quæ materiam hujus argumenti ventilandi, nonnullis suppeditavit: *Ito pace*; quod aliqui interpretatum volunt, ut non responsio, ullâ ex parte, quæstioni sit, sed mera valedictio, ad rem ipsam non habito respectu. Alij, *Ito pace*, id est, Orabo pro te, ne hoc crimen tibi impute tur; aut ut in viâ vel posthâc, tibi animus immutetur, ne ista facias. Ità & Naamanem obsecrantem faciunt, ut pro eo Prophetâ apud Deum intercederet, cui responderet, *Ito pace*; id est, hoc tibi annuo: orabo pro te. Et adi ciunt, quis scit, si Naaman, Elizæi precibus apud Dominum intercedentibus, ità converteretur, ut vel officio suo cederet, vel tantum in accessu ad Idolum abstineret; & conscientiam suam, fidemque in Jehovah, manifestò profiteretur. *Ito pace*, habent aliqui, id est, Deus tibi foelix iter, faustumque impertiat; sed non dicit Elizæus, *ito*, & sic facito, vel consilium dando, vel approbando. Sed harum interpretationum aliquot, rem in medio relinquunt; dum simplicem præ se fe-
rant

rant valedictionem, sine responsione aliquâ. Alij è conjecturâ loquuntur; nam si velimus cedere, Prophetam pro eo oravisse, æquè illud esse poterat, ut Dominus, illi tranquillitatem animi in re licitâ donaret, atque in re malâ immutationem. Iis, qui nec laudâsse, nec jussisse, nec approbâsse asserunt, facile occurritur; cum dicetur, Prophetam econtrâ nullo modo factum prohibuisse, vituperâsse, aut refutâsse. Ita omnia adhuc sunt incerta, & dubij hîc feruntur viri doctissimi. Solum illud superest, quod bis gemina-verit; *In hoc mihi Dominus sit misericors*, ubi veniam videtur petere, ut in causâ non legitimâ. Verum teneram id arguit conscientiam, non edoctam satis, & informatam, quid reverâ nefas esset, & simpliciter non liceret; quæ cum tamen pia esset, & devotionis plenissima, scrupulo citò percellitur, & vel minimam offensusiunculam libenter non dat. Nihil igitur certi, ex contextu elicitur. Quod ad caput ergo quæstionis attinet.

15 Ecclesiæ Europææ, quantum ego indagando investigare possum, in hoc cardine rem omnem vertunt; ut ob Politica obeunda munia, si quis vocetur; aut si ex onere officij quod sustinet, illud ipsi incumbat onus; Civilis obedientiæ gratia, non Religiosæ, possit interesse; ita tamen, ut nec gestu, nec voce, Idololatricis spurcitijs honorê cedat. Ubi primò advertendum est, oportere ex officio illuc accedere: in quâ causa illud est, ac si Serenissima Regina nostra, dum sacellum Regium cum solenni pompâ adeat, viro nobili, aliâs Pontificio, gladium Regalem gestare, imperaret. Nam cum sui sit arbitrij, ad illud munus, quemlibet destinare; ad obedientiam experi-

Howlettus
lib. rationum
recusandi, Ra-
tione 4.

Petrus Mar-
tyr in 2. Reg. 5.

endam, vel animi sui gratiâ, & cuiuspiam tali, pro arbitrio eam provinciam imponat. In hac causâ per duodecim Delegatos suos, Concilium Tridentinû Nobilibus permisit, ut sine controversiâ, id munus exequantur, si^m Howletti libro suprà citato, velimus fidem adhibere. Is author, sub quatuor certis conditionibus, quas Qualificationes appellat, licere Orthodoxo, ad Hæreticorum Ecclesiam, tempore Liturgiæ suæ accedere, ex præcepto Principis, demonstrat: ut si quis, cum reliquis Consiliarijs, aut Deputatis, Paulinam ædem adire, Londini juberetur; Primò, inquit, propter merum sit temporale, vel civile negotium. Secundò, ob particulare aliquod Politicum negotium. Tertiò, ea causa conveniendi, palam cognita sit, ne ignorantibus scandalum pariat. Quartò, nullum exhibeatur reverentiæ signum, aut genu-flectendo, aut caput detegendo. Quod permisit Concilium Tridentinum, id exercet aula Regia apud nos; neq; Proceres omnium partium rê aliter interpretari solent, ut, si opus esset, amplissimis testimonijs, & experièntijs, liceret confirmare. Deerat hoc Officium, Civileq; negotium, Nobilibus multis è numero Protestantium, cum aliquando Carolus Quintus, summiq; Imperij Electores, Augustæ congregarentur. Ibi cum Imperator ex zelo suo, ante omnia tentata, aut proposita Reip. negotia, Missam audire solennem cuperet, ad templi usq; fores, è Reformatâ Religione, multi Principes, euntē comitati sūt; ulterius autem pergere renuerunt. Si ipsis, ex Civili aliquo, quod gestassent munere, incubuisset, personæ Principis, inter sacra adstare, puto sanè non abnuissent. Id quod in Duce Saxoniz, eo tempore exper-

expertum est : quod cum nobile sit exemplum, non pigebit brevissime, rem ab initio repetere, & commemorare.

16 ° Carolus ille Quartus, Romanorum Imperator, qui modum, & ordinem, Imperatoris Germaniae eligendi, & honorandi condidit, in solenni illo Edicto, quod Bulla Aurea nuncupatur; ut septem destinavit Electores, Bohemiae Regem, Archiepiscopos tres, totidemque Seculares, uti nominant, Principes; ita certum cuique constituit munus, ad uberiores Caesaris Majestatis dignitatem, & amplitudinem : Bohemiae Regem, Sacratissimi Imperij Archipincernam; Archiepiscopum Coloniensem, per Italiam, Archicancellarium; Archiepiscopum Trevirenses, per Galliam & Regnum Arelatense Archicancellarium; Archiepiscopum Moguntinum, per Germaniam, Imperij etiam Archicancellarium : Comitem Palatinum Rheni, sacri Imperij Archidapiferum; Ducem Saxoniae, Archimarescallum; Marchionem Brandenburgensem, Archicamerarium. His omnibus, cum honoris multa tribuat insignia, tum potissimum capite sequenti, cujus Titulus est, *De ordine processionis Principum Electorum, & per quos insignia deportentur*. Saxoniae Duci id speciatim donat, ut Regalem enses deferat, & cum eo, Imperatorem, seu Regem Romanorum immediate praecedat. Quod cum facere, Duces Saxoniae soleant, ab illo usque tempore, nominatimque, & expresse praecipitur, cum *processio sit ad res sacras*, verissimum est, Caroli Quinti tempore, motam fuisse Quaestionem hanc

• Howlettus
lib. rationum
recusandi, Ra-
tione 4.

• Petrus Mar-
tyr in 2. Reg. 5.

endam, vel animi sui gratiâ, & cuiuspiam tali, pro arbitrio eam provinciam imponat. In hac causa per duodecim Delegatos suos, Concilium Tridentinū Nobilibus permisit, ut sine controversiâ, id munus exequantur, si^m Howletti libro suprà citato, velimus fidem adhibere. Is author, sub quatuor certis conditionibus, quas Qualificationes appellat, licere Orthodoxo, ad Hæreticorum Ecclesiam, tempore Liturgiæ suæ accedere, ex præcepto Principis, demonstrat: ut si quis, cum reliquis Consiliarijs, aut Deputatis, Paulinam ædem adire, Londini juberetur; Primò, inquit, propter merum sit temporale, vel civile negotium. Secundò, ob particulare aliquod Politicum negotium. Tertiò, ea causa conveniendi, palam cognita sit, ne ignorantibus scandalum pariat. Quartò, nullum exhibeatur reverentiæ signum, aut genu-flectendo, aut caput detegendo. Quod permisit Concilium Tridētinum, id exercet aula Regia apud nos; neq; Proceres omnium partium ré aliter interpretari solent, ut, si opus esset, amplissimis testimonijs, & experiētijs,liceret confirmare. Deerat hoc Officium, Civileq; negotium, Nobilibus multis è numero Protestantium, cum aliquando Carolus Quintus, summiq; Imperij Electores, Augustæ congregarentur. Ibi cum Imperator ex zelo suo, ante omnia tentata, aut proposita Reip. negotia, Missam audire solennem cuperet, ad templi usq; fores, è Reformatâ Religione, multi Principes, euntē comitati sūt; ulterius autem pergere renuerunt. Si ipsis, ex Civili aliquo, quod gestassent munere, incubuisset, personæ Principis, inter sacra adstare, puto sanè non abnuissent. Id quod in Duce Saxoniz, eo tempore exper-

expertum est : quod cum nobile sit exemplum, non pigebit brevissime, rem ab initio repetere, & commemorare.

16 ° Carolus ille Quartus, Romanorum Imperator, qui modum, & ordinem, Imperatoris Germaniae eligendi, & honorandi condidit, in solenni illo Edicto, quod Bulla Aurea nuncupatur; ut septem destinavit Electores, Bohemiae Regem, Archiepiscopos tres, totidemque Seculares, uti nominant, Principes; ita certum cuique constituit munus, ad uberiores Caesaris Majestatis dignitatem, & amplitudinem : Bohemiae Regem, Sacratissimi Imperij Archipincernam; Archiepiscopum Coloniensem, per Italiam, Archicancellarium; Archiepiscopum Trevirensensem, per Galliam & Regnum Arelatense Archicancellarium; Archiepiscopum Moguntinum, per Germaniam, Imperij etiam Archicancellarium : Comitem Palatinum Rheni, sacri Imperij Archidapiferum; Ducem Saxoniae, Archimarescallum; Marchionem Brandeburgensem, Archicamerarium. His omnibus, cum honoris multa tribuat insignia, tum potissimum in capite sequenti, cujus Titulus est, *De ordine processionis Principum Electorum, & per quos insignia deportentur*. Saxoniae Duci id speciatim donat, ut Regalem enssem deferat, & cum eo, Imperatorem, seu Regem Romanorum immediate praecedat. Quod cum facere, Duces Saxoniae soleant, ab illo usque tempore; nominatimque, & expresse praecipitur, cum *processio sit ad res sacras*, verissimum est, Caroli Quinti tempore, motam fuisse Quaestionem hanc

hanc, ex parte Ducis Saxoniae; num ob Civile obedi-
p Sleidan. lib. 7. Commētar. undum munus, liceret Missae interesse? Cui p re-
sponsio ea, à Melancthone, ceterisque Theologis da-
ta est, *licere adesse; quòd ad suum officium, esset evo-*
catus, non ad Missam, velut ad cultum Divinum.
Cui acquievit Saxo, & cum Georgio Brādeburgico
solo, ingressus est, reliquis Protestantium foris stan-
tibus. Vbi, ultra omnem controversiam satis piè,
res transacta est, si apertā Protestatione, vel scripto,
vel voce editā, non Religionis gratiā, se hoc facere
contestaretur. Id, quod tanquam Theologus, viris
omnibus nobilibus faciendum suaderem, si causā
simili teneantur; ut Protestationem nempe, de ra-
tione consilij sui facerent; ut & suae famae, & consci-
entiae aliorum infirmiorum consulere censeantur.
De Duce Saxoniae, parum refert, num verbis spe-
cialibus, de facto isto caverit, cum è generali Prote-
statione, contra Religionem Romanam, (unde &
ipse, & alij confœderati, primò Protestantes dicti
sunt) animi sui sententiam prius aperuisset.

17 Secundò observandum est, nullum reveren-
tiae signū mysterijs impijs exhibendum esse. Nam,
si quando non postulat executio Civilis Officij, cum
reliquis genu flectentibus, inter elevationem hostiæ,
ut appellant, aut ad rem similem, nos velimus in-
curvare; Religiosum nunc, aut superstitiosum ser-
vitium praestitimus, & in apertam offensionem in-
currimus. Imò si nolentibus nobis, fiat aliquid, quod
honorem Idolo addat, ex nostrā parte, apertè re-
clamandum est, ut ad rem abominandam. q Theodor.
Hist. Eccl. 3. 15. Theodoretus insigniter memorabile habet exemplum,
Valentiniani, qui postea Imperator designatus est.

Is, cum militum hastatorum, in Palatio Juliani Apostatae merentium, Tribunus esset, è dignitatis ratione, Imperatorem fuerat processurus. Julianus ad Fortunae fanum profecturus cum esset, (id quod inter choreas, & saltationem fecerat) non recusat Valentinianus, (ut ex munere Civili oportuit) antecedere, adeoque templum ingredi. Sed cum more receptum fuerat, ut Aeditui accedentes, aqua lustrali, quotquot ingrederentur, spargerent, venit unus, qui & Valentinianum lustraret. Is autem, ubi vidit aque guttam, suae laeuae aspersam, pugnis caedit Aedituum, seque inde non expiatum, sed turpi labe pollutum clamat. Quod factum cum tyrannus execrabilis Julianus conspicaretur, in exilium eum relegavit. Homo verè Christianus, qui Civilem obedientiam, in re, & loco profanis ostendit, sed à Simulachrorum honore, illibatam conscientiam custodivit. Ut ceteri pugno feriant, non requirimus, sed detestationem suam manifestam faciant. Quae de Nobilibus & Officiarijs, versus Principem suum dicta sunt, de alijs minoris conditionis, etiam sunt intelligenda. Ancillae, ad dominae pedes invigilanti, & ministranti, necessitas ingruit, ut, sicut alibi, dominae vestes magnificentiores à tergo ferat, sic in templum, ubi Missa contaminata canitur. Si tanquam herae, magistraeque pedissequa velit ingredi, non veta tur: sin corporeâ submissione, genu-flexione, incurvatione, vel minimû rei deferat obsequium, malè factum est. Ea verò excepta reverentia, ut per-

gat, non impedimus. Et hæc aperta est Petri Martyris sententia, de pedissequa, quæ & alia de Nobilibus necessario includit.

Petr. Martyr
in 2. Reg. 5.
Vide loca cō-
munia. De Na-
amane Syro,

18 Nova ista non sunt, quorum similia, magna ex parte, in tribus pueris apud Danielelem, & in Valentiniano comperimus. Aliena non sunt, quæ Germanicis Theologis tantâ celebritate congregatis; quæ Regno nostro, & Reip. Anglicanæ; quæ Petro Martyri; ita quæ Howletto, imò Concilio Tridentino, vel ejus Delegatis, post deliberationem placuerunt: Quod si cuiquam, vel nova, vel aliena videntur, sciat vnum è veteribus disertè ista approbasse. Et ut ingenuè fatear, quod res est, è remotâ Ecclesiæ antiquitate, unum solum, meâ modicâ lectione adhuc reperti, qui de istis ex professo, imò obiter disserit. Is est ¹ Tertullianus, libro suo de Idololatriâ, cujus, quoniam tam apertum est iudicium, sicquæ cum nostro instituto faciens, non pigebit verba referre. *Vtinam quidem*, inquit, *nec videre possimus, quæ facere nobis nefas est. Sed quoniam ita malis circumdedit seculum Idololatria, licebit adesse in quibusdam, quæ nos homini, non Idolo officiosos habent. Planè ad Sacerdotium, aut Sacrificium vocatus, non ibo; proprium enim Idoli officium est; Sed neque consilio, neque sumptu, aliâve operâ, in eiusmodi fungar. Si propter Sacrificium vocatus, assistam, ero particeps Idololatriæ; si me alia causa coniungit sacrificanti, ero tantum spectator sacrificij. Caterum quid facient servi, vel liberi fideles, item Officiales, sacrificantibus dominis suis, vel Patronis, vel Præsidiibus adherentes. Sed si merum quis sacrificanti tradiderit, imò si verbo quoque aliquo, sacrificio necessario, adiuvet, minister habebitur Idololatriæ. Huius regulæ memores,*

¹Tertullian.
de Idololatr.

memores, etiam Magistratibus, & Potestatibus, officium possumus reddere, secundum Patriarchas, & ceteros Maiores, qui Regibus Idololatriis, usque ad finem Idololatriæ apparuerunt. Hæc manifesta est Tertulliani sententia, cum nostrâ conveniens: licere adesse, in quibusdam, quæ nos homini, non Idolo, officiosos habent. Et secundum ista, de Naamanis facto, (si modò id factum fuerat, quod futurum ipse præ se tulerat) iudicium damus; videlicet, si ob honorem solum, Regi suo domino cedendum, templum ingrederetur, ipsum non peccasse; præsertim, si de pietate, in Jehovam unicum, professionem edidisset; sin cum ullo ad Idolum obsequio, aut obsequij specie, accessisset, non potuisse excusari.

19 Si obiiciantur alia, non est difficile respondere. Ut si interrogetur, quamobrem potius relictâ patriâ, non accessit Hierosolimam, ubi à tali periculo, scrupulôque omni immunis esse poterat; & quare ipsi Elizæus id non præceperit? occurrit ^{Petr. Martyr} Petrus Martyr, & tres assignat rationes. Prima est, ut ^{in 2. Reg. 5.} doceret, omni loco liberum esse, Deum colere; tam Naamani in Syris, quàm Judæis, Hierosolymis. Secunda est, ut fama gloriæque Dei, tam inter Aramitas, & Gentes, quàm apud suos celebraretur, id, quod ex ejus reditu in patriam, necesse erat fieri. Et tertia, quia isto tempore, Hierosolima conspurcata esset, ut, si migraret in locum nihilo meliorem, se subduceret. Istis igitur de causis, in suâ patriâ voluit Naamanem manere Deus. Quòd si ulterius urgeatur: Cùm ergò rediisset, Officio suo, munerique Politico, rectè poterat cedere; sicque magis,

¹ Socrat. Hist.
lib. 3. 19.

² Esther. 4. 14.

³ Tit. 2. 12.

magis, scrupulo isto, animum eximere, & liberare: Negare non possumus, quin, si suæ non potuisset satisfacere conscientia, rectè fecisset, si dignitate discessisset; id, quod olim ¹ Jovianus, qui postea Imperator fuerat, apud Julianum Apostatam, fecerat: Sin ex simplici scientiâ, & non fictâ, aut dissimulatâ, se à spurcitie immunem invenisset cōservatum, quid ni liberè fueretur dignitate suâ, ut apud Pharaonem Joseph, apud Artaxerxem Nehemiah, apud Assurum Esther, apud Babylonium Daniel. Pij etenim homines, cum Principibus etiam malis propinqui sint, & bona promovere, & malis remoram objicere, multoties possint. Et in istis efficiendis, ut malis pergendum non est medijs, quò pij succedat aliquid; sic cavendum est, ne Ecclesiæ desint, vel potius Deo, qui tali eos, ut ² Estheram fortassis, collocavit loco, quò ejus gloriam sartam-rectam, & incolumem, pro virili suâ parte tuerentur. Sicq; cum de Naamane isto, quid senserim, docuerim, orandum puto Deum, ut puro nos spiritu, per omnem vitâ dirigat; primoq; innocentia, & integritatis donum, deinde prudentia, & cœlestis sapientia, velit impertire, ut ³ piè, iustè, sobriè degentes in hoc seculo, & beatam spem expectemus, & apparitionem gloriæ consecremur, per Christum Jesum, cui cum Patre, & Spiritu Sancto, sit honor, & gloria, nunc, & in secula seculorum. Amen.

DE

DE FUGA MINISTRI, IN PERSECUTIONE, AUT PESTE.

C A P. 5.

Act. 9. 23. Expletis autem multis diebus, inierunt simul Iudæi consilium, Saulum interimendi.

24. Sed intellectæ sunt Saulo insidiæ eorum: adseruabant autem portas, die ac nocte, ut eum interimerent.

25. Acceptum igitur eum discipuli nocte, per murum demiserunt, fune submissum in sportâ.

1. 3. Causæ Paulum ad fugam impellentes. 4. 5. 6. 7. laico in persecutione licet fugere. 8. Non sic Ministro gregis. 11. Exempla, & rationes, pro fugâ pastoris, ducuntur, & solvuntur. 17. Laico pestis tempore licet divertere. 19. Sed Ministro manendum est.



Errissimum illud est, Johannis Baptistæ, ² posse Deum ex lapidibus, excitare filios Abrahamo. ^{• Matth. 3. 9.} Qui etenim illos, ad fidem in Christum converterit, quorum corda silice, & adamante fuerint duriora, ipsisque cautibus, (quod ad pietatem spectat) asperiora, rectè filios è faxis, credenti Abrahamæ dicatur excitare. Cujus si in

alio quoquam, in Paulo Apostolo, periculum factū est; qui, cum cædem, & sanguinem, adversus omnes Salvatorem profitentes, spiraret; literisque, rogatu suo, à summo Sacerdote acceptis, minabundus Damalcum versus proficisceretur; ut omnes ejus viæ, arreptos, vinculisque onustos, Hierosolimam abduceret, incarcerandos, accusandos, occidendos, præcellenti de cælo lumine, tanquam fulgure, perstrictus oculis, voceque cœlitus emissa, percussus corde; lupum exiit subito, induitque agnum; animoque penitus immutatus, post colloquium, cum Ananiâ quodam habitum, (cujus manu visum receperat, & sacris Baptismi aquis expiatus fuerat,) in Christi præconizationem, singularemque ejus gloriæ dilatationem erupit. Ità, per conspicuam Dei misericordiam, deceptus est Satanas, qui, cum leonem, tigridemque rapacem, adversus Christifideles, se crederet emisisse, qui lanienam virorum, foeminarum, omnium faceret, proque virili suâ, Ecclesiam sanctorum radicitus extirparet, molisque ipsa fundamenta subrueret; pro Christo pugilem, & Coryphæum quendam, Antesignanum celeberrimum reverà dedit, cujus, in multis millibus, nescio an orbe toto, vix quisquam similem reperire possit. Maligno siquidem deposito furore, concionari cœperat, publiceque denunciare, Jesum Christum Dei magni esse unigenitum; idque publicè, & privatim sermone præ se ferre, argumentis veritatem demonstrando, & Judæos pervicaces, vi ipsa Scripturarum pervincendo.

2 Quo successu inopinato, ut præ gaudio exultabant

tabant fratres, ita indignari coepit Satanas, militesque sui fremere. Nam cum ipsum, quem in casses, laqueosque suos, infinitas perdendum animas speraret, iam armenta abigere, praedamque locupletem avertere conspiceret, quam indignis, putamus, tulit ille modis, qui perniciem humani generis ardentem desiderat. Ministros igitur, famulosque suscitavit suos, tenebrarum, malitiaeque filios, qui ex insidiis illum interciperet, & occidere tentarent. Qui vi alios prius petiit, nunc ipse vi petitur, laesens laesitur, occidens occidendus queritur. Ita quam prius non pietati, & religioni suae, quicquam nomen dederit, non deerunt, qui lingua veneratam maledicere, qui Theonino mordere dente, qui manu sanguinaria perire aggredientur. Et Haecus Ismaelem habebit suum, & fratrem Cainum Abel, & Doegum David. Iudei cum tenebris, fideli cum infidelibus, sanctissimis Christi famulis, cum devotis Christi hostibus, quae erit consensio? Cum igitur, & Christi, & suis popularibus, & compatriotis Iudeis, demonstraret, Mariam filium, esse ipsum Messiam, Redemptorem Israhel, eumque quem contempnissent, & despectui habuissent, in medio turpius crucifixissent modo, futurum iudicem vivorum, & mortuorum, consiliu iniecerunt. Iudei istum Damasco degentes, ut ipsi os obturarent, non silentiu imponendo, sed e luce illuendo, & vivis tollendo. Quod ut sine controversa effectum darent, ad urbis portas, custodes apposuerunt, qui transeuntem subito adorientur. Truculentae illorum irae, excepta vita, nihil poterat satisfacere.

2. Cor. 6. 14.

3 Verum Deus, qui & capillos recensere, & pascerculos observare, pro insigni suâ omniscientiâ confuevit; rabidissimis leonibus quasi frænum injecturus, malitiam malignantium clementer compescuit. Conjuratorum hostium consilia, patefecit fratribus Paulum amore complectentibus; qui innocentis sanguinem nolentes effundi, multò maxime verò juvenis, tantâ indole, tam accuratâ eruditione, tam suavi eloquio, tam celebri in Scripturis peritiâ, quicquidque posset postea honorem Dei promovere, & fidem Christi propagare; quo poterant admitticulo ferebant opem, & ab acie gladii, ut poterant, tutabantur. Postquam igitur eum non in propatulo degere, sed in locis abditis delitescere passus essent; ut ferebat occasio, nocturnis tandem obductis tenebris, ad urbis mœnia accesserunt, & vel repertâ viâ, vel muro perforato, fune, in sportâ pendentem demiserunt. Ita fugit Paulus, festinando, gradumque accelerando, à morte ereptus. Et seipsum melioribus Ecclesiæ temporibus reservans, factus postea est instrumentum, organumque illustre Divinæ laudis, per omnes orbis plagas. Quod ut missum faciamus, & de ipsius laboribus dicere superseceamus, investigandum est potius, num & aliis hominibus Paulina persequenda sint vestigia? num & ipsis etiam liceat, se furori tyrannorum secretò subducere? Discerpitur etenim nonnunquam fidelium congregatio, Domitianorum & Diocletianorum gladio; & fremunt mali homines, ita ut navis Ecclesiæ, in Oceano mundi, præ turbinibus, & procellis, interitura videatur; cum, licet volens sit spiritus, & promptus, infirma possit esse caro. Quando

do igitur, qui pro Christo, & ejus confessione, rubore suffunditur, à judice mortuorum sit amandus in gehennam; operæprecium est indagare, num pietatem colenti, in persecutione liceat fugere: præsertim autem Ministro Evangelij, qui gubernatoris agit vices, & non minùs pro alienis, quàm pro suâ, animabus, rationem est redditurus. In eo igitur, & alio non multum dispari, propter rerum similitudinem, fugâ scilicet, cum pestifera sævierit tempestas, hodierna, duce Deo, versabitur disputatio.

4 Naturalem quendam vitæ amorem, ingeneravit omni homini Deus, quo ad sui conservationem perpetuò fertur, neque libens in perniciem incurrit. Et, ut rectè est observatum, hoc desiderium Deus indidit, ne levi qualibet arreptâ occasione, tristitiæ, vel invidiæ, vel metus, violentas sibi quisquam inferret manus, mortemque conscisceret. Unde, brevi id contingeret tempore, ut eversum, & dissipatum humanum genus disperiret. Quod cum noluerit hujus fabricæ artifex prudentissimus, desiderium suæ tuendæ, fovendæque vitæ, cuivis dedit. Et hujus affectus recordatio, homini Christiano, calcar potest addere hæsitanti, ut injuriam venientem evitet, se è medio subtrahendo. Cum enim Deus æquè pedes suppeditarit, quibus discedere valemus, atque manus ad pugnandum, & dorsum ad ferendum, & tolerandum omnia; pedum etiam beneficio aliquando est utendum. Præsertim, cum id nullo Scripturæ sacre testimonio prohibeatur. Cui id accedit etiam, quòd virium suarum nemo ita potest sibi esse conscius, ut non & suam,

in cruce perferenda debilitatem agnoscat. Quis etenim è carne, sanguineque constitutus, sibi tantam patientiam spondere præsumat, ut (cum posset prius tuto decedere) ferarum dentibus, igne, gladio, eculeo, exquisitissimis tormentis circumseptus, non contremiscat, & lingua titubet, & mente vacillet? ^e *Corruptibile corpus aggravabit animam, & spiritui per se prompto, appendit debilis, & infirma caro.* ^d *Qui stare videtur sibi, videat ne cadat.* Non ^e *superbiendum unquam est, sed timendum potius.* ^f *Qui tantos sibi spiritus gestaſſe viſus eſt, ut, ſi omnes Chriſtum deſererent, ipſe non eſſet deſerturus; & ſi moriendum eſſet, diſcedere recuſaret; eum ad ipſum capitis diſcrimen perveniſſet, in aula Sacerdotum Principis, ſuum Dominum tremebundus, & meticuloſus abnegavit. Annon igitur erit ſatiſ, cum obtulerit opportunitatem Dominus, occaſione omnem preſcindere, & amputare, in exilium proficiſcendo, aut in eremum, aut cavernam, aut ſylvam abeundo, quàm periculo venienti ſpecioſè audacterque ſe obtrudere, & in ipſo conſlitu ita tergiverſari, & miſerè ſuccumbere, ut fidei, profeſſionique Chriſtiane, apud exteros, & inimicos Dei, labecula aſpergatur? Quod ſi inter fugiendum, quis deprehenſus fuerit, tum Divinum auxilium, eſt precibus implorandum; ut robur, & confidentiam velit addere, ad nomen ipſius, mortem uſque, conſtitendum. Sed id, poſt experta omnia.* ^g *Qui vixerunt olim pij, in turbinibus, & procellis, in hunc portum, & non alium, navigia ſua applicuerunt.* ^h *Cum Davidi inſidias tetendiſſet Saul, & per ſeipſum, & alios quotidie illum quaereret, ut* inter-

^e Sap. 9. 15.

^d 1. Cor. 10. 12.

^e Rom. 11. 10.

^f Mat. 26. 33.

^g 1. Sam. 21. 1.
cap. 22. 1. &
27. 1.

E X

interficeretur; in exteris nationes peregrè proficifcendo, in montibus, & sylvis, & speluncis se abdēdo, David vitam tutatus est. ^h Annon etiam per fugam, ^h 2. Sam. 15. 14. furori Absolonis se subduxit? Post Stephani cēdem, fideles omnes, ^l Apostolis solis demptis, fugiendo ^l Act. 8. 1. sunt subrepti. Qui ^k Epistolā ad Hebræos, tātis laudibus, ^h Heb. 11. 37. ac elogijs celebrantur; ut dicatur, mundū ipsorum consortio fuisse indignum; perhibentur tamen, in ovium, & captarum pellibus circumerrasse, & in eremis, in montibus, in speluncis, caveisq; terrarū vixisse. Quod, quid aliud fuerat, quā noluisse istos, tyrannorum manibus, & malis dominantibus sese immiscere? Cū post ascensū Christi ferveret undiquaque persecutio, & fidelium grex miserè discerperetur, & dilaniaretur; per annos trecentos, usque ad Constantini tempora, è loco in locum migrare, & in tutiora se recipere, multotiēs fideles coacti sūt, ut Ecclesiastica Eusebij meminit historia: sicque, & Divinæ gloriæ, & suæ incolumitati consultum censuerunt: cū nonnulli, qui sibi visi sunt robustiores; dum periculum operiendo, experiri voluissent ultima, sub onere defecerunt, & Idolis thura adolentes in altaribus, Ecclesiæ, suisque conscientijs, scandalū dederunt; & ansam ^l Novato porrexerunt, schisma faciendi; ipsosque, ad Eucharistiā non esse amplius admittendos, disputādi. Quāto potius fuisset, si, cū suam ex se debilitatem considerassent, paulisper divertissent. Id, quod ex Nostratibus quāplurimi fecerunt, Marianis tēporibus; & ex Gallis, Belgisque, plures nostro seculo, qui tēpestatibus domiservientibus, magno numero, ut in reliquas orbis partes, sic in nostram Angliam, ut ad asylum aliquod

^l Euseb. Eccl. Histor. lib. 6. 35.

confugerunt. Et piè sanè. Non est etenim cuiusvis, eouſque Dominum (qui libertatem abeundi concessit) tentare, num mirè velit in angustiis, auxilium subministrare, & è tricis expedire; aut constantiam patiendi, moriendique submittere, cum alia is obtulerit abeundi media, quæ temerè, & pervicaciter non sunt repudianda.

• Tertull. De
fugâ in perse-
cutione.

6 Tertulliani igitur, si non explodenda, propter tanti viri honorem, abjicienda tamen est sententia, & repudianda; ^m qui libro suo, de Fugâ in persecutione, standum esse solummodò, & confitendum docet; ac ad mortem usque, non vertendum tergum. Christiani, illo tempore graviter afflicti, se, periculis imminentibus, vertendo solum, aut clam se ad amicos recipiendo, subtraxerunt; & eorum aliquot, pecuniâ suâ, hoc est, Tributum & Vestigal locupletius, Imperatoris fisco, persolvendo, pacem redemerunt suam. Sic Prefectos & Proconsules placatos reddiderunt, non tam donis secretis, & largitionibus, quàm aperto censu; eo freti Salvatoris testimonio, ⁿ *facite vobis amicos è Mammonâ iniquitatis*. Hoc, ut nullâ faciendum ratione, improbat Tertullianus, & fugam nullo capessendam modo [•] *Luc. 16. 9.* censet: id Christi, ^o *Cùm in unâ vos persecuti fuerint urbe, fugite in aliam*, ut temporale præceptum interpretans, Apostolis datum, non aliis; Apostolis inquam solis, ne ipsis occisis, Evangelium non predicaretur, verùm extingueretur penitus. Sed infirmum est fundamentum, quo tota eius nititur structura: quia etenim nihil contingit nobis, nisi disponente Deo; neque ulla est persecutio, nisi ex speciali Omnipotentis voluntate, neque eius beneplacito

• Math. 10. 23.

cito obstandum est; fugiendum non esse concludit. Verè sanè inquit nihil fieri, nisi volente Deo: At qui nosti, nunc accessisse tempus, quo vitam auferri voluit Deus? Et hosti permittit insequi, & tibi fugere. In utrisque, ipsius eminebit gloria. In tentationem idem ducit, & è tentatione expedit. Intendi malum patitur, & liberat à malo. Qui produci adhuc vult, & prolongari vitam tuam, medium etiam producendi suppeditat, idque per secessum. Malè aliàs à Saulis conspectu se subtraxisset David, nisi evitandæ essent insidiæ: cum eę non nisi volente Deo, poterant tendi. Eum igitur Tertulliani librum, ^p Hieronymus, specialiter contra Ecclesiam scriptum existimat, ut & illius etiam alios. Faceſſat igitur ea opinio. Licere Laico se submovere, non dubitamus; cum propria conscientia, non motu temerario, sed sobrio, & prudenti, abeundum suggerit: cumque econtra, Divinus spiritus, qui cogitationibus famulorum suorum præest, manendum esse, & mortem oppetendum consideratò submonebit, si res, & circumstantiæ ferant, cōfidenti animo operiendum est.

^p Hier. de
scriptoribus
Ecclesiast.

7 Quæ contra ducuntur argumenta, leviora sunt, quàm quæ cursum progredientis ad difficiliora, remorentur. Qui legendi est cupidus, apud ^p Petrum Martyrem, & citata, quæ in adversum stant, & doctè refutata, comperiet. Ego interim nihil addam, præterquàm purioris & antiquioris Ecclesiæ in re hac iudicium. Audite Clementem Alexandrinum, ⁱ Si qui hominem Dei interimit, in Deum peccat, is quoque eius cadis reus tenetur, qui se offert iudicio. Is autem fuerit, qui non vitat persecutionē

^p Petr. Martyr.
in Epistolis
Theologicis.

ⁱ Clemens A.
lexandrinus,
Stromat. lib. 4.

se capiendum præbens per audaciam. Audite Origenem, super Johannem: Honestum quidem est, si inciderit certamen, pro confitendo Iesum, confessionem non differre, neq. tardare mortem pro veritate appetere. At non minus quam hoc honestum est, tali tantæq. tentationi occasionem non dare, sed omnimodò vitare eam; non solum, quia tantæ rei exitus incertus sit nobis, verum etiam, ne nos occasio simus, ut magis peccatores, magisq. impij evadant illi, qui nondum sanguinem nostrum quidem re ipsâ effudisse rei sunt facti &c. Audite Cyprianum, qui licet ipse Martyrij palmam postea tulerit, ita tamen populo fugam suavit, ut pro Christo Martyres existimaret, si inter discedendum, fame, bestiarum dentibus, & lanienis, aut huiusmodi eventibus interciperentur. Ejus hæc sunt verba: Solus non est, cui Christus in fugâ comes est; solus non est, qui templum Dei servans, ubicunq. fuerit, sine Deo non est. Et si fugientem in solitudine, aut montibus, latro oppresserit, fera invaserit, fames ac sitis, aut frigus affligerit; vel per maria, præcipiti navigatione properantem, tempestas, aut procella submerferit, expectat militem suum Christus, ubicunq. pugnantem. Ità antiqui, & recentes, omnino, & simpliciter, non interdictâ Christiano fugam arbitrantur.

8 Sed de Pastore gregis, & Præcone Evangelii, ex speciali munere, & vocatione, alia est determinatio. Siquidem ipsi, non sui corporis, sed alienarum animarum, cura agenda est. Ab ejus ore pendet populus, ut è materna mātina infantulus. Ejus & consilio, & auxilio, & exemplo, standū est, & confessioni illius immorandū. Et ut dixit aliquando,

Leo

¹Orig. super.
Ioh. Tom. 31.

²Cyprian. Lib.
4. Epist. 6. ad
Thybarinas.

PERSECUTIONE. CAP. V. 179

Leo Romanus Episcopus, * *Quis inter fluctus* Leo Papa E-
pistolâ. 70. in
concilijs.
*maris naves dirigit, si gubernator abscedat? quis
ab insidijs luporum oves custodiet, si Pastoris cura
non vigilet? quis denique latronibus obfistet, &
furibus, si speculatorem, in conspectu exploratio-
nis locatum, ab intentione sollicitudinis, amor
quietis abducatur?* Perpetuò necessaria est popu-
lo, docentis, & consolantis persona: quantò
magis, cum quovis die nova ingruant discrimina,
neque ullus tranquillitati locus datus est? Perniciosum
est, rectorem in malaciâ navem deserere; quantò
magis in fluctibus? Quàm tremendum illud est, &
formidandum, si tuâ culpâ, sine Baptismo infantuli,
sine sacramento Eucharistico languentes, sine veniâ
Excommunicati, è vivis abscedant? quæ, quanta
infirmis pariunt scandala? Imò quota pars tuæ
congregationis, de Evangelij veritate, doctrinæque,
quam docuisti, certitudine, ambigere incipiet, si
te fugâ datâ, nolentem asseverare, tuerique
tua, conspexerit? Quod tibi, id & sibi licere
arbitrabuntur. Tu pedibus, & silentio, quodam
modo, Christum abnegasti; negabunt illi
linguâ, & manu, revocando sententiam, &
conceptis inimicorum verbis subscribendo. Ca-
vendum igitur est, ne suo exemplo, in ruinam
perpetuam, infirmorum animas Minister præ-
cipitet; ne illorum sanguinem, severo cum
examine, ab ipso, ~~dehinc~~ ille Christus re-
quirat. Confitendo, & confidendo, aliorum seg-
nities excutienda est; excitandi sunt animi; erigen-
di spiritus; quò celebris Christi gloria elucescat
ampli-

amplius. Præeunte duce, sequentur milites. Audente ariete, reliquus succedet greges. Non verebitur populus, vel sanguine suo, Salvatoris veritatem obfignare, & probationem igneam tolerare, cum Sacerdotem suum, in altari passionis immolatū intuebitur. Ei igitur ex peculiari munere id incumbit, quod non incumbit alijs.

1 Joh. 10. 11.

9 Reperiri non potest, qui definiat terminetque hanc litem, sapientior, fidelior, verior, justiorque iudex, quam Redemptor Christus: Qui, quid intersit inter bonum Pastorem, Mercenariumque demonstrans, ex suo id docet exemplo; boni Pastoris esse, pro ovibus vitam impendere, se periculis adventantibus medium interjicere, & interponere, suamque vitam ipsorum incolumitatem redimere. *Mercenarius autem, inquit, & qui non est Pastor, neque oves sue sunt, lupum videt venientem, & oves linquit, & fugit, & eas lupus rapit, & oves dissipat.* Ecce non est alterius, quam hominis mercenarij, accurrente destructore, suum gregem deserere. Et in nomine Mercenarij, infidus dispensator, incuriosus proditor, indignus, cui tanta sollicitudo concredatur, ibidem designatur. Quod, quantis quaesogradibus, aut parafangis potius, ab Oeconofo fidei, distare cogitabimus? Hinc, vitio aliquando

7 Euseb. Hist. Eccles.
6. 35.

Novato versum est, quod, cum presbyter fuisset, (ut apud Eusebium, Cornelius Romanus Episcopus refert) procella persecutionis, & furoris, in Ecclesiam adventante, non modo plebem, periculis jam obsitam reliquerit destitutam, sed & vocationem suam omnino deseruerit, Sacerdotio renunciando, Presbyterique officium abnegando. Fuit tunc temporis,

poris, mercenarius, & desertor gregis, uti postea hæreticus. Debuisset potius eum exprimere amorem, & dilectionem in fideles, cuius meminit Johannes Apostolus, ² *Per hoc novimus charitatem Dei, quod* ^{c 1. Ioh. 3. 16.} *ille animam suam pro nobis posuit: nos igitur debemus pro fratribus animas ponere.* Ubi, ne ad Christum solum. ea moriendi prærogativa, quæ ^a Pastoris boni esse dicitur, spectare videretur, adjungit, *nos etiam debemus pro fratribus animas ponere.* Quod ex alijs etiam Christi verbis colligere, non est difficile: Cum etenim dixisset, ^b *Maiorem charitatem* ^{b Ioh. 15. 13.} *nullus habet quam istam, ut quispiam animam suam deponat, pro amicis suis;* immediate subjungit, *vos amici mei eritis, si feceritis, quæcunque ego mando vobis;* ac si illis in memoriam revocaret, ipsum sanguinem, pro salute gregis, si necessitas ingrueret, effundendum esse.

10 Qui in Ecclesiâ primævâ viguerunt, sancti Sacerdotes & Episcopi, præceptum istud, & memoriâ retinuerunt, & passione præstiterunt. Hinc ^c Petrus, ^{c Euseb. Eccl. Histor. 3. 1.} calcibus in cælum obversis, cruci suffixus est. ^d Jacobus & Paulus, gladio sunt occisi. Neque ferè ^d *quisquâ fuerat* ^{d Act. 12. 2.} *Apostolorum, qui non morte violentâ, & sanguinariâ sublatus expiravit.* Animam pro fratribus cupidissimè posuerunt; unde magna Christianorum facta est sementis; nam, *Sanguis martyrum, semen est Evangelij:* Ita fecerat ^e Ignatius, ^{e Euseb. Histor. 2. 24.} *qui, si quisquam alius, martyrij fuerat cupidissimus;* & pro Christi amore, & confirmatione fratrum, crucem, flammam, ferarum dentes, eculeum contempsit. Similibus jvit passibus piissimus ^f Polycarpus, ^{f Lib. 2. 1. 8.} *qui veritati Evangelij apud Tyrannum testimo-*

nium reddere; non erubuit. Sic Justinus Martyr: sic elegans Cyprianus. Magis gregis, quam sui, curam egerant, fidelissimi pastores. Nec novissima nostra tempora, infecunda, aut sterilia, indigâq; bonorum virorum fuerunt. Multi viri doctissimi, sanctissimi, constantissimi, sub Gardinero, & Bonnero, exhalârunt animâ; nec congregationes suas dereliquerunt, usque ad mortem. Imò Episcopi celeberrimi, Ridleius, Latimerus, Hooperus, Ferrarius, & Archiepiscopus Cranmerus, sua corpora flammis tradiderunt, ut ex animo suâ patriam, & Christi-fideles se diligere cōmonstrarent. Cùm fugiendi multæ viæ offerrentur; cùm, quæ absconderent, latebræ non deessent; cùm adhortationes ingeminarentur, ut vel tandem, post apprehensionem se subducerent; noluerunt ut Mercenarij suum populum deferere, sed pro lucro mortem existimantes, modò alijs infirmioribus in viâ salutis prælucere, acerbissima perpeffi sunt. Stulti sanè hi omnes, & insipientes summo gradu, Apostoli, Patres, Episcopi, Ministri, si cum obsequio ad Christum, & curâ gregis debitâ, suam posse stare fugam autumarent. Sed standi, manendique officium, suum esse cognoverūt. Dura si hæc videatur sentētia, Christi est; qui, ut omnibus

^a Luc. 14. 26. ^b præcipit circumspicere, & prævidere, num amicos, patrem, matrem, uxorem, imò ipsam vitâ velint pro Christo linquere, ita proculdubio, Ministris Evangelij, in memoriam revocat, ut magno cum iudicio, & accuratâ consideratione, eam subeant provinciam. Quis domum structurus, non sedet apud se, & rationem init, num habeat, ex quo, opus possit perficere? Et quæ sequuntur.

II At non desunt, qui, dum velum suæ velint timiditati obducere, rationes, & exempla fidelium hominum, in adversum adducunt. Carnis nostræ infirmitas ea est, ut vereri rectè possimus, ne tormentis superati, in medio tentationum succumbamus. Præstat igitur abesse, quàm religioni infamiam, & Divino nomini blasphemiam advocare. At videte interea; ne, qui alios docuistis, præ Christo, amicos, parentes, conjuges, possessiones, mundum, imò ipsum sanguinem despicere, & vilificare; hujus lucis usuram, & præsentis seculi delectationes, agnitioni Salvatoris præferatis. Linquenda pro Christo esse omnia, probè nostis. Quavis igitur impotens, & imbellis videatur caro, si precibus, & invocatione Dominus sollicitetur, ut ijs benedicat, qui ex officio, ut adsint astringuntur; patientiam, & robur subministrabit, quo, quæ gravia sunt, levia videbuntur; & in medijs flammis, cum submittet rorem, quo refocillari possint, in angustijs, & torturâ, quæ degunt corpora. Aut si tantam nolit adhuc donare constantiam, occasiones dabit consolationis alias, persecutorum corda molliendo, aut tempus differendo, donec ex ipsis faucibus eripiantur. Sponsponditⁱ Deus se ultra vires non tentaturum; neque injecturum unquam onus, cui ferendo, pares futuri non simus. Novit ille probè vires nostras, & quid sustinere valeamus, quid ecotrâ. Pro singulari ergo suâ & clementiâ, & prudentiâ, amicè, placidequæ nobiscû aget; ut Patrem ipsum in intimis angustijs agnoscamus. Si secundò addatur, fugientê hodiè, postea rediturû esse: Et cum magis opus fuerit, tunc rursû aderit: At caveat, ne domino

1. Cor. 10. 13.

tempus constituat, in quo veritatem defendat suam. Nunc vocat Dominus, & parendum est; Non est faciendum malum, ut sequatur inde bonum. Nunc fremit, rugitque leo; nunc igitur oportet, ut adsit custos. Nunc oppugnat inimicus; bellator igitur seipsum opponat, tanquam murum pro domo Domini. Si deficiat, etiam hodie; quantum inter oves, vel hodie contingere potest excidium?

12 Verum nobis & id licet, quod licuit aliis. Sancti homines in Scripturis (imò Salvator ipse) nonnunquam in fugam se proripuerunt, neque tamē, ut desertores gregis sui, taxantur. Moses^k a Pharaone se subducit; Elias^l a Jezabele; ^m Vriah propheta, a Rege Jehojakinⁿ quæsitus, in Ægyptum se confert. Et prophetae isti fuerant; speculatores Israël. Annonⁿ Christus in Ægyptum, cum Josepho, & Mariâ, infantulus descendit, ut ab Herodis vesaniâ incolumis degeret? Annon postea, cum^o procella immineret maxima, ut lapidibus propediem obruendus esset, se mediæ subtraxerat turbæ, conspectumque furiosæ multitudinis vitaverat? Et cujus potius vestigiis insistendum est, quam Christi, Ducis, Dominiq[ue] nostri? Imò mandato^p speciali Apostolis injunxit, ut, cum illos in una civitate homines persequerentur, in aliam fugerent. Cujus præcepti, vel tolerationis beneficio, ij postea fruebantur sæpissimè. Sed num clarius, aut diertius quidquam haberi potest, quam, quod Paulus fecerat; qui eo ipso, de quo agitur, loco, ^q in sportâ per funem est dimissus, sicque fugiendo vitam est tutatus? Athanasius^r etiam Alexandrinus Episcopus,

^k Reg. 2. 15.

^l 1. Reg. 19. 3.

^m Jer. 26. 21.

ⁿ Math. 2. 14.

^o Joh. 8. 59.

^p Math. 10. 23.

^q Act. 9. 23.

^r Socrat. Hist.

Ecclel. 2. 13.

copus, cum Constantius Imperator ipsum quæritaret, ut aut vinculis, aut morte plecteretur, huc & illuc discurrendo, fugiendo, latitando, se amentie, & tyrannidi insecutorum subtraxit. Et cum ipsi, ex hostibus quidam, sed præcipuè Arrianis, contumeliæ verterent, quod Divinam voluntatem operiendo non expectaret; ¹ Apologiam, seu defensionem, pro fugâ suâ conscripsit, quâ copiose demonstrat, se eadem fuisse usum libertate, quam concedunt Scripturæ, & Sanctorum facta confirmant. Ità grandi testium coronâ videntur circumdari, Prophetarum, Apostolorum, Episcopi Athanasij, Redemptoris Christi, qui Ministro, & Pastori, capeffendam fugam existimarunt.

¹ Athanasij
Apologiâ. Soc.
erat. Histor.
Eccl. 3. 6.

13 Atistarum actionum circumstantias si velimus accuratè, ut decet, perpendere; nihil obstat, quin, ut suprâ, fugiendum non esse determinemus. Primum igitur, de Mosis discessu non est quod vereamur, dum Prophetico adhuc spiritu indutus non esset, cum à Pharaone primum discederet. Statuerat reverà Dominus, per ejus manum, postea miranda efficere; quibus cum usquedum par non esset, speciali instinctu edoctus est, (uti probabiliter conjiciatur) se submovere. Quod apertè in Eliâ contigit: deserto namquæ ¹ Angeli edicto, iter quadraginta dierum capeffere jussus est. Supererant alia, per ipsum facienda, quibus voluit Eliam reservatum Dominus. Et Decretum erat Altissimi, morte ipsi non esse moriendum, sed igneo curru ad coelos transvehendum. Ità Christo, tunc infante, peragenda multa fuerant, docendo, sanando, miracula ostendendo, priusquàm tempus

¹ 1. Reg. 19. 5.

*Exod. 5. 1.

*1. Reg. 18. 17.

adventaret, quo, in altari crucis immolandus esset. Nondum venerat hora. Et ex vi Divinitatis, cujus oculis patent omnia, præterita, futura, hoc habuit cognitissimum. Isti autem omnes, cum standi, & permanendi, ingrueret occasio, validissime sua capita periculis objectarunt. Ad *Pharaonem quoties intrepidè accessit Moses, coram, a. nimi sententiam declaraturus? Annon *Elias, de facie cognitus, præsentq;, Ahabo idololatriam, & impietatem exprobravit? Sic & Christus Phariseos, & Scribas, palam increpavit in templo edocuit, Hierosolimis obverlatus est; idq; omni ferè die; & tandè se capiendū, accusandū, flagellandum, crucifigendū ad tribunal stitit, acerrimū mortis judiciū subiturus. Cum igitur nostra tempora nihil habent horū simile, suffugium ex istis capiendum non est, sed cōstanter permanendum. Istos etenim non oppressit mortis metus, aut vultus inimicorum absterruit, quibus ultrò sæpè ierunt obviam; sed & aliis majoribus experimentis, & exercitijs sunt reservati, idq;, ex certâ per Deum præscientiâ, revelatum fuerat; quorum nihil nobis est commune. Nos eteni n, si languentes, & trepidâtes, vertamus terga, præ lethi timore, hoc facimus; & qui nobis persuasum fuerit, majora posthâc nos manere? Non possumus celebrius Deo servitium præstare, quàm in persecutionū procellis, immobiles, & immutabiles nos ostendere. Et qui senel nos in pedes coniecimus, & sæpius, & semper fortassis, cōjiciemus. Et si cōtingat, ut supersint altiora, & magis ardua nobis toleranda, quo modo id cōstabit? nū ex aliquo Oraculo, aut eloquio Divino? Nihil minus. Carnalis igitur ista est imaginatio, nō Divini spi-

ritus suggestio, & consilium: Infirmitas humana, nō prudentia Christiana.

14 Quod fugerint Apostoli, idq; precipiente Salvatore; licet specie cum illis videatur cōsentire, re ipsa, nō est affine. Nā Apostoli tūc tēporis, nulli certæ congregationi præficiebātur; quin in Judæā, ubicūque Evangeliiū prædicarēt, ipsis succrevit seges. Non in unā magis urbe, quā in aliā expectādus erat verbi Dei proventus. Itā Christus, neq; Hierosolimis, neq; Nazareth, neq; Canā, neq; Capernaū se astrinxit, sed in Judæā quandoq; in Galilæā aliās, interdum in Decapoli, vicatim, & oppidatim euns, semen regni disseminavit. Similis erat Apostolorum post Christi ascensionem provincia, qui generaliter in Gentibus præconizandum didicerunt, uti Paulo omnium Ecclesiarū cura incubuit. Scopus igitur, & finis vocationis eorū, non erat irritus, aut inanis; cū a loco isto ad illum discederēt; dum ubicūque fideles in unum congregare elaborarent. Imò credendum est, de industriā nonnunquam, Dominum turbas, & tempestates excitasse, ut ab unā regione digredientes Discipuli, in aliā pietatē edocerent. Sed post sermonē Dei propagatum, Politia Ecclesiastica est aliter instituta. In qualibet congregatione, Presbyteri per Titū ordinandi erāt: & certis cætib; sui certi Pastores, sicut in Actis Apostolicis designabantur; id, quod hodie usu venit. Nunc ubi standum est, & qui nobis pascendi, & instituendi demandantur, cognoscitur. Hoc tūc est ditionis, id illius; & quilibet in suā statione, & vigiliā sit assiduus. Hinc Dioeceses, & Paroeciæ, suis certis limitibus, & finibus distinguuntur; & in Rebus publicis

1. Cor. 11. 22.

Tit. 1. 5.

Act. 14. 23.

Christianis, quò cuiq; proficiscendū sit, in rebus sacris, intelligitur. Et in istis, Episcopus in suā provinciā, Minister in suo populo, officio per Christū cōmendato fungatur. Ex ejus ore, ipsorum, post Deum, pendent animæ: cibum ergò impertiat. Quis istorum sublevabit onera, si in maximo discrimine, patronus, & pater deserat? Paterfamilias summus Deus, illi suos liberos commisit educandos: ab ipso rursum exiger. Cū igitur lupus, aut tyrānus advenit, huic, nullo fugiendum est modo. Qui liber est, arbitrio utatur suo. Qui nō certis personis alligatur, discedat si vult: stationē non linquit. Et hoc ipsum, existimo in causa fuisse, cur flāmā, ferroq; apud Nostrates sævientibus, post beatissimæ memoriæ Edoardi Sexti felicia tempora, ex Episcopis, & Ministris nonnulli, ultima sint experti: erant scilicet certi gregis, pastores certi: Alij autem, præsertim ex Academicis, istā, & Cantabrigiensi, in partes transmarinas diverterint. Non præposuisset eos Deus, alicui populo, coram quo ingrediendum, aut egrediendum esset; sed tanquā filij Prophetarum, in scholis Prophetarum, liberè sunt enutriti, ut, cū evocaret Deus, in promptu essent. Cū Socij igitur Collegiorum fuissent, neque curā Pastoralis implicati, ingessit ipsis in mentem Dominus, ut aufugiendo, se, pro Seminario Ecclesiæ Anglicanæ, in serēniora usque tempora reservarent. Sed nihil hoc ad reliquos, qui astringuntur; ut nec aliud etiam Apostolorum, & Christi; qui speciali alicui non præerant loco, ut nec Paulus, itidem, cū e Damasco in sportā dimissus discederet.

Verum aliud etiam est, quod in Pauli personā

nã exceptionem patitur. Persecutio, quæ Damasci
 orta est, non adhuc adversus omnes Christi-fideles,
 aut Pastores omnes est instituta; sed soli invideba-
 tur Paulo. In eum, ejusq; unicum caput, ea erat cu-
 denda faba, quippe qui ita vehementer Christum
 annunciasset. Fremebant igitur in ipsum crudeles
 homines; ipsiusq; vitæ insidias structas cupiebant.
 Tuti satis, & incolumes vivebant ceteri; & ipse Ana-
 nias Damasci substitit; qui, cum tantâ præditus esset
 gratiâ, ut Saulum cõsolari, & sanare valeret, procul-
 dubio, & reliquis Christum profitentibus opportu-
 nè verbum subministrare poterat. Sed & alij etiam
 ex Discipulis adesse poterât, ita, ut per Pauli disces-
 sum, necessarium Ecclesiæ ministerium destituen-
 dum non esset. Non cum tantâ fortassis copiâ, aut e-
 loquentiâ, aut potentiâ, ut prius, docerentur; ve-
 rùm docerentur tamen. Specialis ergo ista cum
 esset persecutio, & Personalis alicujus poterat esse
 fuga. Hoc ipsum, de Uriah in Ægyptum rece-
 dente, ut furorem Regis Jehojakin evitaret, asse-
 verandum est. Tunc etenim, Hierosolimis man-
 sit Jeremias Propheta, qui pro temporis necessita-
 te, Divinam voluntatem, Regi, populoque notam
 faceret. Neque alia erat Athanasij causa; cui tan-
 ta ab Arrianis apud Constantium invidia confla-
 ta est, ut ejus vitæ insidiæ struendæ essent. Quem-
 admodum, cum reliqui Sacerdotum Constan-
 tinopoli manerent, Johannes ^b Chrysostomus
 solus, unicuique in exilium pulsus est; & in
 ipsum omnis est derivata rabies; ita solus A-
 thanasius Imperatori stomachum moverat, cum
 reliqui è Clero Alexandriae permanerent. Id
 quod

Sozom.
 Hist. Eccles.
 8.27.

* Athanasius
in Apologiâ.
Socrat. Hist.
Lib. 3. 6.

quod ex eo constat, quod, cum semel inter concionandum militibus templum cingeretur, qui Episcopum comprehenderent; accesserunt Diaconi, qui nolentem, & invitum recedere coegerunt; cum ipsi potius in animo fuisset, in templo expectare. Adfuerunt etiam ex Clero alij, qui ita exeuntem circumdederunt, ut Deo quasi oculos inimicorum obcæcante, à militibus, inter alios non dignosceretur. Cum igitur per secessionem suam, Sacramentorum, sermonisque usum, & pietatis servitiū, cum personā suā non auferret; sic fugere licuerat Athanasio, quod & Pastoribus nostro etiam licet tempore, si non generalis, sed specialis sit persecutio, & super sint qui instituant.

† Augustin. E-
pistolâ 180. ad
Honoratum.

16 Et hoc piissimum est, & solidissimum Augustini iudiciū de Athanasij discessu; & de alijs etiam, Epistolâ ad Honoratum, quam, si quam aliam, qui plura in istis velit cognoscere, consulat. Ibi † etenim ex proposito, doctissimus Pater, quæstionē præsentem pertractat, & necessarium Ecclesiæ ministerium nullo modo derelinquendum asserit, sub animæ periculo. *Absit, inquit, ut tantipendenda sit hæc navis nostra, id est, ut Ecclesia tam vili sit facienda, ut debeant eam nautæ, & maxime gubernator, periclitantem deferere; etiamsi in scapham transiliendo, vel etiam natando posset effugere.* Miseriam cōgregationis sic derelictæ, & viduatę proponit etiam; et nomine Mercenarij, illiusque vindictæ, quæ ad Mercenarium spectat, Pastorem fugituum absterret. In Personalitamen persecutione, cuiusmodi illam Athanasij appellat, licere tergum vertere affirmat; cum ad sint, qui suppleāt, alij. Quod si Generalis fuerit

fuerit rabies, aut adversus pios omnes, aut Ministros omnes; prudentiâ, & fidelitate, utendum est. Si pereat populus, simul etiam sese Sacerdos offerat, ut ducem ad cœlum; sin omnis fugiat populus, ut non supersit, cui doctrinâ opus est; et Minister tûm discedat. Sed si pax fuerit apud Laicos, caveat Sacerdos, quo modo abscedat, cûm et ipsi sine duce sint linquendi; et apud aliquem ipsorum, non deerunt latebræ, ubi pro Dei promissione delitescat. Quod si, sæviente in Pastores solos tyranno, plures, et numerosi in eodem grege, Ministri reperiantur; si convenerint inter se, manendum aliquibus, ut populo præfulgeant; discedendum reliquis, ut pro Seminario Ecclesiæ seponantur, censet. Ubi tamen, ne aut quisquam invitus subsistere cogatur, aut alius nimium de suis viribus præsumptuosus permanere eligat; sortitione, vel sorte jaciendâ, rem decernendam arbitratur. Nihil doctius Augustinus; nihil sanctius; nihil prudentius: cui suffragatur Ecclesia, ab eo tempore, Orthodoxa, quantum ego novi; sed et nos calculum addimus; in hac summâ, quæ dicta sunt, complectentes omnia; viro Laico in persecutione licere fugere, ita fœminæ, aut juveni; quia pro alienis animabus rationem reddituri non sunt; sed expectandum esse Ministro, si pastorem curam habeat; & adversus personam suam, cûm sint plures Pastores, non sit instituta persecutio: sic autem, eum reliquis, communem curam posse ad tempus transmittere. Et de isto hactenus.

17 Promiseram initio, me propter similitudinē Argumēti, de pestifera sæviente repestite, adjecturū aliquid; cuius rei materia, licet non ita directè, ex

Paulino exemplo peti possit; ex sermone tamen
 *Iohan. 10. 12. Christi, apud e^o Johannem, multò rectius; ubi sub
*lupino*mine, periculosum, divastansque omne in-
 telligatur. Hic, uti dicam breviter; quemadmo-
 dum fuerunt, qui nulli Christiano ineundam fu-
 gam in Persecutione disputarunt; in quibus, ut su-
 prà liquet; fuerat Tertullianus: ità magna homi-
 num pars, & in primariâ Regni nostri urbe, non
 pauci, præsertim autem, qui inferioris sortis sunt,
 à pestilentiâ ingruente, non esse secedendum, affir-
 mabunt pertinaciter. Expertus loquor. Et assign-
 nant rationem, sibi fortassis speciosam, quòd mor-
 bus iste & contagio, Divina sit visitatio, cui se sub-
 ducere, nulli licet hominum. Et quòd cuilibet
 suum vivendi tempus assignetur; quod, ut nul-
 lo modo produci, aut protelari, sic nec contra-
 hi, præverti aut anticipari potest. At quàm ista
 sunt futilia, prudenter inspicienti? Nam si quidli-
 bet mihi liceat pro arbitrio aggredi, quia certa mi-
 hi tempora moriendi sint præfixa, & periodus sit
 vitæ; nec priusquam expirandi advenerit hora, ul-
 lo pacto moriar; quid ni, & in mare me projiciam,
 aut à rupe mittā præcipitem, aut, ut *Satanas Chri-
 sto suggererat, me de templi pinnaculo deturbem?
 Ostendit Salvator, hoc esse, tentare Dominum,
 quod præcisè & interdicitur. Summus Deus, uti fi-
 nes nobis ordinavit, sic ordinavit media; & ea om-
 ni modo sunt nobis perquirenda. Conservandæ
 vitæ medium, est edere, & dormire, & à malis me
 revocare, & periculis ingruentibus: & oportet i-
 sta facere. Quod autem ad Divinam visitationem
 attinet; esto sanè virga Dei; & si eâ te percusserit,
 patienter

*Math. 4. 6.

*Versu. 7.

PERSECUTIONE. CAP. V. 193

patienter est ferenda. Sed cum non est opus, ne temerè te ipsum ingeras; ne tibi violentas videare ingessisse manus, sicquè homicidij reus esse.^h Pestilentiam, & morbos, in flagellorum suorum numero, & acerbissimorum, recenset Deus: Sed et gladium etiam, & famem, & noxiarum bestiarum dentes, & alia ut ejusdem planè generis. Cur igitur non in illis, Divinam castigationem amplecteris, æquè ac in peste? Cumⁱ Saul jaculo suo Davidem confossum, parieti affigere cogitasset, cur aufugit David? Cum fames magna Jacob, & Patriarchas premeret, quare frumenti causâ, misit in Ægyptum Jacob, & non potiùs inediâ periit, quia Divina esset castigatio? Magis piè & sapienter, tùm Jacob, tùm David.

18 Fugiendæ sunt cuilibet, sui perdendi occasiones. ^k Speciale est præceptum, de vitandâ cæde; ^l Exod. 20. 13. si alienâ, certè nostrâ: siquidem charitas incipit à seipsa: & diligendi sunt alij, non aliter, quàm ¹ ut ¹ Math. 22. 39. nos ipsi. Si nobis igitur non liceat, mortem ullo modo consciscere, nec & viam ingredi, quæ ducit ad mortem; nec media aggredi, quæ juxta sunt. Et ut in aliis istud, sic in peste; quæ, ^m occisor sanè est, & millia multa quàm citò dissipat. Iterùm; proposuit Deus etiam plagas suas omnes, & terribiles, & metuendas; & animis igitur, & corporibus avertendas. In istis est Pestilentia. Præterea, cum incolumitatis sui populi rationem haberet Deus, de leprâ copiosè in lege disseruit; qui dignoscenda esset; quomodo discernenda; ad quem ejus cura spectaret. Sed & leprosos, habitu distinctos esse voluit, & exclamare, ⁿ Ego immundus sum, ^o Levit. 13. 45.

• Versu. 46.
Numer. 5. 2.

sum, ego immundus sum? Ità, extra castra, aut urbem degere se iunctim, & separatim praecepit, ne cõtaminatã fœditate suã alios inficerent. Si morbo leviori, qui infestat profectò, sed non occidit ut Pests, noluerit Deus suum populũ inquinari, quantò magis à contagione plurimum formidabili, citò discedendum esse voluit? Turcæ igitur, id quod faciunt, in loca pestilentia, & contagiosa, sine discrimine irruant; Christiani autem, se contineant. Neque importuni homines exclamando querelas faciant de fratribus suis; qui necessarijs temporibus, se, & liberos, & familiam suam subducunt. Quibus Deus ejus rei opportunitatem concessit, ij bono cum animo utantur. Sed absentes, languentibus suis fratribus, jam miseris, ne desint; verum consilio, auxilio, quibus poterint modis, juvent, dirigant, consolentur. Ea Christianorum est sympathia, & compassio.

19 Sed de Ministro Evangelij, & Pastore gregis aliud sentio. Et quæ supra habentur rationes, de animabus hominum suæ curæ demandatis, unde in Persecutione non discedat, hîc etiam locum habent. Si fervente Pestilentia in fugam se converterit, quis necessaria Ecclesiæ officia præstabit? quis sermonem sanioribus? quis ægrotantibus consolationem impertiet? Infinita profectò sunt, quæ ipsum in usum quotidianum advocant; neque rectè possunt transigi, si Dux desit spiritualis, qui consiliũ adhibeat. Credo igitur Sacerdoti, hoc est, Pastori gregis, ne Mercenarius fiat, discedendum non esse ex peculiari suã vocatione, quæ libertatem, alijs impertitam & indultam, tollit. Quia tamen, in privata,

privatâ, secretâque morte, non eousquë eminet Divina gloria, ac in aperto martyrio, bonæ causâ conscientiaë; & quoniam universæ congregationi multa sunt præstanda munia, æquë atque ægrotantibus; non existimo, ei necessitatem incumbere, ut thalamos, & cubicula ægrotantium ingrediatur; quod sine manifesto vitæ discrimine, fieri non potest. Media ergò aliqua sumenda est via, ut nec fugiat, nec contagioni, se confidenter nimis immisceat. Ubi aderit occasio, scribendo, nunciando, acclamando, à longè stando, & adhortando adsit; quibus, & aliorum consulat bono, & nimis etiam, in se non accersat mala. Quòd si insignis aliqua causa, ad Divinam gloriam apertissimè faciens, aut Ecclesiæ utilitatem conspicuam, vehementer urgeat, ut alicui adsit; modò post orationē seriam, & affectuosam, suæ conscientiaë instinctus, id prudenter, & sobriè, & summo cum judicio submonuerit, (multum etenim tribuo, sobrio viri prudentis instinctui; & prudentissimus debebat esse, Minister Evangelij) potestatem ingrediendi, non audeo tollere. Sed ut Medici in talibus tempestatibus, se suffumigijs, & odoribus, & medicamentis, corroborant, ità corporis quam potest curam agat. Sed præsertim, orando humiliter, & præsumptuosam arrogantia apud summum Numen diffiteatur, & animâ in eventum omnem, Deo commendet. De populo, per Pastorem, in templa convocando; cum ita grassabitur pestis, ut merito verendum sit, ne in arctum coeuntes, languorem inter se, & infectionem magis adaugeant; nihil præscribo; sed circumstantias, aut conveniendi, aut in domibus privatis permanendi

196 DE FUGA IN PERSEC. CAP. V.

Magistratus, Ministri, piorumq; , in congregatione
 iudicio vigilantibus, & circumspecto relinquo; quibus
 curę esse debet, ut sanctę, amicę, prudenter, & cum
 minimo, quantum fieri potest, incommodo, transi-
 gantur omnia. Neque hęc quisquam, aut ultra sobri-
 etatem sapiens, aut pręter modestiam pertinax esse
 debet; sed in commune humiliter consulere. Sic ha-
 betis de Fugā, tūm in Persecutione, tūm in Peste, a-
 nimi mei iudicium. Averte æternę Deus hęc mala
 à nobis, & à nostrā Ecclesiā; & concede propitius,
 ut per omnia secula, ad adventum usque tui filij, no-
 stra Anglia pacatę Evangelium amplectatur, ad filij
 tui gloriam; cui tecum, & cum Spiritu Sancto, sit
 honor, & immortalitas in æternum. Amen.



AN



AN DEVS SIT AVTHOR
PECCATI? CAP. 6.

Apocalyps. 17. 17. Deus enim dedit in corda eorum, ut exequantur, quod ipsi visum est, & ut consentiant, dentq; regnum suum Bestiæ, donec compleantur verba Dei.

3. Pontificiorum calumnia contra Protestantes. 4. Ab homine, non à Deo peccatum ortum est: 5. Permissione Divinâ contingit. 6. Et gratiam subducendo. 7. In actione operatur Deus, non in obliquitate. 10. Et offert ea, quæ mali in peccatum convertunt. 12. Explicatio testimoniorum Scripturæ, quæ ex adverso stare videntur.

DE Antichristo, & Bestiâ, quorum gestus, sedes, potentia, totius ferè mundi dementatio, si alicubi, præsentis isto capite ad vivum delineatur, non est instituti nostri hodiè dicere. Ejus etenim Controversiæ perplexi nodi, Johannisque Apocalyplici non rara Ænigmata, non unam, quæ nobis jam superest, horam, sed dies, mensesque multos desiderant, ut pro mysterij dignitate explicentur. Et si ea certè provincia suscipienda esset, recenti, ala-

crique aggredienda esset militi; non fesso, ut nos sumus, & languenti. Sed Ducem illud requirit exercitissimum, in omni militiæ genere versatum; non hominem gregarium, cui benè est, si qualem, qualem operam, in prælijs Domini præstare possit. Quòd istud igitur tetigerim, (ut veritatem liberè agnoscam,) invitus quasi, et renitens facio, Argumento jam tandem alio destitutus, quod Sexto representari possit loco. Quæ etenim præcesserunt Quæstiones quinque, aut ab animo obtrusæ meo, aut ab alijs, quibus pauca negare possum, oblatæ accesserunt: sed cum ad Sextum tandem lapidè perveniendum esset; & nostrum præ sterilitate suâ defecit ingenium, & hortatus defuit, compellatioque aliorum, quibus poteram, jam indigus sublevari. Tandem tamen, revocato quasi spiritu me accinxi, non inutilem in præsentî (quod sperabam) negotio, operam positurus, si, quo modo Deus hominibus malignis in animû suggerat, ut eas peragant actiones, quæ malitiam in se continent, exposuero. Cui quidem ansam præbet, quod narrat Johânes, de Regibus, jugo Bestiæ sua colla subdentibus.

2 Cùm etenim de Principibus, et mundi Monarchis, Divinus spiritus differuisset, quos suis philtis, et medicamentis suarum fornicationum amatorijs, inebriatos reddidit Babylonia Meretrix; Divinam esse voluntatem contestatur, ut hæc fiant; Dominumque omnium, ipsis in cor indidisse, ut Dominiâ, Regnaque sua Meretrici submittât. Cùm verò ² Antichristus sit Adversarius, & homo perditionis, sese Divinis eloquijs opponens, et contramittens; & quantum in ipso est, e sede, thronoque suo, Salvato-

rem

rem mundi deturbans: cum religio, cultusque, quem sui sequacibus proponit, non nisi multis superstitionibus involutus, plurimisque foeditatibus conspurcatus esse poterit: cum ejus milites & clientes, devoti, juratique Christi hostes censendi sint: cum, qui penes inimicum hunc, auctoritatem, potestatemque suam statuunt, tenebrarum, & caliginis perpetuae regnum promoveant, et adaugeant: quique istis faciendis, animum, aut operam immittat, quae mala sunt, et pessima, peccatoque contaminata, suggerere, juvare, efficere videatur; quid de Deo judicabimus, aut de ejus actionibus sentiemus? num mali, aut peccati authorem esse cogitabimus, quod non nisi blasphemum est, et à Majestate tam sacrosanctâ alienum; aut leviori interpretatione, dogma molliemus, et circumstantiis distinguendis, aut Scripturae testimoniis reconciliandis, Deo suam innocentiam, & integritatem, hominibus verò pollutionem propriam, et multiplicem transgressionem asseremus? ^b Deus verax quidem sit, & omnis homo mendax.

Roman. 3. 4.

3 Edmundus Campianus, qui Romanae synagogae in Angliâ tum labentis ruinas suffulcire se posse jactitaverat, cum in Ecclesiae contumeliam, & Protestantium omnium, ut ^c Goliath quondam in exercitû Hebraeorû, convicia quotquot poterat, voluisset congerere; Paradoxa, seu *adversaria* recenset, à nobis defensitata, in quibus illud primo occurrit loco:

1 Sam. 17. 8.

^d Deus est author, & causa peccati, volens, suggerens, efficiens, iubens, operans, & in hoc, impiorum scelerata consilia gubernans. Proprium Dei opus fuit, ut vocatio Pauli, sic adulterium Davidis,

^d Campian. in 10. Rationibus cap. 8.

•Petr. Martyr.
in Epistolis
Theologicis.
Whitakerus
contra Cam-
pianum.

Genes. 1. 31.

Indaque proditoris impietas. Et ista implicare, & irretire sententiâ, Lutheranos, Zuinglianos, Calvinistas omnes, ut per contemptum ipsi nos appellant, parum curat. Sed & alij Pontificis asseclæ, multo maximæ Reformatorum catervæ, ista solent objicere; præcipuè verò jis, qui modum, & ordinem Divinæ operationis, in reprobis, hominibusquæ impiis, penitiùs, & exactiùs discussissent. Cujus querelæ amovendæ gratiâ, nonnulli Apologias conscripserunt, suamquæ, & Ecclesiarum mentem explicatiùs tradiderunt. Quoniam tamen perversa ipsorum malignitas non desistit obgannire; & quò plenius informetur, qui me hodiè audiunt, neque magnam in Quæstione istâ operam posuerunt; Operæ-precium existimo, Ecclesiarum Reformatarum in præsentî causa doctrinam explicare & stabilire. Id igitur inconcussum, & firmissimum fundamentum apud nos permanet, Divinam Majestatem, peccati, & vitij authorem non esse. Qui etenim bonus unicus est fons, cujus omnia ^{et} opera fuerant condita absolute bona; qui in Angelis immorigeris, in orbe antiquo per diluvium pereunte, in Sodomis sulphureo igne dissipatis, iniquitatem, & injustitiam tam severè vindicavit; qui in resurrectione justorum, perpetuis cum tormentis, & gehennalibus, de transgressionibus impoenitentium, supplicium est sumpturus; suam gloriam immaculatam, eoque contaminari non vult, ut malitiæ, & *adversarij* effector, opifexq; existat. Hoc etenim illud esset, quòd labe ineluibili tam insignem innocentiam conspurcaret, & talibus innodaret laqueis, quolibet est impossibile,

possibile, ut supremum illud Numen distringeretur. Quoniam tamen nihil sit, quin Dei digitus quodam modo videatur in ipso se ostendere, ponemus Aphorismos quosdam, & conditiones; quibus Dei operatio ostendatur; & quæ putentur in adverso stare, Scripturæ testimonia secundum fidei Analogiam explicentur.

4 Primò igitur; in initio, cùm à Divino præcepto facta esset per Adamum exorbitatio, non à pio conditore profecta est hæc transgressio, sed ab homine, & Diabolo. Fecit Deus impollutum hominem, & incontaminatum, arbitrio reverà fruentem libero, per quod stare potuisset, modò voluisset; & cuius etiam vi, penes ipsum esset, in perditionis foveam se immittere. Accessit Satan, (qui eadem liberà voluntate cecidisset priùs) & ex suo in Deum, ejusque creaturam odio, suggestit, quod non oportuit. Ità loquitur apud Judæos Christus: *& Pater vester Diabolus, occi-* Iohan. 8.44.
for fuit ab initio, & in veritate non permansit, quia non est in ipso veritas. Cùm mendacium loquitur, ex suo loquitur, mendax etenim ipse est, & eiusdem pater. Advertite, quod ex proprio loquatur Satan, non sic factus à Deo. Descivit à primo gradu, in quo fuerat constitutus, Adamus etiam, per defectionem: Non aliter, quàm vinum, quod per aëris circumambientis vitium, aut dolij, in quod funditur, corruptelam, austerum nimis, aut insipidum saporem contrahit, quo in naturam acetosam transmutatur. Qui carpendo uvas, vindemiavit, & qui calcavit torcular, culpandus non est quòd austeritatem, postea contrahendo,

è vino in acetum permutatur: generosum enim il-
 le, salubreque reliquerat. Sed aliunde, & extrin-
 secus accessit defectio. Qui patre pio, bonoque na-
 tus est, neque vel vestigia audaciæ, & impudentiæ
 in paternâ vitâ conspexit, sociorum foedis tamen
 moribus contaminatus, in nequitiam prorumpit.
 Non est istud vitio vertendum Patri, quod labe fi-
 lium infecerit, præsertim cum per ætatem, sui
 jam juris factus sit filius, nec ulterius à parentis nu-
 tu pendeat; sed facilitate suâ nimia, ab exemplo
 domestico honestatis, & virtutis, juvenis degene-
 ravit. Morbos quosdam Medici appellant Hære-
 ditarios; per semen genitoris, in prolem propaga-
 tos. Non injusta est querela natî; qui, se ex ipsis
 parentum lumbis, suum hausisse morbum pronun-
 ciabit, cum putridum, malignumque intra se humo-
 rem senserit. Sin parentes sani, robustique, sætum sui
 similem procreaverint, ut valens, vigenisque corpus
 habeat, succi, sanguinisque plenum; verum in rixas
 & pugnas, se ingerendo, vulneratus fuerit; sicque lan-
 guens ex vulnere decubuerit; stultitiæ juvenili ascri-
 bendum hoc est, non parentum infectioni. Sic se
 habet tum Satanæ, tum Adami corruptio. Ingene-
 rata non est, sed aliunde ascita. E vino, facti sunt ace-
 tum, è generosis, degeneres; è solidis, & sanis,
 vulnerati. Immunis est Creator, vitiosa creatu-
 ra. Egregie Basilus: *Non ingentus est mor-
 bus, neque item Dei opus, sed bene creata sunt ani-
 malia, convenienti eis preparatione, secundum
 naturam, & membris distincta in vitam prodie-
 runt. in morbos vero secundum naturam cecide-
 runt, à sanitate deficientes, vel ob malam di- tam,*
 scilicet

Basilus ser-
 mone, quod
 Deus non est
 author malo-
 rum.

seu aliam causam, quæ corporibus accidere solet: corpus itaque Deus fecit, morbum minimè fecit. Et animam similiter Deus fecit, non autem peccatum. Ita Origenes: ¹ Cum Statuarius imaginem effictam, auroque exornatam tradiderit, post verò rubigo, tuâ negligentia qui possides, eam per se quidem splendentem exedat, ac deformet, causa in Statuarium transferenda est? Sic, num Deo hominis vitium imputabimus? Nullo modo. Hoc ² ipsis Manicheis alioqui Hæreticis innotuit satis, qui, cum malum bono quoad tempus, adæquarent, & utrumque à principio aliquo exortum crederent, duo rerum initia statuerunt, Deum à quo omne bonum, & Dæmonem à quo omne malum profectum est. Malè sanè, quòd dæmonem, actionum fontem esse, actionum, inquam, non ut malarum, posuerunt, sed rectè, quòd supremo Numini, nullam pravi, curvique suspensionem, affigere voluerunt. Sic nec in primâ prævaricatione, nec in labe eâ, quæ per traducem descendit; perversi, & immutati humani animi, reus est iudicandus Creator omnium Deus.

¹ Origen. Di-
alogo. 3.

² Augustin.
contra Fau-
stum Manich.
Lib. 21. Et de
Hæresib. ad
Quod vult
Deum Epi-
phan. Hæres.
66.

5 Secundo dicimus; quòd peccata quælibet, in Principe vel in filiis tenebrarum, non nisi Divinâ toleratione, & permissione committuntur. Cui etenim Omniscientiam, & Omnipræsentiam, & Omnipotentiam tribuimus, is nescire, & ignorare actiones mortalium, non est credendus. Qui in ¹ ob-
bam lachrymas reponit; qui ¹ passerculos ob-
servat in terram descendentes; qui capillorum
numerum inire cognoscitur, creaturarum facta om-
nia probè novit. Nihil igitur, ipso insciente contingit

¹ Psal. 56. 8.

¹ Luc. 12. 6. 7.

nedum repugnante, & avertere laborante. Dissolvit ille ausus, & conatus potentissimorum, pro suo beneplacito. Ipsum Satanam ad obsequium, ut in catenâ habet; quantò magis ministros, clientesq; suos? Non sevitia majore, aut ferociori rabie grassantur, quam ipsi omnium moderatori visum fuerit. ^m Judæos Haman volebat radicitus extirpare; ⁿ Paulum tres & quadraginta conjurati occidere cupierunt; sed obstitit Deus. Neq; alia impiorum flagitia perpetrari valebunt, nisi Deo permittente. Sic, errata, & delicta renatorum, & electorum, eo patiente fiunt. Qui Davidem à cæde ^o Nabalis juratâ cohibuit; poterat etiam à cæde Urię eundem revocare, et à crimine adulterij. Qui ^p magistri sui negationem prædixit Petro, poterat etiam prohibere, et omninò impedire, ne abnegaret. Sed homines in proposito suorum cordium perseverare tolerat; partim, ut reproborum justior fiat condemnatio; partim, ut electi humiliati ex consideratione suorum lapsuum, sese cautiùs in posterum gerant. Sed in primis Divina hinc eminet gloria; quæ in pœnis improborum, & excidio perditorum æquè emicat, atque in præmijs fidelium, & sanctorum honore; neque minimè etiam in eo est conspicua, quòd mortalium omnium omnes actiones, in bonum possit convertere, & ex malitiâ aliorum depravatâ, non modò sui nominis celebritatem, sartam-tectam conservare, sed & miris modis adaugere. Rectè Clemens Alexandrinus: ^q *Divine sapientie, & virtutis, & potentie est officium, non solum bona facere, (hæc est enim, ut semel dicam, Dei natura, ut ignis calefacere, & lucis illuminare) sed illud quoq; maximè, ut id, quod per*

^m Esther. 3. 6.

ⁿ Act. 23. 12.

^o 1. Sam. 25. 34.

^p Matth. 26.
34.

^q Clemens
Alexandr.
Stromat. lib. 1.

malos aliquos excogitatum est, ad bonum aliquem finem, & utilem deducat, & utiliter ijs, quæ videntur mala, utatur. Permittit ergo mala, qui non facit mala. Et, qui ex præceptis legis, peccata interdicit, à nequitia deterrens; tolerat tamen fieri. Ubi illud Augustini veritatem obtinet: Propterea

August. in
Enchiridio
ad Laurenti-
um, cap. 100.

magna opera Domini, exquisita in omnes voluntates eius, ut miro & ineffabili modo, non fiat præter eius voluntatem, quod etiam contra eius sit voluntatem, quia non fieret, si non sineret; nec utique nolens finit, sed volens.

6 Tertiò, immortalis Deus, pro æterni sui decreti ratione, quemadmodum aliquibus, apprehensionem cœlestium, fidemque subministrat, sic, alijs, quos in æternas præconstituit flammæ, subducit gratiam; quâ qui semel destituuntur, in omne nefas, sine modo, aut mensurâ proruunt. Apostolus sæpè, iis ad quos scribit: Priusquam cordibus vestris illuxisset Christus, fuistis Gentiles; sine Deo in hoc mundo; scœditate conspurcati; nequitia obducti. Et quotquot sint, quibus non præfulget Spiritus; in nihil non malorum feruntur præcipites. Non ad terram magis gravia, aut versus cœlum leviora, velocius feruntur, quàm sine Dei adminiculo, ad omnigenam scœditatem, humana caro. Paulus ad Romanos, Gentiles, Deum in mundi machinâ, legeque naturæ contemplantes, & tamen continentés, significat à Creatore, sibi suisque pollutionibus derelictos. ^u Tradidit eos Deus, cupiditatibus cordium ipsorum; atque iterum, ^x Tradidit eos Deus scœdis affectibus; & tertiò, ^y tradidit eos Deus in sensum reprobum; vel in mentem omnis iudicii expertem.

Ephes. 2. 2. 3.
Colos. 1. 21.

Roman. 1. 21.

Verf. 24.

Verf. 26.

Verf. 28.

Sed & recensentur fructus, qui in agris istis sic incultis sunt enati; impuritas, & foedatio suorum corporum, in libidine ardor, naturę inversa perversio, & alia infinita. Nihil aliud Paulus significatum voluit, quàm leprâ quasi tetra, & Contagione immedicabili eos teneri, quibus Deus timorem suum, & sacrosancti Spiritus influentiam salutarem sustulerit. Et quòd omnibus non auferat, suæ planè est misericordiæ; quę cum totum humanum genus, in Protoplasti crimine, nequitiae vinculis involutum ita, deprehendisset, ut justè possit singulos condemnare; præ suâ tamen benignitate, gratis, & gratuitò, se vocavit aliquot, quibus spem cœlestis regni concessit; ijsque sacri Spiritus opem, afflatumque impertijt; quo, in vitæ puritatem, & sanctitatem vergerent. Verùm, hoc ipsius planè clementię tribuendum est; ut & severitati, justitięque suę, quòd cæteris hunc favorem non impendat. Cum tamen vultus lumen, benedictionemque subtraxerit, in quantas vitiorum sentinas, & colluvies, suâ sponte reprobi isti prorumpunt? Originalis etenim maculæ radix, in amplam peccatorum segetem, nequit non pullulare; sicut in vepres, & urticas, necesse est terra excreseat, si coloni dextra non accesserit. Unde, non ineptè, perversorum foeditates, lapidibus, & saxis, in structuram fornicis, operisve arcuati congestis, comparantur, quorum pondus, columnâ subtrus stante sustentatur, & suffulcitur. Si advenerit Samson aliquis, qui vindictam super Philistæos sumpturus, columnam, uno quasi ictu, diruendo auferet, occasionem ille præstitit ruinæ domus: sed præ suâ gravitate, saxa concident,

ut

ut quæ præter naturam suam, altiore loco reposita fuerunt. Non secus sese habet Omnipotentis manus; quæ cum gratiæ suæ solidum firmamentum subripuerit, suâ spõte, mortalium mens in ruinam prolabetur. Attamen, ut gravitati lapidum acceptum ferendum est, quòd deorsum provolvantur; sic hominis injustitiæ, corruptæque cogitationi, adjudicandum est, quòd in peccata præcipitetur. Ità, reus tenetur homo; innocens Deus; qui subtrahendo Spiritum, sensu aliquo, peccatum non vetare dicatur, neque tamen peccare facere.

7 Quartò, in ipsis actionibus, quæ ex humanâ parte vitiosæ sunt, Divinus planè elucescit digitus; sed ità, ut actionis, operisq; motor sit, et impulsor deus; non autem obliquitatis, aut curvitatìs in agendo. Excitat enim Dominus Spiritus impiorum, ad nonnulla aggredienda, in quibus piorum probetur patientia; aut suorum filiorum errata castigentur; aut supplicium pro atrocitate scelerum, & transgressionum, sumendum est: quæ omnia, ex parte Creatoris sunt justissima, & vel à rugâ aliena; cum alio tamen affectu feratur homo impius; non pietatem, aut Divinum respiciens obsequium, sed satisfactionem sui animi. ² *Quòd mali peccant, ipso- rum est*, inquit Augustinus, *quòd verò peccando, hoc, vel illud agant, ex virtute Dei est, tenebras prout visum est dividens*. Cum igitur uterque, id est, deus, & homo, justus deus, & iniustus homo, unum, idemq; volunt, et efficiunt; finis ob què, & modus per quem uterq; operatur, diversam in utrisq; operationem, diversum opus faciunt. Voluit ^a deus Davidis concubinas vitari; quâvis non præceperit. Et voluit

² August. de
predestinati-
one Sancto-
rum.

^a 2. Sam. 16,
21.

^b 2. Reg. 9.7.

^e Ambrosi. in
Psal. 37.

^d Augustin.
Quæst. 79 su-
per Exodum.

Absalomus. At in Deo scopus erat præfixus, ut Davidis adulterium castigaret; sicque, ipsum ad ampliore, & arctiorem poenitentiam duceret. Absalomi autem meta erat alia; ut libidini nempe propriæ satisfaceret, paternoque animo vulnus infligeret. ^b Suscitavit Deus Jehu, ut Achabi progeniem funditus everteret; quod tūc transgressionem ejus familiæ vindicaret, tūc suum compleret eloquium, ab Eliâ Prophetâ pronunciatum. Vertiginosus autem spiritus ambitionis Jehu mentem occupaverat, vanæ causæ gloriæ, in tribunal ascendere cupientis. Nostro sæpè seculo contingit, ut sanguis sanguine puniatur. Qui occidit innocentes, ab alio, qui ut flagellum Dei immittitur, (etiamsi homo pravus sit) interficitur. Operatur isthæc Deus; operatur homo: justè Deus, quia justè puniens; pessimè occisor, quia avaritiæ gratiâ, aut invidiæ interficiens. *Fortè ^e aliquis dicat, inquit Ambrosius, quomodo in parricidio, vel in incestu, manus fuerit Dei, cum opus illud inimici sit. Cognoscamus igitur, quoniam & ubi Diabolus vulnerat, sagittæ Domini vulnerare dicantur. Domini est pæna, Diaboli malitia.*

8 Augustinus super Exodum, de homine, per Deum, in manus impij occisoris tradito, sic loquitur: ^d *Cum volens & ipse occidit, & Deus tradidit in manus ejus; hoc interest, quod illic tantum Deus fecit; hæc autem & Deus, & homo, propter voluntatem facientis; sed non facit Deus, ut homo. Deus enim non nisi iustè; homo autem pænâ dignus, non quia illū occidit, quem Deus nollet occidi; sed quia per iniquitatem: non enim ministerium Deo iubenti præbuit, sed suam malignæ cupiditati servavit.* Cum hic igitur

tur suo indulgens furori, actionem vitiaverit, operando longè diversus est à Deo. Modus ideò, & finis, facta nostra bona, à malis, legitima ab illegitimis discriminant. Romani Magistratus capitis damnatos securi feriebant, sæpissimè; & rectè, quia iustitiæ exequendæ gratiâ, & terrendi alios. At ^c Flaminus aliquando, in prandio sedens, damnatū captivum accersi fecerat, et coràm decollari. Pessimè sanè factum; quia non in beneficium Reip. hoc præceperat; sed ut Amasij desiderio, quod refert ^f Plutarchus, meretricis lasciviæ, quod ^g Hieronymus habet, morem gereret. Semper rationem, ordinemque facti attendamus; et purius fiet iudicium. Sed in unâ, et eâdem re, voluntatum diversitas diversa producit. Decumbit fortassis in lecto moribundus pater; quem è vivis sublatum, Deus, filiusque cupiunt. Sed omnipotens Deus, ut è valle miseriarum, ad æterna, cœlestiaque tabernacula amoveat: prodigus verò filius, ut extincto patre, hæreditate perfruatur. Quid æquius in Deo? quid iniquius in filio? Ità sanè operari, in ijs Dominus cognoscitur, quæ sunt mala; sed non quatenus sint mala; neque ut sint mala. Augustinus de gratiâ, & libero arbitrio, cùm de præsentì materiâ disseruisset; digitorumque Dei, in movendo, & impellendo, versari docuisset, concludit tandem: ^h *Satis quantum existimo, manifestatur; operari Deum in cordibus hominū, ad inclinandas eorum voluntates, quocumque voluerit, sive ad bona, pro suâ misericordiâ, sive ad mala, pro meritis eorum; iudicio utique suo, aliquando aperto, aliquando occulto, semper aut è iusto. Fixum enim esse debet, & immobile in corde vestro, quia non est*

^c Livius lib. 39.^f Plutarch. in Catone maiore, & in Flaminio.^g Hieron. in Matthæi cap. 14.^h August. de gratiâ & libero arbitrio.

iniquitas apud Deum. Miror sanè, quòd Campianus ore patulo, in Augustinum nō exclamārit; quòd Deum dixerit, in cordibus sic operari, ut inclinet corda ad mala. Nihil aliud vult doctissimus Pater, quàm quod nos volumus; inclinare Deū, homines, ad ea perficienda, quæ ex humanâ parte mala sunt.

¹A^g. 17. 28.

9 Et quid aliud veritati conjunctius esse potest, quando certum est, neminem hominum aliquid posse operari, cui non adsit, & insit deus? Ratum etenim illud est, & inconcussæ veritatis, de mortalibus omnibus, non de pijs solis, quòd ¹ *in Deo vivimus, movemur, & sumus*. In ipso movemur, & ubique, & perpetuò: ipse igitur nos movet; & in omnibus. Sin, impulsī, nostrā sponte transversim feramur, aut titubanter; id nostri vitij est. Actiones, & motus Dei sunt: claudicationes, & exorbitationes nostræ. Non dissimilem supplet locum, in mente Dominus, atque in corpore anima, quæ sensus, & roboris causa est, & è loco perfectionis. Si habilia, idoneaque membra, præstantior nostri pars repererit, en, ordine fiunt
²1. Reg. 13. 4. omnia. Sin arescat brachium, sicut ² Jeroboamo aliquando, ut fortiter, & robustè non possit manus rapere, aut commodè contrectare; aut genua sint debilia, infirmaque crura, ut corporis molem sufferre nequeant; sicque, hæsitanter, & titubanter eatur; in membra hæc invalida, non in animam culpa rejiciatur. Talis est Omnipotentis *irresistibilis* in nobis; quæ, si rectam animi dispositionem invenerit, pia facit esse opera, & talia, quæ laude digna sunt. Quòd si malâ mente, motum ejus, & impulsione capiamus, & in transversa obliquè, perperamque exiliamus, id nostræ

nostræ culpæ est. Non ineptè, ad faciliorem tanti scrupuli expeditionem, his similibus res omnis illustrari queat. In forum rerum venalium, suum famulū, dominus necessaria mercatū mittit. Sed seruli ea est improbitas, et petulantia, ut in viâ pugnis quenquam obuium cædat, aut in foro fortum faciat. Si de facto fiat quæstio, respondebit dominus, se in causa fuisse, quamobrem è privatâ familiâ puer discesserit, in plateam iërit, in forum venerit; quod autem inter eundem, injuriâ quenquam lacessierit, aut quid clâm subriperit, id alterius esse; puerilis scilicet proterviæ: per ipsum non stare, quin poenas luat. Rei igitur causa est, & author, sed non malæ rei, inter agendum perpetratæ. Theologi recentiores in istis exprimendis Similitudine alia mirè commodâ, uti consueverunt. Cum ad iter, peregrè quisquam profecturus, se accinxerit, equum conscendit. Qui voluit stare sonipes, et fræna, non ferox spumantia mandere, ex virgâ, aut calcare equitantis, ad motum, imò cursum incitatur. Quis negaverit, impulsorem esse solum equitem? Sed inter movendum, parum equus promoveret; quia pede claudicante impeditur. Deformis hic est motus, et inutilis cursus, qui sessorem fortassis, ut excandescat, provocat. Quis sessori, claudicationem istam crimini dabit? Ita planè Deus noster, ut in multa incitemur, causa est; neque certè moveremur, nisi ipse incitasset. Sed quum claudi in incessu, in operando vitiosi appareamus, hoc nostrum est, et non dei. Sua igitur potentia, et æterna præsentia, integra Domino permaneat, quâ impiis etiâ adest, sed nō ut sint impii. Nihil magis, ille labē, aut maculam contrahit,

hit, ex præposteris suarum creaturarum actionibus, quam ex putrido cadavere, aut fimeto, Solis radij vitium sordesque colligunt. Innocuus, & integer, & omni modo *inraupescit* permanet Omnipotens, scæces homini ut ab homine ortas relinquens. Ex sese unico est perditio Israël, sed salus ejus à Deo. Et hætenus, de quarto doctrinæ nostræ fundamento.

10 Sed & quintum adhuc est, non indignum quod addatur. In actibus moderandis, & disponendis hominum; bonum sanè ob finem, (quantum ad ipsum spectat) ea submittit Deus, & offert, quæ per ipsorum abusum & applicationem pravam, malis occasiones sunt, peccatorum suorum. Sed, quòd ad mala, vel improbus, vel regeneratus, hæc oblata pervertat; id ipsorum est. Formosam fœminam, coram homine libidinoso hâc, illâc transire, ut infirmos ægrosque visitet; aut ad Deum in Ecclesiâ colendum vadere, instigat dominus. Hinc, adulter, opportunitatem libidine exardescendi nanciscitur.

* Virgil Eclog. 8.

* 2. Sam. 11. 2.

* Iosuah. 7. 21.

^m *Vt vidi, ut perij.* Parum sanè dubitamus, quin ex speciali dei voluntate fuerit, ut Bethsabe, se ob oculos ⁿ Davidis ablueret: quòd verò in adulterium otiosus Rex proruperit, Davidis fuerat; qui suis moderari, & imperare affectibus tunc temporis non didicisset. Nû vestis illa ^o Babylonica, & argenti massa, Achano in tentatione, & offendiculû fuisse, nisi suo consilio dominus decrevisset & determinasset, talia irritamenta ipsius conspectui proponenda? Obluit igitur occasionem cœlestis Pater; sed, quâ homo pius evitasset, Achanus est amplexus. Sicut igitur, in Offensis distinguere consuevimus, esse Scandalum ^o datum, & Scandalum acceptis; acceptum sæpè Scandalum,

dalum, cum non datur, sic, porrigitur à Deo aliquid, quod in se non est malum, et tamē à personā accipiente, in peccatū transmutatur. Medicamentū, quod à Medico ad cholera expurgandam subministratur, cum in stomachum cholera oppressum, et repletum inciderit, et ipsum etiam in cholera convertitur. Num ex Medici errore, hoc factum est, an potius à stomacho, aut ventriculo, humore putrido exundante, proficiscitur? Verum tamen, cum infirmi, omniumq; fragilissimi naturā simus; et nisi afflatus ille coelestis, et Paracletus adstiterit, leviculo omni vento, in discrimen inextricabile ruituri; orandus est deus, et assidue implorandus, ut in ² *tērationē* nos non inducat. Quilibet enim ea gratiæ mensura non est concessa, quæ Abrahamo; quā, usque ad unici sui filij immolationem, immobilis stare poterat. Precandum est, ut ¹ *avertat Deus oculos nostros, ne videant vanitatem*; ut cohibeat linguam, sicut ostio, aut fræno. Aut si fidei, & patientiæ explorandæ causā, nos velit in probationem, tentationemque ducere, ut à ² *malo* tamen liberare dignetur, ne oneri succumbamus, et auxilio salutari destituti, in perniciem incurramus. Et certè isthæc opportunitatum ad peccandum suppeditatio, per hominum improbitatem, grandis deviandi est occasio.

² *Math. 6.13.*

¹ *Psal. 119.37.*

² *Math. 6.13.*

II. Nonnunquam contingit, ut, cum acerbę inimicitia inter duos emerferint, sceleratos forsitā, et infames utrosq;, quorū alterū, pro flagello, virgāq;, alteri esse Deus constituit, ut vel venatum, aut aucupatum, aut commoda quæsitum, hominem morti destinatum mundi Rector emittat; & itā, ut hosti armato, necesse est occurrat; qui licet (legū me-

tu coactus) manus libens noluerit conferere, nedum occidere, furoris tamen, stomachiq; violentia impulsus, et aggreditur, & ferro perimit. Occisum occisor non quaesisset, sed datum obtruncavit. Malitiosa profecto mente; ideoque peccans: Cum alium habuerit deus operandi scopum, nempe, ut sceleratos e medio tolleret, & poenas requirendo, nomen suum glorificaret. Et, ut, quod verum est, hac in re fatear, tales occasiones sic ingerendo, nonnunquam Dominus, ea, quae ex se sunt benedictiones, in severius iudicium, et profundiorē maledictionē, et condēnationē reprobū, succedere permittit. Ministeriū Verbi, est ipsū organū, et instrumentū salutis animarū; ita ut, quibus id Aeternus dispensator impertire cognoscatur, benedictionē impedere meritō videatur. Sed cum populo immorigero virisq; pervicacibus praedicatū fuerit; quorū oculi obcecātur, ne videant; et incrassantur corda, ne intelligant; in ruinā grandiore, futura est haec Verbi auditio, quia sermo, qui profertur ex praconis ore, in iudicio, testimoniū adversū, dānāq; est perhibiturus. Facilius erit Tyro, & Sidoni, quam urbibus Chorazin, et Bethsaida. Admonitiones Ministrorū, durioris rebellionis auditores cōvincunt & coarguunt. Et, quod adhuc est amplius; delusiones impostorū, et Antichristi; sic et lapsus sanctorū, ob oculos representari reprobis, et Idola colētib; facit dominus, ut, qui veneno delectatur, venenū exugāt; cum interea quae apīs esset, ex eo potius flore mel conficeret. Sic in Antichristi sectatoribus factū est; ut Miracula falsa cōspiciendo, in reprobū magis sensum tradantur; puniente illic deo duritiā cordis; nō peccante. Jeroboamus aliquando, cui Deus sui vultus

*Luc. 10. 14.

tus lumē, gratiāq; subduxisset; tāquā Idolis serviens, in æternam ruinam proculdubio est destinatus. Advertite tamen, quas ansas huic præbuit Creator omnium, ut in superstitioso vitulorum cultu pergeret. Accessit Propheta, qui aris Jeroboami, & sacrificiis, ^{1. Reg. 13, 1.} dira minitaretur; quem cum Rex vellet cōprehendere, exarscēte immediatē dextrā palam plectitur. Cum nec voce, nec miraculo, nec verbo Prophetico, nec malo suo, edoceri adhuc Princeps voluisset; quin in malitiā perseveraret, excitavit occasionē cōmodiorē, justus iudex, quā impulsus, ad suā pernitiē, Rex infidelis perrexerat. Ambitiosus, juxta habitaverat Propheta, qui prioris Prophetę glorię invidēs, (ne famā & existimatione, apud populū præiret) ad eundē accessit, et mendaciū excogitans, in nomine domini, in domū suam illū reduxit, cibūq; comedere coëgit; quā ob causam iratus & exarscēs deus, leonē miserat, qui nō obsequētē occideret. ^{Joseph. Antiquit. lib. 8, 3.} Josephus hanc historiā recitans, occasionē à domino suppeditatā arbitratur, ex quā, perversus Rex in nequitia suā perstaret, & permaneret. Cum enim, oculis suis occisum nunciū videret; cogitavit extēplō ipsum, impostorē esse; & non ex oraculo divino, sed ex suo cerebro, exitiū, in altari adolentibus interminatū fuisse. Quo pacto namq; verē possit submonere alios, qui cavere sibi nequiret? Et cum istud multoties senior Propheta, qui decipit, ingeminarēt, audaciā sumpsit Princeps, ut in vomitu suo versari perpetuō, nō trepidaret. Itā Deus operatur, proponendō hominibus ea aliquandō, quæ, quamvis ex Dei parte sint justissima, malæ tamen menti sunt offendiculo, & titubationi. Professorum Evangelij lapsus, &

notabilis error, aliquibus nostro tempore, in Papismo induratis, ita dati Scandali vicem supplet, ut refractarios magis illos, ac ab Evangelio averfos faciat.

12. Ex istis modò quasi jactis fundamentis, operantem Dei manum considerare licet; quo pacto, Agens in omnibus reperiatur, sed non Author peccati. Revocetur in mentem, quod primò patefactum est; non creatione Divinâ, sed vitio hominis, & Saranæ, accessisse peccatum. Secundò quòd mali nihil contingit, nisi permittente Domino. Tertiò, quòd subducit ipse aliquibus gratiam; & sic in peccata ruitur. Quartò, quòd in omnibus quibuscunque demùm actionibus est motus Divinus; sed non in claudicatione, exorbitatione, & obliquitate. Quintò, offerri ea per Dominum, quæ, quanquam in se non sint flagitiosa, impiorum tamen cogitata, per innatam ipsorum pravitatem, ad *avopulay* incitent. Ex istis non est difficile, in Scripturis, omnibus, quæ ex adverso videntur stare, incolumem, integramque justitiam, & sanctitatem Numinis conservare. Ut igitur, ei, primo occurratur loco, quod hujus Quæstionis ventilandæ
 7 Apoc. 17. 17. causam subministravit, 7 Reges illi, & Principes, qui Meretrici Apocalypticæ, imperia subdiderunt, fornicationem suam supremæ Majestati referre non debent. Quamvis etenim à Deo proficiscatur aliquid; à sese tamen malum. Deus igitur ijs posuit in corda, ut Bestiæ se consociarent. Subducendo illius spiritum, id ipsis in mentem venit: Cujus cum amotionis, Deus ipse causa sit; humano loquendo more, dicitur ipsis in animum suggessisse. Iterum,
 Anti-

Antichristum multa facere perpeffus est, quæ ad ejus obsequium, fluctuantes & incredulos pellicere possint, & accersere ad scortationem. Tertiò, ipsis in mentem indidit, ut ea agerent, quæ, quanquam per iniquitatem agentium transversa fuerint, & immutata in malitiam, alium tamen ob finem, à Domino facta sunt: ut Prophetias scilicet expleret suas; ut puniret fortassis inobedientiam hominum: ut justiore ipsorum condemnationem faceret. Cùm illud citatur, ^a Deum esse, qui mala condit in civitate, respondent Scholastici; sed ante illos ^a Tertullianus. Marcionitis etenim dicentibus, Deum esse authorem mali, quia scribitur, Ego sum, qui condo mala; respondet Tertullianus, esse mala quæ sunt delicta, & mala quæ sunt supplicia: mala quæ sunt culpæ; & mala quæ sunt poenæ: illorum authorem esse Diabolum, horum, deum creatorem. Trita ista sunt; & cuique obvia, nec ijs immorabimur.

^a Amos 3.6.^a Tertull. lib.^a contra Marcionem.

13 De Pharaone legimus apud Mosen, quòd indurasset cor ejus ^b dominus; quod videtur significare ^b Exod. 7.6. originem malorum, à dei duriori animo profectam esse. Respondet ^c Origenes, *Indurat Deus non agendo, sed patiendo, & non perdendo; ac si Dominus lenis de servo malo diceret, Ego eum perdidici, & corrupe: non docendo malum, sed non puniendo pro malo.* Permissionem divinam, & tolerantiam, accendisse ipsi stomachum censet. Verè quidem: at est aliquid amplius, quod habet ^d Augustinus; *Non obdurat Deus, impertiendo malitiam, sed non impertiendo misericordiam.* Quod idem est, ac si diceret, contigisse obdurationem, quia deus subduxit gratiam. Verissimè, si quid aliud; sed & tertium superest. Cùm etenim, mollities cordis,

^c Orig. lib. 3.^c apud Apoc. 9.^d August. E.

pist. 105. ad

Sixtum.

dis, & obsequendi aptitudo, per subtractionem Spiritus sublata fuisset; misit Moſen deus quovis die, qui verbū proferēdo, & signa ostendēdo, pectus ejus de integro percelleret. Cū promoveret tamen nihil, ad obdurationē cordis posteriora hec fecerūt, & transgressionē insigniorem. Sed hoc ex ipsis fuerat corrupta prius naturā, nō ex Verbo, aut Miraculis. Nō possunt ista cōparari melius, quā fabri malleo; qui si candens ferrū, & igne emollitū percusserit, in varias (licet ferrū sit) figuras efformat: sin, in metallū frigidū, aut incudem recidat, nihil aliud, quā duritiē crassiorē impertit. In crassato ex se, callosoque cordi Pharaonis, accesserunt sermones Moſis; ē quibus in majorem & rigidiorē obdurationē crevit. De Davide unū est, quod inultis iniecit scrupulū: sine causā profectō. ² Incitavit deus, inquiunt, navidem, ut numeraret populū: Et punivit tandē. Quod punierit tam severe, manifestum est peccatū fuisse. Et cū moveret Deus, ut faceret, quid ni author peccati fuerat?

² 2. Sam. 24. 1.

¹ In nota marginali Angli. cē, ad 2. Sam. 24. 1.
² 1. Chr. 21. 1.

¹ Annotarunt Genevenſes, incitasse deum, navidē, id est, Satanæ permiſſiſſe, ut incitaret. Et interpretationem suam ē libro Chronicorū stabiliunt: ubi ² expressis dixit verbis Spiritus Sanctus, stetiſſe Satanā adversus Israëlēm, et provocāſſe Davidem, ut Israëlēm numeraret. At penitiūſ aliquantō adhuc, doctiſſimēq; et sanctiſſimē, Tremeliūſ, et Junius, qui in textu ē Samuele, non hominū, sed adversariū, id est, Satanam, navidē suscitāſſe exponūt; et sic legūt, *perrexit autem ira Iehovæ, accendi in Iſrāelit as; quum incitāſſet adversarius Davidem in eos, dicendo, agē, numera Iſrāēlem, & Iehudam.* Ubi vocem, *adversarius*, minusculis literis ē suo adjiciunt supplemento: sed

to: sed adhibitâ ratione, ex phrasi Sacris literis familiaris; ubi Nomina Conjugata, Verbis suis; ut è cōtrâ Verba Nominibus inclusa latent. Ita in Verbo incitandi, latet Incitator, id est, ad malum, dæmon: in Adversando, Adversarius. Non est igitur, ut de illo solliciti simus testimonio, cum à dæmone, ad peccatum commotum davidem, asseratur.

14 Ex his quæ dicta sūt, difficile nō est, & alijs, quot quot fuerint, occurrere, secundum fidei analogiā. De

^hSehōne Rege Helbō per deū obdurato, ut Israëlitis ^{Deut. 2. 30.} trāsitu nō daret; & de reliquis ¹populis, qui etiam in ¹Iosuah. 11. 20

Canaane, à domino indurati perhibentur, respōdere paucis licet, ut de Pharaone: Subduxit deus gratiā, & occasiones datas, in perniciem eorū converti passus est. Jussit deus ^hShimei, ut davidi cōvicia, & con-

tumelias intētaret: hoc est, cōstituit deus linguā Shimei, tãquā flagellū davidi, ut ipsū peccatē corrigeret, et castigaret. In quo, cū domin⁹ poenā, et justitię executionē, humiliationē scilicet Regis spectaret; sed homo malitiosus, ut cōviciando, iræ, et libidini suę per-

placeret, malè fecit Shimei, justissimè deus. ¹Roboa-

mo deus author fuit, ut stultè loquēdo ad populū, decē tribus uno die perderet. Nō, quòd Roboamo im-

miserit imprudētiā, sed prudētiā detraxerit. Hinc, Seniorū contēptū est cōsiliū. Et Juniores prestò esse

voluit deus, qui pessima suaderent; quibus, enervato prius ingenio, et mēte, necesse fuit, ut roboamus aus-

cultaret. a deoq; ampli⁹, prophetici sermonis sui per abiā, cōplemētū; et poenā infamiliā Salomonis (prop-

ter Idololatriā) et in multas Tribus, quæ, ut probabile est, simul cum Rege suo Salomone, fornicatæ fuissent, respexit. Roboamus puerili suo satisfactū voluit

• Reg. 22. 23.

• Esai. 63. 17.

animo: Jeroboamus ambizioso Regni desiderio estu-
avit: scopus Dei, erat sola justitia, & veritas. ^m Do-
minus mendacem posuit spiritum, in ore Pseu-
do-prophetarum, qui Achabo assiterunt; hoc est,
pem isit Satanæ, ut Zedechias, & socij apud Re-
gem, mendaciter effutirent sua. ubi, cum Satanæ
Achabi interitum captaret, dum Deo cuperet inob-
sequentem reddere; supplicium, super hominem
incredulum, & homicidam, meta fuerat unica, ad
quam Jehova collimavit. De spiritu vertiginis, &
soporis immitti dicto, & de eo etiam, ⁿ *Quare errare nos fecisti Domine de vijs tuis, indurasti cor nostrum, ne timeremus te*, respondendum est ut supra, per subtractionem gratiæ, & misericordiæ non donationem, partim ista fieri, & partim, quod opportunitates tentationum Deus præbeat, quibus ipsi succumbunt. Non est, quod infinitus sim, in Scripturæ autoritatibus discutiendis; cum eadem universi Sacri Codicis sit ratio, & supremum Numen illud, quod unicum, gloriâ, & honore, & immortalitate dignum est, à labe alienum, à crimine immune, perpetuò stat.

15 Quoniam tamen, nihil quicquam ad negotium incumbens, illustrius esse potest, quam Christi Salvatoris nostri cædes, & crucifixio, uno quasi verbo, de eâ dicendum est. Cum enim insignis illa fuerat prævaricatio in populo, quod innocuum dei Agnum ad mortem duxerint; sicquæ, filij, Omnipotentis, sanguine manus suas commaculârint; & cum Judas, si quis unquam alius, in ipso prodendo, peccatum adversus Spiritum Sanctum perpetrârit, cui nulla unquam futura erat remissio; à Petro
tamen

* tamen, facta esse dicitur hæc crucifixio, definito * Aa. 1. 13.
 consilio, & præstituto Dei. Quare igitur, id, cri-
 mini hominibus duxit deus, quod futurum ipse no-
 verat, permiserat, statuerat, & in quo, si alicubi,
 suus digitus eluxerat? Non immerito. Alium e-
 tenim ob finem, occisum voluit Pater filium; ob a-
 lium diabolus; ob tertium, Judas; & quartum, po-
 pulus. Isti siquidem ut parerent Sacerdotibus, &
 Principibus; ille, ut pecuniam, suæ proditiōis præ-
 cium, lucraretur: Dæmon, ut mundi Salvatorem
 è medio tolleret; sed Creator Cælestis, ut ex mor-
 te Unigeniti, redemptio electorum, & ab æternâ
 servitute liberatio præstaretur. Audite Origenem.

*Deus tradidit Christum, propter misericordiam cir- Orig super
 ca genus humanū: quod unico filio nō pepercit; sed pro Matth. 26.
 omnibus nobis tradidit eum. Ceteri autē tradiderūt e-
 um iniquo proposito, unusquisque secundū malitiā suā;
 Judas propter avaritiā; Sacerdotes propter invidiā;
 Diabolus propter timorem, ne avelleretur de manu e-
 ius genus humanum, per doctrinam ipsius. Itā, mo-
 dum, et finem distinguit Origenes, operationum
 Divinæ, et humanæ, in nece Christi; sed disertè
 nostro instituto, applicando, et colligendo, non ac-
 commodat, ut inde excuset Deum, & accuset ho-
 minem; id quod piè, et eleganter, facit Augustinus,
 tribus locis diversis, qui sensu conveniunt.*

16 Ad Vincentium etenim sic loquitur: ¹ Cum
 pater tradiderit filium suum, & ipse Christus cor- ¹ August. E-
 pus suum, & Judas Dominum suum, cur in hac tra- ^{pist 48 ad Vin-}
 ditione, Deus est pius, & homo reus, nisi quia in re ^{centium.}
 unā, quam fecerunt, causa non una est, ob quam fece-
 runt? Itā rursus. ¹ Si pater filium tradidit, & filius ^{In Pla. 64.}
 semet-

semetipsum tradidit, Iudas quid fecit? Pater tradendo filium ad mortem pro nobis, bene fecit; Christus tradendo seipsum pro nobis, fecit bene; tradendo Iudas magistrum pro avaritiâ, fecit male. Sed & tertio: In eodem facto, invenimus Deum patrem, in quo invenimus Iudam: Patrem benedicimus; Iudam detestamur. Quare Patrem benedicimus, Iudam detestamur? benedicimus charitatem, detestamur iniquitatem. Haftenus Augustinus. Itâ, in eodem facto, ut dixi sæpius, finis ad quem ferimur, & modus per quem ferimur, diversum faciunt de rebus iudicium. Si utrumque horum justum, & honestum sit; iusta actio futura est: quod si utrumvis sit malum, in nequitie scopulos, necesse est ut factum impingat. Cum igitur (utcumque in latrinis, & cloacis immunditiarum degant homines) purissima omni modo sit Divina Majestas, cujus oculi in alijs nihil perferre immundum possunt, nedum in se, Sanctitatem domino, & Sanctitatem esse domini clamemus: Creatorem incontaminatum esse, & creaturam lapsam miserè, profiteamur. Divinam sanè in omnibus presentiam, & incitationem etiam, contemplemur, & admiremur; sed blasphemiam de eo cogitare vereamur; multo magis linguâ proferre. Calumnias Campiani, et hominum malitiosorum, quantum in nobis fuerit, doctrinæ sanæ integritate, & fidei in erudiendo prudentiâ abstergamus, & amoveamus. Et eousque ab eo absumus, ut injustitiam, vel iniquitatem, apud deum esse suspicemur, & imaginemur, ut Florinum, & illius sequaces omnes, tanquã horrendos Hæreticos, cum antiquâ Ecclesiâ condemnemus; qui malas dixit deum creasse naturas, atque sub-

Traſtat. 7. in
Epiſt. Iohan.

Exod. 28. 36.

Auguſt. de
hæreſibus ad
Quod vult
Deum.

Auguſt. de
hæreſibus ad
Quod vult
Deum.

sub-

substantias; inquantum sunt substantiae: Cujus dogmatis complexio, et necessaria conclusio, ut peccati authorem, fautoremque, Deum necesse est coarguat. In malam Florinus rem eat, et omnes sui similes, qui, sic, mali Opificem voluerunt esse sanctissimum Creatorem.

17 Sicque, tandem aliquando, de Mendacio in Rebecca fraude: de Baptismo Foeminarum, & Laicorum, in Tisippora Circumcisione: de Astrologia Judiciaria, in Cantico Deborah: de presentia in cultu Idololatrico; de facto Naamanis; de fuga Ministri in persecutione, ex discessu Pauli: de integritate, & innocentia Divina, in sermone hoc Apocalyptrico, habetis Lectiones sex. Quas, pro more Academiae, solennes (si ita loqui liceat) duo fecerunt: vestra praesentia, & attentio, viri doctissimi, gravissimi, sanctissimi, undique lectissimi; & rerum ipsarum celebritas. Utinam & ego is fuissim, qui vel lectione, vel ingenio, vel eloquio, vel iudicio, auctoritatem etiam potuissim addere. Sed habetis, quales quales fuerunt. In quibus discutiendis, illud libentissime profiteor, & agnosco; post immediatam Dei gloriam, & audientium utilitatem, illum mihi unicum praefixum fuisse scopum, ut languentium meorum fratrum spiritus excitarem, ut, si alicubi (tali potissimum in causa) sit collocanda opera, in rebus velint illustrioribus (absit verbo invidia) illam impendere; iisque, quae ad vitam communem imprimis faciunt. Digna etenim ea sunt, quae in tanta Academia, & apud tales viros pertractentur. Multum poterit, in rebus difficilioribus expediendis, varia, multiplexque lectio; multum poterit industria: plurimum autem

animus terrestribus non affixus, sed sincero Dei cultui devotus, & dicatus. Quod si assidue, et frequenti lectioni, si industriæ invictæ, & indefatigabili, si animo in pietatem consecrato, devota, humilisque accesserit oratio, beabit vos deus, fratres, summus ille, & supremus beabit deus, dicamne supra expectationem vestram? imò supra quàm cuiquam credibile est: quod ad vestrum modulum attinet. Ita, quæ ex nostrâ, qui præcessimus, desunt parte, ex vestrâ qui sequimini, supplebuntur omnia. Modò, nihil superest, post gratias ex meâ parte immortalis deo actas, quin ut divinum invocemus Spiritum, ut pro inestimabili suâ clementiâ, & misericordia, nobis perpetuò velit affulgere; ut, cum, loco Prophetarum, & filiorum Prophetarum statuti simus, ex quorum ore, in corda populi, intelligentia, & scientia instillanda sit, sic, lucis, & veritatis radio, atque facie præire velit, ut ea doceamus, quæ ad Trinitatis gloriam, ad auditorum fructum, nostramque salutem faci-
ant, in Christo Jesu, cui cum Patre &
Spiritu Paracleta, sit infinitus
honor in æternum.

Deo Gratias.



INDEX

INDEX RERVM PRÆCIPVARVM QUAE IN HOC OPERE CONTI-

nentur ; ubi prior numerus caput
significat , posterior Pa-
ragraphum.

A

Academiarum alumni
cur fugerint in per-
secutione. 5. 14.

Achani socij occisi. 4. 7.

Achilles odit dissimulatio-
nem. 4. 12.

Aegri mendacijs lactandi
non sunt. 1. 25.

Agrippa Germanus ser-
vus regnum & mortem
prædicit. 3. 17.

Alexander non baptizat
post Athanasium. 2. 13.

Amphibologica & equi-
voca responsio. 1. 20.

Amurathes Turca post
periurium Christiano-
rum in pugna Varnensi
vincit. 1. 21.

Anabaptistarum fugien-
da Ecclesie. 4. 4.

Ananias Damasci docere
poterat. 5. 15.

Ancilla quid faciet , cum

domina Missam audi-
at. 4. 17.

Angli fugerunt in perse-
cutione. 5. 5.

In Angliam Galli multi &
Belgae fugerunt. Ibid.

Anima & corpus duæ so-
rores. 4. 9.

Antichristus quam Deo
adversus. 6. 2.

Antiochus Iovianum Ar-
rianum non patitur sibi
manus imponere. 4. 4.

Apocalyptica Bestia intel-
lectu difficilis. 6. 1.

Apologi non sunt men-
dacia. 1. 9.

Apostolorum plurimi mar-
tyres. 5. 9. Eorum fuga
examinata. 5. 12. 14.

Arry fraudulentum ius-
iurandum. 1. 20. Eius
ficta pœnitentia. 4. 11.

Ascletharion Mathema-
ticus. 3. 17.

Asterismi in scriptura
nominati. 3. 4.

D d 4

Astra

INDEX.

Astra quam vim habent.

3.3.4. ab ijs non pender
terr.e fertilitas. 3.15.

*Astrologi quantam sibi
vendicant scientiam.*

3.2.5. e scripturis sua
confirmarent. 3.2. sua

revera extenuant. 3.5.

opponuntur Dei spiri-
tui. 3.6. eorum Nati-

vitates. 3.7. & Electi-
ones. Ib. & Quasita. Ib.

in Nativitatibus Ab-
surda emergentia. 3.8.

eorum Principia con-
tradictoria. Ib. Valens

Astrologos occidit. 3.
12. Hi a Romanis in-

terdicti. Ib. eorum ri-
dicula descriptiones in

Quasitis. 3.13. & in
cæli Prognosticis, stul-

titia. 3.14. Hi in max-
imis muti. Ib. loquun-

tur ut ab Astris, que
habet aliunde. Ib. Mul-

ta probata citant. 3.17.
Iis Damon vera reve-

lat. Ib.

*Astrologia Demons-
trativa non est.* 3.2. eac-
redita Dei Prophetis de-

trahit. 3.6. *Augurio*

ab Origene compara-
tur. 3.8. *Vanitas occu-*

patissima à Basilio di-
citur. Ib. à Geminis e-

vertitur. 3.9. Eius Ele-
ctiones languor Eglyp-

tius. 3.10. impediunt
humana negotia. Ib. ex

Nativitatibus ever-
tuntur. Ib. *Astrologi-*

am antiqui Philosophi
contempserunt & omi-

serunt. 3.11. Eius à
Quasitis mala in Rep. 3.

12. apud Anglos in a-
liquibus vetatur. 3.13.

cotra eam multa. 3.15.
experientia non con-

stat. Ib. Scripturis pro
eâ stare videntibus re-

spondetur. 3.16.

Astronomiæ usus licitus.
3.4. ea ex aliquorū cu-

riositate fœdatur. 3.5.

Athanasij fuga discussa.
5.12.15. Eius Apolo-

gia profugâ. Ib.

Augustino familiares Al-
legoria. 1.3. durus in-
fantum pater. 2.5. Pur-

gatorium è Traditione
capit.

INDEX.

capit. 2. 11. & de eo aliquando dubitat. Ib. eius de fugâ Ministri sententia. 5. 16.
 Author peccati non est Deus. 6. 3.

B

Baptismus in locū Circumcisionis venit. 2. 3. eius usus. Ib. quid impellat, ut mulieres, & Laici baptizent. Ib. Baptismus nullo modo aspernandus. 2. 4. ad salutē non simpliciter necessarius. 2. 4. 5. triplex est, Sanguinis, Fluminis, Flaminis. 2. 5. administratus semel tantum, aut bis in anno. 2. 6. Infantes eo carentes sepulturā Christianā secludunt Pontificij. 2. 7. eius Minister qui sit. 2. 9. ne attingant fœmina. 2. 10. 11. unde Laici Baptizârint. 2. 11. privatus Baptismus, quid sit, & unde in Ecclesiā Anglicanā. 2. 11. Baptismi

esse & benè esse. 2. 12. Laici aut fœmina baptismus nō repetendus. 2. 12. 13. 14. 15. Baptismi è substantiā, quæ sint. 2. 16. Baptizari est regenerari. Ib. Baptismi repetēdi incōmoda. Ib. Baptizare, qui Laici permittebantur. Fol.

108.

Barhoïsta ab Ecclesiā se separāt Anglicanā. 4. 4.

Bellarminus Tſipporam excusaret. 2. 8. fatetur Gratianum et Lombardū Canoni Concil. Carthag. adiecisse. 2. 10.

Bonnerus persecutor. 5. 10.

Bucerus Laicos antiquitus dicit cōcionatos. In Obſervat. fol. 107.

Bulla Pij Quinti. 4. 5.

Bulla Aurea. 4. 16.

C

Cades, & eius occasio vitanda. 5. 18.

Calanus Indus. 3. 17.

Campiani decem rationes. 4. 5. eius Dispensatio. 4. 7. calumnia contra

E e

Prote-

INDEX.

- Protestantes.* 6.3.
Cardani cum Demone cō-
suetudo. 3.17.
Cardinalis Sionis perinri-
um Helvetijs suadet.
 1.11.
Caroli Quarti Bulla aurea.
 4.16.
Carolus Quintus Augu-
stæ. 4.15.
Celare licet Medico aut
Theologo. 1.25.
Cerinthum fugit Iohānes
Evangelista. 4.4.
Chaldaei felicia falso præ-
dicūt. 3.15. sic & mor-
tem Claudio. 1b.
Christi dictum est, vitam
pro ipso deferendam
esse. 5.10. eius fuga qua-
re fuerat. 5.12. 13. 14.
Christi mortis quomodo
author Deus. 6.15.
Chrysostomus in exilium
pulsus. 5.15.
Circumcisio, Iudeis impe-
rata. 2.1. ob eam negle-
ctam ferè occiditur
Moses. 2.2. Circumci-
sa non sunt famina.
 2.4. nec Israëlita per
 40. annos. 1b. sine cir-
cumcisione Davidus fi-
lius mortuus. 1b. eius a-
lia ratio, quam Baptis-
mi quoad Ministrum.
 2.8. eius minister non
designatur. 1b. signum
erat Israëlita. 4.6.
Civile munus non facit I-
dololatram. 4.14. 15.
Claudicatio hominis est.
 6.9.
Coactus ad stare non est I-
dololatra. 4.13.
Colubraria insula. 4.2.
Commune Exordium. 4.9.
Conceptionis hora è Nati-
vitate colligi non po-
test. 3.8.
Concilium Tridentinum.
 4.7.
Constantius non baptiza-
tus usq. ad mortē. 2.6.
Cranmerus Archiepisco-
pus martyr. 5.10.
Credulitas stultitiæ parēs.
 3.17.
Crucis signo frōtem Chri-
stiani notabant. 4.6.
Curiositas iuniorum in A-
strologicis perdisen-
dis. 3.5.
Cyprianns Martyr. 5.7.
 Demon

INDEX.

D

- D**AEMON Astrologis
vera suggerit. 3.17.
Damnare potuit omnes in
ste Deus, si voluisset.
6.6.
Deborah Canticum. 3.1.
Deus purus est, & pecca-
tum detestatur. 6.3. to-
lerat tamen 6.5. novit
omnia. Ib. e malis suam
gloriam elicit. Ib. in a-
ctione author est, & mo-
tor, non in obliquitate.
6.7.8.9. occasiones dat
qua pervertuntur in
peccatum. 6.10.
Dionysius Areopagita. 3.16
Disimulatio Christianorū
non est. 4.7. frequens
est. 4.11. Deo odiosa
est. 4.12.
Docens bona ipse sequa-
tur. 5.11.
Domitianus pavidissimus
occiditur. 3.12.

E

- E**CCLÉSIA Christiana
Firmamento compara-
tur. 4.1.
Electiones Astrologorum
3.7. quid promittant. 3.
10. sunt languor AE-
gyptius. Ib. e Nativi-
tatum doctrinā, ever-
tuntur. Ib.
Electores Imperij septem,
& eorum officia. 4.16.
Elias adstitit, sed non erat
Idololatra. 4.13. eius
fuga discussa. 5.12.13.
Elizai responsio dubia est.
4.14.
Episcopi certis Diœcesi-
bus alligantur. 5.14.
Equi claudicatio nō a ses-
sore. 6.9.
Esauus & Iacob moribus
dissimillimi. 3.9. Esau-
us odio habitus. 1.1.
Esthera ob bonū Ecclesie
ad regnum ducitur. 4.19.
Ethnico data fides non vi-
olanda. 2.18.
Eucharistia Sacerdotis so-
lius manu datur. 2.10.
Excommunicatio cōtra He-
reticos. 4.4. hominē tā-
quā Ethnicū facit. 1.18.
Exempla omnes sequuntur. 4.6
Exemplum

INDEX.

Exemplum pastoris populus sequitur. 5.8.

F

Fabulae Aesopicae non mendacia 1.9.

Fames fugienda est. 5.17.

Familia Amoris se ab Ecclesiâ separat. 4.4.

Ferrarius Martyr. 5.10.

Fides supplet locum Baptismi. 2.5.

Finis actionis naturam mutat. 6.7.16.

Firmus Episcopus. 1.11.

Flaminus. 6.8.

Florini haeresis. 6.16.

Franciscus & Francisca Anglicè idem sonant. 2.7.

Franciscus Divus homicidam non detegit. 1.20.

Franciscus Valesius. 3.2.16

Franciscus Gallus periurio deceptus. 1.21.

Fraudes Pontificiorum aliorum. 4.12.

Fuga Laico in Scripturâ non vetatur. 5.4. *fugerunt pii olim.* 5.5. *fugere reuertes praetimore lapsi sunt.* 1b. *id est, tectare Dominum.* 1b.

de fugâ, Tertulliani error. 5.6. *fugiendum populo, Patres docent.* 5.7. *fugiendum non est Ministro.* 5.8. *incommoda, quae eius fugam sequuntur.* 1b.

Futura praescire est inutile. 3.15. *de futuris sollicitudo prohibetur.* 3.6

G

Gardinerus persecutor. 5.11.

Geminorum dissimilitudo, Nativitates Astrologorum evertit. 3.9.

Generatio est unica. 2.16.

Gentium aliquot vocati ante Christum. 4.1.

Georgius Brandeburgicus ex officio Civili ad Missam ingreditur. 4.16

Gerardi de Mendacio & periurio dogma. 1.14. *firmamentum eius penè blasphemum.* 1b. *scripto sua non committit.* 1b. *in participatione fraudis Christum duceret.* 1.16. *Eius rationes examinata.* 1b.

Gladium

INDEX.

Gladium coram Regina ge-
stet Pontificius. 4. 15.
Gnomoni in Horologio A-
stra comparatur. 3. 16.
Gratiā deus subducit. 6. 2.
Gratiani fraus. 2. 10.
Gubernationem supremā
Papa querit in Angliā.
4. 7.

H

Hæreticis p̄j non soci-
antur. 4. 4. hæretici, qui
& hypocritæ. 4. 11. si-
mulando non sunt ca-
piendi. 1. 26.
Helcesait hæretici. 4. 10.
Hieronymi Zanchij opi-
nio. 2. 17.
Hieronymus Savanorola.
3. 11.
Hispani fraus versus An-
glos. 1. 27.
Homicida offertur cadis
opportunitas. 6. 11.
Homo integer creatus. 6. 4.
Hooperus Martyr. 5. 10.
Horoscopus Nativitatis
vel conceptionis, num
spectandus sit Astro-
logo. 3. 8.
Howlettus propugnat An-

glos Pōtificios recusā-
tes. 4. 5. à petitione
principij disputat. Ib.
eius rationes recusandi
examinatæ. 4. 6. 7. 8. e-
ius argumēta ferè om-
nium sectarum possint
esse communia. 4. 9. illi-
us Qualificationes. 4.
15.

Hunnorum Rex se adora-
ri vult. 4. 12.

Hypocritæ presentia cu-
rant. 4. 10.

I

Iacob & Esau moribus
disimillimi. 3. 9. Iacob
dilectus. 1. 1. fratrem
decipit & patrem. 1. 2.
Idololatria iudicio Naa-
manis damnabilis. 4. 3.
& simpliciter impia est.
Ibid. idololatria infi-
ciunt. 4. 6. gestus ido-
latrias Deus obser-
vat. 4. 7. idololatria
est Romana synagoga,
& quare. 4. 9. tres pue-
ri non erāt idololatra.
4. 13. idololatriæ re-
verentia exhibenda nō
est. 4. 17.

INDEX.

Idoli tēplo extruendo qui-
dam nil dabit, quin tor-
menta potius subit. 4.

Iehu ambitione ductus. 16.
7. eius mendacium im-
probatur. 1.26.

Ieroboamo opportunitas
duritiei subministra-
ta. 6.11.

Iesuita. 1.20.21.

Ignatius Martyrij cupi-
dissimus. 5.10.

Impij nil agunt, nisi per-
mittente Deo. 6.5.

Intenti bona nō excusat
malum. 1.5.

Iohannes Evāgelista Ce-
rinthum fugit. 4.4.

Iovianus subito in lecto
mortuus. 2. 6. officio
cedit apud Iulianum. 4.

Iovianus Arrianus Epif-
copus. 4.4.

Ironia non sunt menda-
cia. 1.9.

Isaacus fraude captus.
1.2.

Ismenia Thebani fraus.
4.12.

Iudas aliud respexit in

Christi morte, quā
Deus. 6.15.

Iulianus Apostata Astro-
logis favet. 3.15. For-
tune fanum inter cho-
reas ingreditur. 4.17.
ad idololatriam milites
fraude advocat. 4.11.

Iulianus Cardinalis periur-
riū Ladislao suadet. 1.21

Iulij Firmici stultitia. 3.
15.

Iuramentum lingua non
mentis. 4.10.

Iustinianus contra Astro-
logos. 3.15.

Iustinus & uxor favent
diversis religionibus.
4.11.

L

Ladislavus Hūgarie Rex
in pugnā Varnēsi per-
iurus & occisus. 1.20.

Laici baptizant. 2.7. &
eius revratio. 2.11. lai-
ci concionatores. f.107.

Laicorum duo genera.
Ibid. laicus fugiat in
persecutione. 5.6.

Lapsi qui erant in primā
Ecclesiā. 4.3.

Lapsus

INDEX.

- Lapsus Patriarcharū sequendi non sunt.* 1.6.
Latimerus martyr. 5.10.
Leontij Arriani fraus. 4.11.
Lepra fugienda erat contagio. 5.18.
Limbus infantum. 2.5.
Liturgie Anglicane Ecclesie quid obiciat Pontificij. 4.8.
Lombardus nō tenetur in damnandis infantibus non baptizatis. 2.5. eius fraus. 2.10.
Lupus periculosum quidlibet significet. 5.17.

M

- M***agi ad Christum venerunt.* 3.16. cur per stellam. Ib.
Malum culpa & pœna. 6.12. non faciendum ut succedat bonum. 1.5.
Manichei duo faciunt principia. 6.4.
Marcionem fugit Polycarpus. 4.4.
M. Aurelij hostes procellâ dissipati. 3.16.

- Marsilij Patavini Defensor pacis.* 1.23.
Martyrium ad salutem sine Baptismo sufficit. 2.5. martyres Evangelium propagant. 5.10. & sine mendacijs. 1.13. 16.19.
Mathematici à Tacito perstricti. 3.15. cum Magis ex Italiâ peluntur. Ib.
Medicorum non est mentiri. 1.25.
Medijs ad bona utendum est. 5.17.
Megnonen Electores Astrologici. 3.10.
Melancthon siderum spectator. 3.6. eius responsio ad Saxonem. 4.16.
Mendacia Patriarcharū Augustinus extenuat. 1.3. mendacia simpliciter interdicta. 1.6. mendacium quid sit. 1.8. eius species tres. Ib. perniciosum, iocosum. 1.8.9. Officiosum quod etiam vetatur. 1.10. eo vita nostra redimenda non est. Ib. nec aliena.

INDEX.

- I. II. mēdax periuurci-**
to fiet. Ib. mendaciorū
novae species & defen-
siones. I. 13. 14. regula
Sacrificorum pro Mē-
dacys. I. 17. mētiri mi-
nime licet in divinis. I.
19 mendacia hac nova
Navarrus ex conse-
quenti evertit. I. 23.
mentiri nō magis licet
alterius causā, quam
scortari. I. 24.
Mercenarius gregem de-
serit. 5. 9.
Meretrici Babylonia o-
beditur, Deo disponēte.
6. 2. in eius sectatori-
būs quomodo Deus opē-
ratur. 6. 12.
Meteora potius quam ca-
lum, tempestates signi-
ficant. 3. 14.
Minister Verbi Baptis-
mu daret. 2. 9. ei fu-
giendum non est. 5. 8. 9.
eius exemplum populū
excitat. 5. 8. ei in peste
manendū est. 5. 19. Sed
qua cautelā. Ib. non mē-
tiretur. 1. 25.
Miracula falsa obdurant
reprobos. 6. II.
Missae impia est & thea-
trica. 4. 9. hanc quousq̃
p̃ij fugerint. Ib.
Modus actionis naturam
mutat. 6. 7. 16.
Mosis fuga examinata. 5.
12. 13.
Mulieres actus sacerdo-
tales ne exerceant. 2.
10. baptizēt nullo mo-
do. 2. 10. 11.
N
Naamā ē leprā curatur.
4. 2. colit Iehovā. Ib.
superstitiose de terrā
Israeliticā cogitat. Ib.
eius scrupulus. 4. 3. nō
idololatrā nisi consen-
sum dederit. 4. 14. cur
patriam aut officium
apud Regem non lique-
rit. 4. 19.
Nativitates Astrologo-
rū. 3. 7. ex ijs ferē bla-
sphe mia elicitur. Ib. ea-
rum in Philosophiā &
Ratione Absurda. 3. 8.
Navarrus Doctor. 1. 20.
23.
Nigidius Figulus. 3. 9. suo
gladio occisus. Ib. orbis
domi-

INDEX

- dominum natum dicit. 3.17.
 Novati haresis unde orta. 5.5. is Presbyteratum
 linquit. 5.9.
 O
 Obstetrices Israëliti-
 ca mentiando peccā-
 runt, 1.7.10. sic. 2.8.
 Occasiones suppeditat de-
 us, quae pervertuntur in
 peccatum. 6.10. & eas
 impij arripiant. 1b.
 Oceano ponuntur limites.
 1.5.
 Officijs Politicis fruuntur
 boni apud Principes
 malos. 4.19.
 Origenes per Allegorias
 literā Scripturae ever-
 tit. 1.3.
 Originale peccatū radix
 est malorum. 6.6.
 Orosius de Christianis in
 Indiā. 2.6.
 Papa quādam indulget.
 4.7.
 Parabola mendacia non
 sunt. 1.2.
 Paradoxon falso Protestā-
 tibus obiectum. 6.3.
 Parētum consensus quid
 sit in Matrimonio.
 2.2.
 Pastor bonus vitam ponit
 pro ovibus. 5.2. pasto-
 res certis congregatio-
 nibus alligantur. 5.14.
 pastoralis cura non a-
 stringuntur alumni A-
 cademiarum. 1b. ei
 quid in peste agendum.
 5.19.
 Paulus Samosatensis ex-
 communicatus. 4.4.
 Paulus persecutor voca-
 tus. 5.1. eius conversi-
 onē Satanas & mini-
 stri eius invidet. 5.2.
 eū fratres servare cu-
 piunt. 5.3.
 Peccati author non Deus.
 3.1. id homini accedit
 ut a corvino. 6.4. dege-
 neratio fuit & non à
 Deo in initio. 1b. non
 a morbo hereditario smi-
 de, sed vulnere. 1b. aut
 rubiginem statua. 1b.

INDEX

- id tolerat Deus. 6.5.
 Periodus vite prefixa nō aufert media vivendi. 5.17.
 Periurium nuper docent Romanenses. 1.12. & ei omni modo viā muniunt Iesuite. 1.15.
 Saulis periurium post eius mortem punitum. 1.19. huius exempla in Pontificis. 1.21. contra id scōma. 1b. hoc à Tulio damnatur. 1.22.
 Peroza Persæ fraus in adorando Hunno. 4.12.
 Persæ Solem adorāt. 4.12.
 Persecutio frequens est. 5.3. eius sustinenda consolationes. 5.11.
 Personalis persecutio & fuga. 5.15.
 Personæ Dispensatio. 4.7.
 Pestis flagellum Dei, et fugienda est. 5.17. 18. rationes, quare fugienda non sit, soluta. 5.17.
 hanc Turcæ non vitāt. 5.18. in eā manendum Ministro, sed quā cauēla. 5.19.
 Petrus Christum abnegat. 5.4.
 Pezelius Nativitates, Electiones & quesita dānat. 3.13.
 Pharo quomodo induratus à Deo. 6.13.
 Phavorini de Astrologiā disputatio. 3.15.
 Philippus & philippa Anglice idem sonant. 2.7.
 Philippus diaconus verbi concionator. 2.9.
 Picus Mirandulanus. 3.11.15.
 Pij Quinti Bulla. 1.17.
 Pleiades. 3.4.
 Parna sensus & damni. 2.5.
 Polycarpus Marcionē fugit. 4.4. Martyr sit. 5.10.
 Pompeius peierare non vult. 1.21.
 Pontificij post Bullam Pij Quinti abstinent à Liturgiā Ecclesiæ Anglicanæ. 4.5.
 Prasens Deo servitium offerendum. 5.11.13.
 Prasumptio de se periculosa est. 5.4.
 Principum est sacerdotes malos plectere. 1.23. ad cul.

INDEX.

cultum Dei cogant. 4.5

Priscillianista heretici. 1.

8.15. & 4.10.

*Protestatio faciēda in re-
bus scandalosis.* 4.16.

Protestātes unde dicti. Ib.

Proximus est omnis homo.

1.22.

*Ptolomaeus in Genethlia-
cis optimus malorum.*

3.15.

*Purgatorium à Maioribus
sine examinatione Au-
gustinus capit.* 2.11. &
*tamen in eo aliquando
dubitāt.* Ib.

Q

*Qualificationes How-
letti.* 4.15.

Quaestio Astrologorum. 3.

7.12. ex ijs mala in Re-
bus p. 3.12. descriptio-
nes in ijs ridicula. 3.13

R

*Rahab mentiendo pec-
cavit.* 1.7.10.

*Rebeccam qua ad Menda-
cia impulerunt.* 1.4.

*Mendacij erat & dif-
fidentia rea.* 1.6.

*Reformata Ecclesia bap-
tizant quovis die Do-
minico.* 2.6.

*Reges in religione ne dis-
simulent.* 4.11.

*Regina Anglia clemētis-
sima.* 1.16. à Deo custo-
dita & honorata. 1.18.

*Reprehendens non est ido-
lolastra.* 4.13.

*Revolutio caeli exactè non
capitur.* 3.8.

Ridleyus Martyr. 5.10.

*Roboamus unde stultè res-
pondit.* 6.14.

*Romana synagoga iustè
nos subducimus.* 4.9.

S

*Sacerdotalis functio ab
obediētiā Principum
non excusat.* 1.23.

*Sacra ab omnibus tangen-
da non sunt.* 2.9. alie-
nis sacris communica-
re nullius est religionis.
4.4.8.

*Satanas se & hominē per-
vertit.* 6.4. excitavit

Ff 2

Davi-

INDEX.

- Davidem ad populum numerandum.* 6. 13. *nil agit, nisi Deo permit- tente.* 6. 5.
Saxo gladium gestat ad Missam. 4. 16.
Scandalum vitandum est. 4. 6. *ex lapsibus alienis oritur.* 6. 11. *datum et acceptum.* 6. 10.
Schisma fugiendum. 4. 7. 8.
Scripturas Damon male citat. 4. 8.
Sehon quomodo obduratus. 6. 14.
Seminaria transmarina Anglis prohibita. 1. 12.
Sisara fugatus. 3. 1.
Shimei à Deo excitatus. 6. 14.
Solis radij factorem non contrahunt. 6. 9.
Somniorum coniectores fortuito verum loquuntur. 3. 17.
Sophista rectè dicuntur Iesuita. 1. 23.
Sors decernat de Ministrorum fugam. 5. 16.
Southwelli de periurio dogma. 1. 13. *eius firmamentum examinat.* 1. 16.
Stella in Christi nati- vitate erat extraordina- ria. 3. 16.
Stratagemata belli. 1. 27.
Superstitio potens est. 2. 7.
- ## T
- Tentationis finis.* 6. 10. *ut eam liberemur, orandum.* Ib.
Tertullianus permittit I- dolo adstare, in officio Politico. 4. 13. *eius er- ror in fugam vetandam.* 5. 6. *libros facit contra Ecclesiam.* Ib.
Thessalica Ecclesia solo Paschate baptizantur. 2. 6.
Toleratio non facit res le- gitimas. 2. 11. *tolerat peccata Deus, & quare.* 6. 5.
Transfuga Angli iurav- runt in Principis su- premum Dominium. 4. 10.
Tridentinum Conc. quid egerit de templo in An- gliam adeundo. 4. 7.
Tsippora

INDEX.

*T*ippora impedit circum- *Verbum contemnentibus*
 cisionem. 2. 1. ipsa po- *pernitiosum.* 6. 11.
 ste à circumcidit. 2. 2. *Vertiginis spiritus à Deo.*
imitanda non est. 2. 8. 6. 14.
Turca pestem non fugi- *Visitationem Dei fugia-*
unt. 5. 18. *mus.* 5. 17.
Vita amor est naturalis. 5.

V

*V*alens ex *Astrolo-*
gorum pronunciatis *Vriah propheta fugiens.* 5.
multos occidit. 3. 12. 12. 15.
Valentinianus sine baptis- *Vxori non parendum con-*
mo moritur. 2. 6. *tra Deum.* 2. 1.
Valentinianus adituum
cedit. 4. 17. *est Iuliano*
Apostata Tribunus, &
ab eodem relegatur. 1b.
Vectigale Christiani vex-
ationes redimunt. 5. 6.

W

*W*ilburnus Howlet-
tationibus re-
spondet. 4. 8.

FINIS.

